



# چىراق

ايشانچ تۇره

ايشانچ تۇره

چىراق

حكايله تۇپلمى

## يازوچى نىنگ چاپدن چىققن اثرلىرى:

1. اۋزبېك ادبىياتى فرهنگى (استاد عالم كۈهكن بىلن بىرگه لىكده)
2. حاضرگى اۋزبېك تىلى (مارفولوگىه)

## مجازى ترماقلر آرقه لى نشر اېتىلگن اثرلىرى:

1. نوايى نى انگلش (مقاله لر تۇپلمى)
2. سىنشته (حكايله لر تۇپلمى)
3. چىراق (حكايله لر تۇپلمى)

## چاپگه تيار اثرلىرى:

1. ينه قىتەمن (مىنى رومان)
2. اوچرە شە ياتگن تاغلر (شعرلر تۇپلمى)
3. بايقوش (صادق ھدايت نىنگ «بوف كور» رومانى ترجمەسى)
4. بىر قىشلاق نىنگ كۈز ياشلىرى (قصة)
5. دوتار چۇغلىرى (قادر مرادى نىنگ «سۇرمە و خون» رومانى ترجمەسى)
6. مقاله لر تۇپلمى



# چىراق

ايشانچ تۇره

# چىراق

حكاية لرتۇپلەي

ايشانچ تۇره

۱۴۰۲ ھ.ش.

## کتاب بېلگىلىرى

کتاب آتى: چىراق

يازووچى: ايشانچ تۇره

نشرگه تيارلاوچى: محبوب الله توران

صفحه لرنى ترتيبگه سالووچى: محبوب الله توران

مقوا چيزووچى: محبوب الله توران

چاپ يېرى:

نشر يىلى: ۲۰۲۳/۱۴۰۲

چاپخانه:

تيراژ:

اوشبو حكايلهريم تۇپلمىنى جاندىن عزىز سېۋىكلى عمر يۇلداشىم زھرا جان گە بغيشلەدىم.

ايشانچ تۇره

## عليحده منتدارچيلىك اظهاري

مېنىنگ شعرلرېم، حكايه و باشقه ژانرلرده گى يازگنلرېمنى بېر يېرگه تۇپلې،  
نشرگه تيارلەگنى اوچون **محبوب الله جان توران** گه چين كۇنگليمدن  
صميمي منتدارچيلىك بيلديرهمن. بيلمەن بو مشقتلى ايش جوده كۇپ پيشانه  
تېرى تۇكيش و آلتين وقتنى ايه مسليك عوضيگه عملگه آشيريلهدى. قنچه  
مقتەسم شونچه كم. بار بۇلىنگ **محبوب بېك**، چرچە منگ دېيمن. سيزنينگ  
بو اولوغ خدمتلىرىنگيز آلدیده قرضدارمن. شو اۋرىنده برچه ايجادي ايش و  
فعاليتلىرىنگيزگه پروازلر تىلب قالەمن. ينه-ده مهم و جدي فرهنگي ايشلرنى  
قىلە آليشىنگيزگه ايشانەمن. تىنىگيز ساغ، قلمىنگيز كېسكىر و كۇركم بۇلسين.

ايشانچ تۇره

## اۇقۇوچىلر دقتىگە!

قۇلىنگىزىدەگى اوشبو رساله، استاد ايشانچ تۇره جنابلىرى حكايله لرى نىنگ ايكىنچى تۇپلمى دىر. اونده، تورلى موضوعلرنى اۇز ايچىده الگن ۲۸ ته حكايه سىغدىرىلگن. بو حكايله لرنىنگ كتە قسىمى ملتىمىزنىنگ اچىق-چوچوك حيات مسئله لرى بىلن باغلىق دىر. بو رساله خلقىمىز خدمتىگە يېتىپ بارگنیده، اۇقۇوچىلرنىنگ دقتىنى اۇزىگە تارتىشى اوچون ايشانچىم تۇله.

بو رساله نىنگ يازووچىسى حرمتلى استاد ايشانچ تۇره نىنگ عمرىنى اوزون تىلشىمىز بىلن بىرگە، استاد نىنگ قلمى اۇتكىر و الهام پرى لرى او ذاتى هىچ قچان ترك اېتمىسلىگىنى آرزو قىله مىز. نصيب اېتگن بۇلسه، حماسه لرنىنگ دوامىنى-ده اۇقىب باره مىز البته!

شو اۇرىنده اېسلىش كېرەك كه، كىمىنه، اۇزېك تىلى نىنگ حقيقى خدمتكارلرىدن بىرى بۇلمىش عزيز استادىمىزنىنگ اجتماعى ترماملر ارقه لى نشر اېتىلگن اثرلرنى جمعلب، اولرنى ترتيبگە سالىب، قىتە نشرگە تيارله ياتگنىم اوچون اۇزىمنى به غايت خورسند حس قىلىب، كوچىم بارىچه بو ايشنى دوام اېتدىرىشگە عهد قىلگنمىن. حيات باقى اېسه، اولرنىنگ برىسى ترتيبلى روشده البته كه خدمتىنگىزگە يېتكىزىب بېرىله دى.

حرمتلر ايله

محبوب الله توران - كابل



## مندرجه لار

- ۱ ..... قاره باتيرلر
- ۱۱ ..... قۇزغالان
- ۱۷ ..... ألنگه
- ۲۹ ..... كوتيلمه گن خط
- ۳۸ ..... حاكم
- ۴۴ ..... بيرينچى قۇنغيراق
- ۵۱ ..... ايكيينچى قۇنغيراق
- ۵۶ ..... قاره قوش
- ۶۳ ..... كۇز مونچاق
- ۷۴ ..... اوچرە شوو
- ۷۹ ..... قلديرغاچ
- ۸۶ ..... مکتبده سينگن كۇنگيل
- ۹۵ ..... توشده گى اۋيلر
- ۱۰۰ ..... قبردن قيتگن مهمان
- ۱۱۰ ..... ابورييليش
- ۱۱۸ ..... ايلک سباق
- ۱۲۵ ..... بيرەم
- ۱۳۲ ..... بۇلسە بوتگار، بۇلمسە حكايه
- ۱۴۰ ..... قيدهسن تينچليک-آمانليک؟

۱۴۴	.....	كۆرگۈلىكلر
۱۵۱	.....	ارمان
۱۵۸	.....	اۋلىم يايىنچىغى
۱۶۵	.....	وصىتىنامە
۱۷۲	.....	غۇرلىككە شۇرلىك
۱۷۹	.....	خان آيىم
۱۸۶	.....	آق رومال
۱۹۲	.....	درد
۱۹۹	.....	بىر پرچە نان

# ۱. قاره باتيرلر

## قارە باتىرلار

قەرمانىمىز اېنگ چېككە قىشلاقلردن بىرىدە يشەيدى. ھىچ قندەى امكانىت يۇق. اونىنگ آتى ابراهيم، صولتلى كۇرىنىشى بار. اونىنگ لبلرى اوستىدە اېندى گىنە سىيرەك-سىيرەك توكلر سىزە اورە باشلەگن. اېلكەلرى كېنگ-كېنگ؛ سېر غىرت، يوزلرى آپاق، قۇللىرىدىن كوچ ياغىلىب تورگن كىي؛ تازەلىگىدىن تىشلىرى قاردەى پارلب تورەدى؛ ساچلىرى غاو، قاشلىرى قويوق، بۇيى ناوچەدىن كېلگن، بورنى اېسە قىلىچدەى، بۇيىنى ھم عادندەگىدىن كۇرە اوزونراق. كۇركلى بىر بالە.

اۇقىشدىن بىراق قالگن بو بالەنىنگ ذھنى راسە اۇتكىر، خاطرەسى چۇنگ تىنىق، اۇيلىشلىرى تېرەن. باردى مکتب اۇقىب، عالی معلوماتلى بۇلگنىدە اېدى، بىر معنادە اىگنەنىنگ كۇزىدىن نق تويەنى اۇتكۇزدەى قابىلىتى بار. بو كېتىشە، يولدوزلرنى نروانسىز اورەياتگن بۇلىب اولغەيىشى بار گپ. افشوس كە، اولكن شەرلرگە بارىب اۇقىي دېسە قۇلى يېتمەى توريىدى. اوستىگە-اوستك تىنىمسىز بى ئمر اوروشلر توپراق، قومگە اۇخشىب، انەشونقە گوھرەدى استعداىلرنىنگ كۇزىنى ياپىب تشلەگن.

كتە-كىچىك ابراهيمگە بىرار آفت دارىشدىن خواطردە. بالەسىگە امانلىك تىلەگن آتە-آنە تون و كون خداىلب چىقەدى. زۇر قابىلىتى طفىلى ابراهيمگە «قرآن»نى يادلىتىش اوچون يقىن-اوزاقدن مجاهدلرنىنگ سۇرەب كېلگنى كېلگن. بىراق آتە-آنە بونگە سىرە كۇنىشمەيپدى. اولرنىنگ نىتى بىر يۇلىنى قىلىب، رواجلنگن چىت مملكتلرگە يوبارىش. بالە اېسە اۇرتەدە سرسان.

\*\*\*

كتە بىر حادثە يوز بېرىپ، ابراهيم يشەياتىگن قىشلاققە برق تارتىلدى. بنا بۇلگىدىن بويان يالقىن نىنگ طعمىنى تاممەگن قىشلاققە نور اولەشىلدى. قىشلاق نىنگ يوزى چىقن بىر ئاچىلدى. چىقماق دەى چىقىلگن برق نورلرى، ابراهيم نىنگ ھم كۆزىنى آچدى. كەقنجىغە آتە-آنە اويىگە تلوزيون ساتىب آلىشىدى. بالەكى بارە سالىب تلوزيونى ياقدى. ماوي شىشەدن پارلەگن نورلر آرتىدىن مجازى دنيا اېشىگى ھم لىگ آچىلە باشلەى كېتىدى. نور پردەرلر آرتىدەگى دنيا جومباقلرى، معلومات آمبارىگە ابراهيم نىنگ كۆزى ايلىندى. قرەسە كە، برق سىملرى آرقەلى تلوزيون بېتىگە طرفە-تومن تصويرلر بلقىب چىقماق دە. كېتىدىن دانا كىشىلر تىلدىن معنالى فكر و چوقور اۇگىتلر يىگرەماق دە. يىنە توگەمس و اوزلوكسىز كۆزلرنى قوونەتر<sup>۱</sup> منظرەلر ترەلەيىدى. ابراهيم نىنگ اۋى-فكرلرى، زمانويى جانلى تۇلقىنلر گپلىرى بىلن اويغون-ماس. او كاناللىرى المىشتىرگن سەيىن واقە-حادثەلر تويىگە شونىغىب بارر، چىققاق بىر حالتدە موجلر بىرغىدىن سوزىب كېلەياتىگن عجايباتلر قەرىگە بېتىگودەى بۇلىب تورر، بولرنىنگ بىرىسىنى آقىزمەى، تامىزمەى قۇشنىسى نىنگ قىزى رەناگە ايتىب بېرىشگە آشىقردى.

تلوزيوندە كۆرسەتولر دوام اېتىب تورىدى: بالەلرگە آتەب نىمايش اېتىلەياتىگن قۇغىرچاق اۋىنلرى؛ چىقەلىب، شاشقىن كەمەشاق آقەياتىگن دريا سوولرى؛ شمال آلىب قاچەياتىگن مېسەلرنىنگ مەيىن سىلكىنىشلىرى، پىرلىرى نىنگ اېشىلىب-اېشىلىب رقصىگە توشماقلرى؛ حىيات بخش قۇشلىق و نفىس صنعت اثرلر اجراسى؛ تىنىب قالگن ياغمىردن كېىن بولوتلر آرتىدىن بۇزەرىب چىقەياتىگن رىگىن كەمەلكلر؛ گۆزلرنىنگ يايىب تىشلىگن تۇلغاق ساچلرىدىك تاغ بىرغىدىن قويولىب توشەياتىگن سكرەمەلر<sup>۲</sup>؛ قىز-بالە، اېر كك-عىاللرنىنگ اېركىنلىگى، جلوه ساچىب تورگن آچىق-ساچىق قىافەسى؛ قىراقلرگە شىدت ايلە اورىلەياتىگن دېنگىز تۇلقىنلرى؛ كتە-كتە شىهرلرنىنگ قاق اۋرتەسىدە كۆككە

<sup>۱</sup> قوونتماق: خورسند، شاد قىلماق.

<sup>۲</sup> سكرەمە: شىرشەر.

بۇ چۇزگن آسمان اۋىر بنالر؛ يىلاوردە<sup>۱</sup> اۋىناقلىق، يىرەب، مععرب اۋتلەياتگن قۇي-قۇزىلر؛ يم-يشىل درختلر برگرلىرى ارەسىدن چوغورلپ اوچىب-قۇنەياتگن سىراقى قوشلر؛ اشقاۋاق<sup>۲</sup> پلەسىگە اۋخشەگن آى مامانىنگ كۈكدە بې تىنىم سوزىب بارىشى؛ انه يىرگە زىن ياغدولرىنى ساچەياتگن آپاق بابا قوياش نىنگ پارلب تورىشى؛ گل-چىچكلر اوزرە تورلى-تونىس رنگلرگە قناتى چەبىلگن كپەلكلر نىنگ چرخ اوروشلرى؛ ماوي آسمان بغيرىدن يىرگە قرەب مىلتىللىب تورگن سان-سناقسىز يولدوزلر؛ خلص، اۋت-اۋنلر يىراقلىرىدن مولدىرەياتگن تامچىلر... خياللىرىنى بند اېتىدى. بو نرسەلرنى اىلك بار زنگارى اكرانده كۇرگن ابراهيم، حىرتدن برماقلىرىنى اىبەگىگە تونگنچە خيالگە چۇمدى. يورسە-تورسە رنگمە-رنگ بو طرفە عالم، اېندى، تلوزيون اكرانده اېمس، خودى اونىنگ مىيەسىدە گۈدەلنەياتگن بۇلىب قالدى. او شوندىگەچە بوندى بىر گۈزل و ياقىملى دنيا، بختيار حيات بارلىگىنى عقلىگە سىغدىرەلمەدى. ابراهيم بو كىبى بې غبار، تىنچ و آسايشتە لحظەلر بارلىگىنى شوندىن كېىن حس اېتە باشلەدى. يۇق اېسە، دنياگە كېلىب كۇز آچىدى كە، كۇرگنى فقط اوروش، كلفت، مصىيت؛ بمب، تۇپ، تانگ، مىلتىق، هر خىل اۇق يراقلىرىنگ ناخوش صداسى و قارە كونلر.

تلوزيون ابراهيم نىنگ آنگىدە توب بورىلىش يسەدى. اۋقىمىشلى بۇلمسە-دە، خيال كوچى بىلن اۋزىچە حيات و دىئانى قريچلەى باشلەدى. اۋراقدهى-اۋراقدهى سواللرگە رۇپەرە كېلەوېردى، كېلەوېردى. نخاتكى، يشش فقط اوروشدن عبارت بۇلسە، دېگن اۋى اونىنگ روھىنى ضبط اېتردى؛ ايچىنى ويران قىلىب كېتر اېدى. نخاتكى انسانلر كولگى نىمەلىگىنى اونوتىب، شاد-قووناق يششنى بىلمسەلر؟ -دېدى اۋزىچە. نېگە

<sup>۱</sup> يىلاو: چاروا ماللر اېركىن اۋتلەيدىگن كېنگ دلە، ميدان؛ اۋتلاق.

<sup>۲</sup> اشقاۋاق: پلك آتېب اۋسەدىگن، شېلاق برگلى، كرنى سيمان يىرىك سىرىق گۈللى، بىر ياكە كۇپ يىللىك پاليز اۋسىملىگى و اونىنگ تورلى شاكلردە بۇلەدىگن يىرىك حاصللى.

انسان بۇلر-بۇلمس نرسەلرگە اوچونىب، اۋلىكلرگە سىغىنب، فقط يىغلب اۋتسە-يە؟! دېگن آغىر سۇراقلر اونى كۇپ قىينەيدى.

اېورلىشلىر، اۋزگريشلىر تائىرىدە ابراهيم قىتە توغىلىشنى آرزولب قالەدى. ميبەسىدە مۇهلنىب قالگن مىنگلب قۇرقىنچلى صحنەلرنى بىردن اۋچىرىب، يوويب تشلەسم، دېدى-يو، چارە تاپەلمەيدى. بىر سىم اىچىدە شونچەلر حىرت و حكمت ياشىرىنىب يىنە مېن بىلمەگن الەقندەى سر-اسرار بۇلسە كېرەك، قوروغور بو سىمدە، دېگن فكر بىلن يورەدى. ايكى-اوچ كون بىلگنى اىچىدە بۇلىب، تفكرگە غرق يشب كېلەدى. كۇرگن-بىلگنلىرىنى بىراو بىلن بۇلىشگىسى، دردلىشگىسى كېلەبەرەدى. ھە، كۇنگلىگە سىققىنى، ايشانگنى قۇشنىسى نىنگ قىزى بىرگىنە رىنا. ھلى اونگە ايتىر گېلىرى مۇل...

الغاق-تۇلغاق زمانلردە آتە-آنەسى زومدن كوزەتىب بارماقدە اېدى. سوادسىز سادە عايلەنىنگ خوشونتسىز تورموشى بركتىدن ابراهيم نىنگ ميبەسى بوتون قالدى. او بىر كونى آتە-آنەسىگە گپ قاتىب: نېگە كۇچە بالەلرى مونچەلر قۇپال، سۇكەغان، جىگرى؟ نېگە باشقە عايلەلردە دايم اوروش؟ اكە-اوكة، آپە-سىنگىل، اېر-خاتىن، برچە-برچەلرى بىر-لرى بىلن ياقە-مشت؟ نېگە كۇچە بالەلرى شىرىن سۇز ايتىب كولىشنى بىلىشمەيدى؟ آخر نېگە آدملىر بىر-بىرلىگە اىرتقىچ قشقىرلردە<sup>1</sup> معاملە قىلىشەدى؟ نېگە نېگە، نېگە؟ -دېيە كېتىدى. -اصلىدە آدم-آدم بىلن دشمن اېمس بالم. بلكە اولر نىنگ اۋى-نىتى بىر-بىرىنى انكار اېتەدى. دنيا مېز هر خىل فكرلرگە تار بۇلىب قالدى بالم. آدملىر دومەلاق يېر ميدانىدە سىغسە-دە، اولر نىنگ نىتلىرى، فكر و افكارى سىغمەيدى؛ بىراونىنگ ايتگىنىنى قىلمەسنگ، يوروغىدن يورمەسنگ آدملىر باشىنگە عىب قەلب تۇرت كتابگە كافر چىقرەبەرەدى. دنيا شونقە بۇپ قالدى جانىم بالم. قنى اېدى، بىزنى شو غرىب حالىمىزگە قۇيشسە. پېشەنەدە يازىلگىنىنى كۇرەمىز-دە اېدى، تۇرەم،

<sup>1</sup> قشقىر: بۇرى.

قىلىچ آتە اۋغىلى نىنگ سواللىرىگە جواب قىلرکن، -عاقبت بخير بۇلسين بالەم، دېب خۇرسىنىپ قۇبەدى.

\*\*\*

... اېرتەسى كۈنى كېچ پىت اوخلشدىن آلدین ابراهيم تلویزیونینى اېسكى چاپانگە اۋرەب، نېگەدیر اوزوم زارلر آرەلب كۈترىب، آلیب بارىب، قەلىنراق تاكنىنگ تىگىگە تىقىب قۇیدی، بېكىتدی. بىر قولچ نراقده، كېگە اۋخشەگن كېكسە تاك آستىدىن اۋزىگە جاي سالیب، اېسكىراق شالچەسىنى تۇشب، بىرىنى جۇيەنىنگ بېتىگە تشلب ياتەۋېردى. آرە-سىرە ابراهيم، تویە يورسە كۈرىنمە ياتگن جۇيەلرگە؛ تاكلرنىنگ منظرەسىگە كۈز قىرى تشلەیدی. تۇلین آى نىنگ نورلر آستىدە كۇم-كۇك باغنىنگ رنگلر بۇغىق توسگە كىرگن. نظرىدە تاكلر برگلرلى انچەگىنە سۇلغىن. بىراقلر يوزىدەگى آغرىقلر و خستەلىك زنگىنى، يامغىرلر هم آریتە آلمسەدى بىر حالت. عجایب منظرەلر: تىپ-تىنىق اوزوملر كېلىنلرنىنگ برماغىگە اۋخشىب سوزولېب تورر، كەمەلكلر گىر-گىر آیلەنر؛ چتىشىب كېتگن تاكلرنىنگ بۇغىنىدە يىغىلگن شىرەسى اوزرە بىنگك، زامبىرلر این قورىب آلىشگن. يكە-يرىم تاكلرنى بى مزە ازغىشلر چنگەلى ایلە بۇغىب تورگن. حسىنى اوزوم تاكى اوستىدە اۋرگىمچك تۇرىنى يايىب تشلەگن. بىتە-يرىمتە سرغەيگن تاك برگلرلى جۇيە پشتەلىگىگە قاوجىرەب توشگن. ابراهيم انە شو جايدە توننى كونگە اولشى كېرەك. كۈنگلى غش؛ باشىدە خوف-خىطلر همان كۈلنكە سالیب تورىدى. «بىر كۈن بۇلمسە بىر كۈن باسەمە چىلرنىنگ تشلىنىشى بار» دېگن اۋىلر ابراهيم نىنگ اىچىدىن اۋتە باشلەدى. بۇز بالەدە؛ اۋزىنى تىنچىتە آلمەى، مىنگ خىيال اىچىدە اۋارە، مىنگ كۈى جن كۇچەلرىدىن سرسان-سرگردان.

بىراز اۋتمەى كۇچەدن گوسوردب كېلە ياتگن اتلرنىنگ كىشەنىشى، ابراهيم نىنگ اىچىگە غلغە سالدى. بختى كولىب شو پىت يىنگىل اېسە ياتگن تون شمالى تۇختەگن. شىغىرلە ياتگن تاكلرنىنگ آۋازى هم تىنگن. ابراهيم نىنگ قولاغى اۋدە، بېكىنىب آلگن



يېرىدىن باش كۈتۈرىپ، تېۋرەككە قرەيمىن دېسە، قوخ-قوخ قىلىپ يۈتلگۈدەى بۇلسە بىرمى؟ ياكە پىش-پىشلىب قىيىراق نىفس آلسە، بو حالت باشنى كۈندەگە قۈيىشەدى بىر گپ. ابراهيمى مرچان اسملى ايتچەسىنى اۈلگۈدەى يىخشى كۈرەدى. يىخشى يىم كە اۈشە كېچە، اونىنگ پناە تاپكىنىنى مرچان گىنە پىقەمەى قالگن. ايسىمدن بىلىپ، آرقەمدن كېلمسە كاشى، دېب دغ-دغ تىترەيدى. خىالىدە كىمدىر «سېنىمى كافر تىرآنچە ابراهيم!» دېگندەى گۇيا. قندەيدىر تېمىر قۇللىر خۇدۇ تاماغىدىن بۇغىب اوشلب، تاكلىر آستىدىن جانسىز تنەسىنى سودرب آلىب چىقىپ كېتەياتگندەى. حتى كە، بىلگىدەگى ساعت مىللىرى نىنگ چىق-چىقلىشى كتە قىامت باشلىنىشىدىن نشانەدەى كۈرىنەدى. ابراهيم بىلگىدەگى ساعتى سېكىن يېچىپ، غدىر-بودىر كېسكىنى كۈتۈرىپ تگىگە قۇيماقچى ابدى ھم كە، برماقلىرى اوچىدە شپاتدن اوزون قۇنغىر چىان اۈرمەلب كېلەيپدى. «واى داد آنە جان!!!» -دېبە بار كوچى بىلن بقىرماقچى بۇلدى. اويىدەگى ايتى، باسمەچىلرنىنگ باستىرىپ كىرەياتگن آتلىرگە آسىلىپ، ھاو-ھاولب ھورە باشلەدى. قسىر-قوسىر تاووشلر آرەسىدىن بېگىم خالەنىنگ «كىم سىللە؟ نىمەگە كېلدىلر اۈزى؟ بىزدن باشقەنى تاپمەدىللەمى؟ تۈشەنرىمىز بىر، ياپىنرىمىز آسمان، بىزلە بىر كىمىغل آدملىرىز، سىلر آلىب كېتىدىك نرسەمىز يۇق آغلەر!» دېگن سۇزلىرى ابراهيم نىنگ قولاغىگە اېشىتىلدى. يۈرەگى گورس-گورس اورەياتگن بالەنىنگ نىفسى بىردن اىچىگە توشىپ كېتدى. آغزى-بورنى اۈرەلگن قشقىرسىمان آدملىرنىنگ گېلىرىگە ايتىنىنگ ھكىللب ھورىشى خلەقىت بېرىپ تورىيدى.

- اېمچىگىنگىن درختگە آسەيمى؟ كوچىگىنگى باغلە مېكەجىن! عقلى كلتە قنىغى!!! -  
دېب غۇنغىللەدى آتىنى تىزگىنل<sup>1</sup> تورگن قارە باتىرلردن بىرى.

<sup>1</sup> تىزگىن: جلاو.

تىزگىنلەماق: جلاولب تورماق.

بېگىم خالە کوچۈگىنى قوچاغلب، اوتماقچى بۇلىب: -يا تنگريم نيمە بۇلەيدى؟ -  
يىغىسى بۇغزىگە تىقىلىپ توريب، -بىر پس جىم تورگىن جانىم، چقىرىلمەگن  
مەھمانلارنىڭ گىپى بار اېمىش، -دېدى ھىجان بىلەن مرجان کوچۈگىنىڭ باشىنى  
سىلەياتىب. ايتىنىڭ تاوۋشى پەسەيمەدى، عكسىنچە، آوازى زۇرەگن سىرى زۇرەيدى.  
نيمە قىلمەسەن بېگىم خالە ايتىنى تىنچىتەلمەدى.

بىر پىت قارە باتىرلارنىڭ شەت ايلە ايزغىب، خانەلرنى آغدر-تۇنتىر قىلىشلىرى باشلەندى.  
اېلكەلرەيدە كلاشنىكوف قورالى كۇترگن؛ بىتلرەنى جون باسگن، بىر يىلدە ھەم بىر بار  
حمام يوزىنى كۇرمەگن، توغىلىدى كە، تىشلىرىگە بورس تېگمەگن؛ كتە ايشتانى  
بۇربايدە كلەولەنىپ تورگن قارە باتىرلاردا قنغسىگن شۇر ھىدلر ائقىب، قىلىچ آتەنىڭ  
اويىنى ايسگە تۇلدىردى. صفەنىڭ بىر چېتىدىن بېلى آغرىب، آياغى سىنىپ ياتگن قىلىچ  
آتەنىڭ قارە مەھمانلارگە قرەتە: -قرانى شفا كېلتىرەمن، خدادان قۇرقىنگلر، آنت اىچىب  
آيتەمن كە، بىز بېگنە بىندەلرەمىز، دېگن يالبارىشلىرى قولاققە چلىندى.

- سوبودىنگە سوو قويەمىز، ھلى سېن منجەلەقى<sup>1</sup>، سېن خام كلەلرنى سىخدىن  
اۇتكزىب، كىباب قىلەمىز، بۇغىزلىرىنگە ايرىتىلگن قۇرغاشىن قويەمىز، -دېدى بېگم  
خالەنىڭ اق آرەلەگن ساچلرەنى قىسىمىدە توتملەگن قارە باتىرلاردا بىرى. شوندا  
غۇبىدىن قانى قىنەگن قىلىچ آتە غىرتى جۇش اورىب عىساسىنى قۇلىگە آلرکن، اۋرىدىن  
سپچىب توريب:

- ناموسلرەنگ بارمى اۋزى سېن قشقىرلرنى، -دېپە قۇزغالماقچى بۇلدى-يو، اۋرىدىن  
تورەلمەدى؛ «وا درىغ!» -دېب اۋتيرە قالدى.

\*\*\*

<sup>1</sup> منجەلەقى: ناتۇغرى بۇلگە كىرگن؛ بوزوق.

تېرگە باتگن ابراهيم تونگى قاره فرشتهلر بيلن آنهسى آرسيدە بۇلەياتگن تارتىشوو، مېشمە، قىي-چوولرگە بىر قولاق آسماقچى بۇلدى. يەنە وهيمە باسب يانباشلەدى. قرەسە كە، پارتلشە يارىلگن قاره پولادگە اۇخشب قاپ-قاره چيان اۇنگ قۇلدىن كۇكسىگە قرەب، اۈرمەلەيىدى. شو زمان بىردن گورسىللب كۇچگن ملتىق آوازي تون نىنگ بغيرنى سۇتېب، ساكنلىكنى بوزىب يوباردى. شوندىن سۇنگ كوچوك نىنگ بېزواتە آوازي جىمىب كېتدى.

قاره باتىرلر بېگىم خالە نىنگ داد-اويلرگە قرەمەي، خانەلرنى بىر-بىر تىنتاو قىلىپ چىقىشىدى. تونگى باتىرلردن بىرى قۇلئدە كبرا ايلانگە اۇخشەگن قانلى قمچىسىنى اوشلەگنچە هوانى كېسىب-كېسىب اۈينە تردى. رحم سىز بو قاره باتىر دراۋ:

- كلمەنگى كېلتىر كافر! قنى تىلبىزىن؟ اۈغلىنگى تاپ دېمن! - اولر قىلىچ آتە نىنگ ياقەسىدن اوشلب، بىر جايگە چە سودرب باردى، - اگر اۈغلىنگى تاپمەسنگ سېنى آنگە باغلب، اۈيىنگدن آلب چىقىب كېتەمىز-دە، بىقىنىنگدن درىچە آچەمىز، - دېبە دغە سالىشىدى.

ياناغى اوزرە اونگە چە سىم-سىم كۈز ياشى تۇكە يانگن بېگىم خالە:

- اۈيىنگگە اۋت توشكورلر، تلوزونمىز يۇق بىزدە، اۈغلىم بۇلسە، يان قىشلاققە باباسى نىنگ اۈيىگە كېتگندى، او اېرتەگە، قىتېب كېلەدى، بىزگە رحم قىلىنگ، - دېبە اۈلگە يەلىندى؛ سۇنگ كۇكەگى كېسىلېب قرغىشگە توشدى.

كىر ساقاللرى سېرپەيگن تونگى قاره مھمانلر آچىق بيلن برق سىملرىنى اوزە كېتدى. يەنە بىر بار كلاشنيكوف ميليدن تر-ترلەگن بىر سىدرە اۋقلىرىنىگ قىزىل آلاوى كۇك يوزىدە چقن كېتدى. بېگىم خالە نىنگ يايىلگن ساچلرى مرجان نىنگ قانگە باتىب ياتگن جسدنى يايىب تورر، عيال نىنگ محزون كۈزلرى بىداۋ اتلر هۇل قىلىپ كېتگن لاي اچىدىن قىلىچ آتە نىنگ بۇم-بۇش جايىگە قرەب تىكىلردى.

كىشەنە ياتىن ئاتلارنىڭ توپور-توپورلىرى باشلىدى. گوسور-گوسور ايچىدىن قىلىچ  
آتەنىڭ: -آه تنگىم اۋزىڭ مدد بېر، اۋزىڭ پناھىنگە آل بىزنى!! احوالىمىز بىر  
سېنگە عيان!!! جگىرىمىڭ بىر بۇلگى، تابوتىمنى كۈترە ياتىن اۋغلىم، تىلب آلگىم  
الوداع ابراهيم!!! عمر يۇلداشىم، عزيز ياستىقداش بېگىم سېن بىلەن ھەم خىر باد! اېندى  
الوداع، الوداع!!!! دېگەن سۆزلىرى اوزاق-اوزاقلردن ايلس-ايلس اېشىتىلىپ، كېيىن  
جىمىپ كېتىدى.

\*\*\*

اۋشە تاك پناھىدە رەئانىڭ عكسىنى بىرگە باسىپ ياتىن ابراهيم، اونى تىلمەس  
سرداشىنىڭ يارقىن خاتىرىسىنى اېسلە ياتە دىر اېدى. سلطنت تىختىگە چىقىپ آلگەن  
حكىمرانگە اۋخشەگەن، بەھىيت چىيانىڭ شىرپەسى، اۋتە ھىجان و قۇرقوودن ھوشىنى  
يوقاتە يازگەن ابراهيمنىڭ ساووق تەنەسىدە، حكىم سورردى. نامراد ائە اېرى قىلىچ ائە و  
عزيز اۋغلى ابراهيمنىڭ داغ و ماتمىدە اۋرتە قالدى.

۲۰۱۱

تورانتو، كانادا

## ۲. قۇزغالان

## قۇزغالان

قۇزغالان نىنگ بىرىنچى كۈنى اېدى. توشدن سۇنگ، كوتىلمە گندە، رادىودن يىنگرە گن كېسكىن ھىجانلى «كۈى» ترەلماقده اېدى. بو عادى بۇلمە گن بىر فوق العادە وضعىتى اېسگە سالردى. يورتدە قندەيدىر بىر اولكن حادثە، بورىلىش يوز بېرگىندىن دلالت بېرىب تورىدى. سراسىمەلىك كۇلكەسى آستىدە اوزون قولاق گپلر ھمە ياققە ترقلگن... بىردىنگە چومالى اينىگە سوو قوینگندەى بۇلىب، بوتون مملكت تۇزىدى؛ آدملر ھم آياققە تورىب قۇزىدى. نىمەلىگىنى بىلمسە-دە، انسانلر «انقلاب» دېگن سۇزنى اۋشندە اېشىتگن بۇلدىلر. ماھىتىنى كېنىراق بىلىب آلىشىدى. مامە قلدىراققە اۋخشب دەشتلى گومبىرلب كېتگن «انقلاب» چقماقلىرى اۋز آرتىدىن قندەى ۋھىمەلى تىتراق، قۇرقىنچلى پارتلىشلر، ھىيتلى قۇپارىشلر، شدتلى تېرەنىش، وىران قىلگووچى سىلكىنىش و اۋپىرىلىشلر آلىب كېلىشىنى ھلى ھىچ كىم اۋىلب كۇرمەگن. تىنچ ىشب كېلەياتگن آلامان<sup>1</sup> بو نرسەلرنى قىدىن بىلسىن. «ىشەسىن يۇقسىلر!!!»، «ايشچىلرگە شان-شرفلر!»، «اۋلسىن باىلر!!!»، «ىشەسىن دەقانلر!»، «آلغە، آلغە و آلغە!!!» شعارلر قولاقنى قامتگە كېلتىردى. كۇزلرنى قمشتىرووچى الوان يلاو، بىراق و بىراقچەلر كىشىلر قۇلىدە شدتلى ھىلىپىردى؛ قلدىرغاچگە اۋخشەگن قىز-يىگىتلر قىرمىزى كىيملرگە بوركنىب، «انقلاب» ترانەلرى آستىدە، مارشلر تۇلقىنلىرىنى وجودگە كېلتىرگنلر. انقلاب نىنگ بىرىنچى كۈنى. اېندى بو ياغى ھورا-ھورالر... توتىب آل، اور-بىقىت، سلە دەپسە كلەلرنى كېلتىرىش...

<sup>1</sup> آلامان: اۋز-اۋزىدىن، كوتىلمە گن حالده تۇپلنگن آدملر؛ خلاق.

ساعت ايكيگە دۇر شەر آدملرى، بازارچىلر، مکتب اۇقووچىلرى قۇلرىده دسته گلر توتگنچە، ينگى مەھماننى كوتىپ آيش نىتى بىلن بلدىه ميدانچەسى آلدیده تۇپلنىشىدى. آنىقراغى هر ياقدن سورىب كېلتىرىلدى اولر. بىر آز اۋتمەى، كېتمە-كېت تىزىلگن بېش-آلتى ماشىن غير اېتىب شەرگه كىرىب كېلدى. شادىانه هورالر كۇتورىشگن آلامان قىچقىرىلرى ايله «يشهسىن خلق!!!»، «يشهسىن انقلاب!»، دېگن شعارلرنى آىته باشلىشىدى. بىرىنچى قارەمتىر توسدهگى جىپ مۇتردن بىلکلرى تورىلگن، اوزون بۇيلى، قباغى آسىق، بروتى سىخ-سىخ، تورقى قارەيگنراق بىر كىشى توشدى. گولدوراس قرسكلر آستیده، ينگى حاکمنى باشلب كېلىشىدى. زىنه دن تىپه گه كۇترىلىب بارەياتگن حاکم موشتومىنى بالغەدېك توککن حالده تۇغرى بارىب، منبرنى اېگلله دى و آدملرگه قرهته آتشىن نطق قىله كېتىدى. قۇپال كۇرىنىشلى، لقمەلىك قىلىشدن تايمەى، سۇكانغىچ بو شخس دغل سۇزلرنى آيتىشدن قالمەدى. بو تعىنلنگن قۇرساق<sup>۱</sup> حاکم ابدى. هىچ نرسەنى بىلمەى، انگرەبىب قالگن اولوس نىنگ كۇنگلىنى آووتىق سۇزلر بىلن آلگن بۇلدى حاکم تۇره. ينگى حاکم «ق» حرفىنى آىته آلمسدى. كىمدىر آرقەدن «بونىسى هم اۋشه دغەلردن-او!»، دېب غۇنغىلله دى. شو پىت اۋزىنى سېرگك توتگن كىشى: «تېلىنگنى تىي<sup>۲</sup>، كلفت و درىدرلىكلر هلى آرتده؛ آمان بۇلسك كۇرەمىز باغدهگى باغ گلنى!» - دىپه بايهگى آدمنى تىرسگى بىلن تورتىب قۇيدى. حاکم انقلابى نطقىگه دوام بېردى:

- اوو خلق آگاه بۇلىنگ! بوگون كلەخۇرلرنى اېزىب ينجىش دۇرى. بىلىب قۇىنگ: سىز بوگوندىن باشلب قرضدن آزادسىز، اۋز تقدىرىنگىزگه اۋزىنگىز خۇجه بىن سىز! دېگن گىلر قىلىب كىمغللرنى باىلرگه قرشى آبدان قىرەدى.

<sup>۱</sup> قۇرساق (قۇرس): كىشىگه قىقى تېگەدىگن؛ قۇپال، دغل، تۇنگ.

<sup>۲</sup> تىيماق: بىرار ايش -حرکتدن تۇختهماق، اوندن اۋزىنى ياكە كىمسەنى قىتماق؛ باسماق، اېرک بېرمىلىك.

عمر بۇيى كېكىرتكى گەچە قىرۇگە باتىب، بىرى ايكى بۇلمەي كېلەياتىگن، يۇقسىلارنىڭ ھەم يۈرەك توگونلىرى آچىلىب، وجودى يىرەب يازىلدى. خودى، ابلەكلەردىن تاغ آغدىرىلگندەي بۇلىب، شو ايكى ساعىتلىك نايشدىن يىنگىل تارتىب، چوقور-چوقور نفس آلگن بۇلدىلەر. قووانگىدىن كۇز ياشى ھەم قىلدىلەر. كۇپچىلىك «انقلاب» دن اۈز ھامىتنى بىلدىردى اۈشندە. شو وقت يىغىلىشىگنلەر آرەسىدىن بېش كىشى سوغوربىلىشىب، اۈزلىرى بىلن اېرگىشتىرىب كېلگن گۇدك بالەكىلەرنى ھاكىمىنىڭ آلدىگە آلىب چىقدى و كېلىب ھاكىمىنىڭ يانىدە تۈرىب آلدىلەر. اۈزلىرىنى بىرىن-كېتىن مەنە بۈندە تىنىشتىرە بېردى:

- مېن خاك عبدالصمد دھقان مەن. مەن شو اۈغلىم عبدالرزاقنى انقلابگە بېردىم، -دېدى اۈغلىچەسى نىڭ قۇلىنى ھاكىمىنىڭ قۇلىگە تۈتە ياتىب.

ھاكىم اېسە، بالەنى كۇكرەگىدە كۇتريب: -مەن، يشەسىن انقلاب فرزندلىرى، -دېدى يۈمروغىنى<sup>۱</sup> ھواگە سالايتلى سىلكىب-سىلكىب قۇدى.

گلدەگى آدم قىلىچ اكه ابدى. او ھەم تۇرت يشر بالەسىنى يىتكىل كېلرەن، اۈزىنى مەنە بۈندەي تىنىشتىردى:

- مېنى ھەملەرىز تانىسىلە. كىمىغىنىڭ باشقە نرسەسى بۇمەيدى. مېن ھەم مەنە شو اۈغلىم مەنە نظردى انقلابگە بېردىم، -دېدى سېۈىنگىدىن و اىچىدە قوۋانچ بىر قىيافەدە.

نوبت اۈچىنچى آدمگە كېلدى. اۈزىنى مەنە بۈندەي تىنىشتىردى او:

- بىلىب قۇيىلە، مېن بايلرنىڭ قۇلىدىن كۈن كۇرمەگن بىر قلاش<sup>۲</sup>، ياقە يىلنگ تىنگى قول مەن. بىلەسىلە، ياشىم ابللىكىدە بۇسە يىم، شو انقلابگە عىسكەر بۇلىشىگە تيار مەن. اۈغلىچەم تۈردىنى بېردىم انقلابگە.

<sup>۱</sup> يۈمروغى: مۇشت.

<sup>۲</sup> قلاش: مۇس، قىساق.

شو ذىل تۇرتىنچى، بېشىنچى آدم ھەم يۈرەگى نىنگ بىر بۇلگى بۇلمىش بالەلرىنى انقلابگە تارتىق قىلدىلەر. كۆرىنىشەن نوبت اوزونلشىپ بارردى. اولر بىرار بويورتمە اسايده اېمىس، چىندىنم كۈنگىل امرى ايله شو ايشگە قۇل اورىشىدى. ايشانگىدىن شوندى قىلىشىدى. شوندىن سۇنگ حاكم نىنگ شدتلى رۇدەپا<sup>۱</sup> و بېمزه سۇزلىرى اداغىگە يېتىدى. سۇنگ نىمايش كېتىدىن نىمايش باشلىنىپ كېتەۋېردى؛ ھوراگە ھورالر اولشىپ كېتەۋېردى. كىمدىر سوريك-سوريك قۇيلرىنى، يىنە كىمدىر پىكال-پىكال يېرلرىنى انقلابگە بېغىشلەدى. نىمايش-مېتىنگ شونچەلر كۇپەيدى كە، ايرىم آدملر وقت تاپەلمەي، اۈز كىسب و كار، تىرىكچىلىك و يوموشلرىدىن ايرىلدىر. بو وضعىتىدىن چمەسى بىر آى اۋتىگن اېدى. گولدىرېر يارىلگن انقلاب چىماقلىرى كېتىدىن طوفان، داۋول، قىران<sup>۲</sup>-سورانلر<sup>۳</sup> باشلىنىپ كېتىدى. آدملر «انقلاب»گە قرشى قۇپدىلەر، سېل كىبى قلقىپ اياقلىنە باشلىدىلەر. قىشلاقلردن آسايشتەلىك آرىي باردى. كۇچە-كۇيدە آدملر آره سىيدە «قارە رويخط»، دېگن عبارە پىدا بۇلدى.

\*\*\*

كۇپ اۋتمەي، باش-باشداقلىك<sup>۴</sup> اۋجىگە مىندى. مجاھدلر قىلمىشىنى حسابگە آلمەگندە، بىر-بىرىدىن اۋچ آلىب اۋلدىرىشلىرنىنگ اداغى يۇق. مصىيت اوستىگە مصىيت. يىنە اوزاق-يىقىندىن مشئوم خبرلر ترقەلە باشلىدى. توتىلەر قنچە؛ اوشلب آلىب كېتىلگن قنچە؛ جاىيدە، اوييدە آتىب اۋلدىرىلگنلر قنچە... ھەر تور جىنايتلرنىنگ كېتى كۇرىنمە ياتىر.

<sup>۱</sup> رۇدەپا: بې اۋخشاۋ، قۇبال، بې سۇنقەي.

<sup>۲</sup> اۋلدىرىش، قىرغىن.

<sup>۳</sup> سوران: كوچلى شاوقىن، شاۋ-شوو؛ كتە قىينچىلىك، مشقت.

<sup>۴</sup> باش-باشداقلىك: ھىچ قندەي ترتىب-انتظام بۇلمەگن، ھەر كىم اۋز باشىگە ايش توتگن؛ اۋز باشىمچە، بې باش.

شهر ساكنلىك اغوشىده تىنچ آلهياتگندى. قىشلاقلر بىجىرىم اويقوده ابدى. بو يپرلرده يگه-يىرىم ايتلر نىنگ هورىشدىن تشقرى مطلق ساكنلىك حكمران. تىنچ آدملىر شىرىن اويقوده؛ خوش-ناخوش توشلر مىيەلر قىلمى بۇيلىب واقعه-حادثة تۇقىتگن بۇلسە عجبمىس.

يىر اوستىده، آسمان تگىده؛ آى چىقمەگن يىر آقشامده؛ بوتون جانزاد تىن آلهياتگن آنلرده؛ يازگى تونلر نىنگ سقلين كېچەلر يىدن بىرىده؛ توننى كونگە اولب اولخلىشدىن محروم چال-كمپىرلر نظرىده؛ يىرىم تونده بېش آتر مىلتىق كۇچدى. زلورالى مىلتىق تاووشى تون نىنگ قاره ياپىنچىغىنى چاك-چاكىدن سۇكىب يوباردى. شو تون تىنچلىك دېگن آلتىن وقت زىغىردەى ساچىلىب كېتىدى. مىلتىقلر آلدىن-كېين بېش مرتە اۇق اوزىلگىنىدن، هاو-هاولب تورگن ايتلر نىنگ-ده اوازى اۇچدى. قارانغى كېچە جىم-جىت ساكنلىك شهر باشىگە قلىن اورتوگىنى<sup>1</sup> ياپىب قۇيدى. يولدوزلر آلتىن بلداققە اۇخشىب قاره چادر آرتىدن مولتىللىب كۇز ياشى قىلگندەى تاوله نردى. تونگى شمال الله قىسى چىرقىرب يىغله ياتگن خاتىنلر، قىز و گۇدە كلرنىنگ نالىش و اينگرەشلىرىنى اىلك بار تىنچ قولاقلىرگە تامچىلىب تامىزه ياتگندى...

۱۹۸۸

شېرغان

<sup>1</sup> اورتوك: پرده.

# ۳. آنگه

(رومانتیک حکایه)

## النگه

(رومانتيك حكايه)

ياشلىگىم بې باشلىگىم... كۈچەنى چىنگىتىپ، اۇرتاقلرىم بىلن اۋىنىشدىن ھلى تۇيگىم يۇق پىتلر اېدى. آينىقسە گلېھار جان بىلن يىشىنمەچاق اۋىنىش - جان و دلېم! لېلرېم اوزره مەيىن توكلر اېندى سايه ساله باشلەياتگن. اۋيىن آره گلېھارنى باله لچە اېركەلب، بىر قوچىب قۇيەمن. چۇلپىللىتىپ كۇمەسىدىن اۋپەيىن، دېسەم اۋيەلەمن. ياناقلىرى اوستىدە اۋىنب تورگن كاكچەلرېنى شىمال آلب قاچگندە، يورەگىم آرتىدىن قوويپ يېتەلمىدى. او قاچەدى، مېن قوۋەمن. يېتەلمەگن وقتىمدە كلە پۇشىمنى آلب بالدېرلرېنى گزلب آتەمن. قىقىر-قىر كولىچلرېدىن ذوق آلەمن. بالدەى تىلدىن مېن اوچون اۋوتىق سۇزلر تامىب تورردى. گلېھارنىنگ يىغىسى ھم كولىگىسى ھم قاشىنىنگ اوستىدە. كون بۇيى تۇيىب-تۇيىب بىرگە مستانە اۋىنىشەمىز. اۋيىن قىزىگن تابدە، آتم-آتم ايش-يوموشگە چقىرمسەيدى كاشكى، دېيىم اىچىمدە. بىرار يېنگىل قىلغىم سىب گلېھارنىنگ مېندن رنجىب قالىشىدىن قۇرقەمن. شونىنگ احتىياطدىن ايش آلەمن. يوز بورمەسىن تەغىن او مېندن، دېگن اۋىلرگە بارەمن. باردى او مېندن يوز اۋگىرسە بارمى، آسمان اۋىيلىب باشىمگە تۇنتىرىلەدى... بوندن بدترراغى ھم يوز بېرىشى مېمكىن. شوندى بۇلسە بارمى، سېوېنچلرېم اېندى آپاق موغچەلەگن اۋرىك گللىرى دېك بىردىن تۇكىلىب بېرگە توشىشىدىن ھدىك سىرەيىم... سېوگى لذتىدىن ھلى تاتمەگن اېسىم-دە، قندەيدىر شىرىن توپغول حسلرېمنى قىتقىلەي بېرەدى. گلېھارنى تېز-تېز كۇرگىم كېلەبېرەدى... وقتلرېم اونىنگ خىالى ايلە قارىشىب كېتىگن. اونگە مۇقتاولر ياغدېرىپ،

قۇشلىقلار تۇقىب دلىمدە زمزمە قىلىپ يوره من. همەدن مەھمى گلبهارگە قۇشنى اېكىنمىدن  
اغزىم قولاغىمدە. اونى باشقە بالەلردن قىزغانەن. آينىقسە غلەمىس دنگلدىن  
خوفسىرەيمىن. ياقە وىران بې مزە بالە اېدى. شادىانە قووناق لحظەلرېمىز تۇى، بىرەملرگە  
اولشىب كېتەدى بەضاً. بې غبار بالەلىك انلر اېدى او زمانلر!

\*\*\*

بوگون قربان ھىيتى! ھر يىلى ھىيت كېلىشىنى اىنتىق كوتەن. مېن ھىيتگە عاشق  
بۇلگندىم تۇغرىسى. بو كونلردە كۇپلرېنىگ مرادى حاصل بۇلر، مېنى دە اوستىم بىتر،  
آياغىم كاووش كۇرر، اېگنىمگە چاپان ايلېنردى. شوندى يىنگى كىيىم-باش بىلن اتم  
مېنى سىلر اېدى ھر ھىيتدە. كېلىشگن قىزلرنى اىتمەيىن. تىنىق يوزلر يىسن-توسنلر  
بۇياغىدە تاولنەدى. بۇيىنلردە خفەبند، برماقلردە اوزوك، قۇللردە بىلك اوزوكلر، قولقلردە  
سىرغەلر، بورونلردە بورونچاق، يناقلر قىپ-قىزىل، مەملر قىزىل آلەملرنى اېسلتەدى.  
زلف و كجكلر ايلان و چيان كى كۇرىنىش بېرەدى. گېژدەلە-گېژدنگ چىلدېرەمە، دىف  
و دايرەلر اونى<sup>۱</sup> يوره گىمگە غلغە سالر اېدى...

خورسندچىلىگىمىدن اېرتەلب تورىب آلب، يوز و قۇلىمنى يويوب، تۇق ماوي كۇيلك-  
اىستانىمى كىيدىم. اتم بۇلسە ياقەمىنىگ باغلىرىنى يىخى نىتلر ايلە بايلەدى و مېنگە  
اىت تىككن طومارچە گللى قىزىل تاقىنى باشىمگە قۇندىردى. چىزىق-چىزىق، يۇل-  
يۇل يىشىل تۇنچەمنى اېگنىمگە ايلدى اتم. انە شونقە، ھىيتگە تيارگرلىك زۇر بۇلردى  
اۇشە كېزلر. شەردن اوزاقراقدە يشەيمىز. اوچ-تۇرت چقىرىم اياقدە يورىب، نمازگاھگە  
بىتېب آلىشىمىز كېرەك. اتم نىنگ يۇلگە چىقىشىنى صبرسىزلىك بىلن كوتەن. خوددى  
پايگە قۇيىلگن تايچاقدە سىكرب-سىكرب توشەن سويونگىمىدن...

\*\*\*

<sup>۱</sup> اون: سېس، آواز.

بوگون قربان ھىيتى! اتم بۇلسە اغىز آچمەي، طھارت آليب، جامع مچىتىگە چىقىشگە شىلەنر ابدى. اتم نىنگ تۇنى نىنگ اۋنگىرىگە آسلىب آلدىم. قربان ھىيت نامازىنى اۋقىگىنى آتە-بالە جۇنەدىك. اصلىدە اتم مېنى: «اۋغلىم سېن ھم اېندى امت بۇلدىنگ، بېش وقت نامازىنگىنى اوزمەي اۋقىگىن، اولوغ ھىيت كونلرى اماملردن اۋگىت-نصىحتلر اېشىتگىن، ايمانلى-ديانتلى بۇلگىن بالم!»، دېب عىدگاھگە آليب بارىشگە تيارلر ابدى. اۋن آلتى ياشنى تۇلدىرىش آلدىدەمن. بىرەملردن ھم كۈرە، اۋيىن-كولگى مراقلى ابدى مېن اوچون. يەنە ھىيتدن قىتىب كېلىپ، اۋشە «بالەلىگىم پاشالىگىم!» دېگن اُمىدەدەمن. تېنگفورلر بىلن اۋىنېب، مىرىقىب كون اۋتكزىشدن يىخشىسى بۇلمسە كېرەك. يامانلر قۇيىشسە بىزنى بالەلىك گىتىمىزگە. راست گپ، بالەلىك ملىكىگە كۈز آلەيتىرەياتگن، بو طبعىي ابركنى بالەلردن تارتىب آلەياتگن كىمسەلر آز اېمس تېورەك-تاشىمىزدە. كېلەجك قاراغنى...

\*\*\*

بو ھىيت ايلك بار عىدگاھگە بارىشىم ابدى. بۇساخە ھتلب كتە كۈچەگە چىقىشدىك. «منە مېن ھم بىگىت بۇلدىم» قىلىپ، قۇشنىمىزنىنگ اۋيىلگن پىخسە دېوارىدن بۇيىمنى چۇزىپ، سەتنگ بىگىتلر قاتارىگە قۇشلىگىمنى كۈز-كۈز قىلىش مقصدىدەمن. شوندا يەنە «منە مېن كېتىدەم گلبھار!!!» -دېبە بىگىتلرگە خاص صلابتلى قىچقىردىم. قۇلىدە كۇكىمتىر سفال كاسە اوشلب تورگن گلبھار ھم، قىقىردەگنچە كولىدى و مېنى كوزەتگنى دروازەگە چىقدى. «ھىيت قوللوق! يىخشى بارىپ كېل مراد!!!»، دېب كوزەتىب قۇيگن بۇلدى مېنى. مېن بۇلسە، آدملر آرەسىدە كىچكىنە گودەم بىلن فاتحلرگە اۋخىش اىشتراىلش بىلن آلغە آدىملەيمىن.

قىشلاقداشلىرىمىز بىلن آت-اولاولردە اوزاق-يىقىندن كېلەياتگن يۇلاوچىلر اقمىگە قۇشىلدىك. گېردەيگنچە كېتەياتىپ، اورتاقلرىمگە آتەيىن «ھى بالەلر!» -دېبە قۇل كۇترىب كۇرىنىش بېرەمن. ايلان ايزلى يىنگى تۇنچەم نىنگ شىرازەسىنى سىيرىپ،

تېكىسلىب بارركنمن، «قنى اېندى كتهلر صفيگه قوشىلگىم ذوقىنى گلېهار اۋزىب تويسه يدى، كۈرسه يدى» - دېمىن ايچىمدە. يۇل باسەمىز، قوياش آدم بۇيى كۈترىلگندە عىدگاھگە يېتىپ باردىك. كته جامع مچىتدە تومنات آدم، جاي نمازلىرىنى تۇشب، قبلەگە يوز بورە ياتگندى. بىز ھم جاي نمازىمىزنى تۇشب، صفگە تىزىلىپ، تىزەدە چۈككەلب اۋتيردىك. مېن ھم اتم نىنگ ياندىن تىزەمدە چۈكدىم، يېرلشدىم. بندەلرى صاف كۈنگىل ايله تسبيح اعدريشىب، يره تگنگە ذكر ايتىب، ھىيت نمازىنى اۋقىشگە چاغلنە ياتگندى. مۇملرنىنگ يېرگە كۈز سوزىب الله گە توبە - تضرع قىلىشلىرىدىن جودە قتيق تاثرلندىم. خودى فرشته لەرگە اۋخشىب بۇشلىقلردە پرواز قىلە ياتگندە يمىن. اما، نماز قندە ي باشلىب، نيمە بىلن توگەشىدىن يخشى واقف اېمىمىن، گرچند اتم توشىنتىرگن بۇلسەلر ھم. نمازلىكنى يخشى دۇندىرىپ اۋقىي آلەمىمىن. ايتلرنى ايتىشە گېپم چوۋەلىب كېتەبەرەدى. «ف» حرفىنى ايتىشگە تىلېم اۋگىرىلمە يدى، ايلنەمە يدى - دە. چلە - چولپە بىلگنلرېمنى معنالەي آلەمىمىن. تىلېم عربچە گە يخشى كېلىشمە گىدىن تەيىب كېتەمىن. ايزە<sup>۱</sup> بۇلىشدىن قۇرقىب، ركوع و سجدەنى بىر - بىرىگە االمشتىرىپ قۇيمە يىن تەيىن، دېگن اۋى حكمران مېندە؛ شوندىن كۇپ خواطرده اېدىم. باشقەلر باش قۇيسە مېن اياقدە توريپ االسە؟!...

\*\*\*

بارىشىمىز بىلن باش امامنىنگ وعظلىرى كرنى، اواز كۈترگىچلردن<sup>۲</sup> يىنگرە ياتگن اېدى. اۋشە صحنەدن اېسىمدە قالگىنىنى ايتىم: يازنىنگ اۋرتەلرى اېدى. ھوا دېم، بۇغىق. جامع مسجد شەر ارقەسىدە جاپلشگن. ھىيت طفىلى شەرنىنگ غلە - غاۋورى اېندى تىنە ياتگندى. سماۋار، ھوتلردن كۈترىلگن قويوق توتون جامع مسجد اوستىدىن تۇلغەنە - تۇلغەنە سوزىب اۋتەدى. تنگرىگە التجادە بۇلگن كىشىلەرگە بو منظرە يخشى عيان اېدى.

<sup>۱</sup> ايزە ~ استەزا.

<sup>۲</sup> اواز كۈترگىچ: لاود اسپىكر.

قيامتن گپ كېتىدى، قوتغو<sup>۱</sup> تىمىزنى چولغى، روھىمىز قىت-قىتىگە كىرە بارىدى. باشىمىز اوزره اغىر سىكوت چۆككەن. ھەممە پروردگارى بىلەن رازلشماقەدە. ياشى اولوغلار آخرتى اېسلىب، سىم-سىم كۆز ياشى تۆكماقەدلەر. مۇئم-مىسلمانلار خىدا خىزىرىدە جىزا و حساب-كىتاب كۈنىگە خىزىر و ناظر تورىشىدى. مېنىنگ خىيالىم قىشلاغىمىدە - گىلبھاردە. مېن ھلى يىنگى كىيىمىنى بۇيداشلىرىمگە كۆرستىب اولگورگىمىچە يۇق. اىچىمىدە گىلبھار ياققەن مىنگو اۋت تىشقىرىگە آنگە آله ياتگەندە گۇيا. ھوش و خىيالىم اۋشنگە بند. تىنگرى خىزىرىدە بوندە احوالگە توشىشىگە مېنگە اذن بېرىلمەگىنى، كېيىن-كېيىن يىتەم قاتگەندە انگىل بېتىدەم. اولوغ ايام كۈنى، او يىم نماز اوستىدە گىلبھارنى اېسلىگەن گىناھ دېبە يازىلگەن بۇلسە كېرەك. توشونىب يېتىدەم، گىناھ اېكەن بېلىم! وعظىنى يىخشى توشونمەسەم، عربچە گېلرەنىنگ مىعناسىنى بېلەسەم-دە، بار وجودىم بىلەن بندەلىك ارادەتى اىلە تىنگىلر اېدىم. ياش بالەمەن؛ قىسى گىناھىم اوچون توبە قىلەيىن؟ شونىنگ اوچون خىيادە كۆپ بارە بېقىلىب، قاقىلىب يىغلىشىگە تيار اېمىس اېدىم. بالەمەن-دە، كولىشنى يىخشى كۆرەمەن، كولىشنى. باش امام خىزىرتلىرى چۆزىق ساقاللىرىنى كىتىگە اىشقىلەب تورىب، تاماغىنى قاقىب، تاووشىنى صافلىب وعظلىرىگە دوام بېرىب جىملەدن شوندى دېدىلەر: «مۇئم-مىسلمانلار! الله يۇلىدە چىدىملى بۇلىنگىز، رىيىم سىزنى سىنەماقەدە. اونىنگ يۇلىدە ھەممە نرسەلرىمىزدەن وازكېچىشىمىز شىرط. جانىمىزدەن ھەم! روھ و جانىمىز اونىنگ آلدەدە گراو. خدانىنگ بوىروغىدن بۇيىن تاوولب بۇلمەيدى. پىغمبەرلر اوللا شو بوروققە اطاعت قىلىب، اۋزلىرىدن فداكارلىك كۆرستىگىلەر. مەن قرەنگ كە، بندەلىك خىقە خىزىر ابراهيم اولوغ تىنگرى شىرفىگە اۋز اۋغلى اسماعىلنى قىربان قىلماقچى بۇلەدى. اۋشندە خىزىر ابراهيم اۋغلى اسماعىلنى قىربانگاھگە آلىب چىقەدى. اونى بېقىتىب، سۇيماقچى بۇلىب، بۇنىگە پىچاقنى تىرەيدى... -دېدى-بو، آدملىر

<sup>۱</sup> قوتغو (قوتغو): قۇرقوو باسىش، قۇرقوو.

ھۈنگ-ھۈنگ يىغلىشىگە باشلەدى. مېن اېسە ۋەھىمەگە توشىپ، تامىرلىرىمدە وحشت يورگۈرگىلىپ، قارە تېرگە باتدېم. قۇرققىمىدىن سىكرب اۋرنىمىدىن توردېم. ابراھىم اكەنىنگ اۋغلى اۋرتاغىم اسماعىل اېسىمگە توشىپ كېتىدى، يىغلب يوباردېم. قۇرققىمىدىن كوچىم بارىچە چىرىلىپ بقرىردېم. و اۋرنىمىدىن سىچىپ، تىسەرىلىپ، عىدگاھنى ترك اېلب، بىردن زىنغىللەدېم<sup>۱</sup>. كاووشلىرىمنى قۇلىمگە اېلب، ارقەمگە قرەمەى قاچدېم. كېلەياتىپ، مېنى گلبھار بو احوالده كۇرسە نې بۇلركن؟ دېگن خياللر اىچىمىدىن اۋتدى. بالەلىك ذھنىم سۇراقلىرى ھجومىگە قالدى. نېگە اللهگە قان كېرەك؟ دېگن سوال اىچىمنى كېمىرە باشلەدى...

ۋاى داد! كۇز كۇرىپ، قولاق اېشىتەياتگن گپ بۇلمەدى. بالەلرنى بوندەى جايلرگە اېلب بارىش شرطمىكن؟ -دېب اۋىلب قالدېم. بالەلىك روھىمنى قوتغو پرچەلب يوباردى... جانىم بارىچە قىشلاغىمگە قرەب يوگوردېم. چاپە-چاپە اوبىمگە ائمنىنگ قاشىگە يېتىپ الدېم. يۇلدە مېنى تنىش، ناتنىش كۇرگنلر ھم بۇلدى. بو گونگى غرورىمگە درز كېتىدى شېكىللى، دېب اۋىلەدېم اۋزىمچە. كېلە سالىپ، بىر چوقور خۇرسىنىپ، ائمنىنگ قۇينىگە باشىمنى قۇيدېم. اقرگن رنگ و قوتىمنى كۇرگن ائم «خىرت بۇلسىن بالم» قىلىپ، بسم الله، بسم الله، دېب بىردن قارەكوبە اىچىردى و سۇرەدى: -نىمە بۇلدى بالم، نمازىنگنى اۋقىمەدىنگىمى، ائنگ قنى؟ -ائم باشىمنى سىلەى تورىپ.

- ملا امام ھىيت نمازىدە: «اسماعىلنى ائەسى يىچاق بىلن سۇيماقچى بۇلگن...» - دېدى. ائەىم اۋز بالەسىنى سۇيەدېمى؟ -دېب وحشتگە توشدېم. قۇرققىمىدىن قاچىپ كېلدېم ائە جان، -جواب قىلدېم ائمگە. يئە ائم دۇپاسلمەسىنلر، اورمەسىنلر، مېنى سىقلنگ، دېب ائمگە يالباردېم.

<sup>۱</sup> زىنغىللەماق: جودە تېز يورماق، زىبىللەماق، غىزىللەماق.

بو احوالىمنى كاشكى، گلېھار كۆرۈسەيدى، دېگن اۋى ايچىمدن اۋتەياتگندى يم كه، او قۇلئده اېندى تئدىردن چىققن بوغداى نانېنى كۆترىب، حاولىمىزگە كىرىب كېلدى. اويتىدن دراۋ اوى تۇرىدەگى بېشىك آرتىدە بوسىندىم، بېكىنىب آلدىم اوندن... بو قىلغىم اوچون آدمىن راسە كلتك بېسىم كېرەك، دېب اضطراب ايچرە ھنسىرەش بۇلدى. ايچىمگە تىترەتمە توشگن. بو ايشىم بىلن آنمى خورسند قىلمەگنىمدن افسوسدە اېدىم...

\*\*\*

نماز اۋقىلىب، آدمىلر ساوغە-سالاملىرى بىلن اويلرىگە قىتەياتگندى. كۇپ اۋتمەى آتم ھم اويگە كىرىب كېلدىلر. اوىنىنگ بىر چېتىدە بو كچەيگنچە اۋتىرىب قالدىم. بىردىنگە تال برگىدېك تىترەى كېتىدىم. كۆز اوچى بىلن آتمنىنگ اوضاعىنى بىر-بىر كوزەتدىم. آفتىدن آتمنىنگ اچىغى چىققن-و، بىراق، مېنى اورردېك درجەدە اېمس. تىغىن آنم مېن اوچون بھانە تۇقىى باشلەدى. بىر-ايكى پىالە كۇك چانىنى ايچىب، ھاوورىدن توشدى آتم. مېنى كايشگە باشلەدىلر. كىفېتىم توشىب سۇلىگنمىن؛ اېرتەلېكى شت مېندن آرىگن. ھىيت آلدى يۇلبرسدېك غوروللې اېسىم، منە اېندى قناتلرى شلپەيىب توشگن موسىچەگە اۋخشىب تورىمىن. شوندىن كېىن آتمنىنگ يوزىدن كولگى قاچدى. نىمە بۇلسە بۇلر، فقط شولرنى گلېھار بىلمسە بۇلدى، -دېمىن اۋزىم بىلن اۋزىم. اۋزى اسرەسىن، بىلسە بارمى، سويگىم سىنىب، ساچىلىب بىر پول بۇلمەى قالەمن. -آتنگى شرمندە قىلدىنگىمى ھلى سېن تىرآنچە؟ ھلى آدمىلر آلدىدە يوزىمنى يېرگە قرەتدىنگىمى؟ كۇچەگە چىقمەگودېك قىلدىنگىمى؟ آدم بۇلمەيسن، سېندىن ھىچ نرسە چىقمەيدى! - دېب راسە كايدىلر آتم. ھوا گولدىرب، چىماقلەدى-يو، ھر نې، ياغمىر ياغمەى اۋتدى اوستىمدن. اۋشە كونى ايچىم زردابگە تۇلدى. يرە اوستىگە گزەك... شوندىن كېىن

<sup>1</sup> بوسىنماق: بوقىنماق، بىشىنماق.

آتمنى يامان كۇرىپ قالدىم. آتم كۇزىمگە اشدى دشمن بۇلىپ كۇرىندى. آينىقسە آتمىنىڭ: «سېن ھىچ كىمىنىڭ دردىگە تېگمەيسن، بىلىملى بۇلمەيسن!» دېگن سۇزلىرى سويك-سويكلرىمگە سىنچىلىپ دارىدى. گلبھارگە كېرەك بۇلمىس اپكىنمن، دېپ ايزىلىپلر كېتىدىم.

\*\*\*

اېندى اۋىلىپ قرەسم، اۋشە ياشدەگى حركىتىم طبعىي بىر حال اېكن. بالە روحى سىنىشىنى ھىچ كىم اۋىلىپ كۇرمەگن. اويدە، كۇچەدە، مەكتەپ، مچىت، تۇى-بىرەملردە خىشونت. بوندەى شرايطدە بالە ساغلام اۋسىشىگە ھىچ قندەى كفالت يۇق. او كتەيبىب جمعىتدن اۋچ آلمەى قۇيمەيدى... چونكە، اونى مھىط شوندەى خۇرلەگن. خالص، بو گونكى بۇلىپ اۋتگن گورونگنى يازغىرەى، اىچىمنى بىر بۇشتەى، دېپ اويىمدن كۇچەگە چىقىدىم. رۇپەرمەن ابراھىم اكەنىڭ اۋغلى، جانە جان اۋرتاغىم اسماعىل چىقىپ قالدى. اونى كۇرىپ سويوندىم. اسماعىل كىفىتىم بوزوقلىگىدن خىرتلىنىپ: - نىمە بۇلدى، تىنچلىكىمى؟ - دېپ سۇرەدى.

اسماعىلگە بارىنى اىجەلب<sup>1</sup> ايتىپ بېردىم. - سېنىڭ حقىنگدە يامان اۋىلرگە باردىم، اۋرتاغىمىسن-دە، - دېدىم اونگە. اسماعىل اېسە، «چوق-چوقلب» مېنگە ھەمدردلىك بىلدىردى. بىر آز دردىمنى آلدى. سۇنگ سھبىتىمىز باشقە موضوعگە كۇچدى.

\*\*\*

باشىمدن كېچىرگنلىرىمنى گلبھار بىلمەسەن زارە! ابرويىم توشەدى، مېن كىم دېگن بۇلمەن؟! ھلى حلاوتىنى كۇرمەگن، طعمىنى تاتمەگن سېوگى اۋتىنى اۋچىرىپ قۇيمەيىن تەغىن، دېگن اۋىلرگە بارەمن. گلبھارگە نسبتاً عشقىمدن ھىچ كىم خىردار اېمس. اېندى اۋىلىپ كۇرسەم گلبھارگە نسبتاً كۇنگلىمىنىڭ جىزىلشى عقلى مھبەت

<sup>1</sup> اىجەلب ~ ھجالب.

اېمىس اېكن. شونچە كە، بېغبار بالەلىك تويغولرى اېكن. بالەلىككە خاص ساغىنچ، مەر اېكن اۋشەلەر. قىشلاقلردە سېوگى حقىدە سۆز بۇلىشى ھەممەن اېمىسدى. بونى بىلىشسە بارمى، ئەندەن اېمىگن سوتىمنى بورنىمدن يىلتە-يىلتە قىلىپ چىقىرمەي قۇيمەيدىلەر. تېرىمگە سامان تىقىشلىرى انىق. سېووش، سېوولىش گنا بىزدە.

\*\*\*

شوندىن سۇنگ اتمىنىگ گېلرىگە تېرس حرەت قىلە باشلەدەيم. مەكتىنى يەشى اۋقىمىن، دەپ اۋزىمگە سۆز بېردەيم. ناياب ساحەنى تىلەدەيم. اونگە نىسبەتاً ايچىمدە ھەممە قىزىقىش ھەمدە اىستەك بار اېدى. اۋقىش بىلەن بىرگە ساحەمگە ايد مەھمەكتابلرنى تۇپلەپ، اۋزىمنى يەشىلەپ قوراللىتىدەيم. ايخچەمگىنە كىتابخانە تۈزدەيم. يۇقاتىگن دىنامىنى كىتابلردن قىدەرە باشلەدەيم. سىنگن، غىژدەلنگن شەخسىتەيم ارەنىنگ قىرگىندىسىگە<sup>1</sup> اۋخەب، كىتابلار ارا ساچىلىپ كەتتى گۇيا. مېن اېندى انە شو زىغىردەي بۇردەلنگن «مېنىم» نى كىتابلار ورقلىردىن بىتە-بىتەلەپ تېرىپ، تىكلەشەيم كېرەك. يۇقسە، مېندە يىشىگە چانس يۇق درجەدە، ايلگرىدە قىلتىسەن وضعىتلەر بار، دەپ كۇپ اۋىلەدەيم.

\*\*\*

اولغەيىپ، كىتابلرنى تىتەكلەي باشلەدەيم. يىللەر دوامىدە يىققەن كىتابلەيم ورقلىدە يەشى-يامان خاخرەلەيم موزلەپ يانگەندى. ھەر بىر سطرىدە نەگەلەيم مەرجان دەپك تۇكىلگەن. اۋشە پەيتلرى (اۋقىش يىللەيم) كىمەلر بىلەن اوچرەشگەن؛ قىلرەندەن قىتەپ كېلگەن؛ كىتاب دوكانلرنىنىگ انقىب تورگەن ھىدى؛ ستودىنتلرنىنىگ، قى-چو قىلىشىپ، فاكولتەندەن چىقىشلىرى صداسى، داملەلرنىنىگ علم-فەندەن بېرگەن سباقلىرى اھارى؛ قىواشنىنىگ ايسىق تەفتى، ساپەلرنىنىگ ساكنلىگى، ياتاقخانەنىنىگ كېچكى فۇساسى؛ چىراقلىرنىنىگ كولىپ تورگەن نورلرى... انە شو كىتابلار ايچىدە جاي تاپگەن. كىتابلر بىلەن سۆزلەشەن؛ اولر

<sup>1</sup> ارەنىنىگ قىرگىندىسى: ارە پورەسى.

اېرىنمەى مېنى تىنگلشەدى. بىراق، مېن اولر نىنگ سۆزلىرىنى اېشىتەلمەيمەن. كىتابلار ھەم مېنگە اۇخشىب، خستە، ھارغىن، افگار، اىچلىرى تۆلە حسرت.

اوزاق ملاقاتدن سۇنگ، آخرى كىتابلار بىلەن تىل تاپىشەلمەى، باشى بېرك كۆچەگە تىقىلىپ قالدىم. اتم نىنگ ايتىگنلىرى اېسىمگە توشدى. راستدن ھەم ھىچ كىم بۆلەلمەدىم مېن. اتم نىنگ ايتىگنلىرى تۇغرى چىقىدى... اۇقىگنلىرىم نىنگ نانىنى بىيەلمەدىم. بىلگنلىرىمنى بىراولر بىلەن بۆلىشەلمەدىم...

چارە تاپەلمەى كىتابلاردن اۇچ آلماقچى بۇلدىم. كىتابخانەنى بۇشتىب، ھاولى نىنگ اۋرتەسىدە قەلشتىردىم عزيز كىتابلىرىمنى. بنزىن ايدىشىنى ھەم زېرخانەدن آلىپ چىقىدىم. قۇلىمدە گوگرد، كىتابلارنى ياقىشگە جزم قىلدىم. ياقمەسم بۆلمەيدىگنە اۇخشەيدى. مېن كىتابلارگە: سېنلر مېنگە وفا قىلمەدىنگ، دېدىم... شو پىت قرشىمدە گلېھار پىدا بۇلدى. قربان ھىيتى كونلرى گىپرىب بېرگىم اۋشە سىز بىلگن گلېھار. اېندى او كىچكىنە قىز اېمس، اېسىنى بىغىب آلگن، كېلىشگن، كۆركلى انسان. اونىنگ ھياتى، تورموشى ھقىدە ھىچ نرسە بىلمەيمەن. او سۆز و صنعت كوچىگە ايشانگن؛ كىتابسېور بربستە قىز... او ھمە گلېلرنى مېنگە ايتىپ بېرگىنچە يۇق. بو گونكى تراژىدى نىنگ شەھدى بىرگىنە گلېھار. او كىتابلارنى قوتقىشگە شاشىلردى. گلېھار: -مراد اكە قىلمىنگ بو ايشنى، شىطانگە ھى بېرىنگ، قرارىنگىزدن وازكېچىنگ، -دېدى او.

اھمقانە ايشگە قۇل اورە پاتگىمىدن راضى اېمس اېدىم. يىللر خاطرەسى كۆز اۋنگىمىدن بىر-بىر تىزىلىپ اۋتە باشلەدى.

- كىتابلارنى اېمس، قۇى اۋزىم نىنگ سىنىب بۇلگن شخسىتىمنى ياقەيىن، اۋتمىشىم نىنگ كولىنى كۆككە ساوورەى، -دېدىم گلېھارگە. و برماقلىرىمدە توتىب تورگن گوگردنى چقىشگە چاغلندىم. يەنە گلېھار مېنگە يىقىلىش، زارلىب يىلىنىب التماس قىلدى:

– ياقمىڭ مراد اكە! اچىقدىن توشىنىڭ، كىتابنى كۆيدىرە ياتىڭ قارە كۈنلەر آرتدە قالدى. قارە كوچلەر اېندى باشىمىزگە ساپە سالە آلمەيدى. بىلىم مېۋەلە ياتىڭ پىتەر ھلى آلدىندە، –دېدى يۈپە تىش معناسىدە...

كۆزلىمگە ياش آلىنىپ، ھىجانلىرىم بۇغىمىزگە يىغىلىپ، توگون – توگون بۇلىپ تىقىلدى. گلبھارنىڭ تولا قىلىشلىرىگە قولاق آسمەي، تۈكىلگن بنزىن اوزرە گوگردنى چقىدىم. بىردىن كىتابلەر لاپىللا يانە باشلەدى. اولردىن كۈترىلگن آنگە ماوي آسمانگە اۋرلب<sup>۱</sup> كېتدى. كېچىشىم نىڭ بېھودە كۈللىرىنى آخىرگە چە كۈرىشگە كۈنگىلىم بېتلمەدى<sup>۲</sup>.

۲۰۰۵ – تاشكېنت

<sup>۱</sup> اۋرلەماق: يوقارى كۈترىلماق، بىندىل بېتماق.

<sup>۲</sup> بېتلەماق: باتىنىپ بېتمە – بېت كېلماق، رۇپەرە بولماق، يۈزمە – يۈز كېلىشگە جىرت قىلماق.

# ۴. کوتيلمه گن خط

## كوتيلمە گن خط

- مېنگە قرە، سوادىم اۋرتە بۇسە يم، حىيات، كىشىنى غوجغان<sup>۱</sup> اۋى و تشويشلىرگە قارىب، فىلسوف قىلىب قۇيرىكن؛ ياش اۋتگن سىرى آدم نىنگ حىياتگە قرەشلىرى چوقورلىشىب بارەوېرىكن. مېنىنگ ايچىم عقللى گپلردن تۇلىب كېتگن. قولاق بۇلسە بس، مغزلى گپلر-و، اۋگىتلردن قنچە كېرەك بۇلسە تۇقىب تشلەى بېرەمن؛ مېندن آلەوېرسىن شاعر اكەلرېمىز. سۇزلرېم نىنگ آستىگە: «بازار، لالە زار، آزار، مزار...» - دېگن قافىەلرېنى تىركب قۇيسەلر بۇلدى، نقد حكمت نىنگ اۋزى بۇلەدى قالەدى. توشىندىنگىمى خاتىن! يىخشى يم سېن بار اېكسنس بو يالغانچى دنيادە. يۇقسە ايچىم غمبادە بۇلىب، ترسە يارىلىب اۋلردىم. آندە-ساندە سېنگە دردىمنى آيتىب ايچىمنى بۇشتىب تورەمن هر قلەى، بارىنگگە شكر، -دېدى طبعىتى سېل تىنىق تارتگن متىن خاتىنىگە. و برماقلىرى آرسىدە بورقىب تورگن يۇغان سىگار نىنگ آخرگى توتونلرېنى شىمىرىب-شىمىرىب تارتدى.

- منە بو بىر كاسە ناردان گىنە قتيقنى ايچە قالىنگ، كىنراق ايسىققىنە كۇك چاى دىملب بېرەمن آتە جانىسى. يىخشى اوخلمە گنسىز، بايە باشىز آغرىگندى، اوستىگە- اوستك چرچە گنسىز، بىر آز دم آلىنگ يانيزدەمن آتەسى، -دېيە قۇلىدەگى چىنى كاسەنى خان تختهگە قۇيدى دلبر. يانىگە اۋتيرىب آلىب، آزگىنە كنجىد ماى سوريب، اېرى نىنگ اېلكەلرى، بۇينى و كۇكرەگىنى بىر-بىر اوقەلب<sup>۲</sup> قۇيدى رحىمى كېلگىدىن.

<sup>۱</sup> غوجغان: شىخس ياكە نرسە نىنگ معلوم درجەدەگى حرىكتلى تۇپ حالتى؛ غوج، تۇدە.

<sup>۲</sup> اوقەلەماق ~ اوقەلەماق.

متين قالاق يورتدن رواجلنگن مملكتگه مهاجر بۇلىب كېلگن. دولت حمايه سىده يشب كېلەدى. اۋسۇرراق آدم. حياتدن اۋكسىگن يېرلىرى جودە كۇپ. يىقىلىب، قاقىلىب، كۇرمەگن عذابلر عوضىگە اېللىك ياشگەچە يېتىب كېلگن. قىسى يىرىدن باشلب، نىمە بىلن توگتىشىنى بىلمەيدى. زۇر بېرىب خاتىنگە تشلنەدى. قانون ايشلەياتگن آزاد اۋلكەدە يششىگە قرەمەى، مىنغىللەى-مىنغىللەى دلبرنى اېزىب، كۇكەگىنى كېسگن. بۇلمەغور نرسەلر اوستىدە اويدە هر كون جنجل.

شنبە كونى اېدى، اېرتەسى دم آلىش. متين و دلبرلر نىنگ شنبە، يكشنبه كونلرى ائىق قىلەدىگن رېجە و ايشلرى يۇق. آرەلر ساووق، مناسبتلر ترنگ تارتسە حضور-حلاوت قالدەدىمى عايلەدە؟! بېشتە قىز، هر بىرى بىر دنيا. اولر نىنگ كۇنگلىدن بارىب، آيەب يشش آسانمى؟ تىنچ حياتدەگى خونابە سبب ساعت، هفتە، آى، دېگن توشونچەلر اېسلىرىگە هم كېلمەيدى.

بولر يشەياتگن شەردە قەرتان قىش فصلى حكمران. بولوتلى هوا رحمىسىز تېپەدن تيش قىرەيدى. اۋتە ايزغىرىن، اطرافگە منفى ۳۳ درجەلىك ساووق چۇككن. آيلر آلمشىب، نق بىر هفتەدن كېين كېچە-كوندوز تېنگلشەدى. بو قەرتان اوزون كېچەلرنى متين آتملىشىب، قىتە-قىتە اۋزىچە مراقلى اۋتكزىشدن اۋزگە چارەسى يۇق. شونگە عمل قىلىب هم كېلەيدى او. سىقىلىشلرگە برداشى قالمەى، «آب رحمت» دن نجات اىزلب يشەيدى. اونىنگ بو گونگى احوالى ىنگىلىك اېمس ذاتاً. بې سۇنقەى، قىلىقلرى غلطى. گزەكسىز سىپقرەدى پىالە-پىالە عراقلرنى. اىچىش نىنگ باشىدە-ياق غىمىرلشگە توشەدى؛ اۋرتەسىدە آغزى كۇپىكلب<sup>۱</sup>، شتەلاق آتېب فلسفە تۇقىيدى؛ آخريدە اېسە يارىلگن پوفكدەى شلپەيىب تۇشكدە ياتىب آلەدى. آخرگى كونى كۇپراق اىچگىندىن راسە چرچەدى؛ كىفى آشدى، اېسېدن آغىب بې حال بۇلدى. كۇرپەچەسىدە يانباش

<sup>۱</sup> آغزى كۇپىكلەماق: معناسىز، قوروق نرسەلرنى تىلگە كېلتىرماق.

ياتىن مەتن قىزىرىپ، بۇزىرىپ، جايىدىن بىر توردى، بىر اوزلدى، تاولدى، تۇلغىدى، سۇنگ شىرە كىف بىر ھالەتتە ايچى توتاقىب، عادىتتەگى دانالىگى توتىپ، يەنە سۇزگە كىردى: -«بىشىت خاتىن! -سۇزىگە زۇرغە دوام بېردى، -پر-خاتىنلىكىنى ھەر كىم ھەر نەرسەگە مېنگەيدى. بىراو «بىر قوش ھۆكىز» دېسە، باشقىلارنى «ئاي بىلن قوياش» گە اۇخشتەدى. بو تصويىرلار يىخىشى-كو-يە، بىراق، شىرەسى، مزە-يو بۇياغى كىمراق-دە، نەزىرىمدە. مېنگە قالسە، اپرنى - قوياش، خاتىننى بۇلسە كۈنگە باقرگە<sup>1</sup> تەقاسلەگن بۇلار اېدىم. بوندى مەنا كۇپ.

- نىمە، دىنيا اچدىزمى بو اۇخشەتەشنى قىلىپ، ياكە ادبىياتدە بىرەر يىنگىلىك يىسردىنگىزمى؟ آدمزادىنىگ اېلكەسىدەگى آغىر يۈكنى يىنگىللىتىمىدۇ؟ اۇخشتەسىز، اۇخشتەسەيسىز، شو اېسكى تېگىرمان تىقىر-تىقىر ايلنەبېرەدى، خۇجەيىن! اۈرگىلدىم پىلسە-مىلسە بىزىزىز، -دېدى و باش بىرماغىنى ياناغىگە توتگنچە، كۈلگى ارەلش جىلمەيىپ قۇيدى دلېر.

مەتنىنىگ قانى قىنىب غۇبى كۈزىدىن تاشەبېردى. و دلېرگە قرەب:

- ھلى گېمىگە تېرس ولدىرەدىنگى سېن مېكەجىن! -  
- مىلى بو گل كېچىردىم، سۇزىمنى خوب تىنگلە. بو اۇخشەتەشنىمە مەنا بار خاتىن. بو دېگنىم، سخاوتلى قوياش بېرگە نور ساچىپ يۈكسەكلىكىدىن پارلە تورەدى، بو قندە يىخىشى! كۈنگە باقر اېسە اچىق يۈز بىلن، يۈمشاق و مەيىن جىلمەيگن بىر كۈرىنىشە قوياشگە قرەب ايلنەبېرەدى. بابا قوياش اېسە، تا يۈزىگە قارە چادىرىنى تارتەمەگۈچە، كۈنگە باقر شو ذىل اېگىلگىنچە اېورىلەبېرەدى. قرە، تىشى تاماندىن ھم خاتىن بىلن كۈنگە باقر اۈرتەسىدە مەناسىلىك، اۇخشەشلىك بار.

<sup>1</sup> كۈنگە باقر: گل آفتاب پرست.

- خى شوندهى مى ھلى؟ شاعرلىك قىلەپىسىز-و، ترازونى تۇغرى، تېنگ توتەپىسىز  
 آتەسى. بو بىلن ابر خاتىندن اوستون تورهدى، خاتىن بىر عمر ابرنىنگ حكىمىگە بۇي  
 سونىب ىششگە محكوم، دېماقچىسىز-ھە چەمدە<sup>1</sup>؟ -اعتراض قىلگن بۇلدى دلبر ھزل  
 معناسىدە. -ھە، حقيقتىنى آيتىم-دە، خاتىن. «تۇغرى گپ توققنىنگگە ياقمەيدى». -  
 دېگن مقال بار تىلەمىزدە، -دېپە قۇرس كېلدى. -بو حقيقتىنگىز مېنگە ياقمەيدى.  
 شونى بىلدىم كە، كۆپ اۇقىيىبېرىش ھم يرەمس اېكن. يىخسى يىم كە، فاكولتە-ماكولتە  
 اۇقىمىسىز. خفە بۇلمىگ-و، «عقللىلىك بلاسى...» دېگن گپ بار. -اونداق اېمس،  
 ھمە بىلگن يىخسى گپلرنى سېن بىلىشنى اىستەمسىگ، عىب اۈزىنگدە خاتىن! -  
 خاتىنلرنى كۈزگە اىلمەي، كەمسىنگن ابرككىنى كۈرىشگە كۈزىم يۇق -دېب دلبر گپنى  
 چۈرتتە كېسدى. -ھە، راست. اېسكى كتابلردە «خاتىننىنگ ساجى اوزون، عقلى كلتە  
 بۇلەدى، -دېيىشگن مشايخلر. -بو گپىز ھم ياقمەدى مېنگە آتە جانىسى. زھر-زوقومنى  
 اىچىب توگتىنگ، بارىب جايىنگىزگە كىرىنگ گۈر پنە بۇلىب. بو شاعرانە  
 تصويرلرئىنگىزنىنگ بۇياغىدن كۈرە، آغوسى، سووى-سېلى كۆپ؛ زرداب مېنىمچە. -  
 نىمەسى ياقمەدى؟ -كۈزىنى چىقىرىب بقرەيدى مېن تېنتكلرگە اۇخشىب. -نىمەسى  
 ياقمەدى سېنگە؟

- بو قۇپال و دغل گپلرئى بىلن تىلىب-تىلىب تۈزلەيسىز خاتىنئىزنى!  
 - خاتىننى ابرككىنىنگ چپ قىبورغەسىدن يرەتگن اېكن پروردگار، -دېب تۇغرى  
 آيتگنلر. چونكە، قىبورغە قىيشىق بۇلەدى، تۈزەتئىشنىنگ علاجى يۇق. تۇغرىلەيمىن  
 دېسە سىنىب كېتەدى، -شمە قىلدى خاتىنىگە.  
 - آتەسى، مېنى ھم ابرككلر حقىدە بىر اېشىتگنىم بار آتەيمى؟ -دېدى دلبر.  
 - آغزىنگ جايىدە تورىدى، تىلىنگ چىققن، آتەبېر قولاغىم سېنگە!

<sup>1</sup> چمە: اولچا، معيار. بو بېردە شېكىللى، مېنىنگ فكريمچە معناسىدە.

دلبر كۈبىنى<sup>۱</sup> آينىب، قوسىب، حالسىزلنە باشلەگن پەيتلر. قۇرققىدىن اېرىگە باشى قارانغى بۇلگىنىنى ائىتمەپپىدى آتەيىن. عاجى بارىچە يىشىرىشگە حرەت قىلەدى. آيتسە ھەم بۇلەدى-يو، بىراق، بېش قىزدن كېيىن آلتىنچىسى كىم بۇلىب توغىلىشىدىن يورەگى تەكە-پوكە. كېتەمە-كېت قىز كۇرەبېرىشدىن اېرىنىگ آلدەدە اويەتدە قالگن. اېرىدىن اېشىتىگن طەنە تاشلرى، قىيىنقلردن، يىغلە-يىغلەى تىنكە-مدارى قورىگن.

اېللىك ياشنى قارەلەگن مەتىننىگ يىلكلرىدىن كوچ ياغىلىب تورەدى. قۇپال و قۇرس كىشى. غۇرىللەگن آوازى بار. اېلكەلرى كېنگ، بۇيى بلند، دۇنگ پېشانە، ساجىگە اېندى-اېندى آق قۇنە باشلەگن، اۋستىرىب-اۋستىرىب ساقال قىرتىشلەيدى. قاشلرىنى چىمىرىب گىپەرەدى. تېز-تېز تەمەكى توتەتېش اونىنگ عادەتى. سېر توك كۇكسىنى سىلب گىپەرەياتگندە، ياشىگە يرەشمس قىلىقلر قىلەدى. اونىنگ يورەگىدە دايم اۋغىل كۇرىش توغولرى تۇلقىنلىب كېلەدى. بىر گپ باردەى عادى چىقەلىشلر بىلن تىنچىمەياتگن كۇرىنەدى بو پۇرتنە<sup>۲</sup> تۇلقىنلر. بارە-بارە سورانلب كېتىشى مەمكەن؛ شونىنگ اوچون ھەم عايلەدن تىنچلىك كۇتريلگن. بالەلرنىنگ لېلرىدىن كولىگى آرىگن. مەتىن چىت اېلدە يشەگنى اوچون اۋز يورتىدەگىدېك خاتىنگە بېملا قۇل كۇترەلمەيدى. غەرب دىيارىگە اشىب كېلىب يشەيىدى. «اۋزگە يورتگە كېلدىنگىمى، تەقدىرگە تەن بېرىدىشدىن باشقە يۇلىنگ يۇق»، -دېب كۇرەدى. آلدىنگىدېك خاتىنىنى آچىقدن-آچىق كەمسىتىب، دۇق-پۇيىسە قىلىشلرى، كەلكەشلر يۇق. ناچارلىكدن بىر آز بۇيىنى بۇشب، يوشاقلىشگن.

يەكشەنبە كۈنى بۇلدى. تەشقىدە ساووقنىنگ درجەسى آرتسە آرتەدى-يو، سىرە پەسەيمسدى. ايزغىرىقدن آدم اېتى زىرقىرب، تىرناقلر سىتىلب چىقەياتگن درجەدە

<sup>۱</sup> كۈبىنى ~ كۈنگلى.

<sup>۲</sup> پۇرتنە: كوچلى دەنگىز تۇلقىنى، اوزاق دوام اېتەدىگن داوول، بۇران؛ طغيان.

ساووق. سۇنگىكى دم آلىش نىنگ ايكى كونى كۇپ ھم تاتلى بۇلمسە-دە، اچىق و يامان ھم اېمىدى. اۋرتەدە كوچلى قانون و انتظام حكمران؛ اېنگ مھمى عياللر حق-حقوقىنى تىب آلگن بىر جمعيتدە، متين نىنگ سىرى ياغدى اېرىشدىن باشقە علاجى ھم يۇق. شكر قىلسەلر بۇلەدى-كو؛ كۇپدىن بېرى اېر-خاتىن اۋرتەسىدە ايلقلىك ھواسى آرىگن.

متين نىنگ بىر اۋغىلگە ارمانى ھلى سۇنگىچە يۇق. او خاتىنى نىنگ يوكلى بۇلگىدىن خبرسىز. كونلردن بىر كونى دلبر آخرى اېرىگە آيتدى يەنە بالە كۇرگىنى. اېر-خاتىن نىنگ اچىدە: «بونىسى كىم بۇلىب توغىلركن؟» -دېگن اۋى-فكرلر غلغلە سالىب توريىدى.

متين دلبرگە: -بالە كۇز يارشدىن آلدىن بىر داكتىرگە بارىب تېكشىرەمىز مىلى مى خاتىن؟ -دېدى دردى اچىگە سىغمەى. -مىلى آتە جانىسى، خۇب بۇلەدى؛ اوندىن كېىن نىمە قىلەمىز؟ -دېپە سوال بېردى اېرىگە. -اۋغىل بۇلسە عالي بخت؛ قىز بۇلسە آلدېرىب تىشلەيمىز، اېندى توشىنگن دېرسن خاتىن؟! -اۋزىز بىلەسىز ادە جانىسى. -اۋزىم بىلىم، اېرتەگە دوشنبە كونى تيار بۇلىب تور. -مىلى آتە جانىسى، -گناھكارلرگە اۋخشىب، قلتىراق اۋازدە اون چىقردى، -خوب بۇلەدى.

\*\*\*

دلبر اېرتەلب بروقت توردى. بالەلرىنى كىيىتىرىب، يېدىرىب، اچىرىب مكتىگە جۇنتدى. اوينى تۇلدىرىب تورگن، مير غضب متين اېرتەلبكى چاينى اچە ياتىب، خاتىنگە تىكلىب تۇنغىللەدى. -تيارمىسن؟! -ھە، تيارمن. -جۇنەدىك بۇمەسە ھم.

اېر-خاتىن اتوبوسدە اۋتېرىب، كىسلخانەگە جۇنە كېتىدىلر. يېتىب آلىب داكتىر حضورىگە كىرىشىدى. حۇسن و قامتى كېلىشگن چىرايلى عيال دوكتور يومشاققىنە سلامشىب: -مرحمت كىرىنگ، كېلىنگىزلر، سىزگە ياردەم كېرەكمى، -دېدى آتە-آنەگە شىرىن اۋاز بىلن. -خاتىنىم حاملەدار بۇلگن، قىزىمى، اۋغىلمى ليگىنى بىلماق اوچون تېكشىرىشگە

ايب كېلدىم، -دېدى متين داكتىرگە قرەب. -بىر ساعىت اىچىدە اناليز نىتىجەلەرىنى ايتەمن، -دېدى دوكتور خانىم.

دلبر تېكشىرىۋودن اۋتدى. يۈرەكلەرى دغ-دغلب، نىتىجەنى كۈتە باشلىدى اېر-خاتىن. بىر ساعىت اۋتگىچ عيال داكتىر يەنە تېسىم ايلە سلام بېرىپ كىرىپ كېلدى. سۈنگ اېر-خاتىننى اېرگىتىرىپ، خانەسىگە ايب كىردى. داكتىر «خاسر سىزگە نىتىجەنى ايتەمن» -دېيە قاغازلارنى تىتكەشگە تۈشدى و قوۋناق بىر قىيافەدە، كۈلگىچ بىلەن نىتىجەنى اعلان قىلدى: -خانىم و جناب، سىزلارنى تۇغىلەجك غايت گۈزل و جىگىنە قىزەلاق بىلەن تېرىكلەيمىن!

متين و دلبرلارنىڭ قۇلتىغىدىن تېرىۋى تۈشگەندە شىلپەيىب قالدىلار. دلبر بىر چوقۇر خۇرسىنىپ، نىمەلەرنى دېر اۋىلەب اۋكسىندى. متين دراۋ داكتىرنىڭ گېنى كېسىپ، آغزىنى تۇلدىرىپ: -كېچىرەسىز خانىم، بالەنى الدىرماقچىمىز، -دېدى تاپ تارتىمىدىن. - نىمە اوچون شۈندە قىلماقچىسىز جناب، -دېدى داكتىر بىمب يارىلگەندە هوا اىچىدە اۋتە حىرتلەنگەن بىر قىيافەدە. -شۇرلىك، بىزنىڭ بېشىتە قىزىمىز بار. يېتەدى، التىنچىسى كېرەك اېمىس! -دېدى متين كۈزلەرى پىر-پىرلەپ. -كېچىرەسىز جناب، بىزنىڭ مەملىكتە سىز ايتكەن سېگە كۈرە بالەنى ايب تىشلەيدىلار. اونگە اذن بېرىلمەيدى؛ جنائىت حسابلەندى. -التى قىلەمن خانىم، ياردەم بېرىڭ، ياردەم، -دېدى متين هيجان آرەلش. -سىزلەرگە بخت-سەئادەت تىلەيمەن. ايش يۈزەسىدىن سىزگە اجرەتگەن وقتىمەنە توگەب قالدى. شۈندەن كېيىن بىر آز تۈشىنىتىرىش قىلىپ: -بۇپتى، تمام والسلام، -دېدى داكتىر و خىرلەدى.

اېر-خاتىن خۇناب بۇلىپ اويلەرگە قىيىشىدى. يۇلدە كېلەياتىب دلبر سىم-سىم بىغلەدى، «بۈندەن كېيىنكى طەنە-تاشىگە قندەى چىدەيمەن» -دېگەن اۋى-خىيالگە قارىلىپ كېتدى.

\*\*\*

آرەدن بىر ھفتە اۋتدى. كېچكى دسترخوان اوستىدە بوتون عايلە تورلى كىيىتىدە سۆزلىشىپ تورر، موسىقە اېشيتىر، تلويزيون كۆرر، كىچىك فرزندلرى اوى وظيفەلرېنى بجرەياتىدۇ. مەن كىچىك قىزچەسىگە «پوستە» دىن خىر آلىپ كېل قىزىم، -دېيە بويوردى. «خوب بۆلەدى آتە جان» -دېي قىزچە سىر-سىر، بارىپ، قۇلدەگى آچقىچى بىلن «پوستە» اېشىكچەسىنى آچىپ، كىيىملىك قىيىملىك بىر دىستە پاكىتىنى اويگە آلىپ كېلدى. خىلەر آرەسىدە بىر نائىش پاكىت دىقتىنى تارتدى. مەن اول شو پاكىت خىتىنى آچدى. پاكىتە انگلىس تىلىدە يازىلگن مەن بو جملەلر اونىنگ دىقتىنى اۋزىگە تارتدى:

«جناب مەن! حاملەدار عىالىنگىز بالەسىنى تېكىشىرىش اوچون، كىسلخانىمىزگە مارجەت قىلگن اېدىنگىز. سىز اۋشندە اۋغىل و قىز بالەلر اۋرتەسىدە فرق قايىل بۇلىپ، عىال جنسىنى اجرە تىب كەم سىتىگىنىگىز يوزەسىدىن قانۇنگە موافق سىزنى ۱۲۰۰ دالر جريمە تۇللىشگە مجبور، دېي تاپدىك... اعتراضىنگىز بۇلسە محكمەگە مارجەت قىلىشىنگىز مەمكىن.» بو خىتى اۋقىگن مەن آغزى لىنگ آچىلىپ، قارە تېرگە باتدى، ھىمە آرەلش بىر وىجەتدە، اسكىلىتدېك جايىدە قاتىب قالدى. او پولىس كېلىشىدىن جدى خىلەردە اېدى. مەن دېوار بېتىدە اسىقلىق كىتە قوياش و كون باقر منظرەسىگە تىكىلىپ اۋىگە تالدى.

# ۵. حاكمه

## حاکم

بوندن چمەسى بېش يىل بورون، اۋزبېكلر غاۋ يشە ياتگن بىر ولايت نىنگ بختى كولىب باقىب - يۇق، شۇرى قورىب، او يېرگە بىر جرار حاکم<sup>۱</sup> تەينلىيدى. سەھل كىم قىرق حاکمنى باشىدىن اۋتكزگن بو ولايت آدملىرى نىنگ آفتىدىن، أشىغى آلچى تورىب، نانى ياققە باتەدىگن بۇلىيدى. آدملىر، عقلى كلتە، دغدغەسى اوزون بو حاکمنى يخشىلب عزت-اکرامگە باتىرىشىيدى. كىملردىر ضىافت او يوشتىرىب تۇن كىيدىرىشگن؛ كىملردىر آیاغى أستىدە جانلىغ چىقىرىشگن؛ ايس چىقرگنلر هم كۇپ بۇلىشگن. بىر عمر يارىب-يالچىمەى كېلگن بېچارە خلق «كۇرگوليكلىرىمىز اونوت بۇلدى شېكىللى!» - دېيە شادىانە چىلىك قىلىشگن. حاکم تۇره نىنگ يېگنى آلدیدە، يېمەگنى آرتیدە بۇلىب قالە وېرگن... اېل نىنگ نظرى توشگن حاکم ايش قىلىشنى بىلمسە-دە، قرچىغەى قوشدېك هر شاخ، بتهلر باشیدە پىدا بۇلە وېرىيدى.

حاکم بۇلسە - اۋزى خان، كۇلنكەسى ميدان. ياشى اېللىكدن اۋتگن، تىرجه يىب گىپىرگندە بقره يگن كۇزلىرى اىچىگە تارتىب، لىلرى بى اختيار بىر بورىشر، بىر چووهر اېدى. كولىگىسى هم، غضى هم بورنى نىنگ اوچیدە. گىپىرە ياتگندە تىشلىرىنى بىر-بىرىگە قىرر، چۇزىنچاق يوزلىرى ترەنگلەشر، گاھا آغزىدىن توفىك اوچقونلرى پارتلب تورردى. جماعت حضوریدە كۇرىنىب قالگن حاکم آدملىر تىلىدىن اۋزىگە حمد و ثنالر ياغىلىشىنى اىستردى. جودە-جودە اىستر اېدى. خىيال سورىب، يوره ياتگندە ايكى تامانىدىن آدملىر

<sup>۱</sup> حاکم: والى.

صف تارتىشىپ، «قولۇق عالم پنا!» دېگۈدېگ اېدى گۇيا. قندىنكى اور، دۈرىنگى سور، دېگن اۋىلر اچىگە غلغە سالىب تورگىنى اونىنگ كۈزلىردىن اۋقىب آلسە بۇلردى. عمل، منصب آتىگە مېنىش نېمەلىگىنى بېلمەگن بو آرەدە «بىنگىل طبعیت، قرساق،<sup>۱</sup> ایلان ياغىنى يلهگن آدمگە ولايتنى تاپشېرىب بۇلەدىمى؟» - دېگنلر هم بۇلدى. كۇپ اۋتمەى حاکمىنىگ چۈنتىگى قپەىدى، بايلىك آرتدېردى. شوندىن سۇنگ گېرەىبب يوریشلر باشقچە بۇلدى. قۇلىنى كۇكسىگە قۇىبب تعظیم ایلە کوتىب آلیشلردن اېتى كۇىلگىگە سىغمەىدى. حاکم يورەياتگن كۇچەلر سوو سېپىلىب، چنگلرى يانقزیلەياتگن كونلر كېلدى. حاکم ولايتگە كېلىب-آق، اۋزىگە اۋخشەگن هم تباقلردن تاپدى. قارىنچەسى آسىلىب تورگن حاکمىنىگ ایشى بۇىینباغىنى توتملش، عطر سېپىب ساچلرىنى ترەش، ایشخانەسىدە سگریت توتەتیب قدم اوریش، بېھودەگە قاغاز تېتىش، وقت-بېوقت جىرنگلېتیب تېلفوندا سۇز قاتىش... بۇلدى. «زمان زۇرنىكى، تماشا كۇرنىكى»، دېگن گېلرنىنگ شمالى حاکم تۇرەنىنگ باشىنى سېلىب، دماغىنى چاغ قېلىب قۇىدى.

خىالىگە بېر فكر اورىلدى. اۋزىچە «حاکم بۇلدىنگىمى بېر ایش قیل اېندى. آتىنگ قالسىن بو ملكدە» - دېب اۋزىنى سالدى. اش-پش دېگونچە ینگى حاکم شاشىلىنچ مجلس اۋتكزدى. مجلسدە: «شېر كۇچەلرى نامىنى ابدىلشتىرىش» مسألەسى كۇندەلنگ تورەدىگن بۇلدى. قتنشوۋچىلردىن بېرى سۇز رشتەسىنى قۇلگە آلىب: «والى صاحب حضرتلرى! باشىنگىز اورزە سىزگە كۇكدن دعا-يو سلاملر ياغىلەبېرسىن. مبارک قدىمىنگىز كۇزىمىزدن آریمەسىن. ساىهنگىز باشىمىزدن اۋكسىمەسىن. بىز حاکم سېور و حكومتپرور خلقىمىز. يوز بىلگە يقىن وقت آرەسىدە بىزگە حاکم بۇلىب كېلگنلرنىنگ بېرارتەسى هم قولى، چۈنتىگى بۇش كېتمەگن. وقتىدە عزتىنى قېلىب، قۇلىنى اوشلب،

<sup>۱</sup> قرساق: تولىگە اۋخشش، لېكن اوندىن كېچىكراق بېرتقىچ حېوان.

دعالرىنى آلىب، انه شوندهى بختيار يشب كېلماقدهمىز... خذمتىنگىز توگه مسدن حقىنگىزنى ادا قىلىش بىز اوچون هم فرض، هم قرضىدىر. بو خىرلى ايشىنگىزگه هم يره تىگىدن توفىق سۇره يمىز» - دېدى.

اۋرتەكش آدمىنىڭ اىلىق سۇزلىرىنى جان قولاغى بىلن تىنگلەگن حاكم، اىلنر اۋرىندىغىدن جىلىب<sup>۱</sup>، سالون اۋرتەسىگه كېلىپ، يىنە جايىگه بارىپ اۋتىردى و كلتە بىنگلى ايكى قۇلى بىلن اۋزىنى قوچاغلەگنچە، تېپەگە قرەب قەققەھە آتىپ، سېۋىنگىدىن كولىب يوباردى. سۇنگ، چۇنتىگىدن قىمت بەھا «مال برو» پاپوروسىنى<sup>۲</sup> چىقىرىپ، طالا رىنگ ياندىرگىچ اىلە ياقدى. تۇيىب-تۇيىب تمەكىدن تارتدى. اۋپكەلرىنىڭ بۇشلىقلىرىنى اچىق توتوندن تۇلدىردى. كېىن سۇزلەى باشلەدى:

- «كومونستلر دۆرىدە «ولادىمر اىلىچ برىژنىف» نامىگە قۇيىلگن كتە شاه كۇچەنىڭ تىقدىرى نىمە بۇلەدى برادرلر؟ اول شونى گېلىشىب آلسك، دېماقچى اېدىم. اگر گېلرىمگە كۇنىب، راضىلىك بىلدىرسىڭىز مېن شو قومىتە<sup>۳</sup> نىڭ رىسلىگىنى اۋز بۇنىمگە آلەمن، خوبى اكلر؟»

اۋتىرگنلردن يىنە بىر آدم: قوللوق! بىر آغىز سۇزىڭىز بىز اوچون پادشاه امرى دېك اولوغ، بويورىڭىز حضرتىم، - دېدى.

حاكم اېسە اېنغەنىن:

- «گېنى توشىنەدىگن آدملرگە آفرىن آيتەمن، - كۇرستىگىچ برماغى بىلن مىنگلەيىنى قشىدى، - مېنىڭ خذمتلىرىمنى بىلگن، شىخسىتىمنى تن آلگن و توشىڭىز عىزىلرلىمگە آيتەدىگن سۇزلىرىم شوكة، ۱۴ كىلومىترلىك اۋشە مشهور شاه كۇچە شىخسأ مېنىڭ آتىمگە قۇيىلسە! نىمە دېسىز؟ مېن هر يىلى بىر كۇچە نامىمگە قۇيىلسىن، دېب

<sup>۱</sup> جىلماق: جايىدن سىلجىپ تورماق.

<sup>۲</sup> سكرىتىنى.

<sup>۳</sup> قومىتە: كمىتە.

آيتمەيپىمەن، بارى يۇغى بىر كۈچە او ھم بىر مرتە. چۈنكە مېن سىزنىڭ حاكىمىنىڭىز مەن. شو ولايتنى بىر مملكت، دېب اۋىلەسنىڭىز، مېن اونىڭ عالي حكمدارى يعنى پادشاھى مەن. «پادشاھ اللە نىڭ يېردە گى ساياھەسى»، - دېيىلگن كىتابلىرىمىزدە. حاضر ھم ناتو، پاتو، امريكا-پمىرىكە، كرزى-پرزى لىرىڭ مېنىڭ قاشىمدە چولول ھم دېيەلمەيدى. حاكم بۇلسە مېندېك بۇلسىن-دە»! - دېدى زۇر و جاھت بىلەن.

باشىدە قارە كۈلى باش كىيىم قۇندىرگن شو يىغىندە گى يەنە بىر كىشى: مولوى صاحب! اولوغ تنگرى آتى بىلەن شو كەتتە كۈچەنى حاكىمىزنىڭ مبارك نامى بىلەن «ابدى» لىشىگە دعا قىلىپ قۇل كۈترىڭ، - دېيە اونگە سۇز بېردى. مولوى بۇلسە، آيتىلگىدىن اۋن برابر احتراس ايلە حاكم اۋتىرگن ادارەنى مقتاۋلى عربچە سۇزلىرى بىلەن تۇلدىرىپ تىشلەدى.

قرار قبول قىلىنىشى بىلەن مجلسدە گىلەر دراۋ، شەردن تونوكە سانى<sup>۱</sup> چارلەپ كېلىشنى بويورىشىدى. بىر زومدە تونىكە ساز حاكم تۇرە ادارەسىگە يېتىپ كېلدى. تونىكە ساز اۋشە، آدرسە گى كۈچە، اولوغ حاكىمىمىز «!» نامىگە قۇيىلسىن، دېگن خطنى آلدى-دە، «خۇپ بۇلەدى»، - دېيە قۇلىنى كۈكسىگە قۇيىپ، آرتىگە قىتدى. شوندى قىلىپ، خطاۋ تاپدىرىپ، لوحەگە حاكم نىڭ نامى يازىپ قۇيىلدى.

اېرتەسىگە حاكم نىڭ اسمى بېتىلگن لوحەنى بېتون<sup>۲</sup> دېوارگە آسىش مراسىمى اويوشتىرىلدى. شەر كۈچەلرېدن آدملىر حاكم نطقىنى تىنگلش و مراسىمنى كۇرىشگە شاشىلە بارار اېدى. دولت ادارەلرېدن ماشىنلردە اۋتىرگن مأمورلەر ھم اۋشە ياققە آقېب بارىشىدى. ساعت اۋنگە بارىپ، آدملىر يىغىلىشىدى، حاكم نىڭ نامى يازىلگن لوحە

<sup>۱</sup> تونوكە: تام ياپىش و باشقە مقصدلر اوچون مخصوص تيارلنگن يوپقە، تخته-تخته تېمىر.

تونوكە ساز: حلېلى ساز، تېمىرچى.

<sup>۲</sup> بېتون: سمەنت، بوتون، پختە، كانكرىت.

بيتون گه قاقىب، يخشىلب قاتىرىلدى. قىچىلر آلىنىب، قىتان<sup>۱</sup> كېسىلدى. گولدوراس قرسكلر چاليندى. كته تاواقدهگى نقل و چاكلىتلر كېلگنلرگه اولشىلدى. شىرىنلىگىنى ايلك تاتيش حاكم اختيارىده قالدى. آغزى نىنگ سولگى آقەى دېب تورگن حاكم تشكرلر آيتىب تورگندى كه، اېگم نظر شاعر جمعيت آره سىدن سوغورىلب چىقىدى-ده، ايكي آغىز سۇز آيتىشگه حاكمدن اذن سۇرهدى و كۇنگلىدهگى سۇزلرىنى گىپره كېتدى: - «عزيز ملتىم، بو يورت جوده كۇپ قاره چارشنبه لرنى باشدن كېچىرگن. ايكي مىنگ بىللىك پارلاق اۋتمىشىمىز بار. بو ولايتده اۋزىبىك پادشاهلرى، امىرلرى، خان و بېكلرى، همده شهزاده لرى نىنگ توپراغى ياتىدى. دانا، اېلپورور عالم و شاعرلرى كۇپ بو ولايت نىنگ. محمد گل مېھمند و قىيله چىلرنىنگ ظلم و جفالرى يىتمەگىندېك، بوره گىمىز، روھىمىز نىنگ اېنگ چوققور نقطه سىدن جاى الگن بو كۇچەنى حاكم نىنگ نامىگه قۇيىش عدالتدن اېمس! بو كېلگىندىلر كېلىب كېتە بوېرەدى، بىراق، خلق و يورت اۋز جايىده منگو قالەجك. عقلى بار آدم تىرىكلىگىدە موندەى احماقانه ايشگە قۇل اورمەيدى. حاكم سىز نىنگ خذمتگارىنگىز، اونىنگ آلدېده اېگىلىب، بو كىلىب تورىشىنگىز يرمەيدى. حاكمنى اوشلب توره دىگن هم سىز بۇلەسىز، ايشدن هيدش حقوقى هم سىزگە بېرىلگن. بوندەى شرمندەلىككە قرشى عصيان كۇترىنگ، ظلمگە باش اېگىنگ، يورتىنگىزنى آياق آستى قىلىشگە قرشى تورىنگ. بونى عدالت و دموكراسى دېدىلر. قنى وىكىلىكس، بىر ملت نىنگ قدرىتلرىنى آياق آستى قىلە ياتگن حاكم نىنگ اوشبو قىلمىشىنى فاش اېتسە! قنى آچىق مطبوعات!؟ - سۇزلرىنى شاشىب آيتىشگە اولگورركن، شاعرنى مجلسدن سورىب چىتلىشتىردىلر. چىت اېللىكلر آلدېده اونى بند زندان قىلىشگە باتىنە آلمەدى حاكم. خوفسىزلىك چاره لرىنى كۇرئىش مقصدىدە، لوحەنى كېچە-كوندوز قۇرىقلش وظيفەسى اىچكى ايشلر اداره سىگە يوكلتىلدى.

كۇر و كۇر يىشش نىنگ زمانە سىدن بىر شىنگىل.

<sup>۱</sup> قىتان: فىتە.

# ۶. بىرىنچى قۇنغىراق

## بىرىنچى قۇنغىراق

عمر يۇلداشىم بىلن مەكتەپنىڭ بىرىنچى قۇنغىراق تەدبىرىگە باردىك.

- زىڭ باسىپ ئۆتۈرەبەرەسىزىمى ئاتە خان؟ بوندن قىرق-بىللىك يىل ئالدىنقى حىياتدن سۇيلىنگ! بالەلىگىنگىز، مەكتەپ دېڭىزلىرىدېك. بىز ژورناللىستلارگە قىزىق-دە بىرى-بىر، - دەپدى قۇلىدە مىكرافون كۇترىڭنى يېتىگىتەپتە. تەدبىرگە قىتىشىڭ ئاتە خان ئالتمىشىنى ئورىپ قۇيىڭ. چوقۇر ئۇيگە تالىپ، بىرماقلىرى ئايەلە مەنگلەيىنى قىشى ياتىپ گېگە كىردى:

- آه بالەلىگىم! شۇر ئۆتمىشىم! نىمەدن باشلەپ نىمە بىلن توگتەم ئېكەن ئۇشە ئىلەرنى؟ گېپىرەي دەپمە ئۇز قۇلىم بىلن يىرەمگە تۇز سېپە ياتىڭ ئۇلەمەن. ئۆتمىشىنى تىلگە ئالردەي ئېمىس؛ بارى عذاب-عقوبەت. مىلى، روھىم سىنىپ، پىرچەلەنگەن ئەمەردەن بىر شىنىگىلىنى كىكايە قىلەيىن ئوندە: يىتى-سكىز ياشدە ئېدىم چەمەسى. كېچە گىدېك ئېسىمدە، ھەمەسى خاتىرەمدە مېخلىنىپ قالغىن. كۆز ئالدىمگە كېلتىرسەم، ئۇشندە ئىم-ئىم، ئېم، ئاكەلرېم مېنى جانى قىتىق بۇلسىن مەناسىدە «بۇ ئارزۇندەمىز» كىتە بىر حىيات سىنايۇگە بىرداشلى بۇلسىن، -دېيە كۈن بېرمەگىنلەر. بۇلەر-بۇلمىسدە پۇلە قاوون دېك قىلىپ بىرى قۇيىپ، بىرى ئورەبىرگىن. بۇزىم شېلەق، تىرسكىلەردىن شىفتالودېك قىزىپ كېتەر، بۇرنىم قانداق، باشىم يارىلىپ، قۇلىم چىقىشى-سىنىشى عادىتى خالگە ئېلىنىپ قالگىندى.

مىشتەك كىنە بالە ئېسىم-دە، كىلتەك-تىياققە ئۇرگىنىپ قالىمەن. حىقىمىنى ئالمەگىن كۈنىم، كىفەلەرگە ئۇخشەپ، بىر نەرسە يېتەمەگىندېك، ئېتىمگە قىچىتمە كىردى. ئاخىرى بارىپ،

جىسمانى قىيىناقلار ھەم تائىر قىلمىس، بىراق، دۇق-پۇيىسەدىن اۋلگودېك قۇرقەدىگن بۇلىپ قالدېم.

شولرگە قرەمەى، راستىنى آيتسىم توزوك كىنە شۇخ و بوزمە كار بالە بۇلگىنمىن. كۇپ شوملىكلر قىلگىنمىن: قىش اوچون غملىب قۇيىلگن كۇزەلردن بىلكلرىمنى شىمىرىپ، شىنى اۋغىرلىب، آغىز-بورنىمنى شىرەگە باتىرىپ يىگىنمى يىگن اېدى. كۇرپەلر يىغىلگن سىرصدىق دىن قۇلىمنى تىقىپ مەيىز اۋغىرلىب، نىفەمگە اورىپ، كۇچەگە زىغىللىر اېدىم. اويدىن اۋمرگىنلرىمنى<sup>۱</sup> اۋرتاغلىرىم بىلن بۇلىشىپ يېر اېدىك. تىنىپ-تىنچىمەى قرغە، قىرغى، چومچوق، مېنا قوش بالەسىنى توتەيىن، دېپ قۇللىرىمنى غارلرگە سوققن كونلرىم كۇپ بۇلگن. بىر كونى اويىمىزنىنگ دېوارىنى تېشىپ، قۇشنى نىنگ حاۋلىسىگە اۋتىپ قالگىنىمدە آياغىمدىن ايت قاپىپ الگىندى. ھەر دايم كۇچە بالەلرى بىلن آلىشىپ، كاۋوشىمنى يوقا تىپ، كولىگىمنى يىرتىپ، ياقە ويران اويىمگە يىغلىب قىتردىم...

ينە اۋشە اچىق قىنە جزاگە رۇپرە كېلەمىن... عايلەمدەگىلردىن اېمىقەمىن؟ ھىك سىرەيمىن. اولر يىخشىلىب كۇزىمىنىنگ اۋتىنى آلىشگن-دە. قىچەلر قوويپ قرغەمەسىن ائمنى قىتىق سېور اېدىم. اينچىقلىگىم توتىپ، بېزاۋتەلىنىپ يىغلىشگە توشەمىن، خىقىللىشلىرىم ھىچ كىمگە ياقمىدى. اېنتىكىپ، خۇرسىنىپ، كۇز ياشى قىلگىنىمدە، ائم باشىمنى سىلر، ياناقلرىمدىن اۋپر و قىناق مەھرى تۇلە قوچاغىگە باسردى مېنى. اورسە يم، سۇكسە يم، حىاتدە بىرگىنە سوينچىغىم، تىرگىم شوگىنە ائم اېدى. ائمىنىنگ بو اووتىق مەھرى تىمىدەگى برچە آغرىق، قىيىناقلر زىگىنى يوويپ كېتردى.

انىق اېسىمدە. ھەر يىلى مەكتىبگە بالە يازدىرىلر اېدى. كتە حىات «سېناۋىگە» مېنى اللە قچان عايلەم تيارلب قۇيگن. مەكتىبگە يازدىرىش قىنداق بۇلركن؟ نىمە قىلىنركن او يېردە، دېپە كۇپ قىزىقەمىن. پە-پسقىملردىن بالەلرنىنگ تىراق كۇترىپ مەكتىبگە بارىپ-

<sup>۱</sup> اۋمرماق: يىشېرىقچە آلىپ كېتماق، اۋغىرلەماق.

<sup>۲</sup> اېمىقماق: ھور كىپ تورماق، باتىنە آلمىلىك.

كېلىشىنى ابدان كوزەتەن. مەكتەپ ھەققىدە تۇلەھراق تەسۋىرگە اېگە بۇلەيىن، دەپ اولر نىنگ اغزىنى پايىل ب گپ اۇغىرلەيمەن. بىرى «اۇقتووچىم مېنى راسە اوردى، اېتىمنى تۈزلەدى»، ايكىنچىسى مېنى بايىل سۆلەدى، كاوش تىشلتىدى»، دەسە اوچىنچىسى قویروقلىرى تىلىنگىدىن، يەنە باشقەسى «سرمەلم قولاغىمدن چۆزدى»، دەردى، يەنە بىراوى باشقە ھىنگامەلردن سۆز اچردى... بولرنى اېشىتىپ-اق، ساووق تېر باسىب، اېت-جانىم جونجىكردى...

مەلومات تۇپىل اۆلدىم اۆزىمچە. مەكتەپ دەپكىنى اۆيلەگنىم دەپكىن اېمىس چىقدى. اونى اېسلەگندە دراۋ، اۇقتىمىس، تىرىيە بېرمىس، قىيىناققە سالەدىگن، جزا بېرەدىگن بىر جاي مېيەمدە گۆدەلنەدى. بونىسى ھەم اويىمگە اۇخىش اېكن، دەپ اۆيلردىم. قولاغىمگە يىخى جىرنگە ياتگن بۇلدى بو سۆز. ھەمدەن قۇرقىنچىلىسى ملا اۆلدىدە اۇقىش اېدى. بونىسىنى-كو، اۆز كۆزىم بىلن كۆپ بار كۆرگنمەن، جودە-جودە اېنچىلى و قلىتىس... ملا دەپكىنى كۆزىنگە قۇرغاشىن قۇيەدى؛ روھىنگىنى قورىتىپ، منقورتگە اېلتىرەدى قۇيەدى. قىگە بارمەيىن تېپكى، ترسكى شو جزا، جزا، جزا. سويگىم قاتمەگن اېسە-دە، دىئانى فقطگىنە عذابدن عبارت، دەپ توشىنگنمەن. دىئاگە كېلدىنگىمى، قىيىنقىلرېنى تاتىپ اۆتىشگە محكومسەن، دەپ توشىندىم دىئانى. انگلەدىم كە، عذاب-شكىنچە عايەلدن باشلىنىپ، مەكتەپدە اۆجىگە چىقرىكن. بوندە مەكتەپلرنىنگ اچىق مېۋەسى اۆلەھراق «بىز» ناشلر شوندە قىلىپ، جەمئىتگە تەقدىم اېتىلر كنىمىز... كېلەجگ بىزىنىنگ قۇلىمىزدە اېمىش!

اچىمە قۇرقوو، ھەيمە اېن-اوبە قورىب اۆلگن. بىلەن، بوگون-اېرتە روپخىگە توشىشىم بار. مېنى ھەم مەكتەپگە سوردى بارەدىلر بىر كون. اۆلىپ قوتىلمەسم، تىرىكلىكدە قوتىلىش يۇق اوندىن. كېچە-كوندۇز شونى اۆيلەيمەن. ھەر قەدەم تېنگىلرېم «اۆرەنگە پۇستك باغلب بارەسن» -دېيە ياتگندە گۇيا. خىيالگە باتەن. اۆرتاقلرېم تەسۋىرلەگن صحنەلر اېلان-چىيان بۇلىپ اېسىمگە بىر-بىر توشەدى. خىيالمدە كېم،

قندەى، نېگە سۆھلەيدى؟ ئۈزىمگە سوال بېرەمن. اېسلەسم-اېسلەسم خيالاً، قۇلىمدە مامىق<sup>۱</sup> بىلن سىياغ توتگن حالده ئىمىنىڭ يانىگە بارىپ: «ئەنە جان يىرەمگە ملەم قۇيىنىڭ دېيىم!» خىيالىمدە كىلىك زىرىدىن اېتىم مامەتلاق<sup>۲</sup> بۇلىپ كېتىگن. تەمدن قانلر سىرىقىپ چىقەياتىگندەى گۇيا. اكەلرېم، اويدەگىلر بىلىپ-بىلمەى، تىغىن خىمچەلر جايىگە قۇل تېگىزمەسىن دېيىم... سىنگىلچەم «ھلى مکتبگە بارگىنىڭچە يۇق-كو، نىمە مونچە خوناىسن»، دېگودېك بۇلەدى. ئىم بۇلسە بىنگىنىڭ اوچى بىلن يوزىمنى اړتىپ، «قۇلى سىن سىن اۋشە معلمىنگى الھىم!» -دېپە قرغىگە توشەدى. ھوشىمدە ھىم توشىمدە ھىم شو احوال. بېزىلېب بىغەگىمنى بىرارتەسى كۇرىپ، يوپەترىمىكن، اووترىمىكن، دردىمنى ارمىكن، دېپە اۋىلېب قالەمن. اۋزىمگە: «سېن ھلى گۇدكسن-كو، مەنە شونەدى پىشىپ، تاولنىشىڭ كېرەك، حىيات شو اېكن!» -دېيىم اىچىمدە. كۇپ بارە اۋزىمگە: «بو نىمەسى؟ نىمە مېن بو دنياگە فقط كىلىك بېيىش اوچون توغىلگىمنى؟» -دېپ سوال ھىم بېرگىمىن. جوابى بوگونگەچە يۇق. بونى «كتە حىيات سىناوى» دېدىلر! اونگە مکتب جواب بېرىشى كېرەك.

كونلردن بىر كونى خانەمىزنىڭ بىر چېتىدە چىخ اىگىرىپ اۋتىرگن ئىمىنىڭ بۇنىيگە اېرکەلىپ اسىلىيىمىن. ئىم بۇلسە:

- ھىر نې، بو بىل روىخىلدىن توشىدىڭ بالىم، -دېدى رىمى كېلىپ، -سېنى مکتبگە اىلمەيدى قۇرقمە بالىم.

ئىمىنىڭ بو گېنى اېشىتىپ، اۋشە لىظە اىلىك بار يوزىمگە كولىگى يوگىرگندەى بۇلدى. خىرىت! كولىر كون ھىم كېلرکن؛ چوقور بىر نىفس اىلىپ تىن اىلەى دېسىم، دروازەنىڭ اېشىگى تىق-تىقلەدى. يورەگىم شىر اېتدى. جان ھاوولچىل بىردن سامانخانەگە يوگورە بارىپ بېكىندىم. ساماننىڭ اچىق توتونى اۋپكەمنى زىبط اېتىپ، دماغىمگە

<sup>۱</sup> مامىق: پختە.

<sup>۲</sup> مامەتلاق: قىلىق كىلىك زىرىدىن تەدە قان تىلەشىپ، كۇكرىپ كېتىگن جايلىر.

اۋرنىشىدى. تۇستىن يۇتل توتىب كېت-كېتىدىن قوخ-قوخل بۇتلىدىم. بىر پىت اېلكىمە ساووق بىر قۇل اۋرمەلە ياتىگندەى بۇلدى. خۇدۇ غارگە توتون ھىدب تولكىنى توتىگندەى قىلىب، اېلكەمدىن كىمدىر كۇتردى. ساچىم، كىمىم اوستىگە قۇنگن چىگ و سامان پخاللىرىنى سىپىرىشگە ھىم اولگورە آلمەدىم. ناتنىش كىمسە «قە ياققە قاچەسن تىرآنچە!» -دېب حاوولىگە سودرب آلىب چىقدى مېنى. آتم اوپدە اېمس اېدىلر. آتم قنچە داد-واى قىلمەسىن، قىدەسن مەكتەب، دېبە احمد چىپ-راست<sup>۱</sup> زىرىللىتىب دىمىگە سالدى مېنى. معلوم بۇلشىچە مېن اۋشە يىلى مەكتەبگە يازىلگن اېكىنمىن. بارىشىم مەكتەبىنىگ آچىلىش كۈنىگە تۇغرى كېلىدى. مېنى احمد چىپ-راست تۇغرى ادارەگە آلىب باردى. اوندەگە چە جىرنگل بىرىنچى قۇنغىراق چىلىندى. ادارەدە مېن بىلن ھىچ كىم كېلىشمەدى. كتە ميدانلىكدە بالەلر صف تارتىب تىزىلىشكندى. بالەلرنى صىنفلرگە بۇلىب آلىشماقەدە اېدى. اۋشىندە كۇز تىگىدىن سېكىن اطرافنى بىر-بىر كوزەتدىم. قۇلىدە خىمچە كۇترىگنلر آنىق معلملر اېدى. اۋقېتووجىلر خۇدۇ مال، قۇى، پادەنى ھىدە ياتىگندەى بالەلرنى اوياققە، بوياققە سورىب اېلتىشردى. آياقلىرى باغلب خىمچەلش، قۇلى كىفىگە اورىش، صىنڧ دېوارىگە باشنى اورىش، قولاقىن چۇزىش، آغزىدە كاووش تىشلىتىش، برماقلىرى آرەسىدە قلم سالىب قىسىب جىزاشلرنى كۇزىم بىلن كۇردىم. برى اۋىلەگنلر بىم راست چىقدى. بو مەكتەب اېمس جىزالەىدىگن جى اېكىن.

مېنى اۋقېتووجى ابراهىم خانگە تاپشرىشدى. سۇنگ بالەلر بىلن گلەلشىب صىنڧگە باردىك. تىراقلرىمىزنى بىرگە تىشلب، چىنگگە باتىب، اۋقىشلىرىنى باشلب يوباردىك. اۋقېتووجىمىز بىزنى قۇرقىتىش مقصدىدە بىر سىدرە خىمچەل اۋتدى. اوندىن كېىن معلمىم ابراهىم خان قۇلىگە بۇرنى<sup>۲</sup> آلىب، تىختەگە شۇندەى دېب يازدى:

- «الف»، - كىلككە اۋخشەىدى،

<sup>۱</sup> چىپ-راست: ملازم، خادىم.

<sup>۲</sup> بۇر: تىباشىر.

– «ج»، – تۇغەناققە، – دېدى.

بو تىنىش ايكى سۇزنى اېشىتىپ، يۈرەگىم زىرىللىب كېتدى. اۋن ايكى يىل تىاق يىپ مەكتىنى بىتيرىش نىنگ اۋزى بۇلەدېمى؟ آدمىنى حيوان قىلەياتگن شىرقى و مىلى تىرىبە كۈنلىرى ھلى اَلدىندە اېدى.

ژورنالىستگە شولرنى حكاىە قىلىپ بېردىم. رواجلنگن مەلكتدە بو گپلر اېرتككە اۋخشب كېتەدى. مەكتىبىنىڭ بىرىنچى قۇنغىراغىگە بارىپ، المىم تازە بۇلدى قىتنگى. شۈندە، كېچىمىشىمگە، ارتگە نىز سالاھەن، مەنە شو تۈيغۈ و كېچىنمەلر اىچىمدن اۋتەدى:

«بالەلىگىم پاشالىگىم» – دېگن مەقالنى اېشىتگىنمەن بو يان انگلەدېم كە، كۇنگلىمنى چولغىب اَلگن بېغبار حەس – تۈيغۈلرېم كىرلنگن؛ حىيات غنچەلرى اىاوسىز<sup>1</sup> تاپتلىگن، تېپىپ غىچىملىگن و اېرتە سۇندىرىلگن؛ مېندىن بىرچە اَرزو – اىستىكلرنى تارتىپ اَلشىگن اېكەن. حىياتىم نىنگ اىلدىزلىرى قۇپارىلگن؛ عەمر اىپلىرى اوزىلگن، مېن تۈغىلمەندىن – اق، بختى قارە بۇلگن اېكەنمەن. شۈندەى مەكتەب و افلاس اۋتمىشىگە تۈپ اوردىم. عايلەدە، كۇچەدە خۇرلندىنگىمى، انسانى مەر – مەختىدىن ماسوا اېتىلدىنگىمى، بىلگىن كە، اولر بىر كۈن اىرىنگ، زرداب بۇلىپ يەرلر تۈبىدىن تشقىرىگە اْتىلىپ چىقەدى. كېنەى ھىچ نىرسە بىلن دۈالب بۇلمەدى.

ىنە ارتگە قرەب باقەمەن. بو يەرلرنى اۋشىندە اۋىين – كۈلگى، مەر – مەخت، اللە تىسەم بىلن دۈالاش مەكەن اېدى – كو. ھىچ كىمگە اىتىپ بۇلمەس بو دىردنى قۇغىرچاق اىلب بىرىش، اۋىينچاقلرگە اشنا قىلىش، قۇلردن تۈتىپ اېركەلب اۋىينە تىشىلر بىلن دىرمان اېتسە بۇلمەسى اېدى؟ اېرتكلر اىتىپ، اللەلر تىنگلىتىپ، شىرىن اۋىقۇ اَعۈشىدە بو دىردىن قۈتۈلىش مەكەن اېدى – كو، اخىر...!

سىپتەمبەر، ۲۰۰۷  
شىرۈوروك، كىبىك – كانادا

<sup>1</sup> اىاوسىز: رەم و شىقتسىز.

# ۷. ايكينچى قونغيراق

## ايكىنچى قۇنغىراق

«بىرىنچى قۇنغىراق» ناملى حكايدە كۆز آچگن يورتىم نىنگ تىلىم احوالىنى، «ايكىنچى قۇنغىراق» اتلى حكايدە بۇلسە، شو چاغدە يشب تورگنېم مملكتدەگى اۇقوو حالتىنى تىصويرلشگە اورىندىم. شرطلى روشدە اونى شوندى ائەدىم. ايكى جمعيتدە اۇقتىش تىزىمىدەگى تفاوتلر حقىدە خلاصە چىقىرىش اېسە سىز عزىزلرگە حوالە.

آگست آيى نىنگ ۲۶ يىنچىسى. يىنگى اۇقوو يىلى نىنگ ايلك كونى. باشقە بىر معنادە بو سنە - بىرىنچى قۇنغىراق دىر! عادتدە آيرىم اۆلكەلدە سەهل كم اوچ آيگە تنفسگە چىققن بالەلر يەنە قىتە اۇقىشگە يوزلنەدىلر. بالەكىلر اۇقوو قوراللىرى-يو، كۇنگىل تۇلە ذوق-شوق بىلن «السلام مکتب»! دېيە قىي-چولوشىب اۇقوو درگاھلرىگە كىرىپ بارەدىلر. بالەلر اۇن سكىز ياشگە تۇلگونچە اجتماعى حمايە حسابىدە يشب كېلەياتگنلرى باعث، اولر قشاقلىك، آچلىك، يالانچلىك، كسلىك، دارى-درمانسىزلىك، اويسىزلىك و باشقە اجتماعى درىدلرلىكلردن اللە قچان قوتىلىپ بۇلىشگن. اېندىلىكدە بو عزىز بالەكىلر بختىار حيات قوچاغىدە اۇسىب، اونىب اولغە يماقدەلر... مکتب اۇقىب تىلىم الماقدەلر. كوزىننگ سۇنگى پلەسى. انساننى غرىب اۋىلرگە تالدىرووچى لحظەلر تابارە يقىنلشماقدە اېدى. بىتە-يرىمتە يىراقلر چېتى خودى، زرحلگە باتىرىلگندەى سرغە يىب، قىزىرىپ كېلەياتىر اېدى. يەنە اوچ ھفتەگە يېتەر-يېتمس كۇزنى قووانتىرگووچى يشىلگىنە توس آلگن درختلر بو فصلدە ماوي، سرىق، قىرمىزى، ارغوان رنگلرگە بوركنەدى. بو

يورتلارنىڭ شۇندەي خاسىتى بار اېكن. بو يېرلردە آفتابلى كونلر جودە كم. قچان قرەمىڭ باش اوزرە قلىن بولوتلر سوزىب يورر، يامغىر گاه شاشقە لاق، گاه داووللېب، گاه-دە شىوېر-شىوېر ياغر؛ گوريللەگن شىمال تىنمەي اېسر، آيرىملردە گولدىوراس سالىب چىقماق چقىب ھم تۇرەدى. بو وطن نىڭ قەرەتان قىشى و قارلى كونلرى اېسە، بۇلكچە داستان.

كوتىلمەگندە، دوشنبە كوني اېرتەلدىن آسمان چىنى كاسەدېك تىنىقلىشىب ھوا صاف آچىلىب كېتىدى. بىر پس اۋتىب قوياش چرەقلېب، سخاوت نورلرېنى ساچە باشەدى. آقپانوس اوزرە كون باتردن تۋلىشىب كۋترىلگن قلىن-يۇغان بولوتلر ياغمەي تۇرىدى. مەكتەب نىڭ بىرىنچى كونىدە بالەلرنى اساساً، آتە-آنەلر اۋقىشىگە يېتكىلېب اېلتەدىلر. بىز ھم شۇندەي قىلدىك. بالەلرنى اېرگىشتىرىپ يۇلگە چىقىدىك. اويىمىزدن بىر چىقىرىم نرىدە بىرلشگن مەكتەبگە غاۋ درختلر آرەلېب، زىپە يېتىپ باردىك. ايكى قوۋەتلى مەكتەب بىر تېپەلىكدە اسپالت يۇل ياقەسىدە سۇلېم طبعىت قۇبىندە جايلىشگن.

اۋشە كوني مەكتەب نىڭ اساسى كىرر اېشىگى تۇرمەكلىب قۇبىلگندى. اېشىك اېنەسىدن اىچكىرىگە كۋز تىشلەسك، مەكتەب مەدىرى، اۋقېتوۋچىلر و باشقە اىشلاروچىلر تيارگرلىك كۇرىش مقصدىدە اورىنىشىب يورىشىدى. شو پىت اىچكىرىدن آپاق يوزلى، قاشلرى قلدېرغاچ قناتلرىدېك اېگىلگن، بۇيى بلند، كلتە يېنگلى قىزىل كويلىك كىيگن گۋزل بىر خاتىن مرمىرگە اۋخشەگن اق بىلكلرېنى كۋترگىنچە، كولىم سىرەب سلام قىلركن فرانسوس تىلىدە:

- «تۇغنى اگوش سىل وى پىلى!» - دېدى. اۋزىكچە ايتىگندە بو: «مرحمت قىلىپ، سۇلگە بورىلىنگ» - دېگنى بۇلەدى. چىگە قىرىلدىك، تېمىر اوستونلر آرەسىدن اۋتىب مەكتەب حاۋلىسىگە كىردىك. تېورەكدەگى اويلردن آتە-آنەلر، اۋغىل-قىز بالەلرېنى اېرگىشتىرىپ كېلەياتىگندى. كۇپ اۋتمەي مەكتەب حاۋلىسىدە ھەممەي تۇپلەنىشىدىك. بىرىنچى قۇنغىراق تىدىرىگە قىزىق-پىشىق تيارگرلىك كېتەياتىگندى. بو مەكتىدە

فرانسوسلرگه قره گنده افريقا و عرب دولتلىرىدىن كېلگن مهاجر اۇقووجىلار كۇپراق اېدى. مەكتەپ خاۋلىسىدە سەپورت مەيدانچەسى بار. خاۋلىنىڭ بىر چېتىدە يىڭى اۇقوۋ يىلى مەنسەبى بىلەن سۇزگە چىقىش اوچون تاۋوش كۇترگىچ اسبابى قۇيىلگەن. بالەلەر خەلقەلەرگە آسىلىشىپ قوم اوستىدە سكرەشردى؛ يىرەب اۋىنەشردى. بالەلەرنىڭ يۈز-كۈزىگە شۇخلىك و شوق شەپەلەر تاشماقەدە اېدى. مەكتەبى خەقىي شادىانە چولغەگەن. مەشەدە يۈرتىتەپ، سالىشتىرىش اوچون بو سەخنەلەر قالاڭ مەمكەتلەردەگى وخشىلەرچە تەربىيە اصولىنى كۇرگەن آدمگە قىزىق تۈيۈلەرگەن. مەن اېسە بار دقت بىلەن تەبىرىنى كۈزەتتەپ تۈرىمەن.

بالەلىك يىتتى-سكىز ياشىمەن بىر اېسەلەدەم. اۋشە ويرانەگە ايلنگەن مەكتەبىمنى كۇز آلدەمگە كېلتىردەم. بو گۇنگى كۈندە آسمانەدەگى قۇياش، آى و يۈلدۈزلەرنى خەسابگە آلمەگەندە اۋشە كۈنلەردەن دەرگە بېرۈۈچى نەرسەنىڭ اۋزى يۇق. بو يېردە يۈلغۈن خەمچە-بو كەلتەرلەر اۋرنىنى مەر-مەخت، ساغلام تەربىيە اېگەلگەن. «زېر» و «زېر»ىنى آيتەلمەگەنچە اوچون ھېچ كىم سەنىڭ تۈمەشەينىڭنى يېرگە ايشقەپ، تەلەنگەنچە جوراب، بورون رومالى بىلەن بورەمەيدى. قىل كۇپرىك، گۇرۇز، ايكى باشلى ايلان، اژدەھا، مەنگۈ آلاۋدە يانىش و گۇر عەزابى بىلەن بالەنى ھېچ كىم قۇرقىتەلمەيدى. بۇلەر-بۇلمەدە آتە-آنەلەر جاۋرەشمەيدى. ھېچ كىم بالەلىگەنچە روھىنىڭنى سەندىرەلمەيدى. بالەلەر دولتەنچە قەتئىق خەمەسەيدە.

بو يېرلەردە بالە جۈدە-جۈدە عەزىز<sup>1</sup>. بالەگە پۇيىسە قىلىش، اونى قۇرقىتەش، كۇز آلتەپتەش، اوروش، بقرىش و قاش-قېلىق قىلىش جەنابت خەسابلەندەدى. خەتتا، نەتەش

<sup>1</sup> كانادانىڭ كىبىك دېگەن ولايتىدە آدملەر آرسەيدە چىن-ھەزىل قۇيىدەگى گېلەر يۈرەدى:

بو يېردە (كىبىك دە) بىرىنچى اھمەت-اعتبار بالەگە،

اىككىنچى اعتبار-اھمەت خەتەن-قىزىلەرگە،

اوچىنچى اعتبار-اھمەت ايتىگە،

باله گه التفات قىلسىڭىز هم قانونى جواڭرلىگى بار. چونكه بولر «باله آزارلىك» نىڭ - اچىق عاقبتلىرىنى تجربه قىلىشكن-ده. باله نىڭ شۇخلىگى اينچىقلىگى، يىغلىش- سىقتىشلىرى بىراوگه سىره آغىرلىك توغدىرمەيدى. نورمال قبول قىلىنەدى. انە شولرنى چىنە كىمىگە «باله لىگىم - پاشالىگىم» -دېسەلر كېرەك.

يىغلىڭنلر اۆز جايلىرىدە تورىشىدى. برچە نىڭ لىدە تىسّم. تىلىدە شىرىن سۆز. كېلگنلر ارا تىنىشوو، قويوق سالاملر، قۇل قىسىشلر، ھزل-ھوزول، گپ-سۆزلر و كۈنگىل آلىشلر مۇل. بو بىرلردە بىرىنچى قۇنغىراق كونى مکتب مديرى سۆزگە چىقىپ، ھمەنى يىڭى اۇقوو يىلى بىلن تىرىكلەيدى. اۇقوو رېجەلرى بىلن بىر آز تىنىشتىرىشدىن سۇڭگ اۇقتىووچىلرگە صىنفلرنى بۇلىشتىرىپ بىرەدى اېكن.

مکتب مديرى سۆزگە چىقىمسدىن آلدىن، عىال-اېركك ارەلش اۇندىن آشەراق انسان تورلى اېرتك حيوانلرى قىافەسىدە صحنەدە حاضر بۇلىپ، بالەلرگە قۇشلىپ تىرچە يىشىپ تورە بېرىشدى. اقتىدىن بولر بىرار جانلى كۇرستوو نىمايش قىلە ياتگىگە اۇخشىپ تورىدى. يۇق، معلوم بۇلدى كە، بو آدملىر اصلیدە، بالەلر ھر كونى تلویزیوندا، كىتاب، مجلە و كارتونلردە كۇرىپ، اوچرە تىب يورگن حيوانلر قىافەسىدەگى اۇقتىووچىلر اېكن. مکتب بالەلرى جزالوچى شىدّاد اۇقتىووچىلر بىلن اېمس، بلكى اېرتك حيوانلرى بىلن تىنىشىپ، قۇل اوشلەشىپ درس اۇقىشگە صىنفلرگە بۇلىنىپ كېتىشە بېردى. آتە- آنەلر فرزندلرىنى اۆزلرى سويگن اېرتك قەرمانلرگە تاپشىرىپ اويىگە قىتىشدى.

# ۸. قاره قوش

(حقيقتگه ايلنگن مجاز)

## قاره قوش

(حقيقتگه ايلنگن مجاز)

قىزىل-قۇنغىر قاواق اريلىرىنىڭ غونغىللىھى وېرىشى، چىگىردىكلرنىڭ چىرىللىشى، يان قۇشنىلر حاولىسىدىن بۇدنه لرنىڭ پىتپهلق آتېب سىرەشلىرى، تاووقلرنىڭ قە-قغلىشى؛ طرفه رنگلى كپه لكلرنىڭ پىرىللىب اوچىب-قۇنىشلىرى مېندە اۈزگە چە بىر كىفېت توغدىرگندى. اىيگە اۈخشەگن اوزون چىزىق بۇيىب حرىكتلنە ياتگن چوماليلر، قدىمگى صلابتلى «اىپك يۇلى» كاروانىنى اېسگە سالەدى.

سلىقن هوا دە اۈتېرىپ قىسى دىر كىتابنى اۈقىشگە شىلنە ياتگندىم چمەسى. بالاخانه آستىدە اوزونە توشگن صفه اوزرە اۈتېرىكمن، شمال نىڭ مەيىن اورىلىشىدىن اۈيناقلە ياتگن درخت يىراقلىرى نىڭ شىتېرىلەگنچە سېكىن-سېكىن سىلكىنىپ تىترەشلىرى خىالىمنى اۈزىگە قرەتەدى. عجبىب منظرە. برگلر سىرتىگە يايىلگن بابا قوياش نىڭ بايەگى زرىن نورلرېدىن، يېرگە، گىلمگە توشىپ تورگن سرغىش تىگچەلر عكسى بىردىگە كۈزدن غايىب بۇلدى. هلىگى يىراقلىرى نىڭ شىتېرىلەى تىترەشلىرى هم تىنىپ قالدى. يۇقارىدىن كۈترىلگن پارېم گىنە يىل آدم نىڭ اپتى-باشى، بۇىنى، قوئى-قۇنجىنى<sup>۱</sup> معشوقە نىڭ تۇلغاق ساچلىرىگە اۈخشىب، يوماشقىنە سىلب-سىيىپ اۈتماق دە اېدى. شو پىت قبلەدن سوزىب كېلە ياتگن، اۈركچ-اۈركچ<sup>۲</sup> اۈرەمە بولوتلر تامچىلېب

<sup>۱</sup> اېتىك، مسح و شو كىيلر اياق كىيىملىرى نىڭ بالدىرىنى، اىلىكىنى اۈرەب تورەدىگن يوقارى قىسمى.

<sup>۲</sup> اۈركچ: دۇنگ، حجمى كتە.

اۋتدى. كېتىدىن هوا گۈلدېرەدى؛ چىقماق چىقىلدى-دە، ھەر نې قۇيۇب بېرمەدى. يۇل باشلەگن چوماليلر ھەم اينلرېگە كىرىپ كېتىشىدى.

چوقۇر اۋىگە باندىم. نېگەدېر، كۈزىمنى كۈكۈن اوزەلمەيمەن. خىيالگە بېرىلىپ افققە تىكىلىپ قالەمن. قىدىمى آسمان اۋزى نىنگ بېحد شىكللىرى ايله اۋزگەچە توس آلگن. نظرىمدە آدملىرىنىڭ اوشلمەى قالگن آرزو-اىستىك، اۋى و خىياللىرى انە شو چېكىسىز ماوى آسمان بېتىدە اۋىيىپ، قىزىپ يازىلگندەى گۇيا. حتا، مېنىڭ خام اۋىلرېم ھەم. ھەم نەرسەنىڭ سىرى شو آسماندا دەپ بىلەدىلر. شو سېدىن بۇلسە كېرەك آدملىرى تىنمەى كۈككە باقەدىلر. قىچە باقىشمەسىنلر، بىرى-بىرى اۋنىڭ يىشىرىن، عقل يېتمەس سىرلىرى آلدىدە عاجز قالىپ، ناچار سىكوتگە چۈكىپ كېتەدىلر. يەنە، آدملىرى يېردە كۈرگن اۋز مىصىت، كلفت، الملىرى اۋچىنى انە شو قۇل يېتمەس آسماندىن آلگۈدى بۇلىشەدى. آ ھوووو!! كۈم-كۈك آسمان اللە قىچان كىشىلىرىنىڭ قىرغىشىگە مېتلا بۇلگن. آدملىرىنىڭ زوالەسىنى قارىگندىن بېرى يېردىن كۈككە نىسبەتاً قىرغىشلىرى اىرمەپىدى. آسمان ھەم سۈكىنىش و قىرغىشلىرىدىن تۈيىملىگىنى اثباتلاپ بېرگن. مېن ھەم اىچىمدە قەلىشىپ ياتگن شۇر، اچىق ارەلىش سۈزلىرىنى داد سالىپ ساۋورەى دەسم، آسماننىڭ بوجمەيگن يوزىدە اىگنە اۋچىدەى جاي قالمەگن... افققە چوقۇرراق كۈز قەدىمەن. يەنە اۋشە حىرت. اما، يانىمدەگى چوماليلر نېگەدېر ناتىنچلر. اولر اينلرىدىن قىچىشىپ، يەنە تىرىكچىلىكلىرىگە باشلىگن. تىزىم-تىزىم بۇلىشىپ آغە يۇل باسماقەلر...

ھوادە بولوتلر قان تلىشگندەى قىرمىزى توس آلگن. جىگىرەپك قىزىرگن بولوتلر قىچاندىر يېردە يوز بېرەجىك خۇنرېزلىكلردىن درىك بېرىپ تورردى. ھە، آسمان دەپ اتملىش تۈنتىرىلگن كۈك گىبىدە گپ كۇپ. اۋندە حىرتلىرىلى واقە-ھادىلەر مۇل-كۇل. انە اۋشەلرنى بىلىشگە اىنتىلىپ يشەيدى اېكىن آدم بالەسى. شو مىحل، خىيال قناتىدە چېكىسىزلىك سىرى اۋچە باشلەيمەن، اۋچەمن-و، يەنە چوقۇرراق اۋىلىشگە توشەمن.

كۆپ ۋەتمەي، چېكىسىز بۇشلىق قەرىدىن، قويۇق بۇلۇتلار آرهسىدىن بىر تۇپ قارە قوش سوغورۇلىپ، شەت بىلەن مېن تامان اوچىپ كېلماقەدە اېدى. اىلس-اىلس اېسىمدە، قارە قوشلر كۇرىنىشەن عاڧى قەرغەلرگە اۇخشەب كېتەر اېدى. بىراق، قەرغەگە قەرەگندە، اولر نىنگ مۇجەسى سەهل كەتەرەق، قناتلر اوزون-اوزون، چۇزىنچاق كۇرىنىش بېرەدى. اولر يوكسكلىكەن اوچەياتكەندە، نشانگە تامان قويۇلىپ بارەدى-دە، ساووق نەسى اىلە اۇشە بېرنى كۇمىرەبەك قارەيتىرىپ كويدىرەدى. قارە قوشلر سايەسى تىككەن نەسە قاوجىرەب قورى بوشلەيدى. قارە قوشلر نىنگ شوم، ساووق و سنىق اوجىشلىرى قندەيدىر بختسىزلىكەن درك بېرەدى. اولر نىنگ بوتون اوضاعىنى مېيەمدە چىزىشگە اورىنەن. قارە قوش حقىدە مامەمدن اېشىتەنلر بىر اېدى. اما، اۇز كۇزىم بىلەن كۇرەنلر بىر مېندە چوقور اىز قالدردى. خاخرەمدە مۇهەلەب قالگەن بىرچە اېسكى اىزلرنى اۇچىرىپ يوباردى بو ياووز قوشلر. بىر زوم ۋەتمەي، هلىگى قارە قوشلر پستلەگنچە اوستىمدن گورۇلۇپ اوچىپ اۋتدى. قۇرقنىمدن: يا بىر بىر اې! بو نېمەسى؟! دېمەن اۇز-اۇزىمگە. كۇز اۇنگىمدە تىمىرسكىلەنەياتگەن آت چوماليلر غارىدە، كوتىلمەگەن وضعىت يوز بېرەدى. بونگەچە عاڧى حرەكتلەنەياتگەن چوماليلر، قارە قوشلر نىنگ تشوشىلى و هجوماكارانە اوجىشىنى سېزىپ، بىردن قۇزغالانگە توشەدى. آت مورچەلر نىنگ تلىسلەب، شاشىلېنچ قۇزغالېشى اڧتىدن اۋلكەدە، كەتە بىر فاجە يوز بېرەنگە اۇخشەب كېتەدى. شو پىتەگەچە چوماليلر بىر يۇنەلېشەدە بارىپ قىتەياتگەن بۇلسە، قارە قوشلر شىرەسىدن سۇنگ، يۇنەلېشلىرى باشقە كۇچە-بو يۇللر تامان اۇزەرەدى.

اۋرىمدن تورىپ بىر-اىكى قەم ادىملەدېم. قۇلرېمنى پېشانەمگە توتىپ آسمانگە قرەب، قارە قوشلر اىزىنى قىدىرىپ، تېورەك-اڧرافگە كۇز سالدېم. شو ياشگەچە هلى بىر بوندى قىغولى كىڧىتەگە توشمەگندېم. قارە قوشلر نىنگ اىكىنچى سوزىلىپ اوجىشىگە ينە كۇزىم اىلدى. بو ياووز قوشلر، اېندى چېچكەب، بىراق ياىب،

داۋچەلەگن<sup>۱</sup> ىم-يشىل درختلر و كۈم-كۈك اۋت-اۋنلرنى كويدىرىپ، قاجىرەتېب قويدى. شوندىن كېيىن، ايچىمدەگى اضطراب تابارە كوچەيە باردى. قۇزغالگن چوماليلر يەنە-دە، ناتىنچلندىلر. اولر حقىدە كۇپراق اۋيلەى كېتىدىم. مورچەلرگە يقىنلىشىدىم...  
 آياغىم آستىدە قالىب، يىنچىلىب كېتمەسىن اوچون اولر نىنگ غارىگە ياووقلشماقدىن تىيىنىدىم. نظرىمدە، بو گل چوماليلر كېسكىن كۈپەيگندەى بۇلدى. ھە، اولر حددىن تىشقىرى تۈزىشىب غارلردىن تىشقىرگە چىقىشىگن.

آسمانگە يەنە تىكىلەى دېب تورىب اېدىم كە، دھشتلى اوچىب كېلەياتگن قارە قوشلر كۆركم بىر باغنى نشانگە آلىب، بىر پسدە قاپ-قارە كۈمىرگە آيلنتىرىپ قۇيدى. نىمە بۇلدى اۋزى دېيىمىن ايچىمدە. اولر باغ-راغلىرگە دشمن مىلر؟ يەنە سۇراق بېرەمن. قارە قوشلرنىنگ گلمە-گل قۇرقىنچلى اوچىشلىرى دوام اېتەياتگندى. اولر يەنە نىمەلرنى بوزىش و ويران قىلىشىگە چاغلىنىشەدى اېكن؟ دېب اۋىلب قالدىم. قارە قوشلر نوبتدەگى اوچىشلىرىدە اېكىنزارلرنى مۇلجلىگە آلەياتگندى. نې تىل بىلن آيتەى كە، اېندى، حاصلگە تۇلىب، باشاقلەياتگن اېكىنزارلرنى ھم كويدىرىپ كولگە آيلنتىرىپ قۇيدى. قارە قوشلرنىنگ حمەلە قىلىب اوچىشلىرى تىن آلمەى تورىبىدى. ياووز قوشلر، بو نوبت كىلپ اورىب، كۈم-كۈك سووگە قناتلرنى بىر-بىر تېگىزە كېتىدى. بىردن بو حيات سووى قانگە آيلندى.

قارە قوشلرنىنگ كېتمە-كېت اوچىشى آدملىرنىنگ عادى حياتىنى ايزدن چىقىرىپ يوبارە ياتىر اېدى. بو بختسىزلىكنى كۇرىنگ كە، قارە قوشلرنى اېل-يورت باشىدىن اوزاقلىشتىرىشىگە انسان كوچى يېتمەى تورىبىدى. اونگە قرشى چوماليلردە ھم شدتلى صدا اويغانگندەى گۇيا. شو تابدە، كۇنگلىمدە توغىلگن اۋى-خياللرنى گىپىرەى دېسىم تىلىم سۇزگە بارمەيپىدى. توشىمىمى؟ دېسىم، كوپە-كوندوز. كىفېتىم خىرە تارتگن اېسە-

<sup>۱</sup> داۋ: بۇى بلند، يۇغان و بەقوت. داۋچەلەماق: بۇى يېتماق، يۇغانلشماق.

ده، كۆز عىنك بىلن تېوره كنى يىخسى كۆره آله من. قىرلىق ھلى بىلىمدن اونچەلر قىق اوشلە گنى يۇق. بىراق مامىقدهى ساچلرىم باشىمگە آغىرلىك قىلىپ تورىدى. اۆتمىشگە بىر نظر تشلەيمىن. قندهى زمانلرده يشە گن اېكنىمىز؟ بونقەسىنى ھلى بېرى كۆرمە گن اېدىم. بوتون دقتىم بىر تقيچ قاره قوشلرنىنگ وحشىانە حركتىگە قده لگن. نھايت وهىمە باسگن ھىجانلى لحظه اشتراكچىسى بۇلىپ تورىمىن. واقعه-حادثەلرنىنگ توبىگە بىتگىم كېلەدى...

شونده:

«صبردىن يىخسى يۇقتور پېشە قىلىم،

بو يۇلدە صبر يۇق اندىشە قىلىم.

-دېگن شاه بيت تىلىمگە كېلەدى...

بىر پس آياق اوستىدە تورىپ قالدىم. قاره قوشلر پروازى كمەيدى. بۇيلگن لحظەلر تىندى شېكلى دېب تورگندىم. بىر پىت قۇل كفى بىلن اىپنى سىيرگندەى شىويىلە گن آواز قولاقلىرىمنى يىلپ اۆتدى. بىردن اۋرنىمگە اۆتىرىپ اۆلدىم. كىچىكلىگىمدە اۋرگىتىلگن اىرىم-سىرىملىرىنى قىلىپ بىر نرسەلرنى اۋقىي دېسم اۋزىمنى الدە گندەى بۇلەمن. چونكە، معنالىرىنى بىلمىدن، مېن ايتماقچى بۇلگن بو سۆزلر بىلن جانلى حيات و تىرىك طبعيت اۋرتەسىدە ھىچ قندهى علاقه و اويغونلىك يۇق. كتە جومباققە يوزلىپ تورىمىن. تۇپارى<sup>1</sup> تىلدە ايتىلسە بو كۆرگن منظرەلرىمنى قىامت، آخر زمانگە مېنگىزىش ممكن. قاره قوشلر تورلىپ بارماقده؛ اۋلىمدن ارتىب قالگن چومالبلر ھم اېزىلىپ، قىيىنەلىپ يشىگە دوام بېرماقدهلر.

اۋىلرىم بىلن آلىشىپ تورىمىن. نخاتكى، اش-پش دېگونچە دنيا توگب قالسە-يە؟ شو زمان، گلەسىدن اجرەلگن بىر قاره قوش قرشىمدەگى پست گىنە دېوارگە كېلىپ قۇنەدى.

<sup>1</sup> تۇپارى: جودە سادە، عادى، قىلوپىرلىكنى بىلمەيدىگن.

او كۆرىنىشىدىن سان-سناقسىز چوماليلرنى بىر-بىر تېرىب يېماقچىدە شى بۇلىب تورييدى. رۇپەرەمدەگى دېوار اوستىدە داقي يونس<sup>۱</sup> دن قالگن بىر راديو قۇيىلگندى. بو گل آت مورچەلرنىنگ حركى تېزلىشىب كېتدى. بو قاره قوشلر چوماليلرگە تېگمىسدىن، يوزىنى دېوار اوستىگە قۇيىلگن راديو تامان بوريب، كاساودە قاره يىب كېنگن پنجهلرى ايله راديو موروره تىنى<sup>۲</sup> بوره ماقچى بۇلدى. بىر-ايكى سىلتهدى. سۇنگ، راديو موروه تىنى تومشوغى بىلن ايتره توريب غىقىللىتىب چۇقىدى. دراو راديو سنب كېتدى. «انقلاب كويى» باشلىب كېتدى. اۋته تاثيرچن، زىلوارلى بو كوى كىشىدە غلطفى كىفيت توغديرەدى. اۋشه كوينى هيچ قندە سۇز بىلن افاده قىلىب بۇلمەيدى. مونى قرهنگ! انقلاب كويىنى قاره قوشلر باشلب بېردىلر. ينگره ياتگن كوى باشىمدن خياليمنى اوچىردى. اۋىلشگە كوچىم، مدارىم يېتمەى قالدى... مجازىنىگ قهرمانلرى بۇلمىش قاره قوشلر هم، چوماليلر هم موراساسىز<sup>۳</sup> يشب كېلماقدهلر.

۲۰۰۵/۱۲/۳۰

شىر بوروك، كىيىك - كانادا

<sup>۱</sup> داقي يونس (دقيانوس): قديم روم امپراتورلىرىدىن بىرى.

<sup>۲</sup> موروهت (موربت): گونك، رادىيونىنگ آوازى و موجىنى اۋزگرتىرىش مقصدە بوره ب قۇيىلەدىگن پېچ گىنەسى.

<sup>۳</sup> موراسا: اۋز ارا كېلىشۋولى مناسبت؛ كېلىشۋو، كېلىشۋوچىلىك.

# ۹. كۆز مونچاق

## كۈز مونچاق

قۇش ھۆكۈزدېك كىنە اپر-خاتىن اېدىلر. بىر نرسەنى حسابگە آلمسە شو پىتگچە تورموشلرېدن نالىگن بىرلرى يۇق. حىانگە اىنتىلىب تىنچ يشەدىلر. بىر نازبان بىر مراد، اىكلەسى بىر-بىرىگە مناسب قلىغ-كوبولر. ياش كېلىن-كوبايو تورموش قورىشگندن كېىن بىر تىرناققە زار بۇلىب، بالە كۇرىشنى نېچە يىل كوتىشىدى. نازبان بۇيىدە بۇلمەى يورەبېردى. بالەسىزلىك عذابى اونىنگ تىنچىنى آلىب قويدى. نظرىدە يىتگن-يىتمەگن اونگە: «نېگە بالەنگ يۇق؟» -دېيە ياتگندەى اېدى. كۇچە-كۇى، قۇنى-قۇشنىلر آرەلرېدە: «عىب خاتىنىدەمىكن، ياكە مراددەمى؟» -دېگن دوو-دوو گېلر. اوستىگە-اوستك، اېسكى تىنىشلىرىدن زبىدە بىر كونى نازباننى نې اېلتىب، نې كېلتىرىب «بىر تىرناققە زار بختى قرا» -دېدى لەپنگلب. شو گېلرنى اېشىتەبېرىب، آخرى اۇزىنى گناھكار حس قىلەياتگن بۇلدى نازبان آى. بالە كۇرىش اىلىنجىدە قۇلىدن كېلگن بار حركتىنى قىلىب كېلدى. امىد اوچقونلرى ھلى اونىنگ يورەگىدن اوچىب كېتگىنچە يۇق. «ھلى يم بالە كۇرەمن دېدىمى، كۇرەمن!» -دېگن گىپىدە تورىدى. شو تاپدە، دىيانىنگ منە مېنمن دېگن دانشمىندلرى ھم كېلىب: «آو خالە! اۇزىنگىزنى مونچە قىينەمنىگ، اېزمنىگ، روحنىگىزنى بىمىرىب يرەلەى بېرمىگ، بىلە تورىب، بىر مظلوم و محكوم چقەلاقنى بو آشفته دىياگە كېلتىرىب اۇتىرمىگ، اۇبال بۇلەدى. بالە توغىب گناھگە قالىب نىمە قىلەسىز اپە! نىمەگە دېگندە، بىر ياقدن قىرغىن-بىرات اوروشلر، باشقە تاماندن بو آنە زمىندە يېتىشماوچىلىك؛ كسل-بېمارلىك، خاتىن-قىزلرنى

كەمسىتىشلەر، ناچارلىك، جنسى زۈرەوانلىك، دىنى، سىياسى ماجرالار، انسانلارنى قول قىلىپ ساتىش، دارى-درمانسىزلىك و اېنگ مەھمى تەلىم و تەربىيەگە قول يېتىملىك بېداد سالماق دە. بىر اۋىل كۈرىنگ-ە، شۇندە شرايط دە بالەسىزلىكنىڭ اۋزى سىز اوچون بخت اېمىسى اخىر؟» - دەپسە يم، كۈنە ياتىن احوال دە اېمىدى نازبان.

نېمە قىلىدى، بورنى اقب، اياق-قۇلى يەرە، يوزى-باشى دانەلب كېتسە ھەم بولرگە بالە كېرەك! كېمىل عايلە دە توغىلگن فرزندلر دە اختىار بارمى؟ توغىلەجك بوندە بالەلر البتە كە آتە-آنە دن آلدن قوماندانلرگە، بچە بازلرگە اسقاتەدى<sup>۱</sup>. ... اولر نىڭ بىر توزاغىگە ايلنيسە بارمى، قوتىلىش نىڭ يۇلى يۇق. بو يۇلنى بارسە كېلمس دەيدىلر.

اخىرى ياش عايلە اۋغىل فرزند كۈرىشىدى. سوت اوستىگە يەنە بىر اۋغىلگە آنە بۇلدى نازبان. سوپونگىدن جانى اچىگە سىغمەيدى. آلدننن بېشىكنى چۇغدە قىلىپ يسب قۇيدى. تىلب آلگن ايكى گىنە بالەگە كۈز تېگمەسەن قىلىپ، بېشىگىگە قۇشەلاق كۈز مونچاق ھەم تەقدى. حتا، اوچىلردن بۇرى آشىغىنى تىلەتەپ، كۈز مونچاق ياندىن اونى يم آسدى. بېشىككە قۇنغىر بىخملدن طومارچە قىلىپ باشى سرىدن ايلپ قۇيدى. خورسندلىگىدن اللەلرى قۇشققە ايلنپ كېتدى. بو بىر كە دىئادە ارمانلرى اوشلدى نازبان و مرادلر نىڭ.

نېمە بۇلسە-دە، نازبان و مرادلر عايلەسىدە دىئاگە كېلگن گۇدكلر بىقىلىپ، سورىلىپ اولغەيدى؛ سوپەگى قاتدى اولر نىڭ. نازبان و مراد كويىپ، يانپ تاپىن-توتىنلر ينى شولرگە صرفلەدى. باقدى، باولەدى.

\*\*\*

غلام سىخى و غلام نىلر ھەم كتە بۇلىپ، كمالگە يېتدى... اكە-اوكە ھنوز آتە-آنە قرەماغىدە. نازبان و مراد اولر نىڭ كېلەجىگىنى اۋىلپ، كۈزلرى تىرىكلىگىدە، باش پەنە

<sup>۱</sup> اسقاتماق (اسقتماق): كېرەك بۇلماق، كۈنىگە يەرەماق، ايش بېرماق.

حاولىسىنى-دە، تىلەكى ئۇغىللىرىنىڭ ئاتىگە رەسمىي لىشىرىپ ھەم بېردى. ئەتە-ئەنگە باشقە قىلردېك ايش قالمەدى چەمەسى، ارمانىمىزگە يېتىدىك، -دېيە يىشب كېتەۋېردىلەر. قرەنگ كە، چرخ-فلەك آيلىنىپ، ئۇغىللىر غلام سىخى و غلام نىلر اويلنىشىدى، بالە-چقە كۆرىشىدى... اولر ھەم ئەتە-ئەنگە بۇلدىلەر. ئەلە خۇرجىن اېلكەلرېگە توشدى. كۈنىنى كۆرىپ ئۇز ارا بەلرېنى تارتە باشلەدىلەر. كۈنلر ئۈتېپ، كىتە عايلەنىڭ تىنچى يۇقالە باشلەدى. سېكىن-استە ئەتە-ئەنگە ئۇز اويىدە آرتىقچەلىك قىلدى. غلام سىخى و غلام نىلر ئەتە-ئەنگە غىرىلىك قىلە باشلشدى. ئەتە-ئەنگە نىلر بېر چىتگە سورىپ قۇيىلدىلەر. ئاش-ناندىن ھەم رىزقلىرى اوزىلدى. اولر ئۇز اويلىرىدە سىغىشمەي قالدى آخر عاقبت.

بارىپ-بارىپ، ئۇغىللىرىنىڭ قارە قازانلىرى آيرى-آيرى بۇلدى. ھەر كىم ئۇز كۈلچەسىگە آلاو تارتە ياتگن بۇلىپ قالدى. آلدى-قاچدى، مىدە-چۈيدە گېلر كۆپەيە كېتىدى. ئەتە-ئەنگە قىيا باقمس بۇلىشىدى بىر كۈنگى تىلەكى اېركەتاي ئۇغىللىر. بىر تىشلم نان، بىر كاسە قارە ياوغان شورۋەنىڭ ھەم كېتى تەقە-تق اوزىلدى. كېكسەيىپ قالگن ئەتە-ئەنگە آچرىچىلىك تارتە باشلشدى. بېشام باش قۇيە بېردىلەر. آخرى تونشگە ئۇزلىرىگە تەيىن خانە تاپەلمەي، يېر-خاتىن آيواننىڭ بىر چىتىدە بىر-بىرىنىڭ پىنجىگە<sup>۱</sup> كىرىپ، توننى كۈنگە اولب چىقەدىلەر. ياستىق ھەم يۇق. ياشى بىر يېرگە بارىپ قالگن ئەتە-ئەنگە «شۈنىسىگە يىم شۇكر!» -دېيە تىشنى-تىشىگە قىسىپ، يىشب تۈرىشىدى بىر عملەپ. قۇنى-قۇشنىدىن ئاش-اوقت اولەشەلەدى ھەر قەلەي.

موسىچەدېك كىنە نازبان مامە اوى دېۋارىگە تىيەنىپ، كۈز يارىغىدە ئۈتىن-چۇپ، تەقىر-توقىر، پىتى-ستىلر استىدە قالىپ كېتىگن ئۈشە بېشىكىنى تاپىپ آلىپ، سۈدۈر-سۈدۈر، چىڭگى چىقىپ ياتگن بىر نەندەنىڭ آخىرىگە اېلتىپ، ايكەلسە يىشەي تۈرگن جايدە، بېجىرىم گىنە قۇيدى.

<sup>۱</sup> پىنج: كىمەسە ياكە نرسەنىڭ يانى، بېقىنى، بىرى.

چالى مراد بابا غمگين بىر كۆرىنىشده:  
- كمپىر! نىمە قىلەسن اېسكى بېشىكىنى سودىر، -دېدى ھارغىن بىر آوازده، اۈنگ قۇلىنى پېشانەسىگە توتىپ تىكىلركن.  
- نىمە قىلدىم چال، اۈزىمىزگە پردە بۇسىن، باش پەنە بۇسىن دېمىن. بىر ياغىمىزنى ياپە تورسىن-دە، -بېشىتىلر-بېشىتىلمس آھنگدە، -منە ايكى تامانىمىز دېوار، بو طرفىگە بېشىك قۇبەمىز. توشىندىزىمى اېندى؟ -دېدى چالېگە.  
برندە بورچىگىدە ايكى كىشى سىغردەى جاي قىلىندى. اېسكى-توسكىلرېنى تەشىب، او ياق، بو ياقلىرىنى ياپىب آلگندەى قىلىشدى. اېسكىراق لىتە-لوتەنى اولب-قورەب، تېپەلرېگە تىكسەلر، نىق جۇگىلرېنىگ اويىگە اۇخشر اېدى.  
مراد بابا تىرسىگىنى بو كىلگن كۇرپەچەگە بېرىپ، يانباشلەياتىپ:  
- قىرلىك اېكن، كېچقورون توشەبېرىشى بىلن آدمىنىگ ھىمەسى آرتىپ، اويقوسىزلنركن. توندن قۇرقەدىغان بۇلىب قالىمىن كمپىر! -دېدى.  
- گېنىگىزدە جان بار چال! مېنىگ ھم باشىمگە ارواحلر گىر-گىر اېلىنىپ تورگندەى گۇيا، -دېدى قاشلرى چىمىرىپ تورگن، بۇى بو كچەىگن نازبان كمپىر.  
بايەگى بېشىك اېندى اولرگە باشقە معنا كسب اېتە باشلەدى. چال-كمپىرنىگ نظرىدە اۇشەگىنە بۇشب قالگن بېشىك، مونگلى تېبەرەنەياتگن كھنە دنياگە اۇخشب كېت اېدى.  
بېشىك يېر كرەسى سىنگرى يىخىدىر، ياماندىر ھر بىر تىرىك جانزادنى اۈز بىرگە آلدەى. بېشىك ىنە آنە سيارەگە اۇخشب، كېلگوسى نسللرگە اۈز كۇكسىدن جاي بۇشەتىپ تورەدى. بېشىك ھم بىرگە اۇخشب بۇش قالمەىدى.  
بېشىك يانيدە اۈتتىركن چال-كمپىر سۇنگىرى يىم نانىنى بىر كاسە سوو بىلن يېب توگتدىلر. اولرنى بوندن بو ياغى - كېلەجگى قىينەماقدە اېدى. آتە-آنە ھم قۇنى بۇشب قالگن شو بېشىككە اۇخشەىدى. اېندى بېشىككە ھىچ كىمىنىگ اىشى توشمەىدى. بوگىنە بېشىكىنى زارە تېشە، بالىتە كۇترگن كىر قۇللر غىژدەلب تىلمەسە،

ياقېب، ياندىرىب يوبارمىسە اېدى كاشكى، دېيدى چال-كەمپىر. ھەلى، ئەنە ھەسەننىڭ ايسىق، ياقمىتاي و پارىم گىنە صداسى اۋرەلىپ تورىدى بو بېشىكەدە. بېشىك نىڭ ياغاچلارگە مەيىن گىنە اورىلگن ئەنەننىڭ نالىشلىرى ساچىلىپ ياتىدى. چەقەلاق نىڭ اينگىللىب يىغلىشلىرى، قىقىردىب كولىشلىرى- يو شۇخلىكلرى شو بېشىك فزاسىدىن ياغىلىپ تورىدى ھەنوز. بېشىكەن ئەنەننىڭ ھىدى ھەمان دماغلارگە اورىلىپ، ھەنوز- ھەنوز بېشىكەن تورەدى. بېشىك نىڭ سۈيە گىنى قەشە تىب، زىرقىرە تە ياتگن نرسە - بىر گىنە ياغىزلىك. ويرانە گە اۋخىش ھاۋوللىب قالىشدىن قۇرقەدى بېشىك... بو بېشىك ئەنە- ئەنە اوچون ھەم اولكن دنيا، ھەمدە جەننى گىنە كەلبە. بېشىك بىلەن باغلىق خاتەرلەر چال- كەمپىرنىڭ روھىنى كەمپىر بارە يىدى. ھەلى اۋلدىنە يىشدىن بار. قەندە قىلىپ كۈن كەچىرىش، نىمە يېب- اچىش مسالەسى، كىيىش، ياپىنر، تۇشەنلرلى تورىدى ھەلى اۋلدىنە.

پىنەكى قىلىشدىن بورون چال-كەمپىر بوندن كېن قەندە قىلىپ رۇزغار تېرەتر مسالەسىدە باش قاتىرماقەدە اېدىلر.

- مەنە اۋغىللىرىمىز نىڭ دسترخوانىدە تۇكىب قۇيىلگن رزقىمىز ھەم توگەدى. نىمە قىلەمىز اېندى كەمپىر؟ بېلدىن كوچ كەتدى، كۈزدن نور. اياغىمىز گۇر لىيگە بارەدى دەپ تورگن بىر پىتدە نان گدايى بۇلىشدىن اسرەسىن، -دېدى چال كەمپىرگە گپ تىشلەگن بۇلىپ.

- خى اۋىلەمىڭ، خدا پاشا! «نان گدايى بۇلىسنگ بۇل، جاي گدايى بۇلمە» -دېگنلر. اۋزى تېشىب قۇيىگن تاماغنى بىر لقمە نان بىلەن سىيلر اخىر، -دېب قۇيدى كەمپىر.

- قىزىغ گىپەرەسن كەمپىر، ھەلى آسماندىن بىر نرسە تىشلەگىنىنى ھىچ كىم كۇرمەگن. كەكسىنچە، مىليونلر ادملرنىڭ عذاب-عقوبت ابلە خۇرلىنىپ اۋلىشىنى كۇرىپ تورىدى پروردگار. مېن دىيانىڭ عذابلىرىنى شو قادر مطلقدىن كۇرمەن. اونگە شولر ياقەدى شېكىللى، يۇقسە نېگە ھەمە ياقنى گلستان قىلىپ قۇبمەيدى؟ بىزنى مونچەلر سىنب نىمە

قىلەدى يره تگن؟ همەسىنى اۈزى بىلەدى-كو! -كى-كۈستىنى مېندن سۈرەمەيدىمى؟  
ايتىب بېردىم قىتە بندەلرېنگە ايشانمە دېب. بىزنى هم بوندن بتر قاره كونلرگە  
سالرمىكن تنگرېم؟ انه شوندن قۇرقەمن كمپىر.  
- نىمە، سىزدە آى كۈرىمى؟! باشقەلردن بىرار آرتىق جايىنگىز بارمى ياكى؟ گېىزدى  
قرە نك-ه!

- تېشىك تاماغ نىنگ غلبەسى كۇپ اېكن كمپىر!  
- بىراونىنگ محتىنى-كو قىلىشكە يره مەيمىز. تىلمچىلىك قىلەمىز-دە.  
بابا:

- ايش قىلىپ تنىش-بىلىشلردن اوزاقراققە بارەلىك، كۇرگن-بىلگنلر فلانىلر گدايلىك  
قىلىپ يوربىدى، دېمەسىنلر تىغىن. هر حالده محلەدە اۈزىمىزگە يره شە آبروئىمىز بار  
اېدى بىر زمانلر. تۇغرىمى؟ شو گېنى اېسدن چىقرمەلىك كمپىر!  
مامە هم كۇز ياشلرى جودىرب:  
- مىلى! نه چاره، -دېدى چالىگە.  
- اۈكسىنمە، كۇز ياشى قىلمەگىن كمپىر! منگلەيىمىزگە يازىب قۇيىلگن اېكن شو كونلر.  
تقدىرنى تىبىر قىلىپ بۇلەدىمى؟

- بالەنگدن تارت دېگن اېكن خدايىم، -دېدى كمپىر، چوقور آه تارتىب.  
- اۈزىنگنى باس، كۇز ياشى قىلمە، -قۇلىدەگى رومالى بىلن كمپىرىنىنگ كۇزلرىنى  
آرىتدى، -قۇلىمىز كلتە بۇگن مېنن، تىلىمىز قىسقە اېمس. آدملرگە بېدىرگنمىز وختىدە،  
-دېدى چال... غىرتى جوش اورىب.  
-بو زمانلردە: «بار اېدى، بار اېدىنى قۇيىنگ؛ منە، بار-باردن گېيرىنگ»، دېدى آدملر.  
شوندە بىر پىتدە يشەيىمىز چال، -دېدى مامە قلىتقراق اۈزىدە.

توننى بىر عملب اۈتكزىشىدى چال-كمپىر. بابا اېرتەلب تورىب نمازىنى اۈقىب آلدى.  
اېر-خاتىن بىر-بىرىگە تىركەشىب، كۇچەگە چىقدىلر. مامە كوموش رنگ كتە

قرسىنىڭ بىر اوچى بىلەن باشىنى تىغىب<sup>۱</sup> باغلىدى. بابا اېسە بۇز سەسىنىڭ قىستىرىلگەن پېچىنى توشىردى. عىساسىنى قۇلتىغىگە توتىپ سىپىرەك ساقالىنى برماقلىرى بىلەن ترەدى. كىمپىر چالىنىڭ قۇلتىغىگە سۈيەنىپ، ايكەلسى سېكىن ادىملە باشلىدى.

جمە كۈنى اېدى. قوياش آپاق اېتەگىنى يامىسەن-آق، اېرتەلب چال-كىمپىر تىلمىچىلىك قىلىشگە، اونچە اوزاق بۆلمەگەن جمە بازار شەھرىگە يېتىپ ادىلەر. شەھەر گۈجۈم اېدى.

دوكانلار قرشىسىدەگى ارقىلاردىن اۋىناقلىغىگە، اۋرەلىب، بورەلىب شىلبا سوولر اقر، اېرتەلبكى شىمال اېپكىنلىرىدىن مىنۇن تال، آق قەيىن، غوجۇم و خىمچە توتلر يالەلرلى اېگىلىپ اۋىنشە ياتىدى. ساتوۋچىلر بىلك-بالدىرلىرىنى شىمىرگىچە، تۈنىكە ايدىشلردە سوو سېپىب، دوكان ادى چىگىمىلىك اوچون توپراقلارنى ياتقۇرە ياتىدى. ات-اېشكىلدە اوزاق-يىقىنلردىن كېلە ياتىگەن بازارچىلر اقىمى ھەم كوچە يىگىدى. سماۋارلردىن، قوچۇق توتونلر كۆككە اۋرەلە ياتىگەن اېدى. باشلىرىدە سېپت كۆترگەن نانبايلر : «اىلب قالىنگ، مەنە ايسىق نان» -دېيە رستەلر بۇيىل نانىلرلىنى ساتە ياتىدى. دوكاندارلر چارپايەلر اوستىدە كرسىلەگەن كىچىد حلوانى سىندىرر، قىندىچىنىڭ<sup>۲</sup> قۇلى-قۇلىگە تېگمەي ساچ حلوا، كلە قىند، تىشلەمە، تۇشك، پستە، باداملرلىنى چقان-چقان ترازىگە سالىب پولىلە ماقدە اېدى. يۇل ياقەسى بۇيىل، سوداگرلر بۇجى، شال، بۇرىا ياكە، پلاستىك قاغاز تۇشب، كىمىدىر جىيىدە، كىمىدىر زىغىر ياغى، باشقە بىراۋ قوروت، قورۇق مېۋەلر؛ يىنە كىمىدىر سىچاقلىرىگە گۈل سالىنگەن ايشتانباغ ساتماقدا اېدى. مۇترلر غىز-غىز اۋتىب تورىدى. اوستە تېمىرچىلر تىق-توق، گرس-گورس قىلىشىپ، رۇزغار بويوملرلى يىسە ماقدە. بازار-

<sup>۱</sup> تىغىماق: مىكەم سىقىپ، اۋرەب، اېلىنتىرىپ باغلىماق؛ چىندىماق.

<sup>۲</sup> قىندىچى: قىناد.

دە، ھەر كىم بىر نرسەنى آلىش ياكە ساتىش بىلەن بىند. كۈن بۇيى غلە-غاۋور آوازلىر بازاردىن آرىمەيىدى.

چال-كەمپىر بازار رستەلىرى بۇيىل تىلمەچىلىك قىلەي دېسە، گدايلر ادبىياتىدىن، يعنى تىلمەچىلر ايشلتەياتگن سۇزلردن بېخبرلر. «بىز اۇغىللىرىمىز قۇلىدىن كۇچەگە ھىدەلدەي، آچ-نەھار، دربدر بۇلدەي» -دېشىگە تىللىرى بارمەيىدى. آدملىرىنىگ يۈرەگىنى سىرى ياغدى اېرىتەياتگن جملەلر تۈزىب، تىلمەچىلىك قىلىشنى اېلەي آلەمەيدىلر. آدملىردن ياردەم سۇرەشنى بىر-بىرىگە سالىب، كۈننى ھەم اۋتكىزىب، نامراد بۇلىب، آخىرى اۋىلرىگە قىتەشگە مجبور بۇلدەلر. تىنكە-مدارى قورىگن اېسە-دە، چال-كەمپىر تېرەنە-تېرەنە يۇلگە روانە بۇلدى.

\*\*\*\*

چال-كەمپىر حاۋلىگە كىرماقچى بۇلىب اېدىلر ھەم كە، اىچكىرىدىن ناتىش آوازلىر اېشىتىلدى. بالەلر قىي-چۈۈ سالە يانگندى. درآۋ حاۋلى دروازەسىنى آچىب، تۇغرى ايۋان چەتدە قۇيىلگن بېشىك تامان، اۋز كىلەلرىگە كېلەبېردىلر. بىردن قىسىدىر خاتىن شىغىللەگن آۋازى بىلەن:

- آۋو قىگە بارەيىسىزىلر؟ تىلمەچىلىك قىلماقچى بۇلسىزىز كۇچەدە تورمەيىسىزىمى؟ بىر بۇردە ناننى خدا يۇلىدە اۋزىمىز آلىب بارىب بېرردىك» -دېدى ترۈەقەيلىب<sup>۱</sup>.

كەمپىر اېسە اۇغىللىرىنىگ آتىنى بىر تۈتىب:

- «آا غلام سخى، غلام نى! بۇلرىنگ كىم؟»، -دېدى.

اۇغىللىرىدىن آۋاز چىقمەدى. اۋندەگەچە، بىر ابركك كىشى نىنگ:

- حاۋلى بىزنىكى، بىز ساتىب آلدەي، اۇغىللىرىنگىز باشقە شەھرگە كۇچىب كېتىدىلر بو بىردن! -دېگن دۇرىللەگن تاۋۋشى اېشىتىلدى.

<sup>۱</sup> ترۈەقەيلىمەق: بىلەيمەق، لەپىنگەلمەق.

اوى اېگەلرى «چىقىنڭلار، چىقىنڭلار!» قىلىشىپ، چال-كەمپىرنى زۇرلەپ، سۈرىپ چىقىردىلار  
ھاۋلىدىن. بۇلىپ تورگن وضعىتىدىن حىرتدە قالگن مامە زار-زار يىغلىشىگە كىردى و  
بېشىگىنى آلىپ، كۈچەگە چىقىشىدىن اۈزگە چارە تاپمەدى.

چال-كەمپىر نىمە قىلرىنى بىلمەى تشقىرىدە قاتىب قالدىلار. ايكى ساعىتلردن كېىن تون  
قارە پردەسىنى شەر اوزرە تۇشەدى. منە، نان گداىلىك بىتمەگنى دېك، جاي گداىلىك  
ھم بولرىنىگ ياقەسىدىن اوشلەدى. اېندى بولر قىگە بارسىن؟ قەيىردە اۈخلشسىن؟  
آسمان بلند، بىر قىتىق.

چال-كەمپىر بېشىك نىنگ ايكى تامانىدىن اوشلەشىپ، جاندىن عزىز محلەنى ترك قىلىپ،  
اۈ بىردن كۇپ ھم اوزاق بۇلمەگن «غرىب آتە» زىارتى سىرى يۇل آلدىلار. قاش  
قارەيمەى تۈرىپ، اولر زىارتگە بېتىپ، كەملىكلرى كېلىپ، ھۇنگ-ھۇنگ يىغلب،  
سغنەگە<sup>۱</sup> آياق باسىپ كىرىشىدى. چال-كەمپىر اۈتىرگن جايلىرىدە، ھنسىرەشدىن تۇختب،  
اۈلگنلر روھىگە دعا قىلىپ، يۈزلىرىگە فاتحە تارتدىلار.

مامە تپ-تقىران بىرگە اۈتىرىپ، مقبرەدەگى جن چراقنى ياقدى. اۈغىللىرىنى اېسلب كۇز  
مونچاقلر و بۇرى آشىقلرىنى سىلب-سىلب، تېرگ سنب كۇزلىرىگە سۈرتىپ اۈپدى.  
بالەلرىنى ساغىنىپ، يادلب، تۈيىپ-تۈيىپ يىغلىشىدى ايكلەسى. كوچى-مدارى كېتىگن  
آنە قۇلىگە درخت خىمچەلرىدىن سوپورگى يىسب زىارت تېورەگىنى بىر سىدرە سوپورىپ،  
سىپىرىپ چىقدى. چال-كەمپىر انە شو «غرىب آتە» مزارىدە مجاور بۇلىپ، يىشب  
تورەبېردىلار. زىارتچىلر آتەگنلرىنى تشلب، شوگىنە نورانى قىرەلرنىنگ بىر ھاۋوچ  
دعاسىنى آلىشىگە احتىياج سېزدىلار.

زىارتچىلر «غرىب آتە» مزارىنى اېمس، كۇپراق قىرەلرنى اېسلب، شوگىنە بېشىككە  
اخلاص قۇيىپ، يىخشى-يامان كونلرىدە اوندىن كۇمك سۇرەگوۋچى بۇلدىلار. آدملر

<sup>۱</sup> سغنە: مقبرە.

زيارتگه «بېشيك آنه»، دېيه ايکينچى نام بېرىشىدى. هر توس متاعلرنى، تورلى نيتلر قىلىپ، بېشيكکه ايليپ كېتەياتگن بۇلىشىدى آدملىر. تيرناقلىرىگه زار آتە-آنه اۇغىللىر هجرىدن يىلغەى-يىلغەى كۇر بۇلدىلر. شو «غريب آتە» زيارتيده دنيادن كۇز يومدىلر. بلا-قضالردن آمان قالگن بېشيك انه شو سرسان-سرگردان چال-كمپىردن يادگار بۇلىپ قالدى.

اكتوبر، ۱۹۸۳

تاشكېنت

# ۱۰. اوچرەشوو

## اۈچرە شوو

اوشبو حكاية تخمين ۱۷ يىل بورون يازىلگن بۇلىپ، اۈزىدە كۇپ حقيقتلرنى محسّم اېتردى. اونى بىر قىتە اۇقىپ چىقىپ يورەگىم ويران بۇلدى. قۇرقىپ كېتىدىم راستى گپ. بو حكاية روحيتمگە قتيق تائير قىلدى. بېاختيار كۇزلىرىم ياشلىنىپ كېتىدى. يورەگىم بېتلەمدى. حكاية جايىدە يۇق قىلدىم. ايرىم دۇستلر «يخشى بۇمبىدى...» - دېيىشىدى. اېندى اۋبال بۇلمەسىن اوچون مذكور حكاية نىنگ عمومي مضمونىنى بيان قىلەمن. اورجىنالى نىنگ اۋرنىنى باسەالمسلىگى انىق.

راوي ايتەدەر:

ساووق يورتدە يشەگنىم اوچون كۇپلپ واقعه-حادثه شو ساووقدە يوز بېرگنىگە تانىق<sup>۱</sup> بۇلگنمن. كېلىنگ اولردن بىرىنى ايتىپ بېرەى: اېرتەلب بروقت اويدن چىقىپ، بسلر بېكتىگە بارىپ الدېم. آسمان قباغى آسىق، كۇكدە هيچ نرسە كۇرىنمەيدى. ماوي آسمان دماغىدن ايزغىرىن نفسىنى ترەتە يانگندى... نيمە بۇلسە هم تكانالوۋى بركتىدن شرايطلر زۇر بۇلگنى اوچون آدملر قهرەتان ساووقلردە اذيت چىكمەيدىلر.

<sup>۱</sup> تانىق: شاهد، گواه.

تۈرت يريم دىققە ئۈتتۈپ بارىدىم، بىس كېلىپ قالدى. نمرەسى «۷» بۇلىپ، قارەمتىر قىزغىش توسى بار اېدى. بىس نىنگ اىچى ايسىق، ئۈرىندىقلىرى يوشاق، آينەلىرى تىپ-تىنىق. اوچتە يۇلاوچى بىس نىنگ اوچ جايىگە ئۈتتۈپ آلىشكن، ئۈز خىالى بىلن منزىلىگە تامان كېتەياتتىر اېدى. مېن بۇلىم شو بىس نىنگ آخىرگە بارىپ ئۈرىندىم. يۇلىم سېھل اوزاقراق؛ قىرق يېتتى دىققەدە يېتتۈپ آلىشم كېرەك اېدى.

كېتەياتتىب، قالاچ يورتلىرى بىلن بو رواجلىنگن مملكت ئۈرتەسىدەگى تىفوتلىرى قىاسلپ كۈرەم؛ عقلىم شاشەدى. بىلىم و دانش عوضىگە قۇلگە كېلگن بو يوتوقلر-و، بې حساب امكانىتلىرى كۈرىپ ئۈيگە باتەم. بۇنىگە چە خرافاتگە كۈمىلگن ئۈلكەلدە انسانلر نې-نې مشقتلىرى تىدە تويىب، قىسقە عمرلىرىنى رنج و عذاب بىلن باشدىن كېچىرىپ، آخىر ئۈلىم نىنگ چىنگەلىدە اېزىلىپ جان بېرەدىلر. بىسگە چىقىشىم بىلن مە شو ئۈ-ئۈ فكلر مىيەمنى اشغال اېتتى. آخىر باشىم قاتىب ئۈيگە چۈمىپ قالىمىن. يريم اويقى، يريم هوش حالتىدەم.

شو پىت كۈز ئۈنگىمە بىر نرسە شىپە<sup>۱</sup> سالگندە بۇلدى. ايلغر-ايلغەمس<sup>۲</sup> تصورىمە كىنلى بىر مرحومگە ئۈخشەدى. خىال قناتىدە تىقراق اقلرىدە پرواز قىلىپ بارماقەم. بىر پىت شو شىپە كۈزلىمگە انىقراق كۈرىنىشە؛ قرەسم يانىمە ئۈتتۈپىدى - نق ئۈلىكنىنگ ئۈزى. قۇرقىب كېتىپ يا پىرىم اې! -دېدىم. كىم سىز؟ بو پىردە نىمە قىلەسىز؟ مېنگە نىمە ايشىنگىز بار اېدى...؟ -دىپە سۇراققە توتتۈم اونى.

جواب قىلمىدىن او هم مېنى سۇراق قىلە باشلەدى. مېن بو وضعىتىدىن، مرحوم ئۈلىكخانەدىن قاچىپ چىقمەگن بۇلىسىن تىغىن، دېگن ئۈيگە باردىم. يۇق، يۇق!!! اوندە بۇلىپ چىقمەدى.

<sup>۱</sup> شىپە: قولاققە چىلنر-چىلنمىس تاووش؛ كىمىسە ياكە نرسەنىنگ غىر-شىرە، بىلىنر-بىلىنمىس قارەسى، افادەسى؛ شوندى سايە.

<sup>۲</sup> ايلغەماق: عقل، كۈز، قولاق بىلن سېزماق.

... شوندىن سۇنگ ايكىمىز دۇست بۇلىب آلدىك. اۋلىك نىنگ برچە سۇراقلىرىگە جواب بېردىم. بىر-بىرگە ايشانېب اىستلگن نرسەنى سۇرەى بېردىك. مېن مرحومدىن كۆپ نرسە سۇرەدىم. رحمتلر بۇلسىن اۋلىككە برچە سۇراقلىرىمگە جواب بېرگنى اوچون. بىراق، بىر سوالمىگە جواب بېرىشدىن باش تاولەگن اېدى.

اۋشە كونلر قۇلىمدە بىر مجلە توشگندى. اوندە باميان بوداسى هيكلى صورتى توشىرىلگن بۇلىب، قىزىق معلوماتلر چاپ قىلىنگن اېدى. مرحوم ھم مجلەگە كۆز قىرى سالدى. اۋلىك نىنگ كۆزىدىن آقن يوم-يوم ياشلر مجلە بېتىدەگى بودا هيكلىنى ھۇل قىلىپ تشلەدى... حىرتلندىم!

اۋرتەمىزدە ساغىنچ-دۇستلىك رشتەلرى قىقى باغلندى. مېن اونگە: سېن ھم يالغىز، مېن ھم يالغىزمن. كېل آندە-ساندە شو غربت آباددە اوچرەشىب تورەىلىك، -دىدىم. او ھم:

- «مىلى، راضى من. سىزدېك دردكش دۇست تاپگىمدن باشىم كۆككە بېتىدى...، - دېب خورسندلىك بىلدىردى.

بىسدىن توشماغىمگە بېش دىققە قالىب اېدى. مېن مرحومدىن: اېندى خىرلشەمىز، كۇرگندە كۇرشگونچە، -دىدىم. او يىم:

- مىلى اې تىرىك انسان! حىات نىنگ قدرىگە بېت، -دېب اېدى كە، يالبوارىب اوندىن نېگە برچە سۇراقلىرىمگە جواب قىلدىنگ؛ نېگە يورتىنگنى مېنگە تىشىتىرمەدىنگ؟ - دېب سۇرەدىم.

- نىمەنى سۇرەسنگ سۇرە عزيز دۇستىم؛ مېندىن وطنىم حقىدە ھىچ نرسە سۇرەمە، سۇرەب بىرىمنى اېزمە، -دېدى.

ايكىمىز ھم بىر وطندىن اېكىمىزنى بىلىب تورىمىز. مېن يورتىمنى آيتىب، تىشىتىرىپ، اويتگە باتسىم؛ او يورتى حقىدە لام-مىم دېمەى سكوتگە چۇككن اېدى. قۇللىرىم بىلن

باشىمنى چىنگىللىگىنچە اۇيىگە تالدىم. سۇل تامانىمىگە باقىب قرەسم جايى بار و جولى  
يۇق.

دسىمىر، ۲۰۰۷

شىرورىوك، كىيىك - كانادا

# ۱۱. قلدیرغاچ

## قلاىر غاچ

بهار كۆرپه دهى يم-يشل سېپىنى دشت و دلە، باغ و راغلىر، كۆپچىب ياتگن يىلاوردە يايە باشلگن كونلر اېدى. تانگكى مەيىن يېللر اۋت-اۋلنلرنى «بۇلدى اېندى! ھى تورىنگىز، ھى تورىنگىز!!!» -دېپە قىتىقلىق اويغائە ياتگندى. شۇدېرىنگلر توندە يىققن تىپ-تىنىق دۇرلىنى غنچەلر قولايغىگە تامچىلىب-تامچىلىب تامىزە ياتگن انلر اېمىسى؟! گل-چېچكلر قىيغاس<sup>۱</sup> اچىلگن پەيت؛ داو-درختلر اۋز شاخچەلر يىگە اينجو شادەلر اسيب اَلگندەى جلوه لىردى. يىشىلگە بوركنگن درختلر شمال اېيكنىدىن شۇخ تۇلقىنلر بغيرىدە چىقەلىب تورردى. طرفە رنگلرگە چەيىلگن كپەلكلر قناتى قوباش نىنگ يريم نورلرى اَسىدە تاولنىب-تاولنىب، يلىتيرەى دىر اېدى. سىراقى قوشلر كۆكلم نغمەلرلىنى تىنىمىسىز ترنم اىلب تورر، چومچوقلرنىنگ چوغورلشلىرى، قورت-قومورسقىلرنىنگ بىر اوزرە قىمىرلەى باشلەگنى، كىشىلردە بهارى كىفەت اولەشىلگنى شوندا انسانلر يوزىدىن بىلىنىب تورر اېدى.

اويىمىزدن سوغدى كۆتريلگن بۇلسە-دە، اوزون قىش نىنگ اغير يوكىدن قالگن ساووق شىرپەلرنى، ايس چراغىمىز «نرى بار، نرى بار» قىلىب اۋز باشىدىن اوزاقلىشىرە ياتگندەى گۇيا. تېمىر ايس چىراق نىنگ يوزىنى بىر ياغى نىنگ كويەسى خىرەلشتىرگن. چىراق نىنگ تېپە قىسمىدە فىلتەدن كۆتريلە ياتگن قويوق توتون كويە باغلب كېتگندى. قارانغى توشىشى بىلن انە شو تېمىر ايس چىراق بىزنى اۋز اطرافىگە چارلەيدى. غىرە-

<sup>۱</sup> قىيغاس: ھەمەسى بىر ابرىگە، ياپەسىگە، شىغە.

شيره ياغدوسيده اوقتيمزنى يىب آلهميز-ده، بير-بيريميز بيلن غيدى-بيديلرني تۇختەتەب، ياستيق اوروشى قىلەميز. بير پس اۋتەب، كولگىلرئيميز يىغىگە آيلنەدى قالەدى. آنەميز بقير-چقىرلرئيمزدن قولاغى قامتگە كېلىب، داد-وايگە توشيرهدى. اۋيىن-كولگى، يىغى-سىغى، آچ-تۇقىمىز بيلن بيزنى اۋز بغرىگە آلگن شوگىنە اويىمىز عليحده بيردنيا اېكن.

شو بهار كېزلرى عايلهميزگە بير جفت قلدیرغاچ كېلىب قۇشىلدى. نق تېپەمىزده، اېندى چىغ سالىنىب، سوواقدن چىققن خانەمىز بالارى نىنگ كاوهگىده اين قوريش حرکتیده بو قوشچەلر. بو حالت، بيزگە دنيا ايچیده ينه بير دنيا قوريلگندهى توييلهدى. شونده آنم منه بو قۇشيق و ايتىملرنى بيزگە ايتىب بىرگندى:

اوچىب كېلر قلدیرغاچ،  
اونگە اېشىگىنگنى آچ.  
قناتلرى قىريلگن،  
گلەسىدن ايرىلگن.  
بېش كون كۆكلمده مهمان،  
سەويب بۇلىنگ مەربان.  
سوو ايچسنگ قۇلىم تباغ،  
اويىم سېنگە يشيل باغ.  
قلدیرغاچىم، قلدیرغاچ،  
قاب-قارە ایلادن قاچ.

...

بو قلدیرغاچلر اوچى اچە و اينگىچكە قناتلرئىنى يازىب حاوлимىز فضا سیده، بير بىرگە قويىلىب، بير آسمانگە شدت بيلن مستانه اوچىب كۆتيرلردى. بير نېچە بار اويىمىزگە كىرىب-چىققن بو قلدیرغاچلر، كېچەگىنە خانەمىز تېپەسیده اۋزىگە اين قورەمن، دېب

جاي بېلگىلەپ كېتىگەندى. اېندى اۋشە بالار كاۋەگىدە يېرىم دايرەسىمان اۋيى نىنگ چىزمەسىنى تىكلەش اشتياقىدە اېدى بو ناز قوشلار.

قلىدىرغاچلار اين قورگىنى اۋيىمىزگە تېز-تېز قىتەنى باشلەگىلەر. قرەسم اولر ايلك كۈنى قۈيىنىنى بالارگە بېرىپ، بېش-اۋنتەچە خس-خەشكىنى بېر-بېرىگە قەلشتىرىپ، يامغىر لايى و آغزى نىنگ سۈلگى بىلن قاتىرىپ چىقىشەيىدى، و تىللىرى اوچى بىلن اۋيەگە پرداز بېرىپ، بېزەماقدەلەر. ايشلرى توگەگىچ، قوشچەلر اوخلىشگىنى وقتىنچەلىك مەكانلرېگە قىتەياتىر. ھەدېمەى قۇياش يۈزىگە كول رنگ پردەسىنى تارتدى.

اىم طاقچەدەگى اېسكى ايس چىراقنى ياقدى. عايلەدە بېر اۋزىمىز. اىم قلىدىرغاچلار خاسىتى حقىدە كۈپ حەكىم بىلدى. اۋشەلردن گېرە باشلەدى شو آقشام:

- قلىدىرغاچلار بېھار و كۈم-كۈك طبعىتىنى جودە سېۋىشەدى. بوگىنە قوشچەلر اۋتە عقللى، تېز اوچر، بې آزار، كۈچمىچى بۇلىشەدى. قلىدىرغاچلار اىلىس-اىلىس يورتلردن، قىشلاقلار، اۈلكە، شېھر و مەملىكتلر، حتا قىتەلەر اۋشە انسان مېھرى بىلن قارىلگن بېھار ھىدىنى اېسلىپ، يۈلگە چىقىشەدى... -دېردى اىم.

قلىدىرغاچلارنىنگ قۇنغىراق دېك اۋازلرى، خۇدنى تام بالارلردىن باشىمىز اۋزە يۈمشاق ياغىلىپ، قىتەب اۋى دېۋارى بېتيدە عەكس صدا ترەتەياتگەندى. اىلكىن چىراق نىنگ خىرە يالقىنلرى آرهسىدن قلىدىرغاچلارنىنگ يىنگى قورە باشلەگن اىنىگە تىكىلىشىپ:

«قلىدىرغاچلار خۇش كېلىپسىز! عشق بىلن قورگن عمارتىنگىز مېبارك و بىردوام بۇلسىن عزيز قوشچەلەر!» -دېپە تىلكلر تىلەيمىز. تون و كون اۋز مېرامىدە اىلىنىپ تورىدى. وقت اۋتېب، تون اۋرنىنى كونگە بۇشەتېب بېردى. تانگ-سەردن قلىدىرغاچلار «چوغور-چوغور» قىلىشىپ، اۋيىمىزگە اىلدىن-كېين اوچىپ كېلىشىدى. اۋى بالارلرېگە بارىپ سېكىن قۇندىلر.

قۇش قلىدىرغاچلار تومشوغىدە تشىب كېلگن خس-خەشكىلرنى بېر دانا مەمارگە اۋخىش قارىپ، قورىش ايشىگە دوام اېتەۋېردىلر. اىتىدن اين نىنگ توگەمەگن جايى قالگن.

میتتی گینه آیاقچهلری بیلن یامغیر سوویدن پیدا بؤلگن کولمککه قۇنه ألمس اپکن، اولر اوچه یاتیب آغزیگه سوو و لای آلیب کبلیب، اویه سینی تپکیسلب پرداز بېرماقده. ابرته سی کون هوا بیتیب، بیر آز مامه قلدیراق<sup>۱</sup> بؤلدی. تغین، شریلتیب قویب بېردی. شونده هم قلدیرغاچ نینگ تېز-تېز قتنب اوی قوریشی آریمه ی توریددی. آدم بنا سالگنی کبی بیز بیلمه گن میده-چویده ایشلری کؤپ بؤلسه کبره ک. اولر شو گؤزل فصلده تخم قویب باله آچیریش ایلینجیده. دنیاگه کبله جک پؤله پانلرنی<sup>۲</sup> پروازگه شی قیلماقچی و رۇزغارنی انه شولر بیلن بیرگه تارتیشنی اویله یاتگندی چمه سی.

اؤن کونگه یېتر-یېتمس قلدیرغاچلر مشت دېک کینه چیرایلی اویه سینی قوریب بیتکیزیددی. قوشچهلر نینگ اوسته لیک بیلن قوریلگن کوموش رنگ اویه سی یریم آی کبی اوی بارلاریدن کورینیش بېرهدی.

بو آقشام قلدیرغاچلر تشقیرگه اوچیب کبتمه ی اویه سیده قالیشدی. آنم قولیده گی نم تارتگن گوگرد بیلن الیکین چراقنی یاقدی. چیراق نینگ یالقین-نورلری آرتیده، انه قالدیرغاچ کوموش رنگ اویه گینه سیده، ابرکگی نینگ یینجیگه کیریپ آلگن؛ بیر-بیری نینگ پتینی تومشوقلری بیلن ایسکه لب، سېوگی نغمه سینی پس آوازده بیر-بیرگه آیتشه یاتگنده ی توییلدی. اولر پسده آدملر بار، دېمسدن چیمیلدیقچه کیرگن قیز-یگیگت دېک وصال آقشامیده، بیر-بیری نینگ محبتیدن تاتی یاتگندی.

بیراولر نینگ ایشیگه آرهلشمسدن، غریب گینه اوییمیزده شؤیله میزنی یېب، پرده میزنی قیله یاتگندیک. بیز بؤز باله لر نیمه لرگه اینتیه یاتیرمیز. باله لیک-ده، نیمه دیر اېسیگه توشیب، اوکم کؤرپه نی تیشله گنچه ییقیر-یقیر کولیب یوباردی. قلدیرغاچلر همان سېوگی آغوشیده تین آلماقده اېدیله...

<sup>۱</sup> مامه قلدیراق: چقماق چقلماق.

<sup>۲</sup> پؤله پان (پله پان): قوشلر نینگ قنات چقمره گن یاکه اېندی گینه چیقره باشله گن باله لری؛ گؤدک باله لرنی، یاشلرنی ابرکه لیب آیتیه دیگن سؤز.

آنم بىرار ياققه چىقىب، اېشىكىنى يايىب تورمكلسه لر، آلەزرك قلدیرغاچلر اۇق دېك اوچىب كېلىب، دېرزه مى ياكە تام مۇرىسىدن مى كىرىشگە تلىپنىشردى. مېن قلدیرغاچلرگە كۇپ باقىب توردىم، رزم سالدیم. قلدیرغاچلر اۋتە تېزلىكدە هوانى كېسىب، آلتى تامانگە اوچە توریب اۋز ارا ملاقاتلرنى تاملنىشركن. اولرنىنگ تۇدهسى آدملر جمعیتىدن كۇپ هم فرق قىلمس اېكن. انسان بىلن قلدیرغاچلر عقل-ذكاوت تاماندىن بىر-بىرىگە جوده-جوده اۋخشش كۇرىنەدى.

كونلردن بىر كونى قلدیرغاچ جۇجەلرنى نىنگ چى-چىلەگن تاووشى اېشىتىلە باشلەدى. آغىزلرنى كتە آچگن پۇلە پانلر اته-آنەلرى تشقرىدن دان-دون تاپىب كېلگونگە قدر، تېپەدن جىغ-جىغلىشىب تلىپنىشەدى. قوشچەلر يېگوليك كېلتىرىشى بىلن جۇجەلرنىنگ چى-چى تاووشلرى تابارە بلندلشەدى.

قلدیرغاچلرنى كۇپدن بېرى كوزە تىب يورگن آنم:

«اولر يېتتى كوندە بېشتە تخم آچدى. بىگىرمە كون دېگندە، بالە قلدیرغاچلر اۋز اینىنى تىكلشەدى، -دېدى تېپەگە قرەب توریب.

اویمىزدە قلدیرغاچلر حیاتى كتە بىر بىتمس داستان بۇلىب قالدى. چىراقنى اۋچىرىب، جای-جایمىزگە كىردىك بو كېچەسى.

اېرتەلب بروقت اویغاندىك. آنم الیکىن چىراقنى ياقىب اۋرنىدن توردى. مېن هم اویقىم اوچىب، كۇرپەدن سېكىن گىنە سىرپەنىب چىقدیم. جفت قلدیرغاچلر هم بالە قوشچەلرگە يېگوليك غملىش مقصدیدە بۇلسە كېرەك، اویەلرنى ترك قىلىب اوچىب كېتىدیلر.

بىر آزدن سۇنگ، چىغ-قىمىشلر آرەلب شىغیر-شىغیر سېس قولاققه چلىندى. پۇلە پانلرنىنگ چىغىللەگن آوازلىرى بارگن سرى زۇرەیه باشلەدى. حىرت بىلن كۇز سالدیم؛ تېپەگە، قلدیرغاچلرنىنگ كوموش رنگ اویەسى تامان قاپ-قارە بۇغمە ایلان سودرەلىب بارە ياتگندى.

توزوكرات بىلىش مقصدىدە اليكىن چىراق نىنگ پىلىگىنى كۆتردىم. ججى قوشچەلرنىنگ آوازلىرى بىرىن-كېتىن سۇنە كېتىدى. سۇنگى پۇلەپان نىنگ تاووشىنى اېشىتر-اېشىتمس چىراق نىنگ ياغدوسى خىرەلشدى و بىردن خانەمىز تىم قارانغىلىك توبىگە چۇكىدى.

۲۰۰۶ - بهار فصلى

شىروروك، كىيىك - كانادا

# ۱۲. مکتبده سينگن كۈنگيل

## مكتبه سينگن كۈنگىل

ايلس-ايلس اېسلەيمەن. بىر كۈن كېكسە بىالوۋى معلمى شۈندەي دېگەندى: «مكتب! آدملىر بو نام قولقلرگە قنچەلر خوش معنا و ياقىملى جره نكلەگىنى توشونىب حس اېتسەلر اېدى... بو سۆز بغيرىدە ياروغلىك، دانالىك و حقيقت ياتگىنى بىلسەلر اېدى. ھەممەسى مكتبدن باشلەندى. مكتبدن قالدینگى آدم بۇلىب سىرە يالچىمەيسن...». مكتب نىنگ يەنە بىر معناسىنى بىالوۋى معلمى ايتمەگن اېكن اۋشندە. ايكىنچى معناسى مېنىنگ تقدىرىمدە كۈرىنىش بېردى. مكتبه گپ كۇپ. مكتبنى قارەلاوچى، اونى «شىطان اويى، ياووزلىك مكانى، دھرىلىك ترقىتوۋچى بوزوق خانە...» - دېگوۋچىلر ھم از اېمسدى بىزنىنگ قىشلاقدە. مكتب حقىدەگى ھم ايجابى ھم سلبى قرەش ايلدىز اتگن زمانلر اېدى. آدم بالەسى يىخسى-يامان ايجىدە يىشب، آخر-عاقبت بىرىنى تىلر اېكن.

۱

آدملىر اۋز بالەلرىنى مكتبگە يازدىرىشدىن قۇرقە ياتگن دۈر بۇلردى. «مال-حال، اېكىن-تېكىن، رۇزغار بار»، - دېب اۋغىللىرىنى علاجى بارىچە مكتبگە يازدىرمەي، يىشىرىشگە اورىندىلر. كىمدىر بىراونىنگ مكتبگە چىقر بالەسى بار دېب، شىطانلەسە بارمى، اۋرتەدە كتە جنجل باشلىنىب كېتىب، «بالەمنى چوغىللىسن» - دېب بىر-بىرى بىلن يوز كۇرمىس بۇلىب قالىشردى.

ايتىشلىرىچە كونلردن بىر كۈنى سر معلم صنفگە كىرىپ: «بالەلر! قىشلاغىزدە مەكتەب باب آشنەلرئز بارمى؟» -دېپ سۇره گندە، قۇشنىمىزنىڭ اۇغلى ممدىار درآو، آدم قورىگن دېك مېنى ايتگن اېكن سر معلم گە. كېپن بىلسم قاغازگە توشىمىن، اوىمىزگە مەكتەب چىپ-راستى قىدىرىپ كېلگندىن سۇنگ، آتە-آنم بو گېدىن خىر تاپدىلر. پەهە! اونچە-مونچە گپ اېمس بو. اېندى قندەى بۇلەدى؟ مېنى مەكتەبگە قۇيىشسە، تىى- تېزەكنى كىم قىلەدى؟ اۇتىن-چۇپ كىم تېرىپ كېلەدى؟ بازار-اوپچار، تېگىرمان، مال باقىش، چىلكب سوو كېلتىرىشلىرىنىڭ اۇزى بۇلەدىمى؟ بالەمى سن شولرنى قىلىشگە مجبورسن! سوپەگىنگ قاتمىسدن عايلەدەگى تېمىر قانۇنگە باش اېگىشىنىڭ شرط. مېنى مەكتەبگە قۇيىشگە ھىچ پىت راضى بۇلمەگن آتە-آنم، بىلمەدىم، نىمە بۇلدى-يو، كۇنگلى يوشب:

«شۇگىنە يم بارسىن مەكتەبگە، بىر نرسە بۇلر!» -دېگن خلاصەگە كېلگنلر. مېنىڭ آتىم عوض. بىر نرسە ھلىگەچە اېسىمدە يازىلگندەى تورىدى. آلتى كىلومتر يىاو يۇل يورىپ مەكتەب باردىك، آنم مېنى مەكتەبگە يازدىردى. اۇزى اېسە قىتىب اىش-يوموشى يوزەسىدىن آرتگە قىتدى. اۇشە كۈنى-ياق، قۇلىمگە كىتاب توتقىشىدى مەكتەبەگىلر. تىراقسىز بارىپ اېكىنم، بېتلىرى كتە-كتە كىتابىمنى اېتەگىمگە سالىپ آلدىم...

۲

مەكتەب بىر تىپەلىكدە جايلىگن اېكن. تومىنات بالەلر، مەكتەب مىدانىنى باشىگە كۇترگودېك شاقىن سالىپ اۇيىشەپىدىلر. اۇرتەدە بىر خوش ھوا حوض بار، شىشەدېك تىنىق سوودن تاشىب تورىدى. حوضنىڭ تېورەگىدە قلىن اېكىلگن مجنون تال و تېرەكلر آسمانگە بۇى چۇزىپ تورەدى. شىمالدىن سىلكىنەياتگن مجنون تال و آق قەيىنلرنىڭ<sup>۱</sup> ساپەسى، كىلپ اورىپ تاولنەياتگن سوو اوزرە تىترر، سوو اېسە درختلر

<sup>۱</sup> قەيىن: شىمال تاماندا ۈسەدىگن، تېرەك سىمان تىك، پۇستى آق درخت.

آق قەيىن: آق تېرەك.

يىراقلىرىگە اىپار تره تىب اۋىيچ آله ياتىر اېدى. مکتب ملازملرى قۇللىرىدە پقىر<sup>۱</sup> توتگنچە تېورهک-اطرافگه سوو سپىر، سووپورىب-سىپىرىب، مکتب محىطىنى آسايشته توتىب، گلرگه بىر-بىر سوو بېرەدىر.

باله لىزىنگ سووگه قره ته آتلىگن نانلرى، تخته اۋچىرغىچ، بۇر، غۇره، داوچه و مىده تاشلىرىدن پىدا بۇلگن حلقه-حلقه موجلر حوزىنىنگ قىرغاغىگه يوشاق اورىلىب، قىرغاغىدە اېندى سىزه اورگن اۋت و اۋنلرنى مه يىن سىلكىتىب قۇيردى. مېن هم باشقه باله لردېك، حوز سووینى تۇلقىنلتىرىب، روحلىنىب اۋىنىشگه عشقباز بۇلىب قالدیم. افلاس حالىدە اېمس شفاف آنلرى نىنگ عاشغى بۇلگنمن. سوو اۋرتە سىدە گى جىمچمه تۇلقىنلرنىنگ تۇرت ياققه تره لىشى بىر حالت بۇلسه؛ قۇلىنگگه خىمچه آلىب سوو بېتىگه چىلپىلتىب اورىشدىن توغىلگن موجلر باشقچه بىر منظره نى چىزىب بېرەدى. آىنىقسه اۋمگىنىنگى تشلب بو سوودن شىمىرىب اىچىش نىنگ مزه باشقه بۇلەدى.

۳

هلى صنفگه كىرگىمىز يۇق. بهار. تامچىلىب تورگن يامغىر بىر از تېزلىشدى. درخت ياله لىرىگه اورىلە ياتگن يامغىر تامچىلىرى، يىراقلر اوستىگه دومەلب توشر، كېىن كتە راق تامچىگه آلىنىب، لىمالىم حوز سوویدە يانغاق دېك-يانغاق دېك قۇنغىراق حاصل قىلردى. بىر پىت هوانىنگ قباغى آچىلىب، بۇشه شىب يامغىر هم تىندى.

انه اۋشه كونى قۇلىمدە توتىب تورگن بىر بۇلك ناننى سووگه باتىرىب، تىشلە يىمن دېب اېدىم هم كه، تىل گىنەمدن بىنگك<sup>۲</sup> چقىب آلدى. «آنننه جان!!!» دېب چىرىللىب يىغله دىم. هىچ كىم حالىمدن خبر آلمەدى. تىلىم شىشىب، آغزىمگه سىغمەى قالدى. آغرىق كوچه يىگنى سىب اۋرنىمدن قلقىب توردىم. سىلكىنىب تېرەنە ياتگن حوز

<sup>۱</sup> پقىر: چىلك، سطل.

<sup>۲</sup> بىنگك: ارىچه.

سوويدە، سىنىب-سىنىب تىتىرەياتىن سايەمگە كۈزىم توشدى. گۈدك-من-دە. كىمىدىر كېلىپ يوپتسە كاشكى ابدى دېيىم.

۴

مېن عاجز و كم گپ بالە اېدىم. بالەلر بىلن ياقە آلىشىپ، مُشتلىشىپ، مزەنگلىك قىلەلمەگنىم دايم مېنگە دكى<sup>۱</sup> بېردى. اولر مېنى «قۇرقاق» -دېب اۋستىمدن كولىشردى. مېن اېسە اوروشقاق و جىگرىلىك قىلەلمىدىم. تىنچ-اىناق يشەى دېيىم- و، بېزارى بالەلر دۇپاسلىشگىنى دۇپاسلىشگن. اولر مېنى اۋز حالىمگە قۇيىشمىس اېدىلر. بولر نىنگ ھەممەسىگە آيرىم معلملر يىمىز عىبدار اېدى. اولر عوضنى شونداق قىلىنكلر، دېب بويورردى.

۵

دىنيانىنگ عذابىنى كۈرىپ بۇلسە ھم مکتىبگە بارىپ كېلەن. كۈپ پىتلىرى آياق يىلنگ يۇل باسىپ بارەن؛ مکتىبنى سكىزىنچى صىفگە چە زۇرغە اۋقىب كېلدىم. مکتىبىم نىنگ اېنگ يىخشى كۈنى تىش آغرىقەدى بىر گپ اېدى مېن اوچون. شو قورىپ كېتگۈر مکتىبگە ايزىللب، يىغلب بارەن، بېزىللب، جورەب قىتەن. آياق يىلنگ، يوپون<sup>۲</sup> احوالىمنى كۈرىپ بالەلر مېنگە نەقە تىقىپ مسخرەلشردى.

اۋقوتوچىلر مېنگە قۇيمەگن نامنى قۇيىشىپ چىققندىلر. مېنىنگ بىرگىنە آتىم كتە بىر شجرەگە اېلىنىپ كېتدى مکتىبە. منە اولر نىنگ بىر نېچە تەسى بىلن سىزلرنى تىنىشتىرەى: «عوض منقە»، «عوض شوم تەكە»، آتىمنى قۇشىپ آيتىش قىيىنلىك قىلدى شېكىللى، اولر مېنى يگە لقب بىلن اتەى باشلەدىلر: «بۇرداقى»، «پكەنە»، «شۇر توشوق»، «پتاق»، «اېشك تېپگن»، «تۇلخومچە»، «جولقون باى»، «كۈچۈك غجىگن»، «خىلمىك»، «ترە»، «سۈتك»، «يېتىمچە»، «داودىر»، «اوسر».

<sup>۱</sup> دكى: قىيىق تىببە، تەذىر، كايىش.

<sup>۲</sup> يوپون: قىيىنچىلىككە قالگن، ناچار، اوستى-باشى خراب.

«پادەوان»، «تېيرە تىكن»، «ۋراق»، «تۇغەناق»، «قوربۇق»، «دۇلتە» ... بىر باشىمگە شۇنچە نام-ە! حىرانمن. كەم سىتېشلىر جانىمنى غىجەدەلەپ كېتەيپىدى.

سىقىلگىنىمدىن ۋاقىت تاپسىم ھۇس ياقەسىگە بارىپ، بالەلرچە سوو بىلەن دىرلشېب ۋا تېرەمەن. بو ھقارت قىلىشلىر، طەنە تاشلىرىدىن قوتىلەي، دەپ شو ناملرنىڭ بىرىنى ھۇس سوويگە تىشلەماقچى بۇلەمەن ۋزىمچە. سوو مېنگە عكس صدا بېرەدى:

«يۇق اېى! بركە تاپكور. مېنىڭ دىردىم ۋزىمگە يېتەدى. كۇزگودېك يىتلىب تورگن يوزىمگە تېكەن تاش، خىمچە، كېسكلر، آياق سوقيب تېپەلشلىر يېتېب آرتەدى ۋزى» - دەدى. ھىچ نرسە قىلمسە-دە، شوگىنە سوو دىردىمنى اېستەيپىدى-كو، دەپگن ۋىگە بارەمەن. ھەر نې يورەگىمگە تىسكىن بۇلىپ تورىپىدى. سوونىڭ مېنگە قرەب تېرمولىشلىرىنى كۇرىپ تورىيەمەن. روھىم سىنىپ، بىنىم ازانچە ققشەگن. اوستىمدە آغىر يوك، نې قىلەي باشىم اېگىك. تىنىم آرام آلسىن، دەپ قۇللىرىمى ھۇس نىڭ شفاف سوويگە سالەي، دەپ برماقلىرىمنى سووگە اوزەتەمەن-دە، سوونىڭ: «تىنىم افگار، تىلكە پارە» - دەپگن سۇزى اېسىمگە توشىپ، بىردىن قۇلىمنى تارتىپ آلمەن. سوو بىلەن شىرىن گىنە اوچرەشوو يىمىزنى مەكتەب نىڭ تىنفس قۇنغىراغى بوزەدى. يىنە ۋشە سووگە تاش آتېشلىر، ياغاچ، كېسك، اخلت تىشلىر و ھتا توف آتېشلىر باشلەندى. بىر قرەسم، اېگم كل نىڭ كلەپوشى، غلام نىڭ اىشتانى، خىدايىبەردى نىڭ چارىغى، مراد نىڭ تىراغى، سوو اوستىدە بىر باتىپ، بىر چىقىپ سوزىپ تورگىگە كۇزىم توشەدى.

۵

مەكتىدە مېنگە ۋخشەگنلر تاپىلىپ تورردى. بۇلمەدى، بىر كۈنى ۋرتاغىم باي نىز بىلەن تىل بىرىكتىرىپ، مەكتىدىن قاچدىك. بو ايشىمىز باشىمىزنى غلۋەدىن بىر نېچە سەت اوزاق توتىشگە ياردەم بېرەر، دەپگن بۇلسك، بىراق، بىر كۈندەگى دىردىمىز اېكى بىر بىر كۇپە يىشىنى ۋىلب ھەم كۇرمەگن اېكنىمىز افسوس، بدتر بۇلدىك...

انه اېندى آلدىنگده دريا، آرقه نكده آلاو. قه ياققه يورسنگ هم نتيجه بير. شوندىن كېين آتە-آنه گە بهانه تاپيله دى؛ مکتبگه اېسه آرقه گە پۇستك باغلب بارىشدىن اۇزگه چاره يۇق. ايشىمىز جر، ادير، يولغون<sup>۱</sup>-سكساوول زارلر، بوزوق قىشلاق و خرابه لر، پنه-پسقمى<sup>۲</sup> تاپىب بېركىنىش اېدى. آخرى بىزنى چپ-راستىلر قىديرىشىب تاپىب، مکتبگه سوردب، آلىب بارىشدى. اداره گە يقىنلشركنمىز، معلملر يلقاو<sup>۳</sup>، تنبل، اوى وظيفه سىنى قىلمه گن و مکتبدن قاچگنلرنى سوله لشرگه كۇزىمىز توشه دى. اېتىم جىمىردب كېتدى. دغ-دغ تىتره يمن نوبت مېنگه كېله دى، دېب.

اۇشه پىت دهليزده هلى كلتكى كوتىب تورىشگن اۇقووچىلر هم بار اېدى. اولر خوددى، محكوم و مظلوملرگه اۇخشىب، اغىزلرىده كاوش، ايككى قۇللىرى آسمانده تىك، بير آياق اوسىنده تورىشردى. بو آرده مېنى كۇرگن صنف باله لرى، «انه عوض باتىر، انه عوض باتىر!!» -دېشىب، قۇللىرىنى مېنگه بىگىز قىلىشردى جايدن تورىشىب. اولر نىنگ بونده ي دېب چقىرىشلىرىده جان بار اېدى. مېن كلتك-تياقدن پىشىب كېتگن اېدىم. آياغىم نىنگ تگى تىلىنىب، شپا تلىرىم، هيدهلگن بيرگه اۇخشىب، تېرى تشلب كېتگندى.

نوبت مېنگه كېلدى. مکتب اداره سى نىنگ سوو سېپىلگن سمىت ميدانچه سىده، آياقلىرىمنى ملازملر نىنگ سلەسى بىلن قتقىق باغلب يىقتىدىلر. تويه لاق دېك بۇكىرگنلر يم فايده بېرمه دى. حوض تېوره گيده اۇسىب ياتگن دسته-دسته درخت خىمچه لرى تېگر اېدى... تىرسك و تىزه لرىم بىلن اېمكلب يوريشگه مجبور بۇلدىم. هيچ كيم مېنى سۇراقلب كېلمه يىدى. شو آرده بيردن تنفسگه قۇنغىراق چلىندى. بير عمللب حوض ياقه سىگه يىتېب باردىم. بو گل حوض نىنگ مصفا سووى انچه كمه يگن، اولگى طراوتى كېتگن، لايقه؛ تىنىقلىگىدن نشانه هم قالمه گن. برگلرى

<sup>۱</sup> يولغون: سكساوول، گلى میده، آقىش، میده برگلى بوتە.

<sup>۲</sup> پسقم (پستقم): خلوت، آمدن خالى جاي، اولاق؛ پستك.

<sup>۳</sup> يلقاو: ايش ياقمس، دنگسه.

سۇلغىن درختلار خۇددى، مېنىگە رەھىم كېلگەن دېك اېگىلىپ تۇرىدى. «كېل بىر گىرىم-لە يىشېرەي سېنى» -دېگەندە. قوشلارنىڭ ئالدىنقى ھىجانلى چوغۇرلشلىرى يۇق...  
 حوز قىراغىدە ئىككى گىنە پىستىك تېرەكچەلەر آرەسىدە سېكىن ئۈتۈرۈپ ئالدىم. سووگە حسرتلە تېلمىرىپ قەرىمەن. او مېنىگە رەھىمدىلىك بىلەن باقەدى. ئۈرتمىزدە ھىچ كىم يۇق.

راسە چرچەگەنمەن؛ خىمچەلەر آغرىغىدىن كىرخت بۇلىپ شو جايدە پىنككە<sup>۱</sup> كېتىپ قالىمەن. بالەلىك توشىمە، بىر صحراگە باش ئالىپ كېتىمەن. ھىچ بىر ئابدلىك، سوو، درخت، ئېكىن-تېكىنلەردىن درك يۇق. بىر زىمانلارنى يامغىر سووى آقەن دىشلەر تىقىرگە<sup>۲</sup> ئېلىنىپ، قىرەب ياتىدى. بىر قىرچ ئۈسگەن شاخ-شېبە و بوتەلەر قاوجىرەپ قۇرىپ ياتىمەن.  
 بىر تېپەلىكىدىن پىستىگە قەرىمەن. ئالسىدە تىكىلگەن بىرگىنە آق ئۈتاو دىقىمىنى ئۈزىگە تارتەدى. تىلپاسلىنىپ، ئونگە يېتىپ ئالدىم. ئۈتاونىڭ ئېشىكى ياپىق. ئېچىدە ھىچ كىم يۇق ئېكىن. ئۈتاونىڭ چىنغەراق<sup>۳</sup> و كېرەگە<sup>۴</sup> لىرىدىن مونگىلى اللە صداسى قولانغىمگە ئېشىتىلە ياتىگەندە. ئۈتاونىڭ چىغ-قىمىشلىرى ئۈز بىرىدىن ئېرىلىق كۇيىنى تىرەتماقەدە ئېدى. شو اطرافدە مېن ئۇقىپ يۈرگەن مەكتەب ھەم بار ئېمىش. ئۈشە كتە، ئۈشە عىجاب مەكتەب بۇلسە نۇر بىقېلىپ ياتىدى. مەكتەب حوزىنىڭ درختلىرى تىگ-تامىرىدىن سوغۇرىلىپ كېتىلگەنمىش. اوروشدىن قالگەن ويرانەگە ئۈشەيدى. ئۈشە قىردان حوزىگە تامان سىلچىمەن. ئونىڭ شىرىن گىنە سوويدىن سىپىرگىم كېلەدى... قىدەسەن ئېسىز مەكتىبىم!

<sup>۱</sup> پىنك: ئويقى يېتىلگەن ھالەت؛ مودراق؛ ئۈ-خىيال.

<sup>۲</sup> تىقىر: گىياھ ئۈسمە يىدىگەن قىتتىق بىر؛ يىداق، يىلغاچ.

<sup>۳</sup> چىنغەراق: ئۈتاونىڭ ئوستىكى قىسمىدەگى تۈپنۈك چىمبىرەگى.

<sup>۴</sup> كېرەگە: ئۈتاونىڭ قىمىشلىرىدىن ئېشىلگەن دېھىزى.

حوض نىنگ سووى قورىب قالگن. قوياش تفتىدن تگى مېنىنگ تىلىنگن قۇل-  
اياغىمدەى ققرب ياتر، ابگم كل نىنگ كلە پۇشى، غلام صغىرنىنگ كتابلرى،  
خدايىبىردى نىنگ تبراغى، آچىل نىنگ چىلىسى، جورەقول نىنگ چارىغى، بۇرى نىنگ يازوو  
تختەچەسى و نھايت بوزوق باشى «پشتو» معلمى نىنگ سىنىب ياتگن دستە-دستە قارە  
خىمچەلرى قورىب، قاوجىرب ياتردى.

# ۱۳. توشده گى اۋىلر

(فنتستىك حكايه)

## توشده گى اۋىلر

(فتتستىك حكايه)

احتمال، سيزده هم بۇلگندىر بوندەى حالت. آتمدن قالگن اېسكى پخسه اويدە يالغىز يىش اېدىم. اوى دېوارىدە بىر تابلو آسىغلىق تورردى. تابلو اوزره اۋرگىمچك نىنگ اېسكى تۈرلى چۈزىلىپ ياتەدىر. شو تابلودە صدفگە اۋخشەگن زرين سىنىق بىر كېمە دېنگىز قىرغاغىدە جىلغەلر<sup>۱</sup> آرەسىدە، اۋز يۇللاوچىلردىن بۇشب، ساكن اۋمگىنى<sup>۲</sup> تشلب ياتىدى. صدفسىمان بو كېمەدە بىر سيارەنىنگ تقدىرى نقش تاپگندى... شو منظرەگە باقىب، اۋىچن بىر حالده پىنككە كېتىمەن اېكن.

شونقارگە<sup>۳</sup> اۋخشىب ماوي آسمان بغيرىدە اوچىب بارر اېدىم. جىمجىت قارانغى آسمان قولاغىگە سىرغە تاقىب الگن انلر بۇلگىچ اېدى. كۈكدەگى غوج-غوج يولدولزلر سفردە ساچىلگن زرگە اۋخشىب، يوكسك كايناتدن بل-بل يانە ياتىب، باشىمنى سىلە ياتگندەى اېدى گۇيا.

كۈكدن اېسە ياتگن پارىم گىنە اېپكىنلر مېنى قۇلمە-قۇل قىلىپ، اوه يەلەگنچە، اۈلكەلردن-اۈلكەلرگە آشىرماقدە. بىردن كۈكدە شونغىب تۇغرىمدن كېلە ياتگن قويوق بولوتلر تۇلقىنىگە اورىلەمن. بولوتلرنى كېچىب، مصفاً آسمان قۇنىگە يەنە اۋزىمنى آتەمن. چېكسىزلىك تامان بى خواتر پروازىمگە دوام بېرىدىم. اۋزىمى جودە يم بى غبار و

<sup>۱</sup> جىلغە: تاغ و تاغ يان بغيرىدن آقىب توشەدىگن كىچىك ساي؛ يىلغە.

<sup>۲</sup> اۋمگن: سىنە، كۈكس.

<sup>۳</sup> شونقار: لاجىن سىمانلر ايلەسىگە منسوب كوچلى بىر تقيچ قوش.

يىنگىل حس قىلەمن. توشدە بۇلسىن، بوتون تشوئىش و آغرىقلرنى آرتدە قالدېرىپ، چېكىسىزلىك آغوشىدە اوچىپ يورىش، نېچاغلىق مראقلى بۇلىشنى اۋىلب ھەم كۆرمەگەن اېكىنمەن. بىر ھەم ياقىملى كە، او شىرىن لىھزەلرنى تەرىفلشگە تىل عاجزلىك قىلەدى. توشدەگى خىاللر قوچاغىدە آرام آلىش دېك راحت بىخش آنلر ترك اېتمسە اېدى كاشكى! دېيىمەن. بو يوكسكلىكدە، فقط بىرگىنە، يامغىر ياققن توپراق نىنگ ھىدى يېتمەيدى خلاص. شو تاپدە، تېپەدن بېزاوتەلىب، آنە زمىنگە كۆز قىرى تشلەيمەن. بىردن احوال اۋزگەردى. كۆزىمگە بىر سىيارەسى چىنگ-تۇزان، قىلن تومەن و قاپ-قارە توتونلر ايچىدە آغىر نەس آلەياتگن جان ذاتگە اۋخىش اېدى.

زىل دېك آغىر و قارە يوك بىر اوستىگە ياپىرىلە توشگن سىمان. يشىل سىيارەمىزدن، ھەر خىل تېمىر-تىرسكلردن اجرەلەياتگن يشىن دُرەچەلرى، اۋتە اينگىچكە تىغ اوچى دېك بىدىمگە سىنچىلر، كۆككە قرەب اۋرلەياتگن<sup>۱</sup> زەرلى توتونلر، اۋقتىن-اۋقتىن<sup>۲</sup> نەسمنى قىسر، اۋتە كوچلى باسىم اېسە، مىيە تالەلرىنى اىلدىزلىدىن قۇپارىپ تشلەگۈدېك اېدى. آچىق فضا دە ينە قىچەلر اوچگىنمەن ايسىمدە ايمس...

كېنگ بۇشلىق قەرىگە شونەب بارر اېكىنمەن، آلدىمدن آلتىن رىنگلى بىر صدف كېمە سېكىن سوزىپ كېلەدى. كۆرىنىشى دېنگىز صدفى نىنگ خودى اۋزگىنەسى. كېمە نىنگ قوئوروقلرى بۇلسە، قاوورغە سىمان پىررەلر بىلن قاپلىنگن. مېن صدف كېمە نىنگ بىرەم آى دېك آيلنە توشگن تومىشىغىدىن اىچكىرىگە كىرىپ آلدىم. گىنىدگە اۋخشەگن صدف سىمان كېمە قايىغى نىنگ اىچكى تامانىدە سان-سناقسىز امضال نەقىشلىنگن. اللە قىسى يازوولر بىلن مېھرىنگن قلم اىزلىرى كېنە بىر تەمدن حقىدە نىمەلرنى دىر حكاىە قىلىپ تورىيدى. افتىدىن<sup>۳</sup> فلاكتگە اوچرەگن سىيارەلردن قوتىلىپ قالگن كىملىرىنگ دىر

<sup>۱</sup> اۋرلەماق: بلىدگە قرەب كۆتۈرلىماق.

<sup>۲</sup> اۋقتىن-اۋقتىن: بىضاً-بىضاً، گاه-گاه.

<sup>۳</sup> افتىدىن: تەخمىنەن؛ چمەسى.

حسرتنامەلرى يازىلگندەى بو يېردە. مېن ھم صدف سيمان كېمەنىنگ بىر چېتىدە «يېردن كۆككە اولاقىب چىققن بىر مسافرنىنگ سۆزلىرى» -دېب يىتىب قويدىم. اۈزى اوچر اوشبو صدف كېمەدە، قىتقى جايلىشىب آلدىم. ھەدېمەى، بىر مېتى<sup>۱</sup> پلانېتكە<sup>۲</sup> بارىب قالىمىن. مېتى سيارەنىنگ كىچىك آرالچەسىگە، تون يىمىدن آققندە موربت گىنە قۇنىمىن. بو يېردە «چقەلاقلر مملكتىگە خوش كېلىسىز!» -دېگن بىتتىك كۆزگە تىشلىنىب تورىدى. اولر بىردن كېلەك دېك يانىمگە اوچىب كېلىدىلر. يېردەگى حىياتنىنگ اۈزگىنەسى اېمىش اولردە ھم. بىراق، فرقى شوندەى كە، ھمە ياق ساكن. بو يېرلردە منگو آسايشتەلىك حكمران اېمىش...

آغىزلىرى قىقىرلەگن كولگىگە تۇلە، لۇپى يوزلى چقەلاقلر خودى سوو پرىلرى دېك اۈز اۈلكەلرىدە قوشگە اۈخشىب اوچىب يورىشىدى. آق يوويىب، آق ترەلگن بوگىنە جىلر قووناق، تۇق حىياتدن اۈزگەسىنى كۆرمەگنلر؛ حتاكە تصور ھم قىلمەيدىلر. آغىزلىرىدە اېمىزەك، بۇيىن و بىلكچەلرىدە فىروزە مونچاق تاقىلگن كۆرىنىشە بۇلىش اېدى. چقەلاقلر باش برماغىدەگى تىرناقچەلرىگە باقسەلر بس، اولر تېگرەسىدە طرفە قۇغىرچاقلر حاضر بۇلىش اېكن. چقەلاقلر مملكتىدەگى حىيات طرزى، يېردەگى تورموش كۆرىنىشىگە اۈخشىب كېتر، بىرگىنە قانۇن-قاعدە و ترتيب جھەتىدن فرق قىلەدى اېكن. چقەلاقلر توغىلىب-آق، خوف-خطر، قۇرقىنچ، زۇرەوانلىك، ياووزلىك كىبى توشىنچەلردن ماسوا قىلىنگنمىش. مېنى كۆرگچ، پۇلەبانلر شاشقەناقلب حضورىمگە كېلىشىب سلام قىلىشىدى. اولر بىلن يىخىشىگىنە تۇيىب صحبت قورىمىن. سوال-جوابلر بۇلىدى آرمىزدە. چقەلاقلر بىرگىنە نرسەنى بىلىشگە قىزىقر اېدىلر. او ھم بۇلسە، چقىرىلمەگن مېھماننىنگ قەيپردن، قى سيارەدن كېلگىنىنى بىلىش اېدى. باشقە نرسەلر بىلن اولرنىنگ مطلقا اىشى بۇلمىدى.

<sup>۱</sup> مېتى: كىچىك.

<sup>۲</sup> پلانېت: سيارە، يولدوزچە.

بو صحت-نينگ مېوهسى اۇلەراق، «مينگ بىر سوالگه، مينگ بىر جواب» كىتابى انه شو يورتده يازىلىدى. كىتابنى يازىشده تېكشىر-تېكشىرلر، تفتيش قىلىش مقصدلىرى اصلا بۇلمەگن. اپنگ يوشاق، لطف و معتبر سۇزلر بىلن نەھايە تاپگن بو كىتاب ايكى سيارە حقيده تۇلە معلومات بېرەلرميش. كىتابنى قوچاغله گنچه اۋى سورىب تورگن حالتده، چرچاقدن يىنە كۇزلريم اويىگه ايلينيىتىدى.

بىرگه ميخلىگن وجوديم ساووق قىنە تانگى شىئادە يېل ويزه گىدن سېسكە نىب كېتىدى. كۇز آچىب قرەسم توشيم اپكن وا دريغ! باشيمنى ياستىققە قۇيگنچە، كۇزلريم اوى دېوارىگه بارىب قەلدى. اوى نىنگ درز كېتگن پخسە دېوارى بېتىدە بىر تابلو آسىغلىق اېدى. او تابلودە كۇم-كۇك دېنگىز نىنگ بۇيىدە، اطرافىدە آلتىن بلىقچەلر اۋىنە ياتگن صدف چىزىلگن اېسكى تابلو جانگە كىرىب، مېن بىلن سۇزلىشىب تورگندە ي اېدى خىالىمدە. مأيوس كۇزلريم بىلن بو نادر توش سايە سىنى اېسكى گىنە تابلونىنگ تصويرى آرقەسىگە مۇھرب، صدف سيمان كېمە نقشلىگن منظرەسى آستىگە چىزىب هم قۇيديم. اۋزگە سيارە دەگى كۇرگنلر يىمى بىر كىتاب قىلىب يازديم. اونگە «چقەلاقلردن» -دېب آت قۇيديم.

جنورى، ۲۰۱۳

تورانتو، كانادا

# ۱۴. قىردن قىتگن مەھمان

## قېردن قىتگن مېھمان

راوي حكايه قىلەدېر:

قىش يىقىنلىشىپ قالگن كۈنلەر. توشگە قالگندە سىرچەلب قار ياغە باشلەدى. كېتىدىن شىيىئاتلب يامغىر ياغدى. تونلرى هوا موزلمە درجەدە ساووويدى. مېن اويىمدن كۈچەگە چىقىدىم. ضرور ايش يوزەسىدىن اوچرەشگنى بارەى-بارمەى قىلىپ، كۈچە بۇيىدە تورگن اېدىم. بېاختيار بېش-آلتى ادىم يوريب يۇل ياقەسىگە يېتىپ باردىم. شو پەيت بىر شىخىي ماشىنە غىر اېتىپ كېلىپ يانىمدە توردى:

- يۇل بۇلسىن دۇستىم، چىقىنگ ماشىنەگە!

- ھارمىنگ اكه، -دېپە حال سۇرەشدىم و ماشىنەنىنگ آلدېدە اۇتىردىم.

- قەلەيسىز آغم، -دېدى التفات بىلەن ھىداوچى.

- رحمت.

- سۇرەش نىنگ عىبى يۇق، اكه قېردە ايشلەيسىز؟ -دېب سۇرەدىم ھىداوچىدىن قىزىققن بۇلىپ.

- مۇرگدە<sup>۱</sup> ايشلەيمەن، -قۇلىدەگى ياندىرگىچ بىلەن سگرتىنى توتەتەياتىپ، -دېدى ھىداوچى.

- ھزىللىشمەنگ اكه! -دېدىم اېتىم جىمىرلەپ.

- راستىنى آيتەيپمەن، اۋلىكلرنى سقلەياتگن جايدە ايشلەيمەن.

- بىدىم ساووب كېتە يازدى اكه گېنىگىزدن.

<sup>۱</sup> مۇرگ (Morgue): اۋلىكخانىە.

- نيمه گه؟

- اۋلىكىدن قۇرقەمن-دە، اكە!

- سادە اېكنسىز! اۋلىكىدن قۇرقىمىڭ، -قۇلىنى ماش و برنج ساجىگە اېلتركن، -آدم نىنگ تىرىگىدىن قۇرقىنىڭ اوكة، -دېدى اېللىك بېش ياشلردە گى هيداوچى.

- بىرى بىر بىلىگم كېلەدى-دە، مۇرگدە اۋزى نيمە ايش قىلەسىز؟ تىغىن گىمىنى ملال  
المنگ برادر!!

- منە آينىڭ، منە بو گزىتەنى اۋقىب چىقىنىڭ آغە-اينى...

منزلگە ھم يېتىب آلدىم. ماشىندىن توشە ياتىپ جرىدەنى آلدىم-دە، پولىنى تۈللەدىم  
ھيداوچى نىنگ.

اۋلىم بو - «تابو»، ياپىق و بېركىتىلگن بىر نرسە. اونىڭ سىرىنى بىلەى دېب، اىچىگە  
كىرىپ بۇلمەيدى، اطرافىدىن ھم اىلنىشگە اذن بېرىلمەگن. نيمە بۇلگندە ھم اۋلىم  
حقىدە اول-بول نرسەلرنى بىلىگم كېلەدى. اويىمگە بارىپ كتە قىزىقىش بىلن گزىتەنى  
آچىپ اۋقىبە باشلەدىم، اوندە منە بولر يازىلگن اېكن:

سىرلى سىندىق آچىلمىش...

«...انسانىت اۋلىم آلدىدە ھمان عاجز. اۋلىمنى آدملىر وحشى لىرچە قبول قىلەدىلر. او بىز  
اۋىلەگنچەلىك قۇرقىنچلى و جىركىچ حادثە اېمس. اۋلىم حقىدە ھر كىم ھر نرسە  
دېدى. بىراق، علم نىنگ بو بارەدە انىق آيتەدىگن گىي بار.

ازلدىن بويان اۋلىم -«قايدەگىنى قادر بىلەدى»- دېگندەى بىر گپ بۇلىپ قالماقەدە.  
علم نىنگ: «انسان ھر بىر تىرىك جانزاد كىي ياشىنى يشب، آشىنى آشب، حىيات  
كاروانىدىن اوزىلىپ قالىشى مقرر» -دېب قۇبە قالىشى نىنگ اۋزى يېترلى اېمس. دانالىك  
نورلىرى بو ياپىق، منگو جىملىك نىنگ قىلملىرىنى يارىتماغى لازم. علم اۋلىمدىن كېىنگى  
جرىانلر حقىدە آخرگى سۈزنى آيتىشى كېرەك. يۇقسە، باشىمىزدە خرافات و بدعت بىداد  
قىلەۋبەرەدى. بس شوندىەى قىلىنمىس اېكن، علم ھم اۋلىم آلدىدە عاجز دىر. بو سىرلى

صندىقنى آچىشىگە عالملىر جماعەسى سۇز و فكر آيتمىسەلر-دە، آيرىم ايزقور شىخصلر اوشبو سرنى بىلىش و اونى آچىش مقصدى بىلن تشبثنى اۈز قۇللىرىگە آلەدىلر. آيتىشلىرىگە كۈرە، شرق مىسلمان يورتلردە ۷۰-۸۰% آدملىر تىرىكلەيىن كۇمىلرمىش. باشقە دىندەگى اۈلكەلردە ھم معلوم درجەدە انسانلر چلە كۇمىلركن. حتا، رواجلىنگن دولتلردە ھم، آدمنى «اۈلدى» دېب، تىرىكلەيىن كۇمىش حاللىرى ھم اوچرب تورەدى...

تاكە دولتلر اۈلېم سىرىنى بىلىش اوچون سرمايە ياتقىزمس اېكن، انسانىت اۈلمىسدىن كۇمىلىشىگە محكوم اېتىلەوپرەدى. زىرا، آدملىر تۈلە-تكىس اۈلمىسدىن، تورلى-تومنى بىختىسىز واقەلر ياكە طبعىي روشدە بىر مدت يورەگى تۇختب قالىب، مېيەدەگى برچە معلوماتلرنى وقتىنچە يۇقاتىب قۇيىب، شو كويگە توشىب قالەوپرىشى ھم ممكىن!«

يۇقارىدەگى مقالەنى اۈقىب وھىمەگە توشدىم. اللە قندەى تقدير بىلن كۇمىلگن مىنگلب مرحوملرنى اېسلب اېسىم چىقەى، دېدى. نختاكە شونچە انسان تىرىكلەيىن كۇمىشىگن بۇلسەلر-ھە، وا درىغ دنيا! -دېيىمىن اۈزىمچە.

گزىتەدە اۈقىگىنىم معلومات ايچكى دىيامنى اعدر-تۇنتر قىلدى. بو جىركىچ صحنە روھىمنى قبض قىلىب آلدى. ھر لحظە اۈلىب كېتەياتگندەيىم خىيالىمدە. شو اۈقىگىنلرېم باشىمگە توشەياتگندەى گۇيا.

ھلى، كۇز كۇرمەگن سودالر اوچون كىم بىلن خىرتكلشەسن؟ -دېيىمىن ايچىمدە. آدم ايسىق جان، قان باسىمى كۇترىلىشى ممكىن؛ دايم روھى تارىقىش و اضطرابلر ايچرە يشەيدى آدمزاد. طبابت عالمىدە كلينىك اۈلېم حادثەسى بار نرسە. تورلى سببلرگە كۇرە كوماگە كېتەياتگنلر سانى قنچە؟... اۈلېمگە علمىي تشخىص قۇيىلمس اېكن، احوال اۈزگرمەيدى.

اۋلىكلارنىڭ آرقەسىدىن آبرو آخترەياتىڭلارگە، قارىن باقىب، كون كۈرەياتىڭلارگە انصاف بېرسىن اۋزى؛ شوم نىت، يوها، كۈتەنى<sup>۲</sup> ماللارگە تۈزىم بېرسىن، دېمىن خىيالىمدە. بو نې شرمندەلىك؟! قانىڭ ساويمىسدىن آلىب بارىب گۈرگە تىقىشىسە-يە! دەشت اېمىمى؟... شو اۋىلر مېنى ترك اېتمەدى. تىرىكچىلىك تشويشلىرى بىلن قاوريلىب يشەسم-دە، اۋزىمنى بىر لحظه بۇلسىن اۋىتەآلمەيمىن.

كونلردن بىر كونى يورەگىم بې حضور بۇلىب، باشىم آلىنىب، كۈزىمنىڭ آلدى قاراغىلىشىپ كېتدى. ھۇيىققىمىدىن يانىمدەگى اوستونى اوشلىشگە زۇرغە اولگوردىم... آرەدن قنچە وقت اۋتگىنىنى بىلمەيمىن. باشىم اوزرە يىقىنلىرىم فرىاد سالىب يىغلەياتىڭدى. ئنم بېچارە ساچ يولىب، آتم اېسە ياقە بىرتىب كۈز ياشى تۇكماقدا اېدىلر. انچە اۋتىب، تېورەگىمدە كېچەياتىڭ نرسەلرنى بىلىب تورىمىن. جىگرلىمگە بلند آوازدا: «قۇرقمىڭلار مېن يىخشىمىن، بىر آز يورەگىم بوزىلدى» -دېدىم ياتىڭ جايىمدە. ھىچ كىم گىمىنى اېشىتمەدى. جان تلواسەسىدە قىيىق بىقىردىم. گىمىگە جواب بۇلمەپىدى. مېن احوالىنى بىلىب تورىمىن. ياش اولوغلر مالانى چقىرىب كېلتىردىلر. قرشلىك بىلدىرىشىم فايدە بېرمەدى. برى بىر ملا بۇلسە، بىردن ياسىن توشوردى. مېن ولدېرەمنىڭ، يىغىشتىرىنىڭ بو سۇزلرنى اېشىتىشىگە طاقتىم يۇق، -دېدىم تاووشىم بارىچە قىچقىرىب. جىگرلىم ايرىلىق سۇزلرنى ايتىب يىغلىشدىن تۇختمەپىدى.

قۇلىمدن اوشلىڭ تورەمن دېدىم. جواب بۇلمەپىدى. مېن ھلى اۋلگىنىم يۇق، دېگن سۇزنى قولاقنى بىرتىگودېك درجەدە بۇكىرىب ايتىدىم. ھىچ كىم گىمىگە قولاق آسمىدىن آدملر اۋز ايشلىرى بىلن بند. مېن اولر نىزدىدە اۋلىكىمىن.

كىم دىر جىمىنى باغلىدە، كىم دىر اياقلىرىمنىڭ باش برماقلىرىدىن باغلىشىدى. بىردن:

<sup>۱</sup> يوها: برچە جانوارلرنى ارەلش بېب، يوتىب يوبارەدىگن افسانەوي مخلوق؛ بېب تۇيمىس، آچ آفت.

<sup>۲</sup> كۈتەنى: بېب تۇيمىس، آچ كۈز.

«بۇلىنگ، تېزلىتىرىنگ، جنازەنى وقتلى راق اېلىتىپ توپراققە تاپشيره يلىك. جمعه كېچەسى! خدانىنگ عزيز مهمانى بۇلەدى» - دېدى ملا رجب اوزون تىسپىحنى آغدره ياتىپ.

اېندى بولر مېنى تىرىكلەيىن كۇمىشەدى، دېب تاووشىم چىققنچە بقىردىم آخرگى مرتە. كۇپچىلىك نىنگ يىغى-سىغىسى، گوجوم آدملىرىنگ غلە-غاوورىدىن قولاقلىرىم بىتەى دېدى. كۇپ اۋتمەى مېنى كۇرپەگە اۋرەب غىسلگە-يويىنتىرىشگە آلىب باردىلر... كېين تابوتگە قۇيىشىدى. قىي-چوو كۇككە كۇتريلىدى. كۇپچىلىك بۇلىشىپ مېنگە جنازە اۋقىشىدىلر. سۇنگ قىرستانگە آلىب بارىشىدى... سناقلى دىققەلردن كېين لحدگە قۇيىشلىرىنى بىلىپ توريىمن. تاماغىم قىرىلگىنىدىن اوازىم اۋچىپ قالگن... يىنە هوشىمنى يۇقاتىپ، اۋزىمدن كېتىپ قالىىمن. اېنگ آخرگى سۇزىمنى آيتەلمەدىم... قزىلگن يىنگى قىر اوزره آلامان<sup>۱</sup> تۇپلىنىشىپ توريشىدى. گۇرگاۋ<sup>۲</sup> و يىنە بىر ايكى آدم قۇلمە-قۇل قىلىشىپ مېنى قىرگە قۇيدىلر. يىنە اېسىمنى يۇقاتىيىمن...

كىم دىر:

- يوزىنى قىلەگە قرەتىنگ، - دېدى.

يىنە كىم دىر:

- كېسكده يازىلگن كلمەنى مىنگلەيىگە قۇيىنگ، دېدى.

مېنى كۇمدىلر. مراسمدن كېين مزارىمنى ترك قىلمىسدىن:

«هوو مىسلمانلر! آيتىنگ بو آدم قندەى آدم اېدى!» - دېب ملا امام آدملىردن سۇره گندىر. دىفن مراسىمگە قىتىشگىلر بىر اوازدىن:

- يىخسى آدم اېدى، دېب يالغان شهادت بېرىشىگندىر. دىنىمىزدە تىقىە قىلىشىگە رخصت اېتىلگن - دە. شونىسى آيەنچلى كە، اۋشە مراسمدە هېچ كىم:

<sup>۱</sup> آلامان: خلق، مردم

<sup>۲</sup> گۇرگاۋ: قىر قىزۇوچى، قىرگن.

- بو آدمى تىرىكلەين كۈمدىنگىز، -دېب آئىمەگن افسوس. ... بىر پىت قرەسم ساووق و قوباش تېگمەگن يېرىنگ نىمى آرقەمگە موزدەى تېگەپىدى. بورنىمگە توپراق نىنگ ھۇل ھىدى كېلىب اورىلدى. اپندى مېن يارىق دىيانىنگ مصفا ھواسىدن ماسوا اېدىم.

اۋلگنىمدە غىبت، مىش-مىشلردن فارغ بۇلمىدىم، دېمىن قىسقە اۋى-خىاللار اىچىدە. بو مكانگە بې وقت كېلتىرىپ قۇيگنلرى الم قىلماقدە اېدى. بىر پىت كۈزىم اچىلىپ كېتدى. جسدېم ياتگن قنغسىگن ھوا ھىدى و تار، قاب-قارانغى جايدن باشقە ھىچ نرسە يۇق اېدى بو پېردە. جان ھىمەسى بىلن لحددن باش كۈتردىم. انكر-منكر اېسىمگە ھم توشگنى يۇق. يىخسى ھم كە كېلمەدى...

او بېرحم مېندن عربچە سۇرەسە نىمە دېب جواب قىلەمن. اولر اۋزبېكچەنى بىلىشمە؟... يېتى باشلىك ايلان، گرز، قىل كۇپرىك اېسىمگە ھم كېلمەپىدى. اگر اۋلسم، قندەى ساووق و ياقىملى ھوا كە مېنىنگ تىنچلىگىمنى بوزمەپىدى... شونىسدن راضى اېدىم اۋشندە.

كېپىنراق، قېردە اويغايىب كېتدىم. بىردن: «ياتگن گۇرىنگ كېنگ بۇلسىن، دېگن مقال اېسىمگە توشدى». نىمە قىلەى، آسمان بلند بىر قىتىق. فكر و ذكرىم قېردن چىقىپ قاچىش. بونىنگ علاجى بارمى اۋزى؟... حىات بو - فقط حركت. ايكى قۇلىمنى ايكى يانىمگە تىرەب، بار كوچىم بىلن تورىشگە چىرەنىب<sup>1</sup> حركت قىلدىم، فايدە بېرمەدى. قاپ-قارە تېرگە باتدىم. نفسىم بارگن سايىن قىسىلەپىدى. اۋز اۋلىمىنگ نىنگ تماشچىسى بۇلىشدىن كۇرە دەشتلىراق صحنە بۇلمسە كېرەك حىاتدە.

اۋنگ تاماندن سۇلگە تۇلغىب اۋگرىلدىم. يورەگىمدە قېردن چىقەمن دېگن امىد ھلى سۇنگىچە يۇق. ايكى تىرسگىمنى بېرگە تىرەب لحدنىنگ آياق تامانىنى تاوانىم بىلن

<sup>1</sup> چىرەنماق: بىرار مقصددە بار كوچىنى ايشگە سالىب حركت قىلماق؛ كوچنماق.

سېلىت-سېلىت تېپىدىم. آياق سەرىمدە بۇشلىقنى اېسلتگووچى گوم-گوملەگن آواز اېشىتىلدى. زلوارلى تېپىشگە دوام بېردىم. تېپكى شىتدىن بىر تۈدە توپراق پىستگە نورەب توشدى. اۋىيلىپ قالگن اېسكى قىر ارقەلى يېتىپ كېلگن ساووق قىنە شىمال دىمىقىب ياتگن لىدە ھواسىنى يىنگىلەدى.

آھ دېب، تۈيىب-تۈيىب نىفس اۋلدىم. ارقەمگە سىلجىب، اۋىيلىپ اچىلگن تېشىكىدن تىمىرسىكىلىب چىقىدىم تشقىرىگە، سۈنگ اېسكى اچىق مزارگە توشدىم. اۋلدىن اۋلگن مرحوم نىنگ جىسىدىن نىشانە بېرمەدى. كىنىم بىلن آياق اوستىدە تىك توردىم. بولوتلر سوزەياتگن آسمان دقتىمنى اۋزىگە تارتدى. قنى اېندى اچىق ھوادە كېزىپ يورسىم. آغزىمگە كېلگىنىنى سىندىراقلىب ايتسىم، ھىچ كىم مېنگە بىر نرسە دېمىسە. حىياتدە كېچىكىدىم شېكىللى!

قوياش باتىشىگە ايكى ساعىتچەلىك وقت بار اېدى چمەسى. تېرىسى تارتىلگن كىيىكدەى كىنگە اۋرەلگن حالدە تېپەلىكىدن اطرافگە قرەدىم. مزار اطرافىدە قۇيلر اۋتلىب يورگن اېدى. مېنى كۈرگن قۇيلر بىردن ھوركىدى و گورىللىشىب قاقىشىدى. وضعىتىدن خواطلرلىگن چۇپان آلەزرىك<sup>1</sup> بۇلىپ قالدى. نىمەلر يوز بېرگىنىنى يىخسى پىقەمەدى.

- بو مېن، اېلمراد اكە! مېن اېشىمت بۇلەمن، - دېدىم.

- اې توبە يې! بو يېرلردە نىمە قىلىپ يورىبىسىز اېشىمت اكە، - دېدى چۇپان.

- سىز سۇرەمىنگ، مېن ايتمەى، - دېدىم.

باشىمدن اۋتگن كىلقلرنى بىر-بىر توشىنتىردىم اونگە.

- مېن اۋلمەگن اېدىم. تىرىلگىنىم ھم يۇق...

- توشىنەمن.

<sup>1</sup> آلەزرىك بۇلماق: او ياق-بو ياققە بېسىراجام قرەماق، نىگ-جىنگ بۇلماق.

دراۋ بىر گپ اېسىمگە توشدى. ايرىم-سىرىملرگە كۈرە، اۋلىك نىنگ قىتە تىرىلىشى نحس-ياووزلىك دېگنى. اونى اورىب دۇپاسلب اۋلدىرىشەدى...

- كۈرىب تورگىنىگىز احوالده - كفنده محلەمگە بارىشىم مەكن اېمس. مېنى تاش باران قىلىپ اۋلدىرىشەدى. قىامتلىك اكەم بۇلىنگ، بارىب عايله مگە، اكە-اوكلەرىمگە ياتىغى بىلن توشىنتىرىنگ. اولر وهىمەگە توشىب، قۇللىرگە مىلتىق، كلتك كۈترىب كېلىشمەسىن يەنە. مېنى كېلىب االىب كېتىشىن بو بىردن. بو گپدن باشقە هېچ كىم خبر بۇلمەسىن، -دېدىم چۇپانگە.

- سىزگە يالبارىب، اېلىنب اىتگنلىرىم مەنە شولر.

چۇپان گپلىرىمنى دقت بىلن اېشىتركن، حىرت ياقەسىنى اوشلەدى.

- خاطرلىرىگىز جمع بۇلسىن اكە، دېگىنىگىزنى قىلەمن البتە! -دېدى و يوگۈرە سالىب، ايكى چقىرىمچەلىك محلە تامان يۇل االىدى. كېچقورونگى شمال تىمگە تىغدەى سىچىلر اېدى.

مېن اېسە ساووق قاتگىمىدن يوپقە كفننن اىسقىلىك كوتىب اۋتىرگنچە تىترەيمەن. قولاغىم اىستىدە قىرستان مردەلرى نىنگ عالم-عالم حكائىت، شكائىت، آه و نالەلرى، غم و حسرتلىرى اېشىتىلە ياتگندەى.

اولر مېنگە:

«قوم و قىرىنداشلىرىمىزگە بارىب اىتىنگ، اولر خرافاتنن باش كۈترسىنلر، اۋزلىرى توشىنمەگن ناغره اىستىدە اۋىنمەسىنلر. بارسە-كېلمس مىزل نىنگ يېمەگن سامسەلرىگە پول تۇلەمەسىنلر. بېرىلگن عزىز عمر نىنگ قدرىگە يىتسىنلر. اېرتك و افسانەلرنىنگ يالغان دغدغەلرىگە اوچونمەسىنلر» -دېماقده اېدى گۇيا!

آرەدن بىر ساعت اۋتر-اۋتمس اكەم اېگمبېردى، اوكەم خالمراد، گل شفتالو رومالگە سالىنگن كىيىمنى كۈترىشىب كېلىشىدىلر. اىز-چوو بىغلىشگە توشدىك. بىر-بىرىمىزنى سېوىنچ كۈز ياشى ايله بىغىرىمىزگە االىدىك. تۈيىب-تۈيىب قوچىشىدىك بىر-بىرىمىزنى.

يىقىنلىرىم ھەر قىلەي توشىنىيدى، نحس دېب مېنى قىتە اۇلدىرمە دىلر-كو! خىرت، دېدىم  
ايچىمدە. يىقىنلىرىم ساووقدن اسره نىش مقصدىدە اېلمراد چوپان نىنگ كېپه نىنى<sup>۱</sup>  
اېگنىمگە كىيدىردىلر. اولر مېھمانىگە اوخشە تىب مېنى سېكىن اويگە ائىب قىتدىلر.  
قالگن عمرنى يشب كېتىشىم، مال سۇيىب قان چىقىرىش، خىرات اۇتكزىش، ملالرنى  
تاماغىنى مائىلشگە حاجت يۇق... دېمىن ايچىمدە.

---

<sup>۱</sup> كېپەنك (كېپەنك): اىچى كىگىزدن بۇلگن چكمان، چاپان.

# ۱۵. اپوريليش

## ابوريليش

عذر، قهرمانىمىزنى ھەر تامانلما تەنەشتىرەلمەيمەن. بو اۈسل<sup>۱</sup> ايش. چونكە بىزنىنگ جەمەتتىمىزدە شىرىن يالغان اپرتكلرى حكمران دىر!

عبدالله اكە بىر كۈنى چمەسى منە شولرنى مېنگە ايتىپ بېرگن ابدى:

ابندى مېن كىملىگىمنى بىلەي، دېب كۇپ اۈيلەدەيم. اۈزلىگىم و اچىمدە كېچەياتگن توغولرىم حقىدە سىز بىلن بىر دردلشەي:

قرەسم ياشىم انچەگە يېتىپ قاليدى. اۈيلب كۇرسم منقورتلشىب بۇلىمىز. بىز يالەلرى كېسىلىب، يىراقلىرى يولىب الىنىب، موتەلنگن<sup>۲</sup> و قورىب قالگن توت درختىگە اۈخشەيمىز.

حىات درختىنىنگ اچىق و درز كېتگن كاۋەكلرىدە قورت-قومورسقلەر اويە قورىب االگنلر. بىر-ايكى قىتق تېپكى بىلن بو ملت درختى بىر كۈنى قولب توشىب، قارە بېرگە منگو باش قۇيىشىمىز بار گپ. بىز اۈزلىگىمىزدن بوتونلەي اجرەلىب، قارە خلققە اىلىنىب قالگن بېچارە آدملىرىمىز... بىلەمن بو گپلىرىم كۇپچىلىككە اغير باتەدى. بىراق، نە چارە «ايتسىم تىلىم، ايتمەسم دىلم كوير». اما، شولردن كېين:

### توشدە كېچگن ارمانلر

ياروغ عالمگە كېلىب، ازدالىك توشنچەسىنى انگلشىم بىلن اۈزىمىنىنگ كېلىب چىقىشىم بايىدە، كۇپ اۈيلەي باشلەدەيم. باشىدە، نوايى بابامىزدن اۈقىگن بىر حكمتلى سۇز

<sup>۱</sup> اۈسل: يەمس، يامان؛ بىمعنى.

<sup>۲</sup> موتەلەماق: قىرقيب، اوچىرىب ياكە كېمىرىب پرچەلەماق.

مېنىڭ يوره گىمگە غلغله سالدى. اولوغ نوايى: «ابل نېتىب تاپگەى مېنى، گر مېن اۋزىمنى تاپمەسم!» -دېگن اېكنلر. شو دانا فكرنى اۋقىب اۋزىمنى ينه بير قىتە تاپيش و آچىشگە اورينه من. ارمانلى دنيا-دە!

تارىخىمىزنىڭ اۋنقىر-چۈنقىر يۈللىرىگە كىرىپ چىقە من... بو الاولى يۈللىرىنىڭ كۈپى غالبلىك بىلن كېچگن... بىراق، مېنىڭ زامانىم اېسە، مظلوملىك، محكوملىك، منقورتلىك و مغلوبىتىدن باشقە نرسە اېمس. نېگە شوندى؟ -دېب اۋزىمگە سۇراق بېرە من. بوگونى و اۋتمىشىنگى بىلىش قىزىق -دە، برى بىر. آنكىمىزدە توگون بۇلىب قالگن ايرىم حالتلرنى آچىشگە شاشىلە من.

### بونى تقدىر دىدىلر!

ملتىم - توركى خىلقلرنىڭ بىر بۇغىنى سنەلمىش اۋزىپك دىر. بونى هېچ قچان تانمەيمىن<sup>1</sup>. مېن ھم برچە بشر اولادى كى بىر انسانمن. لېكن، باشقە بشر فرزندلرىدن بىر فرقىمىز بار. اولر اېركىن دىرلر، نام و نشانلرى ھم اۋز جايىدە. بىزچى؟ يۇق! اولردەى اېمىمىز. اولر اۋز حقوqlرىنى بىلىشە دىلر... تىل و ملتىم خصوصىدە اۋىلر اېكنمن، قرەسم بونى ھم بىزدن تارتىب اىب قۇبىدىلر؛ حجتلردە بىزنى افغان، دېب يازە دىلر! بو - دنيا دە مئلى كۈرىنمەگن ظلم اېمىمى؟

ملت-كو قۇلدن كېتگن. چونكە هېچ كىم مېن اوغان اېمىمىن، -دېب ايتەلمەيدى-دە. پالوان آغىزلردن بىرى يۇق! -دېب ايتسەلر بارمى، بىر مشت اوندىن نېچە پتير بۇلىشىنى يىخشى بىلەدى اولر. اگر ايشانمىسەلر بىرار اوغانگە سېن «اۋزىپك سن» -دېب ايتسىنلرچى؟ كۈزلىرىنى بارىب لندىنن آچە دىلر...

### تىل كۈنگىل كىلتى

راستى گپ، بو حقدە سۇز آچىشدىن شىرمندە من!

<sup>1</sup> تانماق: انكار قىلماق، رد اېتماق.

تېلىمىز ھەم ئۈزىنىڭ سۈنۈڭى آغىر نەفسلىرىنى ئالەپىدى. سۆزلىرىمىز كوز پىراقلىرىگە ئۇخىش ئۈزىنىڭ ھەمىشە نوقىران درختىدىن ئوزىلىپ، يېرگە تۈكىلىپ توشەپاتىر. مەكتىپلىرىمىز ئاقتىدىن، بو تىلىنى قۇش قۇللىب ئايب بارىپ، قىرگە قۇيەدىلر شېكىللى. «كۈترە ئلمەگن تاشنى ئۇپىب يېرگە قۇي» -دېب ئىتگنلىرى دېك. مەنە بونى حەقىقى «دانالىك» دېسە بۇلەدى. بوندىن او ياغىگە ايشلىرى يۇق. سىبى اولر بو تىلدە ئۇقىمەگن ئېمىشلر. قىامت قايم بۇلگۈنچە ھەم تۇلە سواد چىقرە ئالمس ئېمىشلر! دېمك، بو تىلگە احتىياج ھەم يۇقگە ئۇخشەپىدى.

## نورەب بارەياتگن ئۈزلىك

ئېندى، ئۈزىمىزنىڭ شەخسى حەياتىمگە نەزەر تىشلەيمەن. ئازلدىن بېرىلگن نەرسەلرنىڭ بىرىنى يۇقاتىپ بۇلىمىز-!! مىلى قەدرىت و ئۈزلىگىمدىن بېلگى-ئلامەت قىدىرەمەن. اولىگە، يىش تورگن اوپىمگە باقەمەن. مىلى لىكەن، يەنى ئۈزلىگىمىزدىن ذرەچە بۇلىسەن نىشانە قالمىدى. وای دادا! -دېيمەن.

اوپىمىزدە اول-بۇل نەرسەلر بار ئېندى بىر زامانلر. اولردن ھەم ھىچ نەرسە قالمەگن. اچىم زردابگە تۇلەدى. ھەم نەرسە ایلان-چىيان بۇلىپ، چقە باشلەپىدى. باشقە نەرسەلر حەقىدە ئۇلىشدىن تالەمەن. چرچەيمەن، بار ابى، -دېب قۇل سىلتب قۇيەمەن. تىشويىشلر اچىمىدە خۇدۇ، ائىن قورىب ئلگنەدى. شوندىن كېين اوروغ-ايماقلىرىمنى سوریشتىرەمەن. ایلدىلرلىمنى تاپىشگە حەركەت قىلەمەن. فايدەسى يۇق. كىم مېنگە توشىنتىرىپ ئۇتیرەدى. بابام، مامەلر اللە قىسى يىللردە ئۇلىب كېتىشگن.

يىش تورگن اوپىمىزدە قلم، كىتاب، قاغازدىن دەرک يۇق. آتە-بابالىرىمىزنىڭ چىنقىرەگن روللىرى باشىم اوزرە گىر-گىر ایلنەدى. اولر كىمگە تىكىلىپ:

بىز اللەنىب ئۇتدىك بو دىئادان جگرىم. شېھەسىز يىش، غرىب و مەناسىز عەمر كېچىرىدىك. دېماقەدە ئېندى. ئۇرنىمدىن تورىب تۇرت تامانىمگە قرەيمەن. بىراو مېنى

«كافر» دېب توتىب كېتىشىدىن قۇرقەمن. اېنگ آسان بو ايشگە برچەنينگ قۇلى يىتەدى. بو گېنى آيتىش اوچون اۇقمىشلى، آنگ و شعور اېگەسى بۇلىش كېرەك اېمس. شېهەلرېم اېچىمگە سىغمەي، تاشىب، كۇزلىرىمدن تۇكىلەي، دېبەپدى... شو اويدە آتمەن قالگن بېرگىنە رنگى-قوتى كېتگن، چنگ باسىب كېتگن سىرىق كىتابنى رېدن<sup>۱</sup> توشىرىب، قۇلىمگە آلىب ورقلشگە كىرىشەمن.

### منە شجرە ياكە شۇر پىشانە

آتىم عبدالله. آتمەننىڭ اسمى عبدالرسول صوفى، آتمەننىڭ آتەسىنىڭ آتى محمد على اېشان، بابامنىڭ آتەسىنىڭ اسمى اسدالله خواجه، كتە بابامنىڭ آتەسى خليفە عمر، عمرنىڭ آتەسى حاجى عثمان، اونىڭ آتەسىنىڭ آتى ملا صديق، اونىڭ آتەسى اېسە، مولوى سلام اېكن... شو يېردە يىخشى يم كە فالانى پېر، پىستكانى اولياگە بارىب يىتمەدى گپ. قورىگن بولاققە اۇخشىب شجرەمىنىڭ كېتى اوزىلدى. بۇلمسە، مقدسلىشىب بارەوپرىشىم تورگن گپ اېدى. يىخش يم كە عايلەمىزدن كىم دېر اۋزىنى مېن «تنگرى» -دېب آيتىب يوبارمەگن. تۇغرى-دە، سەهل نراققە بارسنگىز خلاصە شو بۇلردى. منە بونى عربلىشىش دېيدىلر. بىرار عربچە سۇزنى تىلگە آلىش بىلن تۇغرى جىئدە مكان آيلەگن دېك بۇلەدى آدملىر. بىزىنىڭ جىزىرەگە اۇخشەگن مىيەمىزگە ياتلىشىش<sup>۲</sup> اوروغىنى اېكىب كېتگنلر. اوندىن ھلاكتدىن باشقە نرسە اۋسىب چىقمەپدى. بو شجرەنامە مېنىڭ بختسىزلىك طومارىم اېدى. اېندى طومارچە سوودە يوويش و يېرگە كۇمىشگە ھم لايىق اېمسدىر. اۋتمىش بىلن ھىچ نرسە قىلىب بۇلمەپدى اېكن! آتە-بابالر باسىب اۋنگن جر ياقەسىدىن يورمىڭ، دېب آيتىب بۇلەدىمى؟ انە او، زنگلەگن قورال ايشىنى قىلەدى برى بېر.

<sup>۱</sup> رپ (رفع/فعل): قرآنى اۋشنگە قۇندىرىش مقصدىدە تام دېۋارىنىڭ بلىند قىسمىدە تىرەب اۋرتىلگن چۇپ تختهچە.

<sup>۲</sup> ياتلىشىش: بېگانەلىشىش، اۋزگرىش.

## اېسكىرگن طومارچه

شولردن كېين مېيەمدە تورنە قطار سواللر توغىلە باشلەيدى. بابالريمىزنى ايج-ايچىمدن قرغەى كېتدېم... اولر آخرت اوچون عربگە اينتيلەوېرگنلر. اولرگە:

توغرى جنتگە بارماقچى بۇلسنغىز، اۋزىنگىزنى بېرە تۇلە «عرب» دېب اعلان قىلمەيسىزىمى برکە تاپكورلر؟ -دېيىم. بېچارە خدانى آوارە قىلىشگە بلا بارمى اېدى؟ - دېدېم اچىغيم چىقىب. بو نرسە تگى كۆرىنمىس جنجال اېكن. شوندىن كېين حياتيمدە چوقور اۋزگرىش يەشگە قرار قىلدىم. بوگوندىن باشل:

مېنىنگ اسميم عبدالله اېمس، تورسون، بۇلەدى دېب اعلان قىلگيم كېلدى. آدملىر مېنى شو نام بىلن تىنىش و اتەشلىرىنى راسە ايستەمن.

«الله» خواھلسە، شو نام بىلن مېنى «جنتگە» يوبارسىن ياكە سېن شۇر پېشانە اۋزبېك اېكن سن، دېب «دۇزخگە» سورىب سالىسىن والسلام. عربلر يامان اېمس. اولردە عىب يۇق. نيمە قىلەى، مېن عربچە نامنى كۆتريب يورىشگە قرشىمن.

اۋز اۋزبېكچە و توركى ائلىرىمىز بۇلسىن. بو اسملىرى عامەلشتيرەيلىك! -دېگن فكريم بار. اۋز اسميم بىلن اتەلىشىم عدالتدن اېمىسى؟

بو بارەدە كتە-كىچىك اۋزىمىزنىكىلر بىلن فكرلشدىم. اولر مېنگە مصلحت بېرىشىب: - بو كمدن-كم بۇلگن ايشلردن اكه، -دېدىلر.

باشقەلرى:

- دۇستىم، هېچ قچان بو ايشنى قىلە كۆرمىنگ. هر كيم هر خىل فكرگە بارەدى، - دېيىشىدى.

مېن اولرگە بو ايش مطلقا شخسى ايش، يعنى كيم نيمە يېيىدى، كيم نيمە ايچەدى، كيم نيمە كىينەدى؟... -دېدېم.

خلاص اۋز ائىمنى المشتىرىشىم اوچون هم كتە ضىافت، تۇى-حشم يعنى، پلاو خان توره كېرەك بۇلركن. «بېر ايشنى قىلماقچى بۇلسنگ، اولر آدملىرىنىڭ قارنىنى مايلە!» -

دېگن گپ بار. چونكه، اوز بيريمىزنى بير دۆرهده بيرلشتىرىش اوچون اۋرتەده «قاره قازان» بۇلىشى شرط. يقىنلاريم نىنگ آخرگى شرطلارگه كۇندىم. شوندهى قىلىپ، يىغىلشدىك، مېنىنگ اسمىم اۋزگرتىرىلىشى اۋرتەچى تامانىدن مجلسده اعلان قىلىندى. اۋرتەچى دۇستىمىز آدملىرگه يوزلىنىپ:

– عبدالله اكه قىرگىندە آتىنى اۋزگرتىرماقچى يعنى، اۋز آتىنى بوگوندىن باشب «تورسون» دېب قۇيماقچى! – سۇز قاتدى بلند آوازده، – خوش نىمه دېسىز عزىلر. يىغىلگنلردن بيرى:

– بۇلمەگن گپ برادر. آزگىنه صبر قىلسە او دنياده اونىنگ آتىنى پروردگار اۋزى بېلگىلىپ و انىقلب بېرر اېدى، – دېگن گىپنى آيتدى كنايه قىلىپ. اۋتىرگنلردن ينه بيرى: – بو كافر! عربچه آتلرنى يۇق قىلماق، بوندهى اسملىرگه قرشى! بونىنگ جزاسى آغىر، – دېدى. اۋلتىرگنلردن باشقەسى سۇز رشتەسىنى قۇلگە آلىپ شوندهى دېدى: – دولتىمىزنى خىبر قىلماق كېرەك اېدى، اۋز باشىمچە ايش توتەلمەيمىز آغلر! اۋزبېك برادرلرئىمىزدن ينه بيرى خلق نامىدن سۇزگە چىقىپ: – جمهور رئىس، عالي مجلسىمىز، بوندهى كتە اۋزگرىشلردن بى خبر قالىشى كېرەك اېمس، – دېدى.

مجلس بارگن سرى قىزىب بارەياتگىندى. اۋزىنى يىغىب – تېرىب سۇزگە بلبرىنى جۇتلەگن بير برادرئىمىز:

– عالي محكمە، وزيرلىكلر هم خبر قىلىنىشى ضرور، – دېدى و بحتلر جدى توس آلدى. مجلسده، بېچارە عبدالله نىنگ آتى «تورسون» گە المشتىرىلىشى سېھل كم عالم شمول واقعه گە آيلتتىرىلدى. مذاكرە و تارتىشلر بارگن سرى اۋجىگە مىنگىندى.

قه لاوينى بىلگن قارنى ياقەدى

بوگونكى مسأله يوزه سىدن اېندى اساسى گپلر آيتيله ي دېب تورگنده، توردى قول بكاوول<sup>1</sup> كفگيرىنى تېنگ و غۇرىلرگه جرنگىللىتىپ اورىپ، همە گپ-سۇزگه نقطه قۇيدى قالدى.

توردى قول بكاوول:

- پلاو پيشدى اۇرتاقلر، نان تيار، قۇزى نىنگ گۇشتى آش تگيده بيقىرله ياتىر! -دېدى. مجلسگه سوو سېپگنده ي بۇلدى. آدملىر آلدىن-كېين بۇلىشىپ همە دستورخوان تامان بوريله باشلەدىلر. كته تارتىشوو، حقيقى ياقەلشوو اېندى باشلندى... شونجه محتىنلر عوضىگه برى بىر عبدالله اكه نىنگ آتى تورسون بۇله ألمەدى...

---

<sup>1</sup> بكاوول: آشيز.

# ۱۶. ايلک سباق

## ايلىك سباق

نېچە ياشگە كىرگىنىمنى ھېچ كىم بىلمەيدى. ئىم اوزوم پىشىغىدە دېسە، ئىم اۋرىك گۈللەگندە توغىلگىنىم بىلمەيدى. قىشلاغىمىزدە كىم قچان توغىلگىنىنى بېش قۇلدەي يىخسى بىلەيدىگىن مامەم بېچارە اۋلىب كېتىگىگە اچىنەنەن. فايدەسى بۇلمسە ھىم شو بىلگىم كېلگىنى كېلگىن اېدى اۋشە پىتلىرى. ئىم، ئىم اۋقىمىشلى بۇلسە اېدى كاشكى! - دېردىم. انسان نېگە يرەتلىگىن؟ يىشىدىن مقصد نىمە؟ قندەي يىش كېرەك؟ و نھايت، اېركىنلىك نىمە؟ - دېگىن فلسفى سواللر بىر ياقدە تورسىن، جىلە قورسە توغىلگىن بىلگىمىزنى-كو، بىلسىك بۇلردى، - دېيىمىن اۋزىمچە. شو نرسەلر حقىدە اۋىلركىمىن، اۋقىگىم كېلەدى، يىخسى اۋقىگىم كېلەدى؛ زمان اۋقىگىنكى دېيىمىن...

توغىلگىن كونىمنى بىلماقچى بۇلىپ، اوندىن-بوندىن سۇرەب يورىشىم كۇچەداشلىرىمگە ياقمەگىن. شو رنگ سىز كونى بىلشىم كېرەك مىدى؟ بلكە، كتە-كتە ادملر اۋرنىدە قۇيىپ كۇرگىندىرمن اۋزىمنى. خىيالىمدە اۋزىمدىن بىر قەرمان يىسەگىندىرمن بلكە. اۋزوكە عىب يۇق دېيىدىلر... كۇچەدەگىلر بو حقەدەگى قىزىقىشىمنى بىلىپ قالىشىپ:

- سېنى جۇرە تېگىرماچى نىنگ اۋغلى دېسە بۇلدى-دە! بىلسىنگ نىمە-يو، بىلمەسىنگ نىمە؟ شونى بىلگىنىنگ بىلن كاسەنگ نىنگ تگى اۋقرمىدى؟ ياكە مکتب اۋقىب، اتە-آننگە كلە بېدىرمى اېدىنگ؟ - دېسەلر بارمى؟! اولرنىنگ بو گېلردىن كۇنگلىم رنجىب ويران بۇلدى. اوستىمدىن كولىشىگىنلرگە چىدەي االمەدىم. ايچ-بغرىم اېزىلىپ، راسە زردەم قىنەدى. امىدلرىم سىراگە ایلندى. توغىلگىن كونىمنى بىلش مېنگە نېگە كېرەك بۇلىپ قالگىنىنى يىخسى اېسلەي االمەيىم. اېركەلىك قىلىپ سۇرەبمىن-دە!

- اۈز حقيمدە بىلىش بو مېنىڭ حقيم، عيب اېمس، -دېدىم اولرگە.  
برى بىر، اېچىمدە اۈقىيىمىن دېب اۈزىمگە قارار بېردىم... باشقە چارە يۇق. شوندىن كېين  
كۈچەدىن اېشىتىڭن اچىق و كېسەتتىق گېلرنى، كۈنگلىم اۈكسىب، آتە-آنمگە آيتدىم. اولر  
«كېمغلىنىڭ بالەسى سن، شۈيلەنگنى يېب پردەنگنى قىلىپ كېتە و پېرسىڭ  
بۇلمەيدىمى؟» -دېب مېنى ابدان كايىشىدى. اويدە گىلرنىڭ گېيدە جان باردەى. چۈنكە،  
هر قندەى يخشى كونلر بايلرنىكى-دە. «اغزى قىيشىق بۇلسە ھم باىنىڭ اۈغلى  
گېرسىن» -دېيىلگن مقاللردە. توغىلگن كونى ھم شولرگە بويورگن. دىنانىڭ ابرە-  
اطلسى شولرنىڭ بۈيىگە اۈلچب بېچىلگندەى گۇيا!

\*\*\*

اۈن ايكى ياشلردەمن چمەسى. اۈشە يىلى قىش قىش كېلدى. گورسولتىپ قار اوردى،  
ارىق و نېرلردە سوو موزلب قاتدى. قارە ماللر تېپە-تېپە تشلب، يىقىلىپ اۈلەبېردى.  
تېگىرمانلر پىرچا، بازار-اۈچار ھم بۇلمەدى. دھقانلر قۇشگە چىقەلمەدىلر. مېن ھم  
باشقە تېنگقورلرېم سىنگرى اويدە، سوغدى اطرافىدە باغلىنىپ قالدىم. آتم اۈتىز يىل  
تېگىرمانچىلىك قىلىپ ھىچ نرسەنىڭ اېگەسى بۇلەلمەدى. بوتون عايلە بىر عمللب  
قىشدىن امان-اېسان چىقىپ الىش قىغوسىدەمىز. خلص، اقتصادى احوالىمىز يخشى  
اېمسدى. اولىگە، آتم مېنى بالرنىڭ اېشىگدە يېتىم قۇيماقچى بۇلدى. كۈنمەدىم.  
دھقان قىلىپ ساي-ادىرلرگە قۇشگە چىقماقچى بۇلدى. يۇق، يۇق! مکتب اۈقىيىمىن،  
دېب توروب ادىم. ايش-يوموش جېرىدىن شو كۈنگەچە امل-تقل قىلىپ اۈقىب  
كېلەياتگن اېدىم مکتبىنى. رۇزغار ايشلرېگە قارىشىپ، مکتبىدىن يالچىمەدىم. شۈنگە  
قرەمەى، ھلى ھم اۈقىيىمىن، دېب سۈزىمدە تورىمىن. اۈقىشنىڭ چۇغى روھىمدىن  
اۈچگنى يۇق. بىلىمىنىڭ سېراب بولاغىدىن تۈيىپ-تۈيىپ سېقىرگىم كېلەدى...



ابدىلر. ملا قرشىسىدە چۈككە توشىدىم. جۈنچۈكەي، ساووق قاتگن قۇللىرىمنى قۇلتىغىمدىن چىقىرىپ، كۈھۈۈ، كۈھۈۈۈل ب ايسىتە باشلەدىم. ملا امام دراۋ، وراقلىرى سرغىب كېتگن بىر «ھفتىك» نى قۇلىمگە توتقۇردى-بو: - «ۋىب آچگىن» -دېدى.

آىنگىنى قىلدىم. اىلك سباقلىرى باشلەدى ملا امام. عربچە سۇزلىرى دۇندىرىپ تلفظ قىلەلمەدىم، تىلىم يىخسى قاۋوشمەدى، اىلمەدى. ذ، ض، ط، ظ، ع حرفلىرىنى عربلر دېك قىلىپ آىتەلمەدىم. ملا امام اچىنى چىقىپ، عىاسى بىلن بىقىنلىرىمگە بىر-اىكى تورتىب، اۋقرەيگن كۇزلىرىنى قەر بىلن آلەيتىردى، مېنگە قاۋاق آسدى، پۇيسە قىلدى. قۇرقىدىم... اۋزىم اۋىلەگندە بۇلىپ چىقدى. خىالىمدە، حجرەنىنگ پىخسەلىرى نىرت، حقارت و قۇرقوۋدىن تىكلنگندە. حجرەنىنگ سوۋاقلرى خودى، ياش بالەلرنىنگ، استعداد، عقل و زكاۋتىدن سوۋب قۇبىلگندە تويىلەدى. بىللر بۇى بو ۋەشتخانەدە تىنىق ارمانلر بىقىب، دىمىقىب ياتىدى گۇيا...  
\*\*\*

اۋقىش باشلىدى. اىلك درسلىردە «ف» نى آىتەلمەدىم. تىلىم يىخسى اىلمەگچ، آخونىم چۇنتىگىدىن غىجىملىنگن كىر رۇمالچەسىنى چىقىرىپ، تىلىمنى قەيىرىپ بورەدى. تىلىم قىق آغرىدى، كۇزىمدىن جودىرىپ تۇكىلگن ياشلىرىنى بىتگىم بىلن آرتىدىم. كىتە حجرەنى بالەلرنىنگ آۋازى تۇلدىرىپ تورىدى. حجرەنى قىشە ياقىلگن ياغاچلر توتونلىرى قارەيتىرىپ يوبارگن. قارەيگن دېۋار بىتلىرى بۇلىپ توتون كۈبە باغلەگن. بالالردىن اۋرگىمچكىنىنگ بوزىلگن تۇرلىرى اجل اىپىگە اۋخىب آسىلىپ تورردى. تۇستىن، تىپەدىن باشىمگە بىر قىتىم قارە كۈبە توشىب كېتىدى. كۈبەنى برماقلىرىم بىلن سىيرىپ تىشلەدىم. سۇنگ كۇرستىگىچ برماغىم بىلن «ھفتىك» نى وراقلەدىم، كىتابگىنەم بۇبەلىپ كېتىدى. ملادىن قۇرقىب اتىنگ! -دېدىم اچىمىدە.

بو احوالى كۈرىپ تورگن آخونىم، كېلە سالىب مېنى بىر آياق اوستىدە تۇختىدى. كاوشىمدىن پىتكىرنى چىقىرتىرىپ، تىشلىتىپ جزالەدى. اۋيىنلردە بىر آياقدە تورىشنى يىخىشى اۈرگىنگىمىدىنمى، ھەر نې، يىقىلمەدەيم. حجرەنىنگ بىر بورچكىدە ھىكل دېك قاتدەيم و چوقور اۋىگە تالدەيم. شوندىن باشلپ حياتىمدە كىتە اۋزگىزىش يىلدى. عمر بۋىي خۇرلىنىپ كېلگن حياتىم اۋز معناسىنى اللە قچان يۇقاتدى. ايچىمدە توگىب قۋىيلگن ارمانلرىم سىنىپ كېتدى. شىخىتىمدىن قالگن پرچەلرنى ملا امام غضب اۋغىرىگە سالىپ يىنچدى. كوكونلرىنى<sup>۱</sup> تۈز، قلمپىرگە قارىپ تىنەمدەگى يېرەرلر اوزرە سېپىدى. وجودىمدەگى بو داغىلر بىتمس بۋىلپ قالدى. اېندى، بو جراحت ھىچ نرسەگە امان بېرمىسلىگىنى انگلەدەيم. شو تابدە، اۋزىمنى تۈبسىز جىرلىككە قولەياتگىندەى حس قىلە كېتدەيم. اوشلەى، ايلىنەى دېسەم قۋلىم ھىچ نرسەگە يېتمەيدى. تىلېم سۈزگە كېلمەيپىدى. درەنغىللەگن شو قارانغى بۋشلىقەدە، بىر ياووز روح اوستىمدە حىكران تورىيدى. يوتاقى<sup>۲</sup> بو ياووز روح ھەر لحظە مېنى يوتىپ يوبارىشى مەكئەدى نظرىمدە. گۋيا او چېكىسىز، مطلق «كوچ-قدرت» اېگەسى. تىسلىم بۋلىش و اطاعتكارلىك اونىنگ بارلىك خىصوصىتى. عاجزلىكدن اۋزگە نرسەنى تىن آلەمەيدى او. ياووز دىل و منطقدن اۋلگۈدەى قۇرقەدى. اونىنگ ايتگىنى ايتگن، دېگىنى دېگن.

تېپەمدە تورگن ياووز روح، آياقلىرىنى باشىمگە قۋىىپ، مېنى تۈبسىزلىك اۋپقانىگە باسماقچى بۋلەدى. او سۇراق بېرىش و يۈزىگە تىك باقىشگە مجال بېرمەدى. آغزىنى آچىپ ياتگن تۈبسىز قارە ظلمت مېنى تارتىپ كېتماقەدە اېدى. نورەى-نورەى، دېب تورگن حجرەدە، قوتىلىپ قالردېك نرسەنىنگ اۋزى يۇق. تگى كۈرىنمىس جىرلىككە توشىپ كېتدەيم. آياقلىرىم اوستىدە تارىخنىنگ چىرىپ ياتگن، جانسىر جىسدى ياتر اېدى. آدملىرىنىنگ قىغىسىگن تىنەسىدن قورت-قومورسقىلر كۈككە اۋرلەياتگىندى. تۈبسىر قارە

<sup>۱</sup> كوكون: قىتىق جىسمىنىگ مېدەلنگن ذرەلرى؛ تالقان.

<sup>۲</sup> يوتاقى: آچ كۈز، يېب تۈمىس.

جرلىك قتلرىدن اۆتمىش نىنگ معناسىز تاووشلرى اېشتىلردى. بارسە كېلمس بو زنداندن قاچىب قوتىلىش نىنگ عاجى قنچە؟ تىپەمدن سان-سناقسىز اۆلىك آدملىر، خزان يىراقلىرى دېك تۆكىلىب قوويلىب كېلەياتىگندى. ياووز روح قۆلىدە كىم قنچە تقدىرلر پرچەلنىب، سىنىب توشردى تىپەمگە. مېن ھم بو اۆلىكلر اويىگە، تۆدەسىگە، آرتىقچە جسد بۆلىب قۆشىلىب كېتەمن.

# ۱۷. بیره م

## بىرەم

ايشخانەنىنگ دېوار تاختەسىدە شوندى دەپ يازىلگندى:

«بىر تەگە ادارەمىزدە بىغىن اۆتكزىلەدى. آنەلر كۈنى نشانلەندى. شو مناسبت بىلن سىز

حرمىلى خادىملر آىنىقسە، عزيز عىاللردن تدبىردە قىتىشىنىگىزنى التماس قىلەمىز».

جمەە كۈنى ابدى. سىف الله قارە سحرىدن تورىب كۈچەگە چىقىپ كېتىن. آىبىكە ھەم

اېرتەلب بىر وقت توردى. عايلەنىنگ تشوئىشى كىتە-دە. ھەر كۈنگى ايشلىرىدىن آىبىكە

باش كۈترەلمەيدى. بوگون كۈپراق اورونىشىگە تۇغرى كېلەدى. بېشىر-توشىر، سوپىر-

سىپىرلىرىنى قىلىپ آلدى. اول اېرىنىنگ مىنگ كاكل خۇرازىنى اۋەيلەپ كىتە سوت سېد

آستىگە قەمدى. اېرى بوپورگندەى قىلىپ خۇرازىنىگ پىخىنى آرىتىپ، كاسەسىگە،

پىستە-باداملردن سالىپ قۇيدى. ساماننى تىتىپ، تخملرنى تاپىپ خۇمرەچەگە احتىياطلب

جايلەدى. تاووقلىرىنى اېسە، كىتكە ھىدەدى...

قوياش چەمەسى ايكى قولچ كۈترىلىپ، ھوا اىسىپ بارەياتىن كېزىلر. آىبىكەنىنگ

بېشىكەگى بالەسى اويغانىپ «اينغە-اينغە» لىشگە كىردى. آنەسى دراۋ بارىپ،

چەلاغىنى اېمىزدى. بالەنىنگ يۇرگىنى<sup>۱</sup> يىنگىلب:

- اېندى تدبىرگە بارە قالەى. كۈرىنىپ تورگىمى يىخى، تعطىلدە بۇلىشىمگە قەمەى،

بارگىمى معقول. حرمى قىلىپ، چقىرىق خط يوبارىشىن. ھەر قەلى ايشخانە، -شولرنى

اىچىدە اۋىلەياتىپ، -اويىمنى، بالەمنى آتمگە تاپشىرەمن، -دېدى آىبىكە.

<sup>۱</sup> يۇرگك: غوندىك، چەلاقنى اۋرەيدىگن كىچىك چاپىش.



بىكە ايشلىرىنى بىتتىردى. سۈنگ اېمىزىكى بالەسىگە كۆكرەك بېردى. سوتدن تۈيگن چقەلاق اويقوگە كېتدى. وقت ھم اللە محل بۇلب قالگن. بىكە كىينىب، شاشە-پيشە تدبىرگە اشتراك قىلگنى «خىر آتە جان» -دېيە اويىدن چىقىب كېتدى. اوستا مۇمن بىر آتىم ناسىنى تىلى نىنگ آستىگە تشلەدى. چوولگن سلەسىنى قىتىب اۋرەدى. اېرتەلبكى چاينى اچىب، دستورخواننى بىغىشتىرىب، شكرانەلىك دعاسىنى اۋقىب، يوزىگە ھاوچ تارتدى.

اوستە اېشيتىلر-اېشيتىلمس غۇنغللەگن آوازده ياشلىگىدە اۋرگنگن قۇشىغىنى آىتر، حوبلى ايوانى بۇيلب آدىملەماقدە اېدى... اويگە كىردى. بېشىكدە ياتگن چقەلاققە بىر تىكلىب، بۇشەگن قۇلباغىنى قاتىرىب قۇيدى. آغزىدن توشە يازگن اېمىزەكنى ھم آغرىگە بېردى. بۇچىن، سۇرەيگن اوستە مۇمن اېلكەسىنى قىسىب بۇساخە ھتلەگىچ، اېشىك زلفىنىگە آسىلگن قولنى آلب، چقەلاق اوستىدن اېشىكنى قولفلهدى. ايشانچ حاصل قىلىش اوچون زنجىرىنى شىقىردەتتېب تېكشىرىب ھم كۇردى. اېنغەنپنلىك بىلن آشخانەدەگى اۋتتيزتەچە تخمنى اۋەيلب خلتەچەگە سالدى. اوروش اوچون باقىب قۇيىلگن و «اۋىلنمەگن» خۇرازنى-دە، قوقورلتىب، آياغىدن باغلب قۇلتىققە اوردى و سېكىن حاولى دروازەسىنى تشقىردىن قولفلب، جفتكنى راستلەدى. بو اطرافلردە تورگىسى كېلمەى، تۇغرى تكسى اوشلب، «قىدەسن قىشلاغىم» -دېب قۇشنى ولايت تامان يۇل آلدى.

آبىبكە اوچ-تۇرت ساعت آرەسىدە تدبىردن بۇشب، بالەسىدن خىر آلگنى اويىگە قىتىب كېلدى. قرەسە كە، اوى اېشىگى تشقىردىن قوفلاق. ھىجان باسگن بىر احوالده، يوگورە بارىب قۇشنىسى نىنگ اويىدن دېوار آشە حاولىسىگە كىردى. حىرت ياقەسىنى اوشلب:

- نىمە بۇلدى اېكن؟ آتە، آتە، آتە! -سېسىنى بلندلتىب ىنە، -آتە!! ياكە سلقىنلەگنى تشنابگە كىردىمى اېكن-ھە؟ -دېب بلندراق قىچقىردى.

هممه ياق سوو سېڭندهى. هيچ كيمدن سېس چىقمهدى. بېكه غىزىللب چقه لاغى ياتگن خانه گه قره ب يوگوردى. اېشيك قولف. هارغىن، چرچاق و بۇغىلگن بير اوازده باله يىغله ييدى. بېكه اېشيكنى اچىب خانه گه كىرگچ، باره تورىب، يىغلب سۇلگى<sup>1</sup> قورىگن چقه لاغىنى بغرىگه باسدى. او بالهسى نىنگ كۇز ياشلىرىنى آرئيتىب، قۇينىگه باسىب حاووليگه چىقدى. نيمه يوز بىرگىنىنى بىلمهى حيران. هۇيىققنچه تېوره ك-تاشنى كوزه تىب چىقدى. اشخانه گه كىردى. تخملر يۇق. كتكدهگى پالوان خۇراز هم غايب بۇلگن.

اىبېكه چقه لاغىنى يۇرگكلب، تۇغرى ينه باغچه گه باردى. ايكى قىزچهسىنى بو بىردن اىب، اۋزى بىلن اېرگشتىرىب بندرگه باردى. هيچ كىمگه سىر بىرمىسدىن تكسى اىب يان شېرگه جۇن ب كېندى.

يۇل سېرقتاۋ، مۇترلر اقيمى كته. غوويىل ب اۋتگنى اۋتگن. مۇترده اوچله بالهسى هم ناتىنچ؛ اولر اوخلب كېته يىكن اېدى... گۇدكلرىنى اۋيته ياتىب: «آه تېنگرىم! نې كونگه قالدىم! بو شرمندهلىك اېمىسى؟ باله لىرنىنگ آتەسىگه نيمه جواب بېرەمن. خۇرازنى سۇرەب قالسەلرچى، شۇرىم قورىدى...» -دېگن اۋىلرنى بىر-بىر خيالدىن اۋتكردى بېكه. بىرار ساعت اۋتر-اۋتمس بېكه كۇزلەگن شېرىگه بارىب توشدى. بىردن آتەسى يشب تورگن حاووليگه قره ب بورىلدى. ايكى چقىرىم يۇل يورىب اونگە قىرىلدى. اوزوم يىشىغى. كۇزنى قمشتىرگودېك، تورلى-تومن، شاده-شاده مېوهرل درختلرنى بېزەب تورگن. ايسىقدن سقلنىش اوچون بار تىرىك جان اۋزىنى سايە-سلىقلىرگه الىشگن. بېكه حاووليگه كىرىب باردى. پسته گورجى خودى تىنگن دېك، چاو-چاولب، سېلكىللەگن دۇمىنى لىكىللىتىب توره بېردى. بېكه ايكى خانه گه هم بۇينىنى چۇزىب

<sup>1</sup> سۇلك: اغىز سووى.

قرەب كۆردى. بىراق، آتەسى اويىدە اېمس. او آدم خواه-ناخواه خۇراز و تخملرنى شەردە بولب يورگن بۇلسە كېرەك، دېگن گپ خيالىدن اۋتدى. اىبىكە نىمە قىلرېنى بىلمەدى. بىردن بارىب برندە تاقچەسىدە قۇيىلگن تىكوو ماشىنەسىنى كتە شفتالوگل رومالگە اۋرەب اىب آرقەسىگە قىتدى. بىر قولىدە اغىرگىنە ماشىن، اىككىنچى قولىدە التى اىلىك چقەلاغى. دم ماشىننى كۋترىب بىر جايگە اىب بارىب قۇپەدى، دم اىكى قىزچەسىنى قۇلرېدن اوشلب يىتكەيدى. بو احوالنى بىراو بىلگنى هم يۇق.

باشىدە خالدار-خالدار رومالدىن قرص، بۇيى پستراق، كۇزلىرى كتە-كتە، كۇكرەكلرى تۇلىشگن، قۇنغىر جىنگەلك ساچلى اىبىكە كولسە كولگىدە، يىغلسە يىغله گودەى بىر احوالده. بوتون فكرى اېرتەراق اويىگە يىتىب اىش؛ بۇلگن احوالدىن ياتىغى بىلن اېرىنى خبردار قىلىش. كتەراق جنجل كۋترىلىشدىن خواطرده او.

اىبىكە شەرگە كېلىب، ينە تكسى توتىب اويىگە قىتىب كېلدى. هارىب، تالىب، اوزاق منزل باسىب كېلگن اىبىكە اويىگە كىرركن، اولىگە هووواس تارتىب يىغلهدى... تورموش اۋرتاغى نىنگ كېلر وقتى هم يقىنلىشگن. او قندەى كىفېتدە اويگە قىتىشى معلوم اېمس. كىم بىلەدى، اېرى ككلىك اوروشىدە يوتدىمى، ياكە يوتقۇدېم؟! گروانى باى بېرگن بۇلسە، كېچە بو حاويلدە قىامت قۇپەدى دىبوېرىنگ.

شامقورون سىف الله حاولىسىگە باش سوقركن، عادتدەگى دېك اويگە كىرمىسدىن تۇغرى خۇرازىنى كۇرىشگە باردى. كۇرسە كە خۇراز جايىدە اېمس. هاولىقىب:

- خاتىن، خاتىن! - يوقارى اۋازدە وهىمەلى بىر كۇرىنىشده، - خۇراز قى؟ بوگون دان - دون بېرىب قرەدىنگىمى اۋزى؟! - دېدى اېرى غضبى تاشىب.

بېكەدن سېس چىقمەدى. قىزەلاقلر آتە-آتەلب، اۋىناقلشېب سىف الله نىنگ قوچاغىگە اۋزلىرىنى آتماقچى بۇلدىلر. سىف الله بالەلرگە پروا هم قىلمسدىن، تال پىراغى دېك تىترەب تورگن خاتىنىگە سېچىب:

- سېندىن سۇره يېمىن! خۇراز قنى؟- اچىق غضب بىلەن خاتىنىنى بىر-ايكى مرتە دېوارگە  
اورىب سېلىكىدى، -سېندىن سۇره يېمىن قىنجىغ؟ تىلىنىڭ اىچىنىڭگە توشىب كېتىگىمى؟ گېير  
دېمىن، گېير!

اىبىكە كۇز ياشلىرىنى سېزدىرمىسلىك اوچون يوزلىرىگە توتىب تورگن قۇللىرىنى زۇرغە  
توشىردى-دە، لىللىرىنى جفتلىب:

- خۇخۇخۇخۇرررازنى اتم، -دېدى-يو، گېللىرىنى ايتىب اولگورمىسدىن جايدە ھوشىدىن  
كېتىب يىقىلدى. قىزەلاقلر ائە-ائە، -دېيىشىب اوزەلەياتگن بېكەنىڭ قوچاغىگە  
اۇزلىرىنى تىشلەدىلر...

يېر و كۆك جاي بېرمەگن دېك سىف الله اويىدىن چىقىپ كېتىدى...  
بېكە آدملىر آغزىدىن: «سىف الله نىڭ ايشى قاضىگە توشىيىدى» -دېگن گېدىن اېرتەسى  
خبر تاپدى.

۱۸. بۆلسە بوتگار، بۆلمسە حكايه

## بۇلسە بوتگار، بۇلمسە حكايه

كىم نېچە كىم رنج نھانى چېكەى،  
آب حىات اىستب و جاني چېكەى.  
نوايى

بو ياروغ عالمده انسان هر خىل خواھش-اىستكلر ايلينجيدە يشب اۋتەدى، شونەدى اېمسمى؟ بونەدى توغولرنيىنگ اېنگ كوچلىسى «حاكىمىت!» گە بۇلگن اىنتىلىش دىر. حاكىمىتنى اېگللش آرزولرنيىنگ اېنگ اولكنى دىر. قىدرتنيىنگ حتاكە ھواسى ھم يورەكنى اۋرتەى بېرەدى. آدمزاد اولّا بو حاكىمىتنى اېنگ كىمىدە اۋز اىچىدە قورىب كۈرەدى. شو آرزولرگە اېرىشەدىمى، اېرىشمەدىمى، بىر اۋز اىچىدە سرگردان يشەى بېرەدى. آدم بالەسى گاھا، غۇزەسىنى يارىب، ياروغ حىات صحنەسىگە چىققن پىلە قورتىگە اۋخشەىدى؛ قاينىنى يارىب، كپەلك بۇلىب، يوقارىلەىدى...

ھە، كىشى حىاتدە باى بۇلىب كېتىشى، يولدوزگە ايلنىشى، بىلىم چۇقىلرنيىنى اېگللشى كمدن-كم آدملرگە نصىب بۇلەدى اېكن. بوكونلرگە اېرىشەلمەگنلر شولر حسرتيدە يانىب، كوئىب اۋتەدى.

قىرق ياشنى قارەلەگن امان، اش-اوقتدن بۇكىدىمى، بو كېچەسى كوچلىراق باستىرىقلىق كېتىدى. خورەك ايتىشلىرى ھم زۇرەىدى. خاتىنى گلېھار: «بى بىى! بسم الله بىى، بالەلرگە اويقو بېرمەبىسىز آتەسى، تۇغرى ياتىنگ» -دېيە اېرىنى بىر-اىكى نوقىلب، تورتىب قۇىدى. امان اېسە الھى و بى تكرر شىرىن توشلر اغوشيدە آرام آلەياتگندى.

تىنىب-تىنچىمە گور امان اېرتەلب كۆزىنى آچرکن، ھاوۋچلرى بىلن كۆزلرىنى سىيرىب آلگىچ، بىر نرسە يۇقاتگندەى بۇلىب دانگ قاتدى... بىردن توش كۇرگنى اېسىگە توشدى، توشىنى يىخشى آلىب تورەآلمەى اويغانىب كېتدى. بىر نرسەلرنى اىستب تون يىرمە اويغانىب كېتگن امان نىنگ ھاوورنى، خاتىندن باشقە ھىچ كىم و يا ھىچ نرسە باسىب تورەآلمس اېدى. غرق اويقودە ياتگن گلېھار اېرى نىنگ اىنتىق اېركەلشلىرىگە قرەمەى، «ھر كون ھم بۇلەدىمى؟ قۇيىنگ!» -دېيە راضلىك بېرمەدى. اېرى بۇلسە قىستەگنى قىستەگن. شىرىن و ناز اويقودە ياتگن گلېھار بېزاوتەلنىب، اويقوسىرەب:

- «توبە اې! قورويب كېتسىن! جانىمگە تېگدى، ھر كېچە يايىشگىز يايىشگن، -دېيە اويقو ارەلش كۇرپەنى غىجىمى بىلن بوتونلەى باشى بىلن اۋرەب آلدى-دە، غىرتىغىگە ايلمەى ياتەبېردى. اۋرتاقلرى اماننى اوچرەتگندە اېركە دېب ھم چقىرىشردى. امان اېركە خاتىنى نىنگ رد جوايىگە كۈنمەى، حركتدە... آخرى بۇلمەدى-دە، خوش قىلىق بۇلىب، بىر شاعرلىگى توتىب، فضولىدن بىت ايتب بېردى:

اې فضولى يار اگر جور اېتسە اندىن اينجىمە،  
يار جورى عاشقە ھردم محبّت تازه لر.

گلېھار اېرى نىنگ گىيگە قولاق آسمەدى، اۋز كىفىتى ايلە اوخلەى بېردى. امان بۇلسە، ھىجان باسىب، تىترەب-قتىرەب:

- سېنى ايتەمن خاتىن! اېشىتەسنمى؟ -دېب يالبارە تورىب، «بىر ياتىب آلىش» توغوسى جنىشگە كېلگىنى خاتىنىگە اظهار قىلگن بۇلدى.

- قۇيىنگ، نىمە دېسىز، آردانە قالسىن<sup>1</sup> «اۋشە!» شاعرلىگىزنى كوندوزى قىلەوېرەسىز، اوخلەشىم كېرەك، اېرتە وقت تورىب رۇزغارگە قرەشىم بار؛ يۇغ اېى، بۇمەيدى دېدىم بۇمەيدى! مېن اوخلەيمىن، -دېيە بو گل ھم سېھل اچىقلىگن بۇلىب ياتەبېردى خاتىنى.

<sup>1</sup> آردانە قالسىن: سېىل قالسىن، اېگەسىز قالسىن.

- كېين اوخلەي بېرەسن آنەسى... - ھوھوھو قىلىپ، سېكىن گىنە قىچىق يۈتەلىپ ھم قۇيدى اشتھاسى قۇزىپ.

قۇيردە قۇيمەي گلبھارنى كۇندىردى شېكىللى، بو تون امان اېر كە مقصدىگە اېرىشەياتگن بۇلدى... دېنگىز پۇرتنەسىدن<sup>۱</sup> كۇلمككە توشگندەي پىسەيب قالدى.

اېرتەسى تانگ آتېشى بىلن امان اېر كە كۇچەلرنى بىر كېزىپ، اېلىنىپ كېلدى. چاي-پاي قىلىش اوچون حوزدن بىر چېلك سوونى اېلىپ قىتدى. خاتىنى گلبھار بالە-چقەلرى اوغانمىدن اېرتەلبكى چايگە تيار گرلىك كۇرە باشلەدى. بىرگە ناشتا قىلىشلىرى كېرەك.

قوياش اېندى گىنە اۈزى نىنگ زىن كاكلرېنى آنە بىر اوزرە يايماقە اېدى. يازنىنگ اۈرتەلرى شتاب بىلن اۈتەياتگندى. امان نىنگ نظرىدە، يشب تورگن حاوولسىدە

قندەي دىر غىر طبعى بىر حال حكمران. اۈزىنى ھم باشقچەراق حس قىلەيپىدى. خودى، اونگە كىمدىر ھمە حمد و ثنا اېتىپ، باش اېگىپ تعظيم قىلەياتگندەي. امان

اېر كە شو تابدە اۈلب-اۈلب گىپىرەدى، سلماقلىپ قدم باسەدى. اۈسماقلىپ<sup>۲</sup> بىلگن نرسەلرېنى اۈزىدن سۇرەي بېرەدى. خياليدە صولتېگە سىغمس عملدار اۈلەراق اۈزىنى

اولوغوار بىر توسدە كۇرىپ تورىپىدى. بو وضعىتنى كۇز تگى بىلن كوزەتىپ تورگن گلبھار لېرېنى جفتلې، اېرىدن خورسندچىلىك سېينى سۇرەماقچى بۇلىپ اېدى ھم كە، امان

سۇز باشلې قالدى:

- بىلەنمى آنەسى، كېچە بىر الھى توش كۇرىمىن. اونى سووگە اېتىشىم شرط بۇمسە كېرەي. بالە-چقە اوغانمىدن اېتىپ بېرەقالەي.

- الھى دېيەپسىز آتەسى، بلكە ايس-پىس چىقىرىشىيىز كېرەي بۇلر. بوندەي توشلر ختم-خىراتسىز اېتىلمەگنى يىخسى آتە جانىسى. پىرلر يار بۇسىن سىزگە، مرتبەنگىز

بوندن ھم اولوغوارق بۇسىن، -دېدى گلبھار اېرى نىنگ كىفېتىنى كۇترماقچى بۇلىپ.

<sup>۱</sup> پۇرتنە: كوچلى تۇلقىن، طغيان.

<sup>۲</sup> اۈسماقلىماق: اۈزى بىلگن ياكە تخمىن قىلگن نرسەنى ينە-دە سورىشىرىپ ائىقلىشگە اورىنماق.

- ايتگىنىڭ كېسىن آنەسى. اېشىتىگىن اونده: تون يريمده توش كۇرىمىن. شىرقىرەب آقەياتگن دريا بۇيىب بارركنمن، كۇز اۇنگىمدە مىسەزار، يم-يشىل دلەر جلوهلنەدى. قولاغىم آستىدە تورلى-تومن قوشلر چوغورلشەدى. بىردن اۇزىمنى تېپەلىكدە كۇرەمن. ھمە نرسە آياغىم آستىدە، چوقور خيالگە باتىمىن. شو پىت باشىمگە بىر يومشاق نرسە قۇندىرىلگندە بۇلدى. اللە قندەى غىبى بىر قۇل باشىمنى سىلەماقدە اېدى. «بار اۇغلىم سېنگە كېتمس دولت تارتىق قىلدىم» -دېگن بىر سېس مېنى چولغەپىدى. باشىمگە كىيدىرىلگن نرسەگە قۇل اۇزەتدىم. آلىب قرەسم، نې كۇز بىلن كۇرەى كە باشىمدە دۇر-جواھرلر قۇندىرىلگن بىر آلتىن تاج عالمنى پارلتىگودەى درجەدە يەرقلەيدىر اېدى. اونى قۇلىمگە آلىب اۇپدىم و اويغانىب كېتىدىم. كوچلىراق تىبىرچىگە بارسىمى اېكن آنەسى، -دېدى امان خاتىنىگە قرەب.

- تنگىرىم يارلقەسىن، بوندەى توشلرنى بېگانە آدمگە آىتمەگىز يىخشى اېمىسى آتە جانىسى؟

- سېن قندەى تىبىر قىلەسن خاتىن؟

- آقر سوو، مىسە، جىلغە و قوشلر بولرىنىڭ برچەسى تنگىرىدن سىزگە عطا قىلىنگن سعادتلى كونلردىر؛ بايلىك، تۇقلىك، تىنچ و آسايشتەلىك كونلر آلدىندە، دېگنى بۇلەدى بىلىشىمچە. غىبى قۇل اېسە پروردگارنىڭ عنایتى دىر.

آلتىن تاج اېسە، كمدن-كم آدملرگە بېرىلەياتگن كېتمس دولت، يعنى اولوغ منصب و مرتبە دىر. بو تىرك توشنى بىر عمر بىراوگە آىتمەگىنىڭىز يىخشى آتە جانىسى. مېن اوچون جودە يم قدرلى بۇلدى بو توشونگىز.

- آرەمىزدە قالسىن اوندەى بۇلسە، دېيىشىب، اېر-خاتىن خورسندلىگىدن يوزلرىگە فاتحە تارتدىلر.

نىمە بۇلدى-يو، امان اېركە خاتىنىگە كۇنگلىدەگى نىتى «جەمھور رئىس بۇلىشىم كېرەك» گېنى اېچىگە سىغدىرەلمەى شپە آىتە قالدى. اونىڭ كۇرگن توشى منە

شۈنگە مېنگىز اېدى. اېر-خاتىن شاشە-پىشە اېرتەلبكى چاينى اىچدىلەر-دە، جمعه آقشامى «نېت آشىگە» تيارگرلىك كۇرئش حقىدە اۋىلب قالدېلەر. اوچ-تۇرت تاواق پلاو دىملە، قۇنى-قۇشنىنى چقىرىپ، مسجد امامى آلدىن اۋتىپ، آق فاتحە آلماقچى بۇلدىلەر.

امان اېركە كتە كېسىملى، بۇى بلند، اېلكەلرى كېنگ-كېنگ، قىلېن بوروتلى، كۇزلىرى كتەدن كېلگن، گېرەياتگندە چتىشگن قاشلىرىنى تېز-تېز چىمىرىپ تورەدى. او اۋن ايكىنچى صىفنى بىتېرىپ، بىر نېچە يىل دوكاندارلىك، كېىن اېسە اۋقېتوۋچىلىك بىلن شىلگن. سىاستدن گپ-سۇز چىققودېك بۇلسە، بۇلر-بۇلمس اېنىدن بۇيىگە چە اىجەلب كېتەدى. عايلەدە تونىغىچ اۋغىل بۇلگنى اوچون اونى آتە-آنەسى كۇپ اېركەلەگىدن، تېنگقورلىرى اونىنگ آتىگە اېركە سۇزىنى قۇشىپ اىتەياتگن بۇلىشگن. شۈندن بو يان اېل و يورت آرهسىدە، امان اېمس، امان اېركە لقىى بىلن تىلىدى. پول، دولتى ھم اۋزىگە يرەشە؛ اونچە-مونچە معركە-موردنى بېمىلال سۈەدى<sup>۱</sup>. امان اېركە نوبتدەگى سىلاودە يورت باشى بۇلىش اوچون برى آشنە-اغەينىلرى-يو، تىش-بىلىشلىرىنى بىر-بىر كۇرىپ چىقدى.

كۇچە-كۇيدن اويىگە، بالە-چقەسىنىنگ بىرىگە قىتىپ كېلرگن، او خىيالاً اۋزىنى پرىزىدىنت اۋرنىگە قۇيىپ كۇرەدى. بو يوكسك منصبنىنگ حىزورلى دىلرىنى كۇز آلدىن بىر-بىر اۋتكزىپ، شىرىن خىياللر آغوشىگە چۇمەدى. او بىردىنگە يوقارى لوازمگە كۇترىلىپ كېتىشىگە شېھلنمەيدى. اونىنگ قرارى بۇلسە قىطى. جمھور رئىسلىك عملىنى تصورىدە تصورىلشگە حركت قىلەدى. كۇپ خىيال سورگىدن اماننىنگ كېچەلرى اوخلىشى بىراز قىيىنلىشىدى. عالى منصب اۋى-خىياللىرى بىلن كۇزى يومىلگىنىنى بىلمەى قالەدى-دە، اويقوگە كېتەدى.

<sup>۱</sup> سۈەدى: اۋتكزەدى.

گلبهار اېرى نىنگ اۋتە خيالچىلىگىدىن دلخىرە. كونلردن بىر كۈنى، اونىنگ نىمەلەر حقىدە اۋىلە ياتىگنى بىلن خاتىنى قىزىقىپ قالىپ، گىپىرىب بېرىشىنى التماس قىلدى. امان اېر كە اۋز خياللىرىنى منە بوندىەى تصويرلەى كېتىدى:

«يەرەتگن اېگەم قۇلۇب، ۵۰٪ دن آرتىق آواز قازانسىم دېيىمىن؛ رقىبلىرىم بىرى مېنى تن آلىب قوتلشسە؛ مملكت رادىو-تلۋىزىۋىدىن آتىم، شەرتىم برلەلە<sup>۱</sup> يىنگرەسە دېيىمىن - بو موفقىتىم، عىسلىرىم دولت ادەرلەرىنى بېزەب تۇرسە، كتە-كىچىك مېنى زىيارت قىلگنى اوزاق-يىقىندىن يۇلگە چىقسەلەر و نەھىت يۈرەك دردىمنى بىان آيلەسىم. اوندن كېيىن، اۋرىن باسلىرىم، وزىرلىرىم، معىن و والى لىرىمنى تەيىنلەسىم، خلق ارا سۈيەدە مطبوعات انجىمى<sup>۲</sup> اۋتقۇسىم دېيىمىن. چەت اېللىرگە-دە، سىرىمنى ھەم باشلەسىم. مېنى امىرىكا دولتى رەھبىرى، انگلىس، فرانسە، آلمان، جاپان، بارىنگ كە لاتىن امىرىكا بۇلىب رىسمى تىشرىفلىرىمنى ساغ-امان اۋتكىزىپ آلسىم. بىرلىشگن ملتلىر تىشكىلاتى نىنگ يۈكسىك مەنبىرەدە آتشىن نطق سۇزەلەسىم. اۋتە لوكس ھۇتلىردە، دىنباينىنگ اېنگ گۇزل و سۇلىم بۇلگەلەرىدە قەد اورىسىم دېيىمىن. كۇكە اوچر چاغىم دىنيا دولتلىرى آسمانى اوزرە، اۋشە يۈكسىكلىكەن تۈرىب قوتلاو-سلام خطلىرى جۇتسىم... ھەمەسىگە سېن يانىمدە تۈرگن بۇلسىنگ باشقە ارمانىم يۇق خاتىن جان».

امان اېر كە نىنگ مىنگەن بىر خىيالىنى اېشىتىرگن، اېسى چىقە يازگن گلبهار: «مېنى ھەم اۋشە سىرلەردە اونوتىسىز آتەسى، كاشكى اېدى-يە! گىپىنگىزدە تۈرەسىزىمى؟ سۇز بېرىنگ!» - دېدى.

ھەدبەمەى جەمھور رىئىسلىك سىلاۋى ھەم كېلىپ قالدى. قىزغىن بېلە شوولر باشلىدى، آدملىر اۋزلىرى سىلەگن كاندىدلىرىگە رآى بېرىشىدى. نەھىت سىلاۋلر نىتىجەسى اعلان قىلىندى. رۇيخانىنىنگ آخىرىدىن بىرىنچى بۇلىب تۈرگن امان اېر كە جىناپلىرى نې قولاق

<sup>۱</sup> برلەلە ~ براعلى.

<sup>۲</sup> مطبوعات انجىمى: مطبوعاتي كىفرانس.

بىلن اېشىتسىن كە، ھەمەسى بۇلىب بار و يۇغى اۋنتەچە گىنە آواز قازانگن. امان اېركە بو ياقىمسىز خىردن سىرە ھم خفە بۇلمەدى. چونكە اونگە كۇچە آدملىرى اللە قچان پىزىدىنت لقىبىنى بېرىب بۇلىشگندى.

۱۹. قیده سن تینچلیک-آمانلیک؟

## قىدەسن تىنچلىك-امانلىك؟

نور آغانىنگ كاناداگە كېلىپ قۇنىم تاپكىنگە اۇن بىر يىل بۇلىپ قالگن. اۇتى يىلگە يقىنىنى كىيىك دېگن ايالتنىنگ شىربوروك شھرىدە يشب كېلدى. اوشبو كىچىك شھردە اساساً فرانسوسلر يششەدى، طلبەلر شھرچەسى دېسە ھم بۇلەبېرەدى. نور آغا بىر كون منە بولرنى حكاىە قىلىپ بېردى: بىرىنچى جولای كونى اېدى. اېرتەلب تورانتو شھرىگە عاىلەمىز بىلن كۇچىپ كېلدىك. رۇزغار بويوملرى، تقىر-توقورلرئىمىز ھلى يېتىپ كېلگنى يۇق اېدى. كمپل-پمپل تۇشب، ىنگى آپارتماندە جايلىشىپ الدىك ايش قىلىپ بالە-چقەلر بىلن.

ھوا اىسېگندن اىسېگن. اۇشە پىتلر تمەكى تارتار اېدېم. تمەكى توتگىم قىستەدى. بىر تشقرىگە چىقەى، سلقىن بېرلر تاپىب، تېرىمنى قاچىرەى، دېب اۇتىنچى قوۋەتدن بىرىنچى قوۋەتگە لىفت ارقەلى توشدېم. ىنگى كۇچىپ كېلگن جايىنى بىلگىنگ كېلرکن. تېورەك-تاشگە اَلْغەدە<sup>۱</sup> كۇز يوغورتىرەمن. بىرىنچى قوۋەت ايوانىدە آياق اوستىدە تورىيىمن. قرەسم اۇزگەچە حالت. كۇپدن بېرى كۇرمەگن منظرە كۇز اَلدىمگە كۇندەلنگ بۇلسە بارمى؟! چۇچىپ كېتدېم، حقىقتاً قۇرقىنچلى منظرە. غوچ-غوچ آدم بشرەسىدەگى ایلان-چىانلر اىچىگە توشگندەى حس اېتدېم اۇزىمنى. بېرگە سودرەلگودەى اق-قارە كىيىنگن آدملر لىغلىشىپ تورىشىدى بو بېردە. سوپورگىدەى اوزون اق-قارە ساقاللىكلر بىلدىنگە<sup>۲</sup> كىرىپ چىقماقدە اېدىلر. عجب! تورانتو-كانادامى ياكە ادەشىب، عربستان،

<sup>۱</sup> اَلْغەدە: ناتىنچ، بېزواتە، تېز-تېز.

<sup>۲</sup> بىلدىنگ (Building): بنا، عمارت، ساختمان.

پاكستان... بارىب قالدىمى، دىيە كۆزلىمگە ايشانمەي، تانگ قاتىب قالدىم تورگن جايىمدە. انە، شۇرىنگگە شۇرە تۈكىلدى اورتاق، دېدىم اۋزىمگە اۋزىم ايچىمدە. نىمە بۇلدى اېكن؟! اۋزى شولردن قاچىب، باش پناە ايزلب شوياققە كېلىب اېدىم، دىيە اۋىگە تالدىم كۆرسىتىچ برماغىمنى چكەمگە تىرەب تورىب. بولر مېن كۆرگن، بې آزار، سادەگىنە اۋزىمىزنىنگ صىمىي مسلمانلرگە اۋخشەمسدى اصلا.

باشلىرىدە بوتون دىنانى مسلمان قىلىش دغدغەسى ويچ-ويچ قىنز؛ مېنگە اۋخشەگنلرنىنگ باشىنى سىچەدەي<sup>1</sup> قىلىب اوزىب تىلشگە تيار؛ كۆزلىرى تشقىرىگە اتىلىب چىققودېك بقرەيىب تورر؛ جون باسگن يوزلرىدن غضب و جهاد قانلرى سچرەب تورگندەي بىر وهشتلى حالت...

بىلدىنگ ادارەسىدن چگپە اۋگرىلىب قرەسم - محشر!!! توپە-توزىك مچىت. قىدىنم بىلەي، كېلىب-كېلىب مچىتنىنگ تېپەسىدە يشەپىگن اېكنىمىزنى. آدم قورگندەي تقدىر مېنى تاپىب شو تامانگە بىتكەلگن بۇلسە نە چارە؟! «مسجد»، هە مسجد! اۋشە حقىقى اۋزىم بىلگن...

آفتابەلرگە عزت-اكرامنى انەشو بېردە كۆرەبېرىنگ... ايشتانلرنىنگ آقى قورومەي يومەلب دومەلشلىرنى... داد و بېداد!

قۇلتىغىمدن تربوزىم توشگندەي كىفىتىم شلتىللىب، يوقارىگە كۆرتىلماقچى بۇلىب هم اېدىم كە، بايەگى تۇربە ساقاللردن ايكىتەسى كېلە سالىب قرشىمدە كۆكرىب تورىب آلدى.

السلام و عليكم، دېب قرائت بىلن سۇرەشدى دېودەي بىگىت.

- ھاي! دېدىم انگلىسچەلب.

- آتىنگ نىمە؟ - سۇرەدى بىرى سېلكىللەگن قاپ-قارە ساقالىنى اۋىنەتىب.

<sup>1</sup> سىچە: پىشىب بىتىلمەگن كىچكىنە قاوون؛ خامك.

- ذكر...، دېب بىلمىدىن اېسكى اتيپ لاپ اېتىپ اغزىمدىن چىقىپ كېتىدى.  
- عربچە قلدېر-قولدىر قىلىپ، «اۋزىمىزدىن اېكىنسىز» -دېگندەى اېركەلندى.  
- نىمە اېدى؟ -سۈرەدېم مېن اولردن.  
- نمازگە، منە مچىتگە يورىنگ برادر! دېب قۇلىمدىن محكم اوشلب آلدى-دە،  
انگلىسچەلب غورلدېرەى كېتىدى.  
اۋشە كونلرى تىلىم انگلىسچەگە يىخسى ايلنمىس اېدى. فرانسوس تىلىنى بولر  
توشونىشمەيدى. اۋزىم بىلگن تىللردە گېلشسم بلاگە قالەمن. بولر بىلن سەهل احتياطدە  
بۇلېب، مسافەدە تورىب گېيرىش كېرەك بۇلەدى. قانونى مملكتدە آدملىر بىلن جنجلسىز،  
نورمال گېيرىش مدنيتگە كېرەدى. كاشكى بولر اېندى مدنيتلى توزوك-قوروق آدملىر  
بۇلېشسەلر اېدى. ازگىنە كۈنگىل خېرەلىك تاپىلسە، گپ «سن و من» قىلېشگە بارسە  
يىخسى بۇلمەيدى. ايش پوليس و قاضىگە توشەدى. بو ياغى چتاق بۇلەدى دۇستلرىم.  
بو آفتدىن قوتىلگىمگە ۴۰ يىل بۇلدى، اېندى بو آزادلىكنى بېرەم آلەى،... بېر  
خورسندچىلىك قىلەى، دېب اۋىلب يورگنىم نىمە بۇلدى-بو، چىپقاندهى بو آفتلر  
آلدىمدىن چىقىپ قالگنى نىمە بۇلدى؟ حيران-زيران اېدىم. منە كوتىلمەگن وضعيت!  
تقدېر آدمنى نې كۇيلرگە بېتكلىركن.

# ۲۰. كۈر گۈلىكلەر

## كۈر گۈلىكلەر

- يۈگۈر، بۇل، بۇل، قاچ كېلدى- يە اويى كويگۈر! - دېگن قىچقىرىق ارەلش غلە-غاوور سېسنى اېشىتگن آدملىر تومترەقەي<sup>۱</sup> بۇلىب قاچە باشلەدىلر. كىپرىك قاقەي دېگونچە توپراق چنگىتىب، بىر سرىق جىپ غىرە كېلىب تۇختەدى. پەشە قورالنى كۈترگن ايكى عسكر، قىش كونلرى ارقەسىنى دېوارگە بېرىب، اوياق-بوياقدن گپ-گۈرىنگ قىلىب اۋتىرگن آدملىردن تۇرتتەسىنى اوشلب آلدى. شو پەيت، ولايت نىنگ يىنگى والىسى جىيدن توشدى-دە، دھقان يىگىتلردن بىرى نىنگ قولاغىنى بورەب تۈرىب:

- قنى، اۋقى سورەلرنى؟ - دېبە دۇق-پۇيسە قىلە كېتدى اۋز تىلىدە دغەلەگنچە. هلىگى يىگىتدن هىچ قندەي آواز چىقمەدى. والى ايكىنچى، اۋچىنچى و تۇرتىنچى آدمنى هم شو طريقە سۇراققە توتدى غضبلنگن بىر قىافەدە... بوندەي سواللرگە جوابنى قەبىردن بىلەدى دېسىز مکتب اۋقىمەگن قىشلاق دھقانلرى. بوگون والىدن آلەدىگىنىنى آلدى بايەگى اۋتىرگنلردن ايرىملرى. ايرىملرى زۇرغە قاچىب قوتىلىشىدى.

ايكى طايفە آدم يىنگى تەيىنلنگن والى نىنگ اشدى دشمنى اېدى. بىرى قران ايتلرىنى ياددن ايتىب بېرەلمەگن كىشىلر بولسە، ايكىنچىسى ساقالىنى چكەسىدە بالته قىلىب، اوزون ساچ اۋستىرىب، كتە پاچە پتلون كىيگنلر-و، مۇدنى يىخشى كۈرەياتگن معلم و مامورلر.

<sup>۱</sup> تومترەقەي: تىرىسىز، هر تامانگە تۈزگن حالده.

آدملرنى توتىب جزالش مقصيده ولايت واليسى آييده ايكى-اوج قتله خودى آوگه چىقىب يورگن دېك شهرمه-شهر كېزىب يوردى. آيتشلىرىچە، شاه دۆريده دىنى نظارت اوچون بىر باشقرمه توزىلگن اپكن. بو اداره تېپەسىده تورگن شخصنى «رئىس» دېب نامەلەگنلر. كېينراق، بېلىنمەدى كە نىمە سېدىن بو ايش بىلن شخصاً والى جنابلىرى نىنگ اۈزلرى شغللەدىگن بۇلىب قالدى؟! بوندن تشقري، ينگى تعينلنگن والى اولسوالىكلر بۇلىب سفرگە هم چىقىب تورردى. اونىنگ هر بىر سفرگە چىقىشى آنتىقە؛ «غرايياتگە» باى همده تىللرده داستان بۇلر اېدى. ولايت لباسى ازلدن انه شو والىگە آتب بېچىب، تىكىلگندە، گۇيا.

بوگون بروقتراق اويغاندىك. اېرتەلب يوز و قۇلىمىزنى يوويب، بىرتە ناننى آلىب، كىتابلرنى تىراققە سالىب مەكتىبگە روانە بۇلدىك. مەكتەب زىنگى چاللىنگونچە، قىي-چوو! تومىنات بالەلر درختلر آستىدە، مەكتەب تېورەگى بۇلىب صىنغە كىرىشگە شىلىنىب تورىشىدى. قۇنغىراق چلىندى. تېپىر-توپورلشىب صىنغلرگە كىردىك. بالەلىك-دە! اۈقیتووچى كېلەمن دېگونچە، انچە-مونچە چوكى، مېزلر سىنىب ياتگىنى كۇرەسىز. بورنى قانەمەگن، كىيم-باشى بىرتىلمەگن بالەنى صىنفلردن تاپىش قىين.

اۈقیتووچىلر قۇلىدە خىمچە، اىرىم انصافسىزلىرى كتە تخته خىلكش بىلن صىنغە كىردىلر. بىز صىنغە كىرىشىمىز بىلن پشتو تىلى اۈقیتووچىسى علم خىل ارواحگە اۈخشب پىدا بۇلىب قالدى. اۈشە كونى بىرىنچى ساعتىمىز پشتو تىلى. اۈقیتووچىمىز علم خىل صىنغە كىرگچ سببىسىز قۇلىدە توتىلمىب تورگن توت خىمچەلرنى يوزىمىز، باشىمىزگە دېمەى سۈەلەى كېتدى.

ابدى گينه تشقىرىده اوغان تىلىده ملي مدحيهنى<sup>1</sup> جۇر بۇلىشىپ اۇقىب كېلىپ اېدىك. عادتده گى دېك، بو مدحيهنى صنفده هم هر كون بىرگەلىشىپ ايتىشىمىز شرط. بىرم ياقىمىسىز، يوره گىمىزنى اىلگن اېدى بو قورىب كېتگور مدحيه.

اۋشه كونى پشتو تىلى اۇقتووچىسى نىنگ حقارت امىز زىنگىللىشلىرى همەدن هم اشىب توشدى. علم خىل نىنگ قاواغىدن قار ياغر، بورىشگن افتى<sup>2</sup> كاساودهى قاره يگن، كۈزلىرى چۇككن، بوروتلىرى آغزىنى ياپر، بقره يىب گىپره ياتگنده ايكى لونجى كفله نردى.

پشتو معلمى علم خىل نىنگ مکتبه گى بىردن-بىر دشمنى ادبيات اۇقتووچىسى اېدى. ايكلهسى الله نيمه لر اوستيده تارتىشر، بحثلشر، گاهده قىزىرشىب، جيقه مُشت<sup>3</sup> بۇلىب قالىشردى. اۋشه تارتىشوولردن بابر، تېمور، احمدشاه ابدالى، وزير محمد گل، دولت كىپتان دېگن ناملر اېسىمده قالىب كېتگن. معلوم سببگه كۈره، ادبيات اۇقتووچىسى معلم ليكدن بۇشه گنى، ايشدن هيدەلگىنىنى كېنراق اېشتىب قالدى. مکتبىمىزده، علم خىل اۇقتووچى بۇلىشىگه قره مەى كتە اختياردار، آقاسقال هم. مدير هم اوندن ايمىقىب توره دى. بىرار-بىر تدبير بۇلسه هم علم خىل نىنگ بو يروغى بىلن بۇلىب اۋتردى. پنج شبنه كونى اېدى. ايكىنچى ساعت ينه پشتو تىلى قۇيىلگن درس جدولىده.

- بوگون ساعت اون بىرده والى صاحب كېلەدى، همەنگىز شارواللىك آلديده يىغلىشىب توره سىز،- ديدى مکتب مديرى مهم بىر خبر يېتكزگندهى قىلىب.

خلص، هر بىر صنف علحیده-علحیده صف باغلب يېتىب بارديك اۋشه جايگه. شهر دوكاندارلريدن تارتىب، بازارچىلر، يۇلچىلر، آلووچى-يو ساتووچى، همە دولت خادملرى بو بىرده حاضر و ناظر. همە نىنگ ايككى قولاغى والى صاحبده، بىرار خوش خبر اېشتىهى،- دېگن معناده. قاره دريشى كىيگن، چپه تره لگن، ياغلنگن ساچى باشيده يلىتيره ب

<sup>1</sup> ملي مدحيه: ملي سرود.

<sup>2</sup> افت (Aft): يوز، بېت، تورق.

<sup>3</sup> جيقه مُشت: قتيق مُشتلشماق، اوريشماق.

تورردى. بلند آواز بىلن گىپىرگندە گاو ساقەدېك قۇنقورتىگى لىكىللىب تورردى. فارسي قىلىپ گىپىرگندە تىلى تۇلغەنىب، سۇزلىر آغزىدە چووهلىب كېتىدى. او اچىق ايچك دېك چۇزىلگن بيانيه سىنى توگتدى. ايتىگنلىرىنى اۇزىدىن باشقە توشونمەدى. يىغىلگنلر بىر- بىرلىرىگە جىلمە يىب قۇيىشىدى. سۇنگ، نوبت عرىضەلرنى اېشىتىش و كۇرىشگە كېلدى. آرەدن بىر آز وقت اۇنگىچ، پشتو معلمى علم خىل بىر دستە عرىضەنى والى جنابلرىگە توتقۇردى. والى اېسە عرىضە قاغازلرىنى بىرىن-كېتىن تىتكىلىب:

- بو نىمە؟ بونىسى چى؟ بو، بو، بو... -دېگن والى علم خىل دن سۇرەشگە كىردى، گۇيا، اھالى نىنگ عرضىنى سۇرەماقچى بۇلىب.

عرىضەنى ورقلەياتىگن اېدى يم كه، علم خىل برماغىنى چۇزىب قاغازلردن بىرىگە عليحده اورغو بېرىب، بىر نرسەنى والى نىنگ اېسىگە بېرگندەى بۇلدى سېكىن شيويرلب. والى نىنگ انىق نامىنى اېسلەى ألمەيمىن. آدملىر اونگە گل نظر دېب نام قۇيگنلر. گل نظر كېلدى دېگنى، والى كېلدى دېگنى اېكن بىلسك.

معلوم بۇلىشىچە، قىسى دىر جاينى تېكىسلىتىش اوچون بولدوزر كېرەك بۇلىب قالگن. بىرىنچى قتلە اېشىتىگنى باعث والى صاحب بو سۇزنى

«گل نظر» دېب قبول قىلگن. اۇشندن باشلب والىگە اھالى شو اتنى قۇيگنلر.

كتە يىغىن دوام اېتەياتىگن اېدى. علم خىل نىنگ بايهگى اشارەسى والىنى

درغضب قىلدى. شو پىت والى صاحب عرىضە ورقەسىنى قۇلىگە آلىب، اۇز تىلىدە:

- غرت الله خان؟ -سۇدكى، -بو كىم اۇزى؟ -غۇنغىللەدى اچىق بىلن والى صاحب. هىچ كىمدن آواز چىقمەدى.

علم خىل قۇلىنى يىغىلگنلرگە قرەتە بىگىز قىلىب اېدى يم كه، ادبىيات اۇقتىووچىسى يوگوره سالىب صفەگە كۇترىلدى.

- سېن ھلى شكايىتىچى، آقساقال-ارباب بۇلىب قالدىنگىمى؟ -دېدى والى ادبىيات معلمى نىنگ جىنگەلك ساچلرىنى غىجىملىب.

- مېن فقط خلق نىنگ دردنى، عامه نىنگ مشكلينى يازىب اېدىم. مېن،  
باشىمىزگه كېلگن ظلم و ستم، حقارت و كم سىتىشلر اوچون دادخواھلىك قىلدىم، عىيىم  
شو والى صاحب!
- آلىب بارىب قماقھ سالىنگ بو تىرانچەنى، يىنە بىر-ايكى نرسەنى اېسىگە بېرىنگ، -  
دېب اېدى ھم كە ايكى شاتىر عسكەر ادبىيات معلمىنى سودرەب آلىب كېتىشىدى. ادبىيات  
معلمى قىلمەگن عىيى اوچون جزالنىب، آلتى آى دېگندە قماقخانەدن چىقدى. نې قولاق  
بىلن اېشىتىسىن كە، ادبىيات معلمىنى تىنىگن-تىمەگن، كتە-كىچىك «غرت الله  
خان» دېب چقىرەياتگن بۇلىشىدى. كۈچە-كۈيدە قىشلاق-محلەدە، شەھردە بېچارە  
معلم نىنگ آتى «غرت الله خان» بۇلىب قالدى. بو اسمنى آدملىر ولايت حاكىمى تىلدىن  
اېشىتگندىلر.
- بىر اوچرە تگنىمدە سابىق اۇقتىتووچىمىز مېن بىلن تۇيىب تۇيىب دردلىشىدى.  
- مەكتەدە علم خىل نىنگ قۇلىدن مېنگە كون يۇق اېدى.  
- نىمەگە تارتىشردىنگىز؟  
- بىزنى خام كلە ... دېگنى اوچون.  
- علم خىل بېرلىك<sup>۱</sup> اوغانلرگە اۇخشمەيدى!  
- تۇغرى، او خطدن نرىدن كېلگن.  
- توشىنمەدىم، خط دېدىنگىزىمى؟  
- ھە! خط دېگنىم يازىلەدىگن خط اېمس، وزىرستاندن كېلگن بو غلەمىس دېگنىم،  
توشوندىنگىمى او كە؟ - دېدى اۇقتىتووچى.  
- اۋزىنى جودە اېركىن توتەدى، اطرافىدە گىلر بىلن خواجه بىن دېك مەاملە قىلەدى.  
- عجب-ھە!

<sup>۱</sup> بېرلىك: بومى.

- تعجىلى جايى يۇق . قەيەردن كېلمەسىن بولر نىنگ لايى بىر يېردن .  
- والى بىلن جودە آپاق -چپاق -هە!  
- اې اينىم! علم گل والى نىنگ دستگى، اىغاچچىسى<sup>۱</sup> بىلە سنىمى؟  
معلم صاحب بىلن بار و يۇق ايتىب - اېشىتگىنىم شولر اېدى . اۋشە عرىضەدە نىمەلر يازىلگىنى بىلن قىزىقىدىم . بىراق ، ادبىيات معلمى عزت الله خان يورتنى ترك قىلىشدىن االدىن مېنگە منە بو گېلرنى ايتگن اېدى:  
- بىز يىر يوزىدە اېنگ بختسىز انسانلر اېكنىمىز ، قرەگىن! باغ و زمينلر يىمىزنى االدى بولر ، اياق استى بۇلدىك ، اۋز يورتمىزده خوارلنەمىز ، انه تىل يىمىزده مکتەب يۇق ، مېن حق تىلب ملت دردىنى كۈترىب چىققىمىم اوچون نې - نې كۈيلرگە سالىندىم . نې لعنتى نام بۇنىمىگە طوق لعنت بۇلىب توشدى . مېن بو يېردن كېتىشگە مجبورمىن . بو درد مېنىنگە تەقدىرىمدە يازىب قۇيىلگن اېكن . مېن ساچ - ساقالىم اقريب ، بېلىم بو كچە يىب قالسە هم ، البته كىندىگىم قانى تامگن انه يورتمىگە بىر كون قىتەمىن ...  
اۋشدىن بو يان عزت الله خاندن خبر يۇق .

بو حكاية حياتده ، يقىن اۋتمىشده يوز بېرگن . مېن اونى بىر اۆز بدىعى پردازىل قازاگە توشىردىم .

<sup>۱</sup> اىغاچچى : مخفى اجىنت ، جاسوس .

# ۲۱. ارمان

## ارمان

ياز كونلىرى اېدى. آلتى اريقلىك ميرزا باى تشقرى حويليسيدىن بىر اۇتاقنى بۇرى تاغەگە بېرىپ توردى. بۇرى تاغە تۇرت اۋغىل و ايگى قىزىنىڭ آتەسى.

او ايگى كتە، بربستە اۋغىل و بىر قىزىنى اوروشلردە قۇلدىن بېرگن. بۇرى تاغە و درزابلىك خالە ايگى كىچىك اۋغلى و بىر قىزىنى آغزىدە تىشلىب، بىر تەكە نان تاپىش ايلىنجىدە تىنچراق جاى اىزلب، شەرگە كۇچىپ كېلگنلر.

خاتىنى نىنگ آتىنى اېشىتمەگنمىن. او يېرلردە عياللر اسمنى آيتىش اويت بۇلگنيدىنمى، قۇنى قۇشىنى اونى درزابلىك خالە دېب چقىرىشردى. بۇرى تاغە و درزابلىك خالە نىنگ ياشى آتمىشدىن اۋتىپ اېدى. بۇرى تاغە رۇزغار شكنجەسىدىن بېلى بوكىلىپ، كۇزى اۋتمىشلىب قالگن. اېندى او تىرىكچىلىكنى تېبرەتىشگە يرمەيدى. عايلەنى باقىش اېسە درزابلىك خالە نىنگ بۇنىدە.

خالە نىنگ قىلەدىگن ايشى - بىراونىنگ كىرىنى يويوش، خمىرىنى قىلىش و ناننى پىشىرىش. خالە قارە سحردىن ايشگە چىقىپ كېتەر، تەكە - تىشلم نانمى، كىيىم - كېچكىمى؟ كېچقورون اويىگە آلىپ كېلردى...

جمەە كونى اېدى، درزابلىك خالە بوگون اويىگە سەھل بروقتراق كېلدى. خالە نىنگ تېورەك - اطرافىدە اۋن بىر، اۋن و تۇقىز ياشلى اۋغىل - قىز بالەلرى چوغورلىشىپ، كېلەك دېك ايلنردى. قىزگىنەسى مامەخال نىنگ ايگى كۇزى آنەسىدە. او خالەدىن مونچاق، تقىنچاق، شىشە بىلك اوزوكلر كوتىپ تورىدى. مامەخال بوگون خورسند بۇلمەدى. اۋرىن و سلىم ھم بىر نرسەلرنى آنەسىدىن تىلب بىغەلى كېتدى.

حىيات بۇيى سويىكلرى قىقىش كېلگن چال و كىمپىر بىر پىيالە چاى اوستىدە، باشىدىن كېچىرگىنلىرى-يو، اۋتىگن-كېتىگىنلىرى بىر-بىر اېسلىب دردلشېپ قالىشىدى.  
- بىز ھىم شوگىنە گۇدكلرنى اۋقىتىپ، بېرەسىنى كۇرر اېكىنىزىمى؟ -دېدى درزابلىك خالە چاينى ھوپلە ياتىپ.

- قنى بىدى، بالەبىز باشقەلرنىنگ فرزندلرى دېك، اۋرىسىتگە بارىپ، اۋقىب كېلسە، داكتىر بۇلسە؛ انجنىر بۇلسە؛ حاكم بۇلسە؛ تايرىمن-توتىرمن بۇلسە! منە ايكىمىز ھىم تۇكىلىپ قالدىك؛ سېنى باشىنگ ياستىققە يېتسە حالىمىزگە ايت يىغلەيدى؛ گۇدكلر اچدىن اۋلەدى، -دېدى بۇرى تاغە سلەسىنىنگ پېچى بىلن پېشانە تېرىنى اريته تۇرىپ.

- ائەنىنگ اېمچىگىنى قىقىق تىشلەگن بىندەلرى اېكىنىز، نان گداى بۇل، جاى گداى بۇل، دېب قرغەگن اېكلر گۇردە ياتمەگورلر، -درزابلىك خالە اۋرىدىن تۇرىپ بالەلرىگە بىرىمتە قىقىق نانى بۇلكل بېردى، -بىرەنگن اېگم مونچە قىينەمسنگ اېدى.

بۇرى تاغە چوقور اويگە تالدى و اۋلگن فرزندلرى داغىدىن بىر تۇيىپ يىغلەدى.  
درزابلىك خالە ھىم چالىنىنگ بو احوالىنى كۇرىپ، المى تازە بۇلدى.

- صبرىنگى خاداگە قىل، خدا پاشا، -كىمپىرىنىنگ كۇنگلىنى كۇترگىندەى بۇلدى بو سۇزلىرى بىلن بۇرى تاغە.

ھوا دىم. تېورەكە چىيىنلر غىژىللەيدى. چىنگ-تۇزان كۇترىلدى. چال و كىمپىرىنىنگ شىرىن صحبتى شو بېردە تۇختب قالدى. چىنگ-تۇزان ھىم كۇپىگە چۇزىلمەدى.  
درزابلىك خالە كېنگ بىنگى بىلن يوزىدەگى چىنگ-گىردلرنى اريتىپ ادى.

شو پىت ائە قرغەنىنگ شق-شقلەگن تاووشى، درزابلىك خالە و بۇرى تاغەلرنىنگ تىنچىنى بوزىپ قۇيدى. درزابلىك خالە اۋزىچە بىرار ناخوش خادئەنىنگ ادىنى ائماقچىدەى بۇلىپ، «كىشت، كىشت» لەگىنچە قۇلىدەگى چلە يانگن ياغاچنى ائە قرغەگە ائىپ يوباردى. بىنە، بارە سالىپ، ايسرىق ھىم توتتىدى بىر نرسەلرنى ائىپ.

ھلى قوياش باتمەگن ابدى.

- ھىيىي خاتىن! ياپىنرىيىز آسمان، تۇشەنرىيىز يىر بۇسە، الكەدە نىمە عىب. شو ايرىم-سىرىمىلرىنگ قامەدى-دە، قامەدى.

- آتەسى! -آھارى كېتگنراق گل شفتالو رۇمالى بىلن درزابلىك خالە باشنى تنغىب باغلەدى، -بىركون ھم كۈينىمنى كۈترمەدىز. داد سىزدى قۇلىزدن، بېداد سىزدى قۇلىزدن! -دېگنچە، كۇر شام قالمىلىك اوچون قارە شۇروە قىلە قالەى دېگن اۋى بىلن قازانى اۋچاققە آسدى.

تۇرتدە خشتدن يىلگن اۋچاققە قاغاز، يىراق، پخال-مخال، چۇپ-چۇسلىرنى تىقىشتىرىپ آلاو ياقە باشلەدى.

سۇنگ، او يانغاقچەلىك اۋسىملىك ياغىنى سرغەيگن تونگچەدن چىقىرىپ قازانگە سالدى-دە، اوستىدن بىر دانە پىازنى تۇغرەب تشلەدى. يىغى آرەلش بىر نىمەلرنى آيتىپ، جىز-پىز قىلىپ توردى. بۇرى تاغە عىسا اۋرنىدە تىمىر كاساۋگە سوبەنىپ، خالەنىنگ كۇنگىلىنى كۇترماقچى بۇلىپ، اۋچاق يانىگە كېلدى.

- بۇلر-بۇمس نرسەلرگە كۇز ياشى قىلەبېرمەگىن آنەسى. بىراونىنگ توبىدە اۋلتىرگن بۇلسك، قارنىمىز تۇيىپ، اوستىمىز بىتمسە. ھە! باررسن اۋشە درزابىنگگە بىر كون، - خالەنى بىر آز يوپنتىرگندەى بۇلدى تاغە.

- اۋزى كېچە يامان توش كۇرىپ توربېدىم، اوستىگە-اوستك شوم قرغەنىنگ شق-شقلەگنى يورەگىمنى بوزدى، -دېپە چالىگە حسرت-اۋگەيە قىلە كېتدى خالە. خذمتلرى طفىلى درزابلىك خالەنى كۇپچىلىك تىنىدى.

خالە نىمە قىلمەسىن، اۋغىللىرى اۋرىن و سلىمنى مكتبگە قۇيىپ اۋقتىشىنى عھدەسىدن چىقەلمەدى.

قىشلاقدن كېلگن بالەلر-دە، اۋقىشگە بۇيىن بېرگىسى كېلمەدى.

اۋرىن و سلېم ھەر كۈن كۈچە چىنگىتىپ تېنڭقورلرى بىلەن اوروش-اوروش اۋىندىلەر. اولرنىڭ مېھەسىگە اۋىندىن بۆلك نرسە سىغمەيدى. بو بالەلرنىڭ اۋىنلرى عادى اۋىنلرگە ھىچ ھەم اۋخشمەيدى. اېندى كۆرگنلرېم بالەلر اۋىنلرنى تەسۋىرلەپ بېرەي:

اۋسمر بالەلر ايكى جېھەگە بۆلۈنىشىپ آلب، يالغانچەسىگە اوروش قىلەيدلر. جېھەنىڭ بىر ياقىدە حزىيلر، يەنە بىر ياقىدە مجاھدلر. اوروشلر رۇلىنى اېسە بالەلر اجرا قىلەيدلر. بو اوروشنى كۈچە بالەلرى جودە ھەم تەكامللشتىرىپ يوبارىشىڭلر.

باشىدە، بو اۋىندە لتە-پوتە، چۆپ-چىخس قورال وظيفەسىنى اۋتەگن بۆلسە، اېندى لىكدە، بالەلر اۋزلىرىچە پارتلەگىچ مادەلرنى اختراع قىلىشىڭن. بالەلر گوگرد، سابون، ساچمە و بزىن يەنە الە نىمەلردن چىنەكم قورال-بىمب يىشىڭن. بو منظرە، شىفتسىز اوروشە ياتىڭن ايكى دشمن طرفنى اېسلەتەردى. اوشبو اۋىنلردە گاه حزىيلر غالب چىقىر، گاهدە مجاھدلر. بالەلرنىڭ اوروش اۋىنى شو درجەگە يېتەي كە، حتا حزىيلر اۋز ارا، مجاھدلر اۋز ارا جېھە-جېھە بۆلىشىپ اوروش اچىشىردى. گاه پرىچمىلر غالب، گاه خلىقلىر؛ گاه «جمعىت» گاهدە «حزب اسلامى»... غالب چىقىشىر اوروشلردە. پستراق دېوارمى، بىرەر-بىر دۇنگلىكىمى اوروش جېھەلرنى ايكىگە اجرەتەپ تورردى. وقت اۋتەگن سرى، بالەلرنىڭ اۋىن اوروشى كىشى نىڭ نظرى توشمس جايلىردە بۆلەدەيگن بۆلدى.

مجازى رۇللر، مجازى صحنەلر، آرەدە جدى ماجرالر.

بۇرى تاغەنىڭ ايكى اۋغلى شو اۋىن نىڭ باشقروچىسى، تشكىلاتچىلرېگە اېلنگىنىڭە نىمە دېسىز؟ اۋرىن حزىيلر قوماندانى، سلېم مجاھدلر قوماندانى.

شەنە كۈنى درزابلىك خالە يگە توت تامانلردە كىمگە دىر كىر يويوب بېرىش اوچون سەھل كېچىكىب اويدىن چىقىپ، ايشگە كېتەي. درزابلىك خالە اويدىن چىقە ياتىب:

- بېقىدلىك قىلمىڭ، بىر-بىرىڭىزنى خفە قىمىڭ، آتەنگىزنى ايتىڭىدەن

چىقىمىڭ! -دېپ اۋرىن و سلېملرنىڭ قولاغىنى تابلەپ قۇيدى.

- مېن قرەب تۈرەمەن بولرىنگگە، وقتراق قىتگىن آنەسى! -دېب سۇز قىلدى خاتىنىگە بۇرى تاغە، بىر آتېم ناسنى تىلى نىنگ آستىگە تشلب. آرەدن بىر ساعت اۋتر-اۋتمس اۋرىن و سلېم دۇمىنى توگىب كۈچەگە اىزغىدى. بۇرى تاغە نىنگ ھى-ھى لەگنچە گىي اغزىدە قالىدى. - اۋرىن اووو، سلېم اووو! -دېگن قىچقىرىقلىرىگە ھىچ قندەى جواب آلمەدى تاغە. مامەخال نىنگ ھم: - اۋرىن اكھەھە، سلېم اكھەھە، -دېبە ھىقىرىشلىرى ھواگە كېتدى. بۇرى تاغەدن اوچ چقىرىمچەلىك نىرراقدە، چمەسى بىگىرمە چاغلىك بالە عادتى اوروش اۋىنى قىلىشە بىدى. بوندن تاغە بېخىر. - تسلىم بۇل، تسلىم بۇل، چۇچە لىلىن (لىنىن)، بۇمسە قىرىب تشلەيمىز ھەنگى! - دېگن اىنگىچكە سېسگە، جېھەنىنگ او تامانىدن كىم دىر جواب قىلەدى. - بىز تسلىم بۇلە دىگنلردن اېمسىز! آمالى، طيارەلر اوستلرىنگگە بىم ياغدىرەدى. بىلدىمى اشرارلە؟ -دېگن گپ-سۇزلر جېھەنىنگ او تامانىدن ھىم اېشىتىلەدى. آرە-چورەدە ھوادە توتون كۋترىلىب، پقىللەگن سېس، آتېشمەگە اۋخشەگن تق-توق، قرسىللىشلىر قولاققە چىلىردى. اوروش اۋجىگە چىققىنلردن آرە چىلىك<sup>1</sup> نىچە بىرمىسى. - الله اكبر! الله اكبر! -دېگن آواز ھىم اوروشنى تابارە قىزىتىب يوباردى. بىر پىس جىملىكدن سۇنگ تامانلر اوروش نىچەلرىنى اۋز مجازى رادىولرىدن اۋقتىشمە قىلىب، اعلان قىلىشردى. خۇص، يرەلنگنلر، اۋلگنلر، بېدرک و اسىرلر حقىدە قرمە-قرشى خىرلر... اوروش جېھەسىدن ينگرە بىدى.

<sup>1</sup> آرە چىلىك: واسطە، ميانجىگىرلىك.

بۇرى تاغە، درزابلىك خالەنى ايتتىقلىك بىلن كۈتر. بىر پلە درزابلىك خالە بۇغچەسىنى باشىدە كۈترىب اويگە كىرىب كېلدى. تاغە گۇدكلىرى بى درك كېتىگىدىن اېسى چىقىب كېتىگۈدېك بىر حالتدە، كىمدن سۈرەب بىلىشىگە حيران؟  
بو احوالنى كۈرگن خالەنىنگ اىچىگە غلغە تۈشدى. آتە-آنە، بالەلرىنى كىم دىر اۇغىرلەدىمى، دىبە خىيال سورماقدە.

- آلكەنىنگ ايكى كۈن آلدىن شق-شقلشىدىن يۈرەگىم خىرە، آتەسى! الھى چىگە كۈرسىن، چىگە بىي! -دېب حويلى اۈرتەسىدە، آياق اوستىدە جانىنى قۇيرگە جاي تاپمەيدى خالە.

كۈچەدن غلە-غاوور آواز اېشتىلدى. بۇرى تاغە اېندى، اۈنگلىب اۈرنىدىن تۈرىب اېدى بىم كە، اۈرىن و سلىمنى قۇشنىلر آرقەلب كۈترىب كېلدىلر.

اۈرىن و سلىمنىنگ اوستلرى لاي-توپراق، يۈزلرى كويگىندەى. مامە تلاق يۈزلرىگە كۈزلرىدىن قان آقردى. بېتلرى قان تەلش، كۈز قارەچىغلىرى ساچمە و چىقماق ضرىبىدىن يارىلگن. اۈرىن ھم، سلىم ھم ھىچ نرسەنى كۈرمەيدى. كۈزلرى كۈر بۇلىب قالگن.

بۇرى تاغە بىغلب تۈرىب بالەلرىنى بغرىگە آلدى. بۇز تۈنى بىلن اۈرىن و سلىمنىنگ يۈزى و كۈزىنى آرىتتىب تۈرگن بۇرى تاغە، زۇرغە يۈرىب بارىب تۇرتتە تاك برگىنى كېلتىرىب، ايسىق چايگە سالدى-دە بالەلرىنىنگ كۈزىگە، خودى ملھم دېك قۇيدى، قىشلاقچەسىگە دوالەماقچى بۇلىب.

درزابلىك خالەنىنگ يۈزىگە ساووق سوو اورەپىدى، قۇشنى عياللردن بىرى. قىزچەسى مامە خال آنەسىنىنگ كۈكرەگىگە باشىنى قۇيىب بىغلردى.

بىلدىن كوچى كېتىگن آنە زار، اېندى ياتىلگن، كۈزسىز ايكى ارمانلى ارزندە گۇدىگىنى باقىب، كتە قىلەى دېسە، آسمان-بلىند، بىر قىتىق.

# ۲۲. اۆلیم ياپىنچىغى

## اۋلىم ياپىنچىغى

غم-غصه گە باتىب ياتىن اېسان بى-بى نىنگ بىر يېردە تىنىمى يۇق. باشىگە ماتم توشىب، ايكى قارە كۈز اۋغلىدىن اجرەلگىدىن بېرى جانىنى قۇيرىگە جاي تاپەلمەي قالگن. ھفتەدە بىر مرتە بۇلسىن قىلرگە دىر بارىب، بىر دردكش تاپىب، كۈنگلى نىنگ چىگىلىنى يازگىسى كېلەدى. او بىر كۈنى اوى نىنگ بىر چىتيدە تشلب قۇيىلگن يىرتىق و اونىققن پاچان نىنگ اووئەدە<sup>۱</sup> مامىغىدىن پىلتە اېشىب قۇيدى. سفال چىراغىگە ھم اچىق ياغ سالدى. نىتى جمعە اقشاملرى نىبىرەسىنى اېرگشتىرىب، قىرستانگە بارىش. ھر ھفتە قىرستانگە بارىش عادت توسىنى ائدى. او گۇرستانگە باررکن، يانمە-يان قۇيىلگن ايكى اۋغلى نىنگ مزارى اوزرە يوم-يوم يىغلب كۈز ياشى تۇكەدى.

ھر بارگندە دۇپە يىگن قىرلرنىنگ توپراغى پسەيىب، تابارە كىچرەيىب بارە ياتىگندە تويىلردى. بو كېتىشە يە بىر نېچە آى اۋتىب، قىرلرنى تاپەلمەي قالىشىدىن خواطرده اېدى. قىرلرگە تىكىلىب مھم سۇراق و جومباقلرگە جواب تاپەلمەي، چېكسىز اۋىگە باتىب، توبسىز حىرتگە چۈكىب كېتردى.

كېنگ آسمان ھلى قارە پلاسىنى يايگىنچە يۇق. بولوتلر آرتىدىن بابا قوباش نىنگ شىرىن گىنە جىلمە يىشىنى انىق-تىنىق كۆرىش مەمکن اېدى. وىزىللەگن شمال سوران<sup>۲</sup> كۆترىب، ساكنلىكنى بوزىب، قىرلر اوستىدە ھىلپىرە ياتىن قارە و ماوي متاعلرنى شدت بىلن ھىلپىرەتر، الە قندە قۇرقىنچلى و توشونىكسىز تاووشلرنى قىر-ادىرلرگە يايىردى.

<sup>۱</sup> اووئەدە: كىيم، تۇشك و شو كىيلرنىنگ تۇزگن، اوزىلگن پىرچەسى؛ يىرتىلگن، تۇزگن، تېشىلگن.

<sup>۲</sup> سوران: كوچلى شاقىن، غاور، غور، شاو-شوو.

آخىرى: «حيات گلچىراغى بىر كۈن كېلىپ، مەنە شو مىنگو يېر-تېنگىستاندە ئۈچەدى، اداغ تاپەدى»، دېر اېدى گۇيا.

اېسان بى بى خىيالىدە ھەر زامان گۇر ئاچىلىپ، بالەلرى قېردىن قۇيىپ، ئەنەسى نىنگ قۇيىنىگە ئاتىلە ياتىگەندە. خوددى، بۇنىدىن قوچاغلە گىچە، يوز و كۈزلىرىدىن ئۈيىپ، تۈيىپ-تۈيىپ دىدارلشە دىلردى گۇيا. ساغىنچ حقى، كۈزلىرى خىرەلشىپ قالگن ئەنە ھەم اوشبو روھى اوچرە شوودن قانىقمەي: «مېنى ھەم ئايب كېتىنگ چىن دىياگە دېگىچە»، زار-زار يىغلب، غرىب گىنە كلبەسىگە قىتردى. شو ذىل ھەر جىمە ئاشاملىرى قېرىستانگە بارىپ يورەك توگونىنى يېچەدى. او ئۈتە بىر آغىر درد ئاستىدە، فرزندلىرىدىن ئايرىلىق عذابىنى چېكىماقدە اېدى.

اېسان بى بى نىنگ ايكى اۇغلى ھەم ملالار فتواسى بىلن ئۈلدېرىلگن. ئەنە نىنگ اۇقىمىشلى اۇغىللىرى ملالار اوقتىرگن<sup>۱</sup> مقدس نرسەلر، جىملەدن «حلالە»-يو، «حجاب/ياپىنچىق»... مسألەسىنى سۇراق ئاستىگە ئلگى اوچون، اولرنى دىندارلر ئۈلدېرىشىگندى. حجاب دېگن نرسە، اېسان بى بى اوچون ايلان-چيان، بىتمس-توگەمس داستان بۇلىپ قالگندى. ھوشىدە ھەم، توشىدە ھەم شونى يازغىرىپ، «ئھمىت سىز بىر نرسە اوچون مېنىنگ نوقىران بالەلرىم ئۈلدېرىلسىنمى؟»-دېگن شكايتنى تىلىدىن توشىرمىسى.

اېسان بى بى قېرلر قرشىسىدە تېزلىنىپ ئۈتىردى، بېلى ققش بىلن آغرىگىدىن چىدەلمەدى، سەھل ئۈتمەي، جايدە ئۈتىرىپ قالدى. سۇنگ نىرەسى نىنگ قۇلىدىن توگونچەسىنى ئايب، لاي چىراققە اچىق ياغ سالىپ، قۇش پىلتەنى ياقدى. قويوق توتون ارەلش، ئلنگە ئايب، يالىنلەي باشلەدى چىراق. ئۈز تىلىدە اېشىتىلر-اېشىتىلمس بالەلرى بىلن سۇزلەي باشلەدى. او ياقىن قندەي جواب ئالە ياتگىنى يالغىز ئەنگە عىان اېدى. او تاماندن بىر نرسەلرنى اېشىتە ياتگەندەي اېدى ئەنە. اوزاق اچكى راز و نياز ايلە يرەتگىگە تاپىندى.

<sup>۱</sup> اوقتىرماق: انگلتماق، توشىترماق.

يوره گى توتە قىب ايچىدە اوبولىب ياتگن دردنى تۇكە باشلەدى: «... بو ياروغ عالمده خاتىن بۇلىب توغىلىشدىن كۇره، بىر مشتوم توپراق بۇلىب توغىلمە يىمن مى؟ دىنانىنگ بار و يۇق عذاب-عقوبت، آغرىق، اۇكسىگى، ايرىلىق، اېنگ آغىر مشقت و مصىبتلىرى خاتىن اېلكەسىدە. شونچە آغىر يوكنى، ازلدن پروردگار خاتىنلارنىنگ زووالهسىگە قۇشىب يوغورگن اېكن-ده؟»

اېسان بى-بىنى بىر عالم شمول مەما قىيىن كېلەدى. او اېسە، بونىنگ تگىگە يېتماقچى: «بو نىمە دېگنى اخىر! خدائىم بىز خاتىن-قىزلىرگە بىر توتە قاره ساچ بېرگندىن كۇره، باشىمىزنى تېمىر-تونىكەدن قىلىپ يره تەمە يىدىمى؟ اېركلارنىنگ «حرص و شهوت» ينى «قۇزغىب» كېلە ياتگن ساجىمىزنى ايگنەدن قىلىپ يره تەمە يىدىمى اېگم؟ مونچەلر قان تۇكىلمىسدى بىر ساچ اوچون. مېن شو مە يىزدەى سۇلىب قالگن ياشىمە ساقالنى تېرك، عيال ساجىنى جنجالگە باتىرگن خدادان راضى اېمىسەن.»

بو سۇزلىرىنى يىغى آرەلش تىلگە كېلتىررگن، قرشى تاماندن ايتىلگن نرسەلرنى يىخشى ايلغىب<sup>۱</sup> آلە ياتگن دېك، آرە-سىرە بىر جىمىب كېتەدى اېسان بى-بى و يىنە سۇزىگە دوام اېتەدى: «منە گۇرستانگە كېلگونچە شو كىمپىر حالىم بىلن، قورىب كېتگور تۇرە-چادىرگە اۇرەلىب، مودرەب يىقىلگىنىم يىقىلگن. نىمە اېمىش، يوزىم كۇرىنسە-كۇرىنسىن، ساجىم كۇرىنمەسىن اېمىش؟! ايسىق-ساووقدن، اچلىك، يوپونچىلىكدن، بىر تىقىچلردن اېمس، قارانغىلىك، بلا-قضا، دۇنگ و چوقوردن اېمس، اېركك نىنگ كۇزىدن ساجىنى سقلش فرض اېمىش. بونى قرەنگ كە، باردى يېر سىلكىنىب، سېل كېلىب عىالنى دامارىگە<sup>۲</sup> تارتگودەى بۇلسە، اول جانىنى اېمس، ساجىنى قوتقىش كېرەك اېمىش. بىزنى بىردن-بىرگە، گۇردن-گۇر سالگووچى پروردگار، اېركك نىنگ كۇزىنى تىكىب قۇيمە يىدىمى، ياكە كۇزلىرىنى تېپەسىدن قىلىپ يره تەمە يىدىمى؟ بو نىمە كۇرگولىك اخىر؟...»

<sup>۱</sup> ايلغەماق: عقل، كۇز، قولاق بىلن سېزماق.

<sup>۲</sup> دامار ~ تامىر: رگ.

اېسان بى بى نامراد كېتىگن اۋغىللىرى بىلن غايىانە دىدارلىشىپ، كۆپ دردلىشىدى. بو كىبى سۆزلىشىۋو بىرىنچىسى ھىم اېمىس و سۈنگىسى ھىم اېمىسدى. چۈنكە، آنەنېنگ ھلى آيتىلمەگن گپ-سۆزلىرى كۈنگىلىدە مۇل.

بو نوبت اېسان بى بى جۈدىرەگن كۆز ياشلىرى ايلە قىرلر اوستىدە قۇش چىراقلىرىنى ياقىدى. يەنە اۋلىكلر بىلن راز و نيازگە كىرىشىپ كېتىدى. شۈندەى گىنە جانلى صحبت بۇلماقدە اېدى كە، افتىدن آنە اۋلىكلر بىلن اېمىس، نق تىرىكلر بىلن گېلشە ياتگندەى اېدى گۇيا. آنە قارە پىر آستىدن اېشىتگنلىرىنى قۇرققىدىن بۇلسە كېرەك سىر بىرمىسدى.

يەنە جگرىندلىرى بىلن سىرلشە يازدى. كېىن اېسە، بىر رومالچەدە توگىلگن نرسەنى يوزىگە توتگنچە: «اې پروردگار بولر ايكى لعل تاشىم اېدى، بو قىزىل تاشلر مېنىنگ يورەگىم نېنگ كويىگىدىن آخرى قارە توسگە بوركندى. بو ايكى تاش مېنىنگ يورەگىم نېنگ ايكى پرچەسى اېدى. منە، آخر-عاقبت كېلىپ بولر مېنىنگ قارە قىسمىتىمگە آيلندى» -دېيە ايكى يىلاق قارە تاشنى ايكى قىر اوستىگە بېچىرىم اۋپىپ قۇيدى-يو: «مېن يۇغىمدە بو تاشلر بىلن سۆزلىشىنگ بالەلرېم، اولر-دە قالىپ كېتىگن مېنىنگ حسلىرىم، يورەك تېپىشىم احوالىدىن درك بېرەدى. مېنى منە شو تاشلر اويغانەدى» -دېگن جملەنى ھىم قۇشىپ قۇيدى.

اېسان بى بى قىرلر بىلن گېلشركن، بىر وصىت ھىم قالدردى: «خدايىمگە مېندن ساغىنچ-سلاملر آيتىنگ، بالەلرى يۇلىدە يورەك-بغرى اېزىلگن آنم (اېسان بى بى) كۆپ سۇرەدى سېنى، دېنگ. پىر يوزىنى ياووزلىك قاپلەدى، كۇرىمىسىز احوال. التماسىمنى آيتىنگىز، بىر اېپقەى گە<sup>1</sup> كېلتىرسىن بىندەلرىنى. ھىر قىمدە، اويت اوستىگە شىرمندەلىك، آبروى قالمەدى خدايىم نېنگ. آيتىنگ خاتىنلرگە قرشى بۈندەى بىتىك و كىتابلرنى يوبارمەسىن پىرگە قىتىپ. اېركلرنى سېوىش و اېركەلشنى تۇختىسىن... خىر تىنچ

<sup>1</sup> اېپقەىگە كېلماق: تىرىگە سالماق، برابرلىتىرماق، اېپل تايىنى آلماق.

اوخلەي بېرىنگ مېنىنگ ايكي قارە كۈزلىرىم.» شوندىن سۇنگ كوچ-مدارسىز آنە آرتگە قىتدى.

جمعه آقشامى يقىنلشە ياتگندى. بو گل ينه اېسان بى بى پىلتە اېشىب، سفال چىراققە ماى سالىب قويدى. غلام دېگن اېنگ كتە اۋغلىگە: «بو آقشام مېنى زيارتگە، اوكلەرىنگ آلدىگە آلىب بار بالم» -دېيە التماس قىلدى. ياشى قىرقدن اۋتگن داودىراققىنە اۋغلى آنەسى نىنگ آيتگىنىنى نرىدن بېرى قبول قىلدى.

قوياش كون باترگە آغىب، باشلەگن پىت اېسان بى بى توگونچەسىنى قۇلتىقلىب يۈلگە توشدى. اويىدن اونچەلىك اوزاق بۇلمەگن قىرستانگە جىرلردن قىيەلىب، كىچىكراق دريانى كېچىب بارىلەدى. آلدىندە غلام، آرقەسىدن اېسان بى بى اىكاۋلشىب جۇنەدىلر. شرىعتگە كۈرە، غلام خاتىن ذاتىدن يىتتى قدم آلدىندە يورىشى شرط، آرقەدن آنەسى زۇرغە تېرەنىب، يۇل يورماقدە اېدى. بوتون بۇيى و باشىنى ياپگن چادر اېسان بى نىنگ يورىشگە خەلقىت بېرەپىدى، چادر تېشىكلرىدن يۇلنى يىخسى كۈرمەپىدى.

آنە-بالە تېز آقر دريا بۇيىگە يېتىب كېلىشىدى. دريانىنگ ايكي قولاچ كېلردە تارراق جايىگە بارىب، اوزونەسىگە قۇيىلگن بالاردن كېچىب اۋتىشلىرى كېرەك قىرستان طرفگە. اېسان بى بى قىمىتىنىب-قىمىتىنىب، چادرى نىنگ تېشىكلرىنى كۈزلىگە اۋنگىل، ماسلىب، كۈررلىك قىلىب، بالارنىنگ باشىدە تورگن اۋغلى غلامگە قۇلىنى توتقزدى. غلام آنەسى نىنگ قۇل اوچىدن اوشلىب، اوزون يۇغاندىن كېلگن چۇپ آرقەلى دريانىنگ نرى ياقىگە يېتىكلىب، آلىب اۋتىشى لازم. اېسان بى بى بىر قۇلىدە توگونچەسىنى اوشلىب ينه بىر قۇلىنى اۋغلىگە اوزەتدى. دريا تۇلىب، سوو شىدت ابلە آقماقدە اېدى. ياغاچ نىنگ اۋرتەسىگە كېلگندە، اېسان بى بى چادرىگە اۋرەلىب، بىر مونكىدى<sup>1</sup>. آنە غلام نىنگ امانت قۇلىدن سىيرىلىب، درياگە چۈكىب كېتدى.

<sup>1</sup> مونكىماق: قاقىلىب ياكە موازىتنى يۇقاتىب، آلدىنگە سىلكىنماق، تشلەماق؛ تايماق، تۇغرى يۇلدىن آزماق.

تېز شاشىب آقەياتگن سوودن آنەنىنگ كۆك رنگ چادرى بىر-ايكى كۆرىنىش بېردى.  
سوو تويىگە چۆكىپ كېتگن اېسان بى بى قىتېب نشانە بېرمەدى. اۇغلى غلام بىلن ھم  
راضىلشەآلمەى كېتدى.

۲۰۱۵/۱/۱۱

كانادا

# ۲۳. وصيتنامه

## وصيتنامە

۱

اۋگىت بىيى اۋتتيز ياشلر چمەسىدەگى اق يوزلىك، كېلىشگن يىگىت. ايكى يىلدىن بويان بىر كىشىلىك خانەدە، كوچەيتىرىلگن ترتىدە نامعلوم مدتلى اغىر قماق جزاسىنى اۋتەماقدە. اچلىكدن جانى اوزىلىب كېتمسلىك اوچون زندانچىلر نان و سووينى اېشىكىنى قىيەلب، تىرقىشدىن بېرىب تورىدىلر. قماققە آلىنىشدىن بورون، اۋگىت بىيى تشقى كۋرىنىشى يىلن كىشىنى اۋزىگە تارتىب تورردى. كۋزلى كتە-كتە، اېلكەلرى كېنگ-كىنگ؛ گۋدەسىدىن تشقىرىگە بۇرتىب چىققن يىلك-بالدىرلىرى-يو، صفەدېك يايىق تۇشىدىن<sup>۱</sup> كوچ ياغىلىب تورگن كىي. او ايش آدمى، هر دايم آزادە، بىشنگ<sup>۲</sup> كىينەدى، ساقالىنى قىرتىشلىب يورر، قىرە بورون، قاشلىرى چتىشگن، بۇىنى خودى جواز اۋقىدەى يۇغاندىن كېلگن بربستە يىگىت اېدى. قماققە آلىنگىدىن بويان ملاچەسىگە قىلىب ساقال اۋستىرگن؛ دىنى بۇغىق و اۋتە قوروق حكمران بىر محىطگە اۋزىنى ماسلشتىرگن. تۋلەدىن كېلگن اۋگىت بىيى اۋتكىر سۇزچى، يازووچى - قىل قلم شاعر. او سپورتچى بۇلگىدى. كورەشنى جان و دلدىن سېوهدى. قماققە آلىنگىدىن بويان سپورتىنى قىلەلمەگىدىن سىقىلەدى. گۇيا، سولوو يارىدىن آبرى توشگىندەى - خمارى. اۋرگىنگن كۋنگىل اۋرتەندى. نە قىلسىن، بو ياقىملى خمارنى يازەى دېسە امكان يۇق.

<sup>۱</sup> تۇش: گۋدەنىنگ بۇى يىلن قارىن اۋرتەسىدەگى آلد قسىمى؛ كۋرەك، سىنە.

<sup>۲</sup> بىشنگ: يىسنگن-توسنگن، نھایتدە چىرايلى، كۋركم؛ بېزەنگن.

ابنى بىر يريم متر، اوزونلىكى ايكى متردن سەھل اشەراق كېلەياتىن قماخانەدەگى بىر اوپچە اۋگىت بېنى اۋزىدە ارەنگ سىغدىرەلگن - بىر قارانغى، قارە و ساووق مكان. بو زىخانەدە، او بىلن تشقى عالم اۋرتەسىدە، برماق زۇرغە سىغردەى اېشىك تېپەسىدەگى پنجرەدن اۋزگە نرسە يۇق. قتيق سۇرىب، هوانى اۋپكەلرگە بىر جايەلى دەپسە، تازە هواگە تىرقىش تارلىك قىلىشى مەكن. خانەنىنگ دېوارلىرى مەبوسلرنىنگ ساووق نەسەدن قت-قت قوروم<sup>۱</sup> باسگن؛ كويە بىتگن. قماقخانە بنا بۇلگندن بېرى، قوياش نورى سىزىب كىرەلمەگن بو بىر، قۇرقىنچىلى جىم-جىتلىك تويىگە چۇكىب كېتگن. دەشت سالىب تورگن يالغىزلىك، ناانىق قارە تەقدىر اۋگىت بېنىنىنگ تىنكە-مدارىنى قورىتىب بۇلگن. تەنەسى سۇلىب، اوقوسىزلىك اونىنگ مېيەسىنى ققشەتر، مىنگ بىر قىغى گىردايدە، خيالاً دىققە و ئانىەلرنى سەنش بىلن وقت اۋتەكزەدى... تېپەسىدە، سىرى<sup>۲</sup> اۋچگن ناس قوطى آينەسى دەپك توينىك. شو تېشىكچە اۋگىت بېنىنى آسمان بىلن باغلب تورىدى. كېچ پىتلىرى، تون يريمىدە هم شو توينىكدن اۋز يولدوزىمنى كۇررمى؟ -دېيە، تامگە بۇيىن چۇزىب تىكىلگنى تىكىلگن. بىراق، بۇشلىقدن باشقە نرسە كۇزىگە ايلىنمەيدى. گادە، «بۇنىم اوزونلېدىمى-بېى؟!» -دېب قۇيەدى اىچىدە.

۲

شونچە كوتىشدن سۇنگ، آخرى اونى قۇل و آياغىگە كىشن و اۋلچك سالىب، قاضى خانەگە الىب بارىب، محاكە قىلىشدى. قىسقەگىنە وقت اىچىدە آلە-پوتە<sup>۳</sup> حكم چىقىرىلىب، اونگە «اۋلىم جىزاسى» كېسىلدى.

-اللهنىنگ قەر و غضبىگە گرفتار بۇلگن سېن ملعون يقىن كونلردە بۇنىنگدن اسىلىب، جانىنگ جەننم اۋچاغىدە ابدى يانگووچى دىر. سېن لىعتنى قىلمىشىنگگە يرەشە، جزانگنى

<sup>۱</sup> قوروم: قارە رنگلى قتيق محصولات؛ كويە.

<sup>۲</sup> سىر: سىمابنىنگ بىرار مادە بىلن قاتىشمەسى ياكە مادەلرنىنگ سىمابدەگى قاتىشمەسى؛ املگمە.

<sup>۳</sup> آلە-پوتە: درأو، تېز وقتدە.

آلدينگ. بىر هفته دن كېين، مبارك جمعه كونى ساعت بىردە آلامان حضورىدە دارگە  
 آسىلەجكسن، -دېدى قاضى تسبيحىنى قۇشە-قۇشە آغدرە ياتىب. حكم بۇيىچە،  
 بيتوو دعاسى اۇقىلدى «آمين يارب العالمين» -دېپە قۇلىنى يوزىگە تارتدى قاضى.  
 قىتتىگىنلر هم آمىنگە اووچ آچىب، بېجىرم يوزلرىگە قۇل يوگورتىردىلر.

اۋن بىش دىققە اىچىدە امضا آلىنىب، قىلىنمەگن عىب بۇنىگە قۇيىلدى. «الله اذنى بىلن  
 بو كافر محكومگە آنەسى بىلن بىر مرتەگىنە اوچرەشيش حقى» بېرىلەدى، دېگن گېنى  
 قىلدى قاضى آخردە. ايش بىتركن، درآو توره سالىب، كېكسە قاضى عصاسىگە تىەنگن  
 بىر كۇرىنىشە، سېكىن-سېكىن يورىب تشقىرىگە چىقىدى. باشقەلر هم ايزىدن  
 اېرگشدى. محكمە بۇشب قالدى. او بېردە بىر جلد قرآن، جاي نماز، مېھر، دېواردە  
 آسىغلىق چقە پول سالىنگن دُرە-يو، بۇش اۋرىندىقلر قالدى خلاص. آياق قۇلى باغلىق  
 اۋگىت بېنى قارە مۇترگە سالىب، قماققە آلىب قىتتىلر.

۳

بىرگىنە اۋغىل قىغوسىدن ادا بۇلگن آنەنى بالە بىلن يوزلشتىردىلر. يىغىدن كۇزلىرى  
 كۇكرىب كېتىگن آنە، قارە پايىچىغىنى باشىدن آلركن، «كۇرر كونىم بار اېكن بالم!» -  
 دېگنچە اۋگىتنى بىرىگە باسىب، يوز و كۇزلىرىدن تۇيىب-تۇيىب اۋپىدى. اۋگىت اېسە،  
 «آق سوتىنگىزگە راضى بۇلىنگ آنە جان! ينەگى دىدارىمىز قىامتگە قالدى... منە بو  
 قىسقەگىنە بىتىك مېندن سىزگە نشانە و وصىت، -بۇلىب قالسىن» -دېپە خىرلشدى. آنە  
 اېسە، تىلى سۇزگە آىلنمەى، زار-زار كۇز ياشى قىلىب، زۇرغە قماقدن اوپىگە قىتتىدى.

۴

اوپىگە كېلىب-آق اۋغلى توتقزگن اۋشە آيرىلىق خطنى اۋقىب چىقىدى. كۇنگىلنى ويران  
 قىلووچى خىلدە منە بو سۇزلر يازىلگن اېدى:

«اولا، مېن يېتىم بالەنى آق يوويب، آق ترەب كتە قىلگن آنم آلدىدە، آنەلىك حقىنى ادا  
 قىلەلمەگنىم اوچون شرمندەلىك عىزىنى كېلتىرەمن و كېچىرىم سۇرەيمن. قارە تقدير

آلدىن سۇنگى نەسىم ئەنە سۇزى بىلەن اوزىلىشىگە ايشانەنەن. اۇشە كونگە قدر اياغىنگىز استىدە باش اېگىب تعظىمدە تورهەنەن... و مېنى بىلگەن، بىلمەگنلرگە يوز بورىب، مېندەن خەلا اۇتگەن بۇلسە، اولردەن ھەم اۇتىنىب كېچىرىم سۇرەيمەن. مەنە، مېنگە ھەم چىقىرىلدى... اېندى قىلمەگەن گناھىم اوچون بو ياروق عالمىنى تەرك قىلىشىم انىق. مېن رۇھى و جىسمانى قىيىنچىلاردەن قوتىلىب، ابدىتگە، مىليونلەب بې وقت خزان بۇلگەن عىبسىزلر صفىگە قۇشلىمەن. مېن يەرەتگە مەھمان بۇلەمەن. رۇھىم تىن آلىب، لەنتى زمىنگە الوداع دەيمەن. ئەنە جانىم، جان و جىگرلىرىم! سىزلردەن التماسىم شۇكە، اېل - يورتگە، شىرىن حىيات اوچون اغير دەملەرنى كېچىرەياتگەن بېمار، عزيز انسانلرگە: «ساغلام اۇغلىم اۇگىت بېى اۇز يورەگىنى بىر محتاجگە ھەدىە قىلماقچى» - دەپ خەبەر بېرىنگە. حاجەتمەندە كىشى بو امانتى مېندەن آلىب كېتسىن. مېن يشەي آلەمگە تاتلى كۈنلەرنى او يشەسىن. يشەگندە بىر مەرتە بېرىلەياتگەن حىياتنى سېۋىب يشەسىن. باشقەلر جەھنمگە ايلنتىرگەن دىئانى شادلىك سەراپى بىلىب، كولىب - اۇيىب ەمر كېچىرسىن... بختى قرا اۇغلىنگىز اۇگىت بېى. امضا.»

۵

ۋىسىنامە اۇگىت بېى نىنگە ژۇرنالىست اۇرتاقلىرى قۇلىگە يېتىب باردى. ژۇرنالىستلر بو ۋىسىنامەنى يېتەرمەلرە<sup>۱</sup> تەرقەتەشىدى. فېسبۇك، تۋىتر كېى اجتماعى تەماقلىردە يشىن تېزلىگە يايلىدى. مىليونلەب آدملىر يىامنى لايىك قىلىشىب، ھەمراەن رەزىمىنى انصافگە چارلەشىدى. «بىر شاعر و يازۋوچىنى، بىر بىتلىك يورەك دەردى اوچون اۇلدىرمەنگىز» - دەپ التماسدە بۇلىشىدى...

۶

<sup>۱</sup> يېتەرمە: رسائە، مطبوعات.

مىشۇم جىمە كۈنى كېلدى. تانگ-سەردىن اۋگىت بېي نىنگ باشىگە قارە كىيىگىزىب، قىماقدىن اٰلىب چىقىشىدى. تۇرت سەت چمەسى اۋنى قارە ماشىندە سىقىشىدى. سەت اۋن اېدى، قارە ماشىن «لەنت اباد» دېگن جايىگە قەب يۇل اٰلدى. تومىنات ادم يىغىلىشگن. كۋىپىلرى مەجبۇرلەب اٰلىب كېلىنگن. عەرت بۇلسىن اۋچۈن دارگە اٰسىشىنى تاماشا قىلىشلىرى كېرەك.

قارە نىقاب كىيىگنلر اۋگىتنى قۇلتىقىلىشىب، دار اٰستىگە اٰلىب چىقىدىلر. تاماشچىلر اۋگىتنى كۋىشىر، بىراق، اۋگىتنى كۋىلرېنى قارە كۋى باغلىغىچ تۋسىب تورردى.

۷

بىر زىمانلر حىياتدىن بېزىب، يۈرەگى جۇش اورىب، اٰلهامى قىنب بار-يۇغى بىر بىتلىك انشا يازىب اېدى اۋگىت بېي. اۋشە يۈرەك اٰغرىقلىرىدىن بىر-يىكى قىتارىنى اۋقىب بىرماقچىمىز:

«... دىنانى كائىنات بىرىدە اٰقىب يۈرگن دەيدى تاشلر يۇق قىلىشىگە هېچ قندەى حاجت قالمەدى. انسان بىر كۋەسىنى اۋز اۋقىدىن اٰبىرىب اولاقتىرىش كۋچىگە اېگە. بو كېتىشە انسانلر قۇلى بىلن قىامت قۇبىشى تورگن گپ. بو تۋسە اٰنە زىمىن ياۋوز فرزندلرى قۇلى بىلن زوال تاپىشى مقرر. ظلم و خونبىزلىك اۋجىگە چىقىدى. بىرگىنە بىزنىنگ يۈرتدە، كۋى كۋىرىب، قۇلاق اېشىتمەگن يامانلىكلر خدانىنگ نامىدىن قىلىنماقده. تنگرىنى، مقدس بىتىك و يىغمىلرنى اۋزى نىنگ شىخسى خذمتگارىگە اٰبلىنتىرىب بۇلىشىدى بو قارە قوم... ياۋوزلىك كېتىدىن ياۋوزلىك، انسانىتىدىن نشانە قالمەدى.

شو اٰندە غللى فىكر اىچىمىدىن اۋتەياتىر. اۋبلىشىمچە، اصلىدە بو گۋىل زىمىنىمىزنى باشقىرىش صلاحىتى ادملرگە اېمس، اېشكلىرگە بېرىلگندە اېدى، بختىار بۇلمىدىك. زېرا، اولر نىنگ سىغنەياتگن بۇتى... يۇق، يىسمە مقدس نرسەلرى هم يۇق. قنچەلر بختلى اولر. قەرىنگ، اېشك اېنگ بې ازار حىوان، مەحتەكش، بېمدعا و كەترىن مەخلۇق اېمىمى؟ ادم قىلگن ايشلرنى اېشكلىر قىلمەيدى. خىر ادملر، السلام اېشكلىر...»

منه شوگينه خط اۋگيت بېى نىنگ بىر دۋستى تامانيدن اۋغىرلنىب، كېره كلى جايگه  
ابلتىب بېرىلگن. شوندىن سۋنگ اۋگيت بېى آزادلىكدن محروم قىلىنگندى. محكومگه  
كفر آيتگنلىك عىبى قۇيىلدى...  
... آخر-عاقبت حكم ايشىنى قىلدى... اۋگيت بېى برچه بىلن قاره پرده آرتىدىن  
خىرلشگن دىر احتمال...

۲۰۱۴/۱۲/۲۱

كانادا

# ۲۴. غۇرلىككە شۇرلىك

## غۇرلىككە شۇرلىك

بابا قوياش اۋزى نىنگ زرين ساچىدىن اوزىلىپ ارتدە قالگن سۇنگى آلتىن رىنگ تالەلرىنى يېردن يىغىپ آلماقدە اېدى. ماوي آسمان تىپ-تىنىقلىگىدىن كۇككە قرەسە، خودى كۇزگوگە باققن دېك آدم نىنگ يوزى كۇرىنە ياتگن هوا بۇلدى. كوندوزى اىلىق؛ تونلرى اېسە كۇلكچن كۇچەگە چىقىشكە ساووق سىرەسن كىشى. تېورەك-اطراف ھلى تۇلە، سرىق ياپىنىپ خزان توسىنى آلمەگن. اېندى، درختلردن بىتە-يىرىمتە كوزىنىگ زرحل بۇياغىگە چەيلىگن برگلر يېرگە توشە باشلەگندى. كوزىنىگ مەيىن شىمالى دماققە اورىلىپ، كىشىنى مونگلى اۋىگە تالدىرە ياتگن چاغلر حكمران. كۇچەلر اېسە ھمان بۇم-بۇش.

مىنگ بىر خىيال اىلە كتە يۇلدن اۋتە ياتسىم، «آوو بالە! بو ياققە كېل، سېندە گېم بار» - دېگن چقىرىق قولاغىم آستىدە جرەنگلەگندەى بۇلدى. چلە اېشىتگىم اوجونمى، تىسەرىلىپ آرقەمگە قرەمەدەيم. يۇلىمدە دوام اېتەبەردىم. بو گل بلندراق تاووشدە بايەگى سۇزلر تكرر اېشىتىلدى. سۇنگ آرقەمگە اۋگىرىلىپ، سېس چىققن جايگە تىكىلدىم. بىر كېكسە كىشىگە كۇزىم توشىپ قالدى. آقر سوو بۇيىدە اۋتىرگن بو آدم نورانى، آقساقال گىنە كىشى اېكن. مىنگلەيىگە<sup>۱</sup> آجىن يوكورگن. اېتى سويگىگە ياپىشىگن؛ سۇلىگن برماقلىرىنى اىيەگىگە<sup>۲</sup> توتىپ تورگن بىر قىافەدە. اىچكرىگە باتىپ

<sup>۱</sup> مىنگلەى: پېشانە.

<sup>۲</sup> اىيەك: جغ.

كېتىگن كۈزلىرى كۈزلىك آرتىدىن معنادار كۈرىنەپىدى. يىخىلىپ قرەسم ياشى ۷۰نى اورىپ قۇيىگن چال. اۋنگ قۇلىدە قندەى دىر بىر كىتاب اوشلب آلگن. كىتابنىنگ قاق اۋرتەسىگە باش برماغىنى سالگنچە، بىر نرسەلرنى مېنگە، آيتەى، دېب چاغىلماقده. يقىن بارىب حال-احوال سۈرەشدىم. كېىن او كىشىگە يوزلىنىب:

- گىپىرىنگ باباجان، اىچىنگىزدە بىرار دردىنگىز بارگە اۋخشەيدى. سۈزلىرىنگىز حكمت-و، اۋگىتلرگە باى دانشمند كىشىگە اۋخشەيسىز.

- يانىمگە اۋتير اۋغلىم، -رسا سۈزلىرگە قىلىككە خاص تاووش تىتراغى قۇشىلدى، - آدمنىنگ دردىنى آدم آلدەى. شو بوگون كۈرگن واقعهمنى سۈزلب بېرەيىنمى سېنگە بالم؟ ياكە، بىرار ياققە شاشىلمەيىسنمى اوليم<sup>۱</sup>؟ -دېدى باسنىقيراق.

- يۇق باباجان، هىچ قەياققە شاشىلەياتگىم يۇق. مېن سۈزلىرىنگىزنى جان قولاغى بىلن اېشىتىشگە تيارمن، سۈزلىنگ.

- بوگون توشدىن سۈنگ دىيادە نىمە خبر، دېپە بىر فېسبووككە باش اورگندىم. بو يېردە شونچە بىر-بىرىگە قرەمە-قرشى فكلرل يازىلكن كە، اولرنى اۋقىب ياقە اوشلەيسن كىشى.

- هە، تۇغرى سۈزلەيسىز آتە. او يېردە يازىلەياتگن، كۈرىشگە قۇيىلەياتگن نرسەلر آدمنىنگ عقلىنى شاشىرىب قۇيەدى. شولرنى مشاهدە قىلركنمن، انساننىنگ كىملىگىنى بىلماقچى بۇلسنگ فېسبووككە كىر، -دېگىم كېلەدى. بىلمەگنىمىز، انسانىت تارىخى ايرىنگ-زردادىن عبارت اېكن-آوو. بو كھنە تارىخ مىنگ-مىنگ بىلدىن بېرى قندەى قارە كونلرنى باشدىن كېچىرمەگن، دېيسىز. ھمەسى ياپىقلىگىچە قالىب كېلەياتگن اېكن! علم-فن، تىكلوژى عصرىدە، اېندى، اولرنىنگ اوستىدىن پردە آلىب تىشلىماقده. انه بولرنى كۈرىب تارىخ تىلگە كىردى، دېسە ھم بۇلەبېرەدى. بو نرسەلرنى كۈرگىچ،

<sup>۱</sup> اوليم ~ اۋغلىم.

آدملارنىڭ كۆزى آچىلىپ، بىر ياقىن دىدەسى قاتماقدا. دىئانى ياۋوزلىك يوتىپ بارماقدا.

- اۇقىلەياتىڭلار بىر سىرى؛ انامى كۇرىلەياتىڭلارنى ايتىمەيسىنى بالىم؟

- بىلەن بابا. بىر-بىرىدىن قىزىقارلىق؛ رىنگە-رىنگە و عىن پىتدە اۋتە دەشتلى اولر.

- انه شونقەسىدىن بىرىنى گىپىرىپ بىرماقچى اېدىم، مىلىمى؟

- مىلى، نىمە اېدى او؟ گىپىرە قالىنىڭ.

- فىسبوكنى ورقىلپ تورسىم بىرگىنە لوحەگە كۇزىم توشدى، -كتە بىر حىققتىنى

آچىڭدەمى، سۇزىگە اورغو بېرىپ، باش قىمىرلىتىپ، آچىنە كېتىدى، -شو سىچقانچەنى بىر

اۋزىكچە كلىپ اوستىگە آلىپ بارىپ كلىك قىلدىم. نې كۇز بىلن كۇرەمى كە، بىر

اېسكى مچىت يانىدە بىگىرمە-اۋتىز چاغىلىك كىشى تۇپلىشىپ تورىشىدى. اولىگە،

«بو بىردە كىمدىر اۋلىپ، جنازەسى اۇقىلماقدا شېكىللى؟» -دېگن فىكرگە باردىم. ياكە،

آدملر بىرار بىر مەھم نرسە اوستىدە جىللىشەياتىر، دېپ اۋلىپ قالىدىم.

- بلكە، ملا، آخوند دىنىي گپ و سۇزنى سادە آدملر قولاغىگە ايلەياتىڭدى، -دېدىم

باباگە.

- يۇغ اېمى، گپ عوموماً باشقەچە، يىتتى اوخىل اېسىنگىزگە كېلەياتىڭن صحنە اېمسى،

اۋغلىم.

- باشىدە سلە، ياشى اۋتىزدن اۋتىڭن، سىپىرەك كىنە ساقال اۋستىرگن كىشى، بىر آغىر

نرسەنى كۇترىڭچە، بايەگى بىغىلىشىپ تورىڭن آدملر تامان كېلەياتىڭدى. يقىن كېلرگن،

كۇكرەگىدە انىق، بىر تلوزىيون كۇترىپ كېلەياتىڭنى معلوم بۇلدى. تلوزىيون اوستىدىن

دىۋىدى پىلىپىر، اونىڭ اوستىدىن ياقىب اۋچىرگىچ قۇبىلگن اېدى. اوزون بۇبىلى بو

بىگىت جماعەگە يقىنلىشەياتىڭن پىت، بىردن قۇلىدە مىكرافون توتىڭن بىر ژۇرنالىست

بىگىت پىدا بۇلىپ قالىدى. ژۇرنالىست دراۋ تلوزىيون كۇترىڭن كىشىگە قوبىدەگىچە سوال

بىرە باشلەدى:

- ھارمىڭ اكه! تلوزيون بوزىلدىمى؟  
- يۇق.  
- اوستەگە آلىب بارماق دەيمىسىز؟  
- يۇق.  
- ساتكىنى ابلتەسىزمى؟  
- يۇق.  
- باشى آغرىدىمى، ملاگە اۇقتىگىنى آلىب بارەيىسىزمى؟  
- يۇق، دېگن معنادە بو گل تىلىنى اېمس باشىنى ايرغىتدى.  
- نىمە؟ اوندە بو تلوزيوننى قوچاقلب قى ياققە بارماق دەيسىز؟  
- بونى مچىتگە آلىب بارەمن اوکە.  
- نىمەگە كېرەك بۇلىب قالدى؟  
- مچىتگە، ملانىنگ يانىگە آلىب بارەمن.  
- نىمە اوچون آلىب بارەسىز ملاگە؟  
- بونى سىندىرماقچىمن.  
- بو تىلىسىز، جغسىز تېمىرنى سىندىرىپ نىمە قىلەسىز؟ - ھىجانلىب سۇرەدى  
ژۇرنالىست.  
- ھى! - ايجىرغىلدى، - سىز بىلمەيسىز. بو شىطان قىلىنى ملامىز حرام دەدى.  
- بېيىلەدىگان نرسە اېمس - كو حرام بۇلسىن! - عجبلىب سۇرەدى مخابر.  
- يۇق. بو كافرىنىڭ نرسەسى؛ اونى كۇرىش گناھ اېمىش، شونىڭ اوچون مېن بونى  
سىندىرماقچىمن! ھە، آدملىرىنىڭ كۇز اۇنگىدە سىندىرىپ تىشلەيمىن بو شىطان قىلىنى! -  
ھىجاندە اېدى؛ جەھلى تاشىب گېيگە نقتە قۇيدى.  
شوندىن سۇنگ، ژۇرنالىست اۋزىنى بىر چېكەگە آلدى. ھىلىگى كىشى كۇكسىدە زۇرغە  
اوشلب تورگن تىلوزيوننى باشىگە كۇترە سالىب، بىرگە بىر اوردى. اوستىگە چىقىپ

ايب، قۇپال آياقلىرى بىلن بابلب تېپكىلەدى. تلويزون نىنگ ايچك-چۋاغى شووو اېتىب ايچكرىگە تۈكىلدى. شو پىت اۋرتەدە تورىب، تىبىچىنى قۇشە-قۇشە اغدەرياتگن ملا: «بالتەنى كېتىرىب بېرىنگ جۇرە بايگە» -دېيە قىچقىردى. شيطان اېلكەسىگە مىنگن بايەگى قىصاصكار آدم «يا الله!» -دېگنچە، اغير بالته بىلن تلويزيونى اورىب قېە يارىب تشلەدى. بىر دىققەگە بارر-بارمس توزوك كىنە، اباد، قىمىتىگە ساتىب آلگن، تىغىن ساتسە بىر دردىگە يرەياتگن تلويزيونى پرچەلب تشلەدى. سىنىق پرچەلرنى-دە، مىدەلەى باشلەدى. آدملىر همان حىرت بىلن ياقە اوشلب تورىشردى.

\*\*\*

- ايچىنگىز تۇلىب تورگىنىنى توشوندىم بابا، دېدىم اقساقال كىشىگە.  
- اېندى، اۋزىنگ بىر اۋىلب كۇر بالم، بو شۇرى قورغور باىبچە-كو، اېمسدى. كتە بۇلسە دەقان، ياكە، حمال، جىلە قورسە بىر خشەكى مردكارگە اۋخشەدى. بو دستگاہ نې-نې عذاب و عقوبت بىلن بالەلرنىنگ اىغزىدن اورىب ساتىب آلىنگن. قالەبېرسە، شو دستگاہ، كمبىل نىنگ بىر كونلىك غم-غصەسىنى آردى. اۋرگنەياتگن تىرىبەوي نرسەلر كۇپ اېمس مىدى؟ مثلاً، سىندىرمىسدىن اوستىگە كۇرپە قەلب قۇيسە بۇلردى... نىمە دېب اۋىلەيسن، بو تىرمىزەكنىنگ بوزغونچىلىگىگە بالە-چقەسى كۇندىمى اېكن؟  
- يۇق البتە، اۋىنىنگ بىر چېكەسىدە، تورەبىرردى. بالەلرنىنگ اۋىنچاغى، اۋونچاغى بۇلىشى ممكن اېدى. شو جرار صوفى ايشدن چرچەگندە اۋرىندىق قىلسە بۇلردى-كو اخىر، دېب قۇشىب قۇيدىم.

- بىلەسنىمى بالم، -دېدى دانشمند تاكىدلەياتىب، -بدعت و خرافات بىردىنگە آدم نىنگ ائگىنى اشغال قىلەدى. بونگە اينانگنلر بار-يۇغىنى، حتاكە، جانىنى ھم بو يۇلدە تىكىشىگە تيار. قىدىمدە بالەسىنى اۋز عقىدەسى يۇلىدە قربان قىلىشىگە چاغلنگن اۋشە روحي كىسلر انە شوندىلر جنسىدن بۇلگىنىنى بىر اېسلب كۇرىنگ. اگر بو سوادسىز

كىشى نىنگ بوندن كته راق امكانىتى بۇلسە، قندەى قىرغىن-براتلرنى انسانىت باشىگە  
آلىب كېلگن بۇلردى.  
بابانىنگ تىلىدن بو واقعهنى اېشىتىب، بوتون وجودىم لىزه گە توشدى. اگر بو سوادسىز  
آدمنىنگ قۇلىدە بوندن-دە، كته راق امكانىت بۇلسە، اتم قوراللىرىنى تاپ تارتمەى اۇز  
مخالفلرى باشىگە ياغدىرگن بۇلردى. چونكە، بولر اوچون جىندە ۷۲ تە باكرە قىز و  
غلمان خىدمتگە شى تورىيدى. بو دىيادە ىشش اولر اوچون قىزىق اېمس، دېگن فكلرلر  
ايچىمدن اۇتدى.

۲۰۱۴

كانادا

# ۲۵. خان آييم

(تاريخي حكايه)

## خان آييم

(تارىخى حكايه)

ياز كونلىرى نىنگ تفتيدن اېندى گينه سراب كوككه اورله ياتگن كېزلر اېدى. غير-غير اېسه ياتگن شمال اوزاق-يقيندن الله قيسى خبرلر درگىنى كېلتىرىپ تورگندهى. غم-قيغوكه يول يوق. كاروانلر تويهلرده يوكلنگن توز، غله، تېرى، بوغداى و باشقه نرسه لرنى كېلتىرىپ امارلرگه تاختلە ياتگن كېزلر. آدملىر ات-اراهه، اېشك، خچىرلرده بازارلشگىنى شەرگه كىرىپ كېله دىلر. بازارچىلرنىنگ تياقلىرىدىن كوتىرله ياتگن چىنگلر تاباره قويوقلشىپ بارماقده اېدى. جىرى كېلگوسى جمعه كونى اوتكىزىله جىك اويىنلرنى بازارچىلرگه، يوقارى تاووشده يېتكىزىپ تورىدى.

غرق پىشىقچىلىك، آلدى-ساتدى اوچون هر كىم بىر نرسه سىنى شەرگه يوكلب ياكه آرقه لب كېلتىرىپ آقچەلر، شو ذىل اوز تىرىكچىلىگىنى تېبرە تردى. نانچىلر، آشچىلر، قصابلر، برى كاسبلر كورستىلگن يساقلر<sup>۱</sup> بويىچە ايش توتە دىلر. شونگە قرەمەى، شەرده گى احوال هر كونى ناظرلر تامانىدىن بىر-بىر كوزە تىب بارىلە دى. كېنتە گى بىر كونلىك احوالدىن خبرلر سرايگە يېتكىزىلىپ تورىدى. كىچ كىرمەى، خان آييم<sup>۲</sup> حشمتلى تاخت روانده اوتىرىپ، كتە شەرنى بىر ايلنىپ چىقه دى. خاطرىنى جمعلب، سۇنگ سرايگە روانه بۇلە دى.

<sup>۱</sup> يساق: قانۇن.

<sup>۲</sup> خان آييم: سراى ملك خانىم، بى بى خانىم.

تورلى اۆلكه لردن كفتىر و چاپرلر، هر خىل واقعه-حادثه لردن خبر كېلتىرىپ تورر، پايتخت سمرقنددىن تىنچلىك و آسايشتەلىك مژدەسىنى الگىچ، يەنە آرتلىرىگە قرەب ايزغىب كېتىشىدى. خان آيىم يىغىلگن بىر كونلىك معلوماتنى سىراى امىرزادەلەرى، وزىر و فاضللر مصلحتىدىن اۆتكىزىپ، قىسقه سطرلردە سبويكىلى عمر يۆلداشى صاحبقرانگە حضورىگە جۇنەتىب تورهدى. كون باترگە بىر ساعىت قالگندى. خان آيىم دولت ايشلىرىدىن اېندى بۇشب، سىراىگە كىررەكن، ملكە وكنىزەكلر، طنطنەلى روشدە سبويكى و ادب يوزەسىدىن سالاملر آيتىشب، قرشى آليشىدىلر. خان آيىمىنىڭ يوزىگە تارتىلگن ايپك پردەنى آلەياتىب، اولوس آغە<sup>۱</sup>:

- قوللوق ملكەم، يره تگن اېگم صاحبقراننى اۆز پناھىگە سقلەگەي، تخت و بختىنى برقرار توتغەي، -دېيە حال-احوال سۆرەشىدى. بى-بى خانىم اېسە اېنغەنىلىك بىلن بېلگىلگن اۆرىندىققە اۆتيره ياتىب:

- سلطنتىنىڭ اوستونلىرىنى مستحكەم توتوب تورگووچى نرسە- تىدىر و دانالىك دور. صاحبقراننىڭ «رستى - رستى» يعنى توز و تۇغرىلككە زوال يۇقتور، -خوش كىفەيت و قووناق بىر قىافەدە، -اولوغ دولتىمىز بوتون اېل-اولوسنىڭ آرقە تاغى بۇلغەي. شىكرلر بۇلسىن كىم، دولتىمىزنىڭ اذنى بىلن قۇي و بۇرى بىر گزردن سوو اىچگووچى بىر زماندە يشب كېلماقەدەمىز، -دېيە كىچىك كىنە امىرزادەلردن بىرىنى بىرىگە آلدى و اېركەلەي كېتىدى. چۆرىلر بۇلسە، بېلىغىچلر بىلن خان آيىمىنىڭ باشىدە تورىب، بېلوزەك<sup>۲</sup> قىلە كېتىدىلر. شام قارەلشىب كېلماقەدە اېدى. شو پىت برزنگى دېك<sup>۳</sup>,

<sup>۱</sup> اولوس آغە: امىر تېمورنىڭ سبويكىلى خاتىنلىرىدىن بىرى.

<sup>۲</sup> بېلوزىك: بېلىتماق، شماللتماق.

<sup>۳</sup> برزنگى: ھىيتلى، دۆەنگىردەي، يۇغان گۆدەلى.

باقىلگن كتە خۇارز اوزون اون<sup>۱</sup> چىقىرىپ، بلند قىچقىرىدى. اېندى اۋرنىدىن جىلماقچى بۇلىپ تورگن خان آيىم:

- ياپىر اي! بو نې بۇلدى. بىزگە قندەى ساووق خبر آيتماقچى بو پىتى يولونگور، - دېدى-يو، يساوللردن بىرى بارە سالىب، ايرىم يوزەسىدىن خۇراز نىنگ نولىنى كېسدى. توارىخدە خان آيىم-نىنگ بىر كونلىك (جمعه آقشامگى) حياتىدىن منە شولر يازىب قالدىرىلگن اېكن.

خان آيىم (كتە خانىم هم دېيىشگن) كېنگ شەردە كېچەياتگن هر نرسەدن خبردار. تون الە محل بۇلىپ قالگندى. آسمانده تۇلىن آى برق اورىب تورگن. بو آقشام منجملر تېمىر قازىق يولدوزىنى پارلاق كۇردىلر. شو كونى چاپلر بىر طومارچە بيتىكدە، صاحبقران اندخويده پىرلردن بىرى بابا ساغرى بىلن اوچرەشىپ، اوندىن خوش خبر آلگىنى كېلتىرىپ اېدىلر.

عاتدگە كۇرە، خان آيىم تون يرىمدە اۇغانىب كېتىپ، آدملر تورىش-تورموشىدىن خبر آلىش مقصدىدە، ايستەگن تامان يۇل آلر، يشرىنچەسىگە، اۋشە طرفلردن بىر نرسەلرنى بىلىپ و اېشىتىپ، سرايگە ينە قىتىپ كېلدى. خان آيىم كۇپراق طلبەلر حياتىدىن، ايش، يوموش و تونگى مشغولاتلرىدىن تېز-تېز خبر آلىپ تورردى. كۇنگلى تۇق بۇلسە-دە، خان آيىم، قاش قارەيگچ، كىيىملرنى اۋزگرتىرىپ، ينە علم طلبەلرىدىن خبر آلىش مەناسىدە كىزىكلرى بىلن كتە مدرسە تامان يۇل آلدى. تون ساكن اېدى. كىشى خياللر اغوشىدە چۇمەياتگن آنلر. طبعىت، تېورەك-اطراف آدم بىلن سىرلشە يانگندەى. يۇل ياقەلب بورركن، خان آيىم قوربەلرنىنگ قوربىللىشىدىن اۋزگە جانزاددىن سېس اېشتمەدى. شودرىنگ باسگن اۋتلرنى كېچىپ، بىى خانىم مدرسە صحنىگە كىردى. بوتون حجرەلدە ساكنلىك حكم سورردى. خان آيىم كىزىكلرنى مدرسە حولىسىنىنگ بىر

<sup>۱</sup> اون: سېس، آواز.

چېتىدە قالدېرىپ، بىر اۈزى سېكىن-استە آياق اوچىدە يورىپ، طلبەلەر حجرەلرېنى بىر- بىر تېكشىرىپ چىقدى. قرەسە كە، چېت حجرەلردن بىرىدە شمع نېنگ خىرە نورلرى ايلتېللىب يانە ياتگندى. خان آيىم سېزدىرمىسدىن اۈشە حجرە تامان سوريلىدى. طلبەلەر اۈرتەسىدە آيتىلە ياتگن گېلرگە قولاق توتماقچى بۇلىپ اېشىك آرتىدە اۋتېرىپ قالدى. آدمزاد قورسىن اېكن. يالغىز قالدېنگىمى، اۋىلر مملكتىدە اۈزىنگ خان، اۈزىنگ سلطان. اللە قىسى دەيدى خياللر مېيەنگە كىرىپ آلىپ، سىندىراق لىمەيدى مى يې؟ تون نېنگ ساكن تون بغيردە ايكي طلبە خيال سوريپ، اۈز ارا گپ قاتىشە ياتگن اېدىلر. طلبەلردن بىرى ايكىنچىسىگە دېدى:

- اوزون تونلرنى تانگ آتتېرىش تىنچىنگنى آلىپ كېتە دور. كېل آغم، خيال سوريشىگە نېمە يېتېيدى. خۇب آيتگىن-چى، حاضر كۈنگلىنگ نېمە ايستە يدور؟

- اې اينىم، نېمە يىستردى، قۇى گوشتى، قۇى ياغيدە دىملنگن، لۇمىللەگن بىر غۇرى پلاو-دە. شو، بىر تۇيىپ يېسك دېيىمىن، -دېپە سۇراققە جواب قىلدى بايەگى طلبە. اۋىقو تۇشگىدە تاولنە ياتگن هلىگى طلبە اۈز جۇرەسىگە:

- خۇش، اۈزىنگ نېنگ كۈنگلىنگ نېمە ايستە يدور برادر؟ -دېپ سۇرەدى.

- اې جان برادر! شو سرايدە گۈزلىككە تېنگى يۇق، چاوى<sup>1</sup> عالمگە كېتگن، صاحب جمال سراى مۇلك خانىمنى-دە. قنى علاجى بۇلسەيدى، كۈنگىل قورغور شول خانم يىلن بىر كېچە هم صحبت بۇلىشنى آرزو قىلە دور. -دېپ جواب قىلدى طالب علم.

بىرىنچى برادرى نېنگ بو قلتىس جوايىنى اېشىنگىچ ايكىنچى طلبە:

- اۈزىنگىزنى شمال اوچورسون. آغزىنگىزدن چىقە ياتگن گېنى يىلە سىزمو؟ «دېوار نېنگ هم قولاغى بار، آدم اۈز تىلىدن تاپە دور» -دېمىشلر، تەغىن بىر بلاگە اوچرەمە يىلىك برادر؟ -دېپ اۈرتاغىنى راسە كايىدى. بو گېلرنى اېشىك آرقەسىدە تورگن خان آيىم

<sup>1</sup> چاۋ: آوازە، شېھرت.

آبدان اېشىتىدى. سۇز شو يېرگە يېتىگندە، سرائى مُلك خانىم، حجرە اېشىگى آلدىدىن سېكىن جىلىب، كىزىكلرى بىلن آرقەگە قىرىلىپ كېتىدى. آرهدىن بىر-ايكى كون اۋتگىچ، سرائى اعىانلىرىدىن اوچ كىشى مدرسهگە كېلىپ:

- بوتون طلبەلەر سرائىگە يىغىلىشىسون، -دېگن خىبرىنى آيتىپ كېتىدىلەر. بو كوتىلمەگن تىكلىدىن كېيىن، طلبەلەر اىچگە غلغە توشدى. جانىنى قۇيرگە جاي تامەگن، يورهگىنى قۇرقوو باسگن طلبەلەر سرائىگە يىغىلىشىدى. ملا يىگىتلەر بىر مېھمانخانىگە كىرىتىلىپ، قۇي ياغى، قۇي گۇشتىدىن پىشىرىلگن پالاوخان تۇرهگە ضىافت قىلىندى. ھەمە ياق سوو سېپىگندە جىملىك. بىر مدىدىن سۇنگ، سرائى مُلك خانىم يوزىگە قىمت بەھا پردە توتىلگن بىر كۇرىنىشە، كىزىكلرى قورشايىدە مجلسگە تشرىف بويوردى و تۇردە اجرەتىلگن مخصوص اۋرىندىقەدە يېرلىشىدى. او صحبتداش طلبە يىگىتلردن ايكىسىنى يانىگە چقىرىپ دېدى:

- خۇش ملا يىگىتلەر، قۇي ياغى، قۇي گۇشتىدىن بۇلگن پالاو قندە يۇلىدى؟ يورهگىنىگىزگە معقول توشىدومو؟

قۇرقوودن قلتىرەب تورگن ايكى طلبە بىردن تىز چۇكىب:

- قوللوق خان آيىم! بېحدىخىشى پالاو بۇلىب دور. مختىشدىن ھم يۇقارى آش بۇلىب دور، -دېپە تعظىم بجا كېلتىرىشىدىلەر. شوندى سرائى مُلك خانىم بىرىنچى طلبەگە يوزلىنىپ:

- اېندى سىزىنىگ آرزو يىنىگىزنى سۇرەسم. مېن بىلگىنىگىز تېك صاحبقران يىنىگ نكاھىدەگى ملكەمن. سىزىنىگ صحبتداش يىنىگىز بۇلە آلمغە يىمېن. اېندى اۋزوم يىنىگ گۇزل كىزىلرىمدىن بىرىنى سىزىنىگ نكاھىنىگىزگە سالىب بېرورمىن. سىز راضى بۇلگە يىموسىز؟ -دېدى. آغزى قورىپ، تىلى آيلنمەي قالگن ملا يىگىتلەر بىردن اۋرىنلىرىدىن سېچىپ توريپ، يالبارە باشلەدىلەر. بىي خانىم آياغىگە باشلىرىنى قۇيىپ:

- كېچىرگە يىسىز خان بېگىم! بو ادبىسىز قولونگىزىنىگ بىر قاشىق قانىدىن اۋترسىز، - دېب التجا قىلە يازدىلەر. شوندى وچاھت ابلە خان آيىم سلماقلىنىپ:

– مالا يىگىتلەر، سىز بېھودە اضطراب چىكمغەيسىز، – دېدى رىق جان بۇلىشب تورگن طلبەلرگە. شو پىتدە سراى مُلك خانىمىنىڭ اشارتى ايله قاضى-يو امام كىرىب كېلدىلەر. سراىنىڭ اپنگ گۈزل كىزكلرىدىن بىرىنى چارلب، جمعى طالب علملر گواھلىگىدە ھلىگى طلبەگە نكاحلب بېردى.

# ۲۶. آق رومال

## اق رومال

آتە-آنەسى نىنگ بىرگىنە ارزندە قىزەلاغى عايشە، اېندى گىنە تۇقىز ياشنى تۇلدىرىپ، اۈنگە قدم قۇيىگن اېدى. كونلرنىنگ بىرىدە، طوطى عمە قاق توشدە، جىرەمە قوياش تيغلىرى آستىدە، قىزگىنەسىنى يېتكىلب، تۇى تېپە قىشلاق تامان كسل كۇرگىنى كېتدى. او اۈزى بىلن كۇز مونچاق دېك، قىزى عايشەنى كۇچەگە اېرگشتىرىپ چىققىنىدىن كۇنگلى خىرە اېدى. «بو جايلردە تۇقىز-اۈن ياشر قىزىنگ بۇلسە بۇلدى، سۇرەمسدن درۋا اېرگە بېرەويرەدىلر» -دېگن اۈى-خىيال طوطى عمەگە تىنچلىك بېرمىسى. اونىنگ نظرىدە كىم دىر، گۇيا، عايشەنى بوگون خام فاتحە قىلەدى-بو، بىر-ايكى كون اۋتىب، اىستەگن تامانگە-اىلب كېتە ياتگندەى تويىلردى.

۶-۷ ياشلىگىدىن-اق، يقىن-اوزاقدن بىلگنلر، كۇركى-جمالى اۈزىگە يرەشە عايشەنى كېلىن قىلماقچى بۇلدىلر. بىراق، طوطى عمە نىمە قىلمەسىن بو ايشگە تىش-تىرناغى بىلن قرشىلىك كۇرسە تىب كېلدى. عايشە اۈز قىشلاغىدە اونشتىرىپ قۇيىلمەگن ياكە تورموشگە اوزە تىلمەگن يكە و يگانە قىز اېدى. كۇزلىرى كتە-كتە، قاشلىرى قويوق، كوموشدەى يوزلىرى تۇلىشىگن، كېسىمى كىچىكراق عايشە، آنەسىگە حرمت قىلگن بۇلىپ، باشىدەگى لچگىنىنى ھىچ ھم توشورمىسى. كسل كۇرگىنى كېتە ياتىپ، طوطى عمە علاجى بارىچە خلوتراق جايلردن يۇل باسىب كېلر، توياغى نىنگ سېسىنى اۈزگە لرگە اېشىتدىرمىسلىككە حرمت قىلردى.

طوطى عمە تۇى تېپە قىشلاقدەگى كسلنى كۇرىپ قىتگىچ، اونىنگ اويىدىن ساوچىلرنىنگ كېتى اوزىلمەدى. آخرى، كتە-كىچىك، قۇنى-قۇشنى قۇيرگە قۇيمەى

عايشه نى زۇرلۇب، اوچ قىمىشلىك، ابللىك سىككىز ياشلى عثمان بايگە تۇرتىنچى خاتىن قىلىپ باشىنى چىتىدىلر. قىزىنىڭ آتەسى جۇرە تاغە ھىم بو ايشگە راضىلىك بىرمەي كېلەياتىن اېدى. طوطى ەمە قىچەلىك داد-وايلىرى سالمەسىن قۇل كۇتۇرلىپ فاتحە بۇلدى، شىرىنلىك اولەشىلدى، روماللىر ترقەتىلدى. اېندى محلەدە دوو-دوو گپ. كىتە تۇي اېسە قىربان ھىيتىگە قالدۇرىلدى. شو پىت آشخانەدە كۇز ياشى قىلىپ، قىزى عايشە نى بىرگە باسىپ اۇتىرگن طوطى ەمە، اىچىدەگى بار نىفرت و غضبىنى سقلەي آلمەي، اۇق دېك اۇتۇپ چىقىپ، چىرقىرەگنچە اوزون اون تارتىپ حولىدەگى جىملىك و سىكوتنى بوزدى:

- گۇرىنگ كويگورلر، اويىنگە اۇت توشكورلر! مۇتوم دىك گۇدگ بالەنى بو قەگە اۇخشەگن سەسىق چال نىنگ قوچاغىگە سالىپ قۇيىشدىن اويكەمە سىزلىرىمى؟ سىزىنىڭ ھىم قىزلىرىڭىز باردىر اخىر! بو قندەي بى انصافلىك، وجدانسىزلىك بۇلدى؟ - دېدى طوطى ەمە ساوچىلرگە قرەب.

شوندە يوزلىرى بورىشگن، اق سلەلى، مە چاپان كىيىپ الگن ملا شريف بىردىنگە دىغە بىلن عىناسىنى بىرگە تىرەب كىلمە اۇگىرىپ استىغىرالله كېلتىردى و تېورە كدەگىلرگە قرەب:

- اې مىسلمان برادرلر! كۇرەپىسىزلىرىمى؟ بو آخىر زمان علامتلىرىدىن بىرى دىر. شوندەي آنلردە عقلى ناقص خاتىنلر ثواب ايشگە تۇسقىنلىك قىلىپ، اۇز اېرى و اجماعگە قرشى چىقەدىلر، - كىتە آچگن اووچلىرى بىلن يوزىنى بىر سىيىرىپ آلدى و سۇزىگە دوام اېتدى، - جۇرە باي اېندى بو خاتىن سىزگە طلاق توشدى. حاللە قىلمىدىن سىز اونگە اېر بۇلەلمەيسىز، يقىنلىك ھىم قىلەلمەيسىز؛ شىرىعتىمىز شوندەي حىكم قىلەدى، يىخىلىپ توشوندىڭىزىمى؟ - دېدى.

قىزىنىڭ تشوئىشى يېتمەگنى دېك، ملا شريف نىڭ بو گپلىرى جۇرە تاغە نىڭ قلىبىنى وىران قىلدى. سېوىكلى خاتىنىگە، حتا، شىمال تېگىشدىن رشك قىلىپ كېلەياتىن جۇرە

تاغە، اېندى، ناموسىنى بىراوگە قۇشىب قۇيىب، تەين خاتىن قىلىب آلىشىنى اىچىگە سىغدىرەلمەدى. شرىعت نىنگ بو حكملرى جۇرە تاغە نىنگ كۇز اۇنگىدن بىر-بىر اۇتدى شېكىللى، كۇز تىگى بىلن ملا شرىفگە بىر خومرە يىب قۇيدى.

طوطى عمە ملا شرىف نىنگ بو گىپنى اېشىتىب تابارە توتقۇدى. غىرتى جۇش اورىب قۇلئىدەگى كتە گل رومالنى آله سالىب بېلىگە باغلهدى-دە، اېرى نىنگ قۇلئىدن قتئىق اوشلب:

- يورە يىز چۇكمە سىن آتەسى. بولر سىزنى يالىغىز دېب اۇيلە پىدلىر. يۇق، سىز يالىغىز اېمىس سىز. مېن يانئىزدەمن، حتا، بىلگىمدن اوشلتگنى قۇيمە يىم بو ايمان سىزلىرگە. بىرىنچى اۇز خاتىنىنى حاللا قىسىن ملا شرىف. «اول پىچاقنى اۇزىنگە سىنچ، آغرىمىسە بىراو سىنچ» -دېدى-كو دانا خلقىمىز. جانىم بارىچە مېن بولرگە قرشى كورەشەمن. مېنىنگ عثمان دەبنگگە بېرەدىغان قىزىم يۇق، -دېدى عمە.

اىكى هفته اۇتېب قرىبان هىيتى هم يقىنلىشىب قالدى. كوتىلمە گندە عثمان باى نىنگ قلىن و تۇيانەسىنى جۇرە تاغە نىنگ اويىگە آلىب كېلدىلر. قىزىنى عثمان باىگە بېرىشگە هىچ قچان راضى بۇلمەگن طوطى عمەنى اۇشە كونى بىر عمللب، خىلە اىشلتىب يكە توت قىشلاغىگە، كتە قىزىنىكىگە اېلتىب قۇيدىلر.

قىشلاق نىنگ اودومىگە كۇرە، نكاح، تۇى و تماشا قىزىنىنگ اويىدە بۇلىب اۇتېشى كېرەك اېدى. قرىبان هىيت نىنگ بىرىنچى اقشامىدە جۇرە تاغە نىنگ اويىدە پلاو خان تۇرە دىملندى. قلىق و كويونى چىمىلدىق آرتىدە دىدارلشتىرىش مراسىمىگە تيارگرلىك هم كۇرىلدى. تام نىنگ تۇرىدە بۇغجەمە بىلن چىمىلدىق توتىلدى، جاي سالىندى. كېلىنى چۇغ دېك قىلىب بېزەتدىلر. قۇل و آياق كقتلرىدە لاووللتىب خىنە قۇيىشىدى. خفتن يقىن قناووز<sup>1</sup> تۇن كىيب، اىپك سلە اۇرەگن عثمان باينى جۇرەلرى قۇلتىقلىب

<sup>1</sup> قناووز: قىزىل رنڭگە اۇشەگن اىپكدن تيارلنگن تىكە.

چىمىلدىققە سېكىن آلىب كىردىلەر. عثمان باي قىلىن بىخىل كۆرپەچە اوستىدە قناردېك گۆدەسىنى زۇرغە توتىپ تورردى. كېلىنى چىمىلدىققە سالىشدىن آلدىن وكىل آتە تىيىنلدى. عايشە بو اودوملارنى توشونمىسە-دە، وكىل آتەنىڭ گېلىنى بىرمە-بىر قىتتىرىشكە مجبور اېدى. قىزىنىڭ «عثمان بايگە تىن محرمىلكە» راضىلىگى شوندىكى قىلىپ، شاھدلر اشتراكىدە آلىندى. كېلىنچىكىنىڭ كىچىكىنە قامتىنى اوشلىشكن آيىمچەلر بۇساخە ھتلىب، اىچكىرىگە كىردىلەر. ساقاللىرى سىرپەيىپ تورگن عثمان باي چىمىلدىق آرتىدىن بىمدىن تۇيمەگن قىبانگە<sup>1</sup> اۇخشىب بۇزىرەر، آلدىدىن اۇنگ آياغىنى پنچە اوستىدە توتىپ تورردى. موسىچەدېك كىنە قىزەلاقنى دىف-دايرەلر آستىدە چىمىلدىققە آلىب كىرىشلىرى بىلن-آق، شىلىنىپ تورگن عثمان دەبنگ شاشە-پىشە كېلىننىڭ آياغىنى باسدى. عايشە آياغى زىرقىرەب آغرىگىدىن گۆدكلرچە «واي آتە جان» دېب يىغلىپ قىچقىرىپ يوباردى. تۇيچى باشى آيىم شاھ خالە اېسە قىت-قىتلىگنچە، ھزل آرەلش: «يۇق، يۇق!! كېلىن باسدى، كېلىن باسدى» قىلىپ عايشەنى يوپتىگن بۇلدى. بىردىن قىسىر-قوسورلر باشلىدى. ساچىگن نىقلر ترەقلىب اوى بالالرىگە تېگىپ، آياغ آستىگە توشردى. بالە-چقە، خاتىن-خىلچ قند، نىقلرنى تېرىش بىلن آوارە اېدى. تۇي-طنطنە يىنە ايككى ساعىت چمەسى دوام اېتدى. اوزاق-يىقىدىن كېلگنلر ترەقلىشىپ كېتىشىدى.

«چىغەراققە گۆشت آسىپ،

قلىق-كوبابو مناسب.» -دېگن آيتىملر يىنگرەگىگە قرەمەي، انصاف بىلن دىيىلسە، بو منظرە خۇم آلدىدە تورگن بىر چىنى پىالەنى اېسلەتتى. چىمىلدىقنى خىلوت قىلىش وقتى ھم تابارە يىقىنلىشىپ بارەياتگن اېدى. آيىم شاھ خالە بىردىن:  
- بىيى! اويىم كويدى!! شىرمندەلىك، كېلىن اوخلىب قالىدى، -دېدى.

<sup>1</sup> قىبان: دۇنغىز، خوك.

كىم نىنگ دىر آرقەدن «لويغە تىب يوبار» - دېگن دۇنغىلەگن آوازى اېشىتىلدى. توشىدە دوگانەلرى بىلن اۋىنب يورگن عايشە، شو تابدە باشىنى ياستىقدن كۇتريب «قۇغىر چاقلريم قنى؟» - دېب اطرافنى قۇللىرى بىلن بىر سىيپەلەدى، يىنە اويقوگە كېتىدى. آيىم شاھ خالە يوگورىب بارىب، كېلىننى تەلەب اۋىغاتماقچى بۇلدى. اويقوسىرەگن عايشە يىنە ھۇيىقىب «آنە جان، آنە جان» - دېپە اۋرنىدن سىچىب توردى. يۇغاندن كېلگن عثمان دەبنگ شەھوت شىدتىدن قومدە ياتگن اېچكى بىمردېك تۇلغندى... كېلىن قىتەب جايىدن تورە آلمەدى. بىراق، چىمىلدىق آرتىدن كوياونىنگ يىقىنلىرى بىر-يىكى عيال ايتتىقلىك بىلن «گلابگە» تېكىزىلگن اق رومانلى كۇرىشىگە آشىقردى.

# ۲۷. درد

## درد

- قىش نىنگ اوزون تونلىرى اېدى. بوندى پىتلردە قىشلاقداشلىر قۇشخانەلەرگە<sup>۱</sup> بارىشىپ، گپ-گشتك قىلىشىپ، كېچەنى تانگ آتدېرىشردى. بخشى سنەتېش، گجە اۋىنش، متل آيتىش، قۇشوق اېشىتىش اۋشە دۆرنىنگ ارمانلى، مراقلى گورنىنگ و ايرمكلردىن بۇلردى. هوانىنگ ساووقلىگىگە، تون نىنگ قارانغىلىگىگە، يۇل نىنگ اوزاقلىگىگە قرەمەى، آدملىر هاردىق چىقىرىش اوچون باشى آققن تامان يۇل آلر و انه شو ايرمكلردن حضور-حلاوت تاپىشردى. هم قشلاقلر آرەسىدە، گۇيا، دنىاننىنگ ايپىدن-ايگنەسىگە چە بىلەدىغان گپچىلر هم بۇلىشىپ، اولر بىر گپگە كىرگودېك بۇلسە، چېرتىب-چېرتىب سۇزلىش، هفتەلب گپلىرى توگەمس اېدى. مېھمانخانەنىنگ اۋرتەسىدە سوغدى سالىنر، اۋن-اۋن بېش چمەسى آدم سىندلى كۇزىگە آياق سوقىپ، بىر-بىرىگە جان-قولاق بۇلىشردى. بونى هم قىشلاقچەسىگە بىر نوع راحت-فراغت دېسە بۇلردى اۋشندە. منە شونگە يم يېتمىش ايل بۇلەى دېب قالدى!

- نىمەگە تۇستىن بىل بورون بۇلىب اۋتگن واقەلرنى اېسلب قالدىنگىز آغم، اينىم؟  
- بىلەسىزمى كېنچە اكە؟ اۋتمىش بىر كۇزگوگە اۋخشر اېكن، آدم اونگە باقىب اۋز كېچىمىشىنى، ثواب-خطالرىنى كۇزىب تورركن. اۋشەلرنى اېسلىش و كۇرىش بىلن آدم ذاتى بىر دم بۇلسىن تسكىن آلركن؛ انسان نىنگ روحى تازەلنركن؛ بغرى-دلى بىرركن. افسوسلنرلى داغلى نقتەلرى هم بار اۋشە كونلرنىنگ. شونىنگ اوچون اۋتمىش خيالمنى بىر اۋزىگە تارتىب كېتدى. قىشلاغمىز ايشلىردىن بىر ايتگىم كېلدى-دە.

<sup>۱</sup> قۇشخانە: مېھمانخانە.

عجب زمانلر اېدى. آدملر پاكيزه، بې غبار، صميمي، كۈنگىلچن. اولر خودى، ابرتكلردە گى قهرمانلرگە اۇخشر اېدى.

- كۈيىمنى زنگ باسيب كېتگن اېكن، بو سۇزلرنى تىنگلب يازىلگندەى بۇلدىم تۇره بېك راستىنى سۇره سىنگىز. گىيىگىزنى اېشىتىگىم كېلەيىدى برادر! مېن هم سىزگە بىر- ايكىتە يوره ك توگونىنى اچرمن؛ آدم-آدمگە غنىمت دېگنلرى شو بۇلسە كېرەك. سىزنى كۇرىب، خضر بابامنى تاپگندەى بۇلدىم جان اينىم. آدم قندەى دىر اولوغوار توغولر بىلن يشەيىدى. منە كۈپنى كۇردىم، عقل كېمەسىدە سوزىب، بارلىق تويىگە شونغىدىم. شونچە ياشگە كىرىب آدمدن عزيز، آدمدن ياووز نرسە تاپمەدىم بو دنيادە. تنگرى آدم يره تەمن، دېب مەمما يره تىب قۇيگن اېكن شېكىللى. آدم همە نرسەنى بوزىشنى بىر تجربە قىلەدى و سۇنگ اۇز باشىگە يېتەدى. بو انسان نىنگ طبعىتى دىر. هە! بو دومەلاق باشدە نىمەلر يۇق دېيسىز!!

- گىيىزنى كېلگن جايىدن دوام اېتتىرىنگ تۇره اكە. سۇزلرىنگىزنى راسە يىم اېشىتىگىم كېلەيىدى.

- قىشلاغىمىز منظرەسى و آدملر تورموشى حقىدە گىپرەياتگن اېدىم. اۇشە آقشام كاوش بۇيى قار ياغدى. بىرىنچى قار اېدى؛ يىگىتلر بىر-بىرلىگە «قار خطا» يازدىلر. اۇتگن كېچە يوتىلگن گشتك اشى هم پىشىرىلدى، ايكىتە جۇجە خۇرازنى هم پلاوگە باسدىلر... تاقچەدە قۇيىلگن رادىودن مملكت و دنيا واقەلرى يىنگردى. كۈپ هم اۇقىمىشلى بۇلمەگن قىشلاق آدملىرى خبرلرگە قولاق آسىشردى. توشونمەگن سۇزلرىنى بىزدن بىلىب آلردىلر. اۇشندە اۇقىمىشلى لردن بو مجلسدە بار و يۇغى مېن و ملا صمد بار اېدىك.

- بىرار كتەراق واقە يوز بېرگىمىدى اۇشندە بېك؟

<sup>1</sup> قار خطا: برفى.

- ھە! ۋشە كونلر سىرە اېسىمدن چىقمەيدى كېنچە اكە. بىز يورتىمىزده قندەى شوم  
تقدىر پىنچەسىدە اسىر توشگىمىز. مېن انه شونگە آچىنەمن، كويەمن و يانەمن. بىزنى  
زنجىرىند قىلگن شور قسمت نىنگ بىر حلقەسىدن سۇز آچەيىن. دۇست-يارانلر جمع  
بۇلىشىپ، صحبت قورىپ، درسنگ قىلىشردىك مېھمانخانەدە. خودى شو آقشام كابل  
رادىوسىدن «نظامنامە ناقلين (كېلگىندىلر نظامنامەسى)» خبرى بىر يىنگىلىك كىبى درى  
و اوغان تىللىرىدە اوقىب اېشىتىدىرىلدى. بو خبردە «قطغن زمىنگە كۇچىپ كېلووچى  
اوغانلرگە امتىياز» -دېگن ماددەلرگە ايضاح بېرىلدى. فرمانگە كۇرە، جان باشىگە اېنگ  
سوولى و حاصلدار جايلردن سىكيز طناب بىر، قنچەدىر نقد اقچە، بىر نېچە يىل دولتگە  
سالق تۇلەمسىلىك... ۋشە امتىازلردن اېدى. ۋشندن باشلپ توركىستانگە تجاوزه، اوغان  
تۇرەلرى تامانىدن رسىمى روشدە قانونغە ايلنتىرىلدى. ۋشندن باشلپ توركىستانىمىزگە  
ناقللر سېل دېك اوقىب كېلە باشلەدىلر. كېلگىندىلر نىنگ ھجومى شونچەلىك كېنگ توس  
الدى كە حتا، قۇشنى دولتدەگى دغەلر - پنجايىلر ھم قورت-قورموسقەدېك  
ياغىلىشىدى بو يورتگە. اولر ايش، عمل-منصبگە ھم اېرىشىدىلر. بو واقەدن شونچە يىل  
اۋتگن بۇلسە-دە، ھمان مېنگە تىن بېرمەيىدى. كۇز اۋنگىمدە كۇندەلىك تورىدى. بو  
درد و عذابدن اۋلىب كېتسىم كېرەك. كېنچە اكە اۋزىنگىز بىر اۋىلب كۇرىنگ-ھە!  
شوندەى تىنچ، آسايشتە بېغبار بىر اېل نىنگ يورتى وىران، ملكى تاراج بۇلسە-يە؟

- دۇستىم تۇرە بېك! نىمەسىنى گىپىرەسىز؟ تاج و تخت قۇلىمىزدن كېتگىنگە منە ۳۰۰  
يىل بۇلەيازدى. ۋشندن بېرى نە بىزدە تىنچلىك بار، نە اوغانلرنىنگ اۋزلىرىدە. خودى  
كە، يرەتگن اېگم بولرنىنگ زوواھلەسىنى اوروش و جھالتگە قۇشىپ قارىگن دېك.  
بولرنىنگ آياغى يېتگن بىر وىران قىلىنەدى. منە مېن اۋتگن كونى مىمنەدن كېلدىم.  
«وزىر محمد گل مومند» دېگن بىر كىمسە شەرگە جر سالىپ، «سىزلرنى بيت اللهگە  
پولسىز حجگە يوبارەمىز» -دېيە، اۋزىبكلرنىنگ قۇلىدن مىنگ-مىنگلپ كتابلرنى،  
قۇليازمەلرنى يىغىپ آلىپ اولرگە اۋت قۇيدى، بىرنى ياندىرىپ يوباردى. بو صحنەنى

كۆريب قان يىغله دىم. بېچاره سادە خلق اونىنگ «آنە تىلىنغىزده مکتەب آچىب بېرەمىز» -دېگن يالغان گېلرىگە اوچىنىپ، الەنەب قالسە بۇلەدى مى؟ اوىى كوپگور مومند كابلدن كېلگن هياتلرى بىلن بىرگە شەر پاركىدە آدملىرنى تۇپلەگن. شو مناسبت بىلن اوزاق-يقىن قىشلاقلرگە هم احوال جۇنتگن. كىمدە كىم اېسكى كتابلر بۇلسە آلىب كېلسىن، دېگن بو يروق بىلن او كتابلرنى اھالىدن تسلىم آلىشى كېرەك اېكن. اېرتەلب شنبە كونى كتابلر، قۇلپازمەلرنى آت-ارابەلرگە آرتدېرىپ، شەردن تشقىرگە آلىب چىقىپ، ياندېرىپ يوباردى. نې تىل بىلن آيتەى كە، تامچىلپ تورگن يامغىر آستىدە چرسىللب يانەياتگن كىتاب و قۇلپازمەلر آنگەسى كۆككە اۇرلر اېدى. بىر آز اۇتىب، خرمان دېك قله شىب ياتگن قاغازلرنىنگ كولى كۆككە ساورىلدى. كويەياتگن كىتاب توتونلرى قارە بولوتلرگە آلىنىپ، مېمنە آسمانى اوزرە سوزەياتگندى. فارىاب خلقى اۇز باى معنوي مۇلكى بىلن اۇشە كونى منگو خىرلشدى. اۇشە صحنەدە، قارە كۇل دۇپى كىيگن، گودەسى كىچىكىنەدن كېلگن بىر شاعر «الوداع توركستانىم!» -دېپە يانەياتگن كتابلر مزارىنى قوچاقلشگە زۇرغە اولگوردى. او، يرەمس خاتىن طلاق توپە-توزوك آتەلىپ كېلىنەياتگن جاي ناملىرىنى «پشتون كۇت»، «اوغان كۇت» قىلىپ تشلەدى. «زۇرنىكى تېگىرمان يورپتەدى» -دېگنلرى دېك، شو ناملر تىلېمىزگە اونچەلىك اۇرنشمەيدى هم. باشقە تاماندن «پشتون كۇت»، «اوغان كۇت» سۇزلرى نىنگ اىكىنچى قسىمى اۇزبېكچەدە كولگىلى چىقەدى. بىراق، شونگە قرەمەى آدملىرىمىز شو ناملرنى آيتىشگە محكوم اېتىلگنلر. محمد گل مومندىنىنگ قىلگن ظلمى، خىانتى ساچ-تېرناغىنغىزدن كۇپ. قىسى بىرىنى آيتەى؟!

- كېنچە اكە، بايە مېن بېكاردە قىشلاغىمىزده گى اودوملردن سۇز باشلەمەدىم. سىز و بىز-كو، منە بوندى كىتابى تىلدە گېلشە بېمىز. خلقىمىزنىنگ اۇشە تېشە تېگمەگن بۇرا-بۇرا سۇزلرىنى ساغىندىم. اۇشە شادە مرجان دېك تىزىلىپ ياتگن سۇزلرنى قومسەدىم. شۇر قسىمىمىزگە قرەنگ! بىز بوگون آلە-براق، قورمە تىل اېگەسى بۇلىپ قالىمىز. بو

احوالدن واقف اجدادلرئيمز علامه كاشغري، اولوغ نوايي، بويوك بابرلر «محشر كونىگه چه ترك خواب آيلب ياتسه لر نې عجب!» داد برادر تيليميز اوليم ياقه سيگه كېلىب قالدى. تيليميزنىڭ آلدىنكى تاتى، حلاوتى يۇقالگن. خلقىمىز منقورتلشتىرىلگن دىر. اگر بونىڭ آلدى آينمسه تيليميزنىڭ اوليمىگه ماتم توتىشدىن اۇزگه چاره موز يۇق دىر.

- توره بېك دۇستىم! بوز اۇزبېكلرنىڭ، آينقسه، ضياللرنىڭ آنىمىزده، چىركىن علتلر بىلدوز آتوب كېتكن. اۇزدن بېگانىلىك روھىمىزده اين قوروب آلگن. اۇقىشدىن قاچه موز؛ باشىمىزنى هوايى سودالرگه گرفتار قىلە موز. ضياليسى، شاعر و يازوچىسى، رهبرى بۇلمەگن ملت نىڭ حالىگه ميمونلر يىغله يدى. مېن كۇپراق تيليمىزگه بې مىللىك بايىده گېيرگىم كېلە دى. چونكه، مېن قىرق-اېللىك يىل آلدىنكى گپ-گورىنگلرده ايشلتىلگن تىلنى ساغىندىم. بوز اېلىمىزنىڭ صادق اۇغلانى بۇلە آلدىكىمى؟ نخاتكى، اۇز تىلىده اۇقىب، يازىش شونجه لىك قىين ايش بۇلسە، عصرلر دوامىده اونى اۇزلىشتىره آلمەسك. اۇزگه تىللرده بلبل دېك سىرهسك و يازسك-ده، اۇز آنە تيليمىزده مبتلا بۇلىب توره بېرسك.

- تۇغرى آيتە سوز كېنجه اكە! سوز و بوز ايكى گىنە واقعه نى اېسلب درد-حال قىلدىك. بوندى هنىگامەلردن يىنە مىنگنەسى تارىخ قىرىده موزلب ياتىدى. خلقىمىزنىڭ هر لحظهسى بىر داستان، حياتى واقعه-حادثة لرگه تۇلە.

- گلابى، هزار بۇ، اسحاق زىلرنىڭ قىلمىشلىرىدىن بىر ايكىتەسىنى آيتە يىنمى؟  
- ياغ اې توره بېك، اېت و جانىم جىمىرلب كېتدى. باشقه طاقت قىلە آلمەسم كېرەك ملتىمىزگه قىلىنگن ظلملرگه.

- كېنجه اكە بىر وقت تاپىب يىنە گورىنگلشە يلىك، يالغىزلىك وجودىمنى خۇدى كويە دېك، كېمىرىب بارماقده. شولرنى گېيرىب يىنگىل آرنمى؟ - دېب اۇيله يىمن.

- يالغىزلىك مېنىڭ ھىم روھىمگە رخنە سالگن. بو روھى آغرىقدن تۇرت موچەم<sup>۱</sup>  
تۇكىلەي دېب تورىيدى. بو گپلرنى ھەمگە ھىم آيتىب بۇلمەيدى. اولوغ نوايى  
آينگنى دېك:

مېنى مېن ايستەگن اۇز صحبتىغە ارجمند اېتمس،

مېنى ايستر كىشى نىنگ صحبتىن كۇنگلىم پسند اېتمس.

درد كۇپ، درمان يۇق؛ درد بىلەغان يۇق!

- اۇتمىش نىنگ گزەكلرىدن تنەمىز شونچەلر زىرقىرەياتىر. ھلى آلدىندە يىنە نې-نې  
كۇرگوليكلر بار، اۇشنى سىدن سقلەسىن.

- مېن كۇز قرچىغەي دېك عزيز تىلىمىز خام تلاش بۇلىب كېتىشىدن قۇرقەمن. يىنە  
كۇرىشگونچە تۇره بېك برادر!

- بۇلىيدى آغم، «تاغ، تاغ بىلن اوچرشمس، آدم، آدم بىلن اوچرەشر»، دردلىشىب  
تورەيلىك.

معلوم و نامعلوم سبىلرگە كۇره بو آغە-اينىلر قىتىب اوچرەشەلمەگن اېكنلر. اېسكى  
حىيات اېسە يىنگى ورقلرىنى آچىب كېلەياتىر.

چىكلب بۇلمىيدى. اونىنگ اينى ھىم بۇيى ھىم كۇپ اوزوندىر. مولف

<sup>۱</sup> موچە: كىشى اعضاسى.

تۇرت موچە: قۇل، آياق، كۇز و قولاق.

# ۲۸. بىر پرچە نان

## بىر پرچە نان

بوگون مېنگلى خال اېرتەراق تىرىكچىلىك يوموشلىرىگە كىرىش بېتىدى... او بېتاب ياتگن خالەسىنى كۇرىب كېلە قالەى، دېب اول خمىرىنى قىلىپ آلدى. قۇللىرىنى يووه سالىب، يېنگلىرىنى شىمرگنچە، اون تۇرەدن ايكى تاواق اون آلدى. قۇللىرىدەگى بىلك اوزوك، برماقلىرىدەگى اوزوكلىرىنى، يېچىب بىر مامىق رنگلى ايدىشچەگە سالدى. مۇستەلەگن خمىرىنى، باتراق<sup>۱</sup> اۇندىرىش مقصدىدە ايسىققىنە جايگە قۇيىب قۇيدى. اونگەچە تورموش اۇرتاغى داستان هم ايشىدن قىتىب كېلدى. بالە-چقەنى اوقتلتىرىپ، تېورەگ-تاشنى سرانجام قىلگن مېنگلى خال اېرىگە قرەب:

- منە اچىققىنە كۇك چاى دىلمب قۇيدىم؛ قازاندە اوقت تيار؛ مىلى يىخسى اۇتيرىلر، بالەلرنى سىزگە، سىزنى خداگە تاپشىردىم آتە جانىسى. مېن بۇلسە، اۇلىم تۇشگىدە ياتگن خالەگىنەمنى كۇرىب قىتەمن. ايسىق جان دىيدىلر، دىدار قىامتگە قالمەسىن. آنم دېك عزىز، يىخسى كۇرەمن اولرنى. بۇپتى بىر پسدە بارىب كېلە قالەمن. خىر بۇمەسم!

- بارە قال، - دېدى كۇرپەچەدە يانباشلر، چايدن ھوپلر تورگن داستان تاغە خاتىنىگە، - يىنە كېچىكمەگىن - ھە! آنەسى. قرىنداشرگە مېندن سلام، دېب قۇى.

- خۇب آتە جانىسى، مىلى!

خمىرى اچىب اېدى ھم كە، مېنگلى خال اويىگە كىرىب كېلدى. اېركەلنگن بالەلرى چوغورلشىب دراو آنەسىگە ترمەشدىلر. كۇپ ايشلىك مېنگلى خال بالەلرىنى اوتىب،

<sup>۱</sup> باتراق: خمىرماپە.

چقان-چقان اورىنىپ، يىنە عايىلە ايشلىرىگە بېرىلىپ، كۈترىلگن خىمىرنى يىسەى كېتىدى. او يىسلگن نانلرنى، نان سېدگە سالىپ، قىزىگن تىدىر يانىگە كېلتىرىپ قۇيدى. قۇلىگە اىنچەسىنى كىيىپ، باشىنى رومالى بىلن تنغىپ باغلىدى و نانلرنى ياپە باشلىدى. بىر پىسە مېنگلى خال قىپ-قىزىل جىيدەدېك قىلىپ، دماغنى قىتىقلەياتگن اۋزبېكچە نانلرنى پىشىرىپ آلدى. پۇسىللەگن نانلردن ياقىملى و دماغنى قىتىقلەياتگن هيد اوف اورەدى.

مېنگلى خال ھەمە ياقنى يىغىپ-تېرىپ قۇيىشى بىلن-آق اوزوكلرنى برماقلىرىگە تاقماقچى بۇلدى. اوزوكلرنى برماقلىرىگە سالەياتگندە، قرەسە كە مېنگلى خال نىنگ چىلە اوزوگى يۇق، اوزوگى شو جاي نىنگ اۋزىدە اويىدە يۇقاليپ قالدى. مېنگلى خال درحال آخترىشگە توشدى. كۈرمەگن جايى قالمەدى، بىراق اوزوكدن درك يۇق. «پىشانەم مونچە شۇر بۇلمسە اېدى، كېلىپ-كېلىپ تۇيىمدە برماغىمگە كىيىگىزىلگن اوزوگىم يۇقاليپ دىمى-يە؟!» -دېگن سۇزلرنى آيتىپ، تاپە آلمەگىدىن افسوسلندى و چوقور بىر خۇرسىنىپ قۇيدى، بىراوگە سېزدىرمىسدىن كۈز ياشى ھەم قىلدى. بۇلگن وضعىتىنى بالەلرنىنگ آتەسىگە سىر بېرمەيىدى او. اېرىدىن گپ اېشىتىشگە تابى يۇق.

«اېرىم آلىپ يىشىردىمى؟ -دېسىم، عقل باور قىلمەيدى؛ كتە-كتە اۋغىل-قىزىم بۇلمسە، بىر تارتدى قۇيدى اوزوگىمنى. قىيىن احوالدە قالدىم، اېرىمگە قچانگچە آتمەى يورەمن؟ مىلى بىر نرسە بۇلر. بىر ھفتە چىدەب تورهى، زارە تاپىلىپ قالر»، -دېگن اۋىلرگە باردى.

بوگونى مېنگلى خال سىر بېرمىسدىن تىشىنى-تىشىگە قىسىپ اۋتكزدى. اېرى ھەم، بالە-چقەلرى ھەم اوزوك يۇقاليگىدىن بىخبر. رۇزغار يوموشىدىن سىرە بۇشەمس مېنگلى خال بىرى بىر، دىققەلرنى سىب اۋتكزدى. انە-منە دېگونچە تون ھەم اۋزى نىنگ قارە كۈلكەسىنى يايىپ قۇيدى. اوخلەمسدىن تونب چىققن مېنگلى خال، اېرتەسى توروب

توغرى فالچىگە باردى. مېنگلى خال-حال-حوال بارە ساليب بىردن مقصدگە اۋتە قالدى و بۇلگن گېنى آيتە باشلەدى:

- فلاكت باسيب تۇى اوزوگيم يۇقالدى آغم...

- آلتين اوزوگينگيزنى آنيق جىنلر اۋغىرلىشگن. اولر جمعه كېچقرون مېنينگ يانيمگە تۇپلنئيشەدى. آتە گنئىنگيزنى تشلب كېتەبېرىنگ. جمعه گە چە بىر-ايككى خبر آلىنگ. قۇلىنگيز قوروق بۇلمەسىن؛ يەنە ارواحلرنى خفە-نازە قىلىپ قۇيىمىنگ، -دېدى فالچى قۇلىدەگى تىسبيحنى شرەق-شرەق آغدرە ياتىب.

- مەنە بو ايككى يوز پول سىزگە آتلگن تقصير؛ كېينى بار! نيمە بۇلسە ھەم اوزوگيم تاپىلسىن آيلنەى سىزدن.

- خىرلى ايشنى آرتگە سورىب بۇلمەيدى. يىخشى عيال اېكنسىز، ھى، ھى، ھى! يقىنراق كېلىنگ قنى، مەنە بو آينە چەگە بىر قرەنگ، اوزوگينگيزنى كيم آلگىنىنى كۇرەسىز، -دېدى فالچى.

مېنگلى خال اېسە شاشقە ناقلب دومە لاق كۇزگوچەگە تىكىلدى. مېنگلى خال ھىچ نرسەنى كۇرمەدى. بىراق، فالچى اونى آينە چە اىچىدەگى اۋزى تصور قىلەدىغان ايرىملرگە آيلنتىرىش بىلن آوارە. نفسى ھەكەلك<sup>1</sup> آتېب، كۇز تگى بىلن عيالگە شھوانى، آچ بۇرىدېك قرر اېدى فالچى تاماغىنى تېز-تېز قاقىب. حيلەسى ايش بېرمىس اېكن، «اوزوك سىزگە كۇرىنەدى بېكەم، اما، سىز اونى كۇرمەيسىز. شاشمىنگ. مەنە بو قاغازنى آلىب بارىب، ياستىققە ساليب، كېچەسى باشىنگيز آستىگە قۇيىب ياتىنگ؛ دشمنىنگيزنىنگ كۇزىنى كويدرە باتگن مەنە بو ايرىم-دعالردن اۋقىنگ. بو كېچە توشىنگيزگە آلىب كىرەن اوزوگينگيزنى انشالله!!!» -دېب مېنگلى خال بىلن خىر معذور

<sup>1</sup> ھەكەلك آتماق: تېترەماق، اۋينەماق.

قىلدى فالچى. و آخرده «بىر كتە سېر كەدەى خۇرازنى-دە، آيىب كېلىشىنى اونوتىمىس سىز  
آى بى-بى» -دېب قويدى فالچى.

مېنگلى خال اوچ مرتە آتە گىلرېنى فالچىگە آيىب باردى. اما، نتيجه بۇلمەدى...  
اوزوگىنى ايزلشدىن تۇختە گىنى يۇق. گېنى كۇنگىگە سىغدىرەلمەگن مېنگلى خال آخرى  
اېرىگە آيتدى. بو گېنى اېشىتگن داستان نىنگ قانى بىردن قىنەى كېتىدى و آغزىدىن  
كېلگىنىنى آيەمەدى، ساوورىب سۇكدى. هلى قۇل كۇترگىنى يۇق اېرى.  
- چىلە اوزوگىنگىمى؟! -

- هە-دە، -دېدى قويدى آوازده بالەلر نىنگ آنەسى.

- هىم! بو نې كۇرگوللىك! تاپەسن، تاپتيرەمن سىنگە، بىلدىنگىمى؟

- سىزگە يالغان تىنگرىمگە راست. شو يېردە كۇز اۇنگىمدە يوقالدى اوزوگىم.

- اوف ف ف! -باش چىقەدى داستان، -توشىرلى! -دېدى.

«نكاح اوزوك» نىنگ يۇقالىشى اونى هر خىل اۋى-خىاللارگە آيىب باردى...

بىرى بىر عايلەده بو حادثە سىر و جومباقلىگىچە قالەوېردى. مېنگلى خال يورەگىگە ساووق  
سوو اورىب، اېندى اونوتىشگە حرىك قىلەدى. نىمە بۇلگندە هم اوزوك نىنگ يۇقالىشى  
عايلەده دلخىرەلىك توغدىردى، هر خىل شېهە-گمانلرگە سىب بۇلەوېردى...

اوزوك نىنگ يۇقالگىنگىگە ايككى هفته اۋتىب اېدى. يازىنىگ جىزىرەمەسى. قوياش تفتىدىن  
بىر اوزرە سىقى سىراب تۇلغىر؛ آدملىر اۋزلىرىنى سايە-سلىقىنلرگە آلىش؛ دېوار كۇلكە سىدە  
اوزون قارە اېىگە اۋخشىب تىزىلگن چوماللىر-تىرىكچىلىك تشوېشىدە يۇل قىتنە يىدىلر. شو  
پىت كىم دىر كۇچەدەگى دروازە زلفىنى شق-شقىلتىدى. داستان تاغە اۋن ياشر اۋغلىنى  
خبر آيىب كېلىشگە بويوردى. بالە كۇچەگە قرەب زىنغىللەدى و قىتىب كېلىب:

- آتە جان-آتە جان، بىر گداى نان سۇرە بىدى، -دېدى اۋغىلچە.

- منە بو بىر بۇردە ناننى اېلتىب بېرگىن، بالەم، دېب اۋغلىنى كۇچەگە يوباردى مېنگلى  
خال.

– آنە جان–آنە جان! گدای بیتتە بوتون نان بېرىشىمىزنى التماس قىلەيپىدى.  
– خى! كېلە قال! منە بو ناننى خدانىڭ يۇلىگە تىلنچىگە آلىب بارىب بېرگىن بالەم، ثواب بۇلەدى.

بايەگى بىر پرچە ناننى بوتون نان اوستىگە قۇيىب اۋغلىچەسى ارقەلى گدايگە يوباردى مېنگلى خال. گدای «بو مېنىڭ نصىبەم» –دېيە بوتون آلرکن، «منە بونىسى سىزىنىڭ نصىبەنگىز» –دېپ پرچە ناننى بالەنىڭ قۇلىگە قىتېرىب بېرەدى. اويىدەگىلەر هر ياقدن گپ–سۇز قىلىب تورىشىپىدى. تۇپلنىشگن عايلە اعضالرى اوقتلىنىب تورىشگن بىر پىتدە، بايە قۇلىدەگى بىر پرچە ناننى دستورخوانگە ايرغىتىدى. شوندا مېنگلى خال «بالە جان! ناننى اتمەگىن، گناھ بۇلەدى» –دېپ دستورخواندن آلىب، كۇزىگە سورتىب، نصىبە دىيە بىر تىشلەدى. تىشى غرچىللىب كېتىدى. زىرقىرەب آغرىگىدىن «تىشىم سىندى، وادى داد!!!!» دېپ قىچقىردى مېنگلى خال. تىشلەگن ناننى آغزىدىن چىقىرىب باقسە، نې كۇز بىلن كۇرسىن كە، اۋشە «يۇقاتىلگن آلتىن اوزوك» يەرەق تاولنىب تورىپىدى.

كوز فصلى، ۲۰۰۹

شىروروك، كىيىك – كانادا

## يازوچى نىنگ چاپدن چىققن اثرلىرى:

۱. اۈزبېك ادبىياتى فرهنگى (استاد عالم كۈھكن بىلن بىرگەلىكدە)
۲. حاضرگى اۈزبېك تىلى (مارفولوگىيە)

## مجازى ترمالقر آرقەلى نشر اېتىلگن اثرلر:

۱. نوایپىنى انگلش (مقالەلر تۈپلىمى)
۲. سىنىشتە (حكايەلر تۈپلىمى)
۳. چىراق (حكايەلر تۈپلىمى)

## چاپگە تيار اثرلر:

۱. بىنە قىتەمن (مىنى رومان)
۲. اوچرەشە ياتگن تاغلر (شعرلر تۈپلىمى)
۳. بايقوش (صادق ھدايت نىنگ «بوف كور» رومانى ترجمەسى)
۴. بىر قىشلاق نىنگ كۈز ياشلىرى (قصة)
۵. دوتار چۇغلىرى (قادر مرادى نىنگ «شرمە و خون» رومانى ترجمەسى)
۶. مقالەلر تۈپلىمى